

22

C









*Ormus Profess. Romane Soc. Jesu ex scriptis Ep'i Zaynshij*  
THEODORI PELTANI

Societatis IESV Theologi

IN

# PROVERBIA

## SALOMONIS

### PARAPHRASIS

### ET SCHOLIA

*Ex SS. Patrum scriptis vulgata editioni accommodata, &  
Moralis doctrina Concinatoribus & Catechistis perucili referta.*

ACCEDUNT

Observationes à libris Singularium P. Martini de Roa  
Cordubensis eiusdem Societat.

*Cum duplici Indice.*



ANTVERPIÆ,

Ex typographeio Hieronymi Verdusf.

M. DC. VI.

*Cum Gratia & Privilegio*



## APPROBATIO.

**H**IC commentarius Reuerendi Patris Theodori Peltani Societatis IESV Theologi in Prouerbia Salomonis est dignus qui Concionatorum manibus teratur. 19. April. Anno 1605.

*Egbertus Spitholdius Canonicus  
& Plebanus Antuerpiensis.*

Signat.

*Paschere*



REVERENDISS. DOCTISSIMOQ.  
D. IOANNI MIRAEO  
ANTVERPIENSIVM EPISCOPO

Sal. in CHRISTO IESV.

**S**ALOMONIS Regum post homines natos sapientissimi, PRÆSVL optime, libri, quia reconditam quandam doctrinam continent, subobscuriores inter cetera volumina sacra non immeritò iudicantur. Nihil enim cum fugiebat, qui à cedro vsque ad hyssopum de herbis omnibus, stirpibus, ac plantis, deque omni animantium genere accuratè dissereret, atque adedò ænigmata omnia longè, quàm Oedipus ille Sphingis, rectius dissolueret. [3. Reg. 4. 33.] Quæ autem in PROVERBIIS ad benè beatèque vivendum, hoc est, ad vitam morèsq. formandos pertinent, sunt principis illius Philosophiæ partis de Moribus propria, auxilium aliquod litterarum, atque illustrem magis perpolitamque explicationem desiderare visa sunt. Est enim *παροιμία* seu Prouerbiū, vt te omnium, Præsul doctissime, minimè fugit, vetus quidem, sed tritum sermone dictum, subobscurum tamen, quod acumine potissimum commendatur.

datur. Huius rei opem aliquam pro virili parte afferre Theodoros Peltanus, Societatis I E S V Presbyter, ac Theologiæ in Germania Professor eximius, conatus est: postquam de Græcis Patribus XVII. Homilias Latina ciuitate donasset, Concilium item Ephesinum Oecumenicum conuertisset, aureum ad hæc opus *De Ieiunio, Oratione, atque Eleemosyna* conscripsisset, varias quoque cum hæreticis Ecclesiam Catholicam Romanam per cuniculos vulpium ritu oppugnantibus disceptando Controuersias, ac Theses publicè disputatas euulgasset. Denique adiutus scriptis SS. Patrum Græcorum Hippolyti, Didymi, Olympiodori, Basilij, Origenis, Gregorij, Epiphaniij, Chrysostomi, Apollinaris, Polychronij, Iuliani, Euagrii, Diodori, Eusebij, aliorumque Catenæ Scriptorum in PROVERBIA Salomonis, potissimum è Bauarico exemplari postumum hunc partum *Paraphrasim ac Scholia in Proverbia* edolauit, quieuitque in Domino sacerdos pius, à labore vigiliisque diuturnis quietem, ut spero & opto, in æterna illa lede, ubi beati æuo perfruuntur sempiterno, consecutus. Has igitur P. Peltani in PROVERBIA lucubrationes Ecclesiæ Catholicæ commodo impensas, & meæ fidei typis euulgandi à Societate commissas, cui potius offeram dedicemque, quàm Tibi Ecclesiæ Præfuli vigilantissimo, omni quæ bono de ea, totaque adeo Societate sic merenti, nihil ut antiquorum Antistitum studio ac beneuolentiæ concedere videaris? Quid referam concionandi, & ad populum de verbo Dei differendi ardorem? quo cunctos, qui ab ore pendentes tuo non nisi doctiores melioresque discedunt, in Dei rapere amorem consueuisti. Taceo studium iuuandæ laborantis Ecclesiæ, utque vineæ Domini Exer-

ni Exercituum operarij, qui manipulos lætāsque segetes colligant, non desint; Seminarium Pastorum, ex Tridentinæ Synodi Decreto, auges indies atque amplificas. Præterea zelum propè singularem in Christianæ doctrinæ rudimentis iuventuti, velut oris angusti poculis paulatim instillandis, ut hinc pietatis fructus messe iam flava existant. Denique Deiparæ Sichemensis asperi collis cultum, confluente indies incredibili piorum numero, quod in vngenti eius Filij honorem cedat, magis magisque promoues. Cape itaque fronte hilari, PRÆSUL amplissime, opus morum doctrina refertum, pedibusque tuis aduolutum munusculum argumenti gratia minimè contemnendum. B. enim Hieronymus magnum illud militantis in terris Ecclesiæ lumen Epist. vii. ad Lætā Albinī coniugem in Paullæ filiæ institutione hæc PROVERBIA ita commendat: *Discat primo Psalterium, his se canticis auocet, & in PROVERBIIS Salomonis erudiatur ad vitam.* Sic hodie Christiana nostra iuventus morum licentiā, nimiāque parentum indulgentiā, prò dolor, corrupta, è Salomone Tua potissimum commendatione per Ecclesiastas sacros & Catechistas, in quo sunt omnia, discet, in primis parentibus dicto audiens esse, magistris obedire, ut ciues iam facti Magistratibus ac Principibus ex æquo & bono pareant. Vitent dehinc in lubrico ætatis flexu scorta ac pellices, adolescentium venenum, ut Græci vocant γλυκίπικρον, quod S. Patres Græcorum in hac ipsā Catena ad Hæreseos pestem meritò transferunt: idque, ut spiritale est lenocinium sub aspectum non cadens, eò maiore periculo, mentes incautorum peruat, animosque inficit, phaleratis vtens verbis, pro delin-

EPIST. DEDICATORIA.

mentis ac blanditiis. Quod malum ubi in superbum incidit ingenium, hæreticum efficit libidinosum, carniq̃ue deditum matrimonij quæsito colore: seditiosum item ac perduellem, Respubl. benè constitutas turbantem: denique zeli prætextu pacem, quâ potest, profligantem. Hinc illæ lacrymæ, tamque deformata Belgij nostri facies apparet, quæ prouincia absque hæreticis esset, vt Europæ incolarum industria ac sedulitate ocellus, in pristina maiorum religione vigeret, ac fide erga Principes respiraret. In quo omine, ne verbosa epistola in publica peccasse commoda videar, desino. Equidem vt Te Deus Opt. Max. quàm diutissimè sponsæ Ecclesiæ sospitem superstitemque conseruet venerans precor. Vale in Domino Antuerpiæ e Museo Typographico, Anno redempti orbis. CIO. 1661.

*Reuerendiss. T. D. obsequentiss. cliens*  
Hieronymus Verduffius Iunior.

ELOGIUM



## INDEX.

Digitized by Google



# RERVM MEMORABIL.

Efurientem pascere vel inimicum xxv. 21. 22.	Filiis quæ fugienda parentes doceant v. 1. 2. 3.
Efurienti omnia suauia xxvij. 7.	Fili inobedientis poena xix. 26. xxx. 17.
Eucharistiae Sacramentum ix. 2. 5.	Fili castigandi xij. 24. xxij. 15. xxij. 13. erudiendi xix. 18. xxix. 17.
F.	Fili boni lætificant parentes xxij. 4. 5.
Fallacia noxia xi. 3. per totum caput.	Fili filiorum senum dignitas xvij. 6.
Fama bona xv. 30.	Forma bonum fragile xxxi. 30.
Non negligenda quia diuitiis præstat xxj. 1.	Formica xxx. 25.
Familia cum gaudio xvij. 1. iurgiosa xvij. 1.	Formicæ exemplo exsuscitandi pigri vi. 6. 7.
Familiaritas nimia contemptum parit xxv. 17.	Fortitudo xv. 6.
Fartus: vide stultus	Frater procul xxvij. 10.
Femina, vide Mulier.	Fratrum concordia qualis xvij. 19.
Femina pulcritudo cito perit xxxi. 30.	Fraudans amicum xxvi. 18. 19.
Fenerator cui congreget xxvij. 8.	Fraudulentus xi. 13. xij. 27. vide Dolosus.
Festinatæ diuitiæ xij. 11. xxvij. 20. 22.	Fraudulentus vitandus. xx. 19.
Fictus homo xi. 9. xxvi. 24. 25. 26. xxix. 5.	Fructus obedientiæ i. 33. ij. 1. 2.
Fictus amicus xxvi. 20. xxvij. 14. xxix. 5.	Fructus iustorum ij. 21.
Fideles pauci xx. 6. xxij. 13.	Fruentum ne abscondas xi. 26.
Fidelis ditescit xxvij. 20.	Quales Dardanarij dicti Iureconsultis.
Fideiussio: vide Sponsio.	Furax filius peccat xxvij. 24.
Fiducia sui stulta xxvij. 26.	Furi participantis merces xxix. 24.
Fiducia in Domino xxij. 19.	Furti mala. vi. 30. 31.
Filius sapiens x. 1. 5. xij. 1. 2. xij. 1. xv. 20. 21.	G.
Filius stultus x. 1. 5. xij. 1. 2. xv. 20. 21. xvij. 25.	Gallus gallinaceus xxx. 31.
Dolor est patris xix. 13.	Garrulitas: vide loquacitas
Virga puniendus xxij. 15.	Gaudium animi longæuos reddit xvij. 22.
Filius obediens xxix. 27.	Generatio prauorum xxx. 11. 12. 13.
Filius furax peccat xxvij. 24.	cum Gigantibus morari pro cū Diabolis xxi. 16.
Parentibus maledicens xx. 20.	Gloria stulto indebita xxvi. 18.
Eosdem irridens. xxx. 17.	non Gloriandum coram Rege xxv. 6. 7.
Ingratus in parentes, eiusque poena xx. 17.	Gratia colenda xv. 10.
Filiorum disciplina i. 8.	Gradientia benè quattuor xxx. 29.
	Gubernator vrbs xi. 14.
	Gula deditus egebit xxi. 17.
	Lil 3 Hæc.

H.

**H**æreditas xi. 24. xiiij. 22. 23.  
 à parentibus xix. 14.  
 Festinatæ hæreditatis finis xx. 21.  
 Hirudinis seu sanguisugæ filiz dicitur  
 xxx. 15.  
 Homo hominem acuit xxvij. 17.  
 Homo verbis suis exploratur xxvij.  
 21.  
 Hominem timens xxix. 25.  
 ad Honores stultus euectus xxx. 32.  
 Hostiæ: vide victimæ  
 in Hostis interitu non gaudendum  
 xxiv. 17. 18.  
 Humiles Deus attollit xxix. 23.  
 Humilitas gloriam parit xv. 33.  
 Humilitatis bona xi. 2. xvi. 19.

I.

**I**actabundus nubi persimilis xxv.  
 14.  
 Ignauus: vide piger  
 Ignis in sinu, pro Amore vi. 27.  
 Ignis insaturabilis xxx. 16.  
 Illusor: vide Derisor.  
 Impatiens xiv. 29.  
 Eius damna xix. 19.  
 Impiger pauperiem effugit vi. 11.  
 Impius quis xxi. 10. 29.  
 Impius arguendus xxiv. 25.  
 Quâ mercede xxiv. 25.  
 Curvatur impius xvi. 4.  
 Impium iustificans graviter peccat  
 xvij. 15.  
 Impius cum iusto collatus xxvij. 1.  
 Impij paupor x. 24. 29.  
 Impij non timent iudicium xxvij. 5.  
 cum Impiis non certandum xxiv.  
 19. 20.  
 Impios non timendos iij. 25. 26. 31.  
 Impiorum os xix. 28.  
 Vita eorum brevis x. 27. xij. 3.  
 mala impiorum exempla xxvij.  
 28. xxix. 2.

Vindicta x. 2. 3. 6. 7. 8. 11. 16.  
 24. 25. 28. 30. 31. 32. xi. 18.  
 21. 23. xij. per totum xij. 5. 6. 9.  
 25. xiv. 31. 32.

Interitus xxvij. 12.  
 Mors xi. 7.  
 Latius in profundum xvij. 3.  
 Impostor: quare Deceptor.  
 Imprecatio ferui xxx. 10.  
 Improbis iurgia querit xvij. 11.  
 Seminans mala metet xxij. 8.  
 Improbi sibi maximè noxii i. 18. 19.  
 ij. 13. 14. 15. 22. v. 22. 23. xvi.  
 27.  
 Consortia improborum vitanda  
 iv. 14. 15. 16. 17. 19. xvi. 29.  
 xxiv. 5. 2.  
 Inconstans xxvij. 8.  
 Indoctorum egestas x. 21.  
 Infernus non expletur xxvij. 20.  
 xxx. 16.  
 Inimicis benignè fac xxv. 21. 22.  
 Iniquitas indolus Mercatorum,  
 xi. 1.  
 Iniustitia xi. 6.  
 Insaturabilia quattuor xxx. 15. 16.  
 Insidiator sibi nocet xxvi. 27.  
 Inuidorum conuiuia ne sectare xxij.  
 6. 7. 8.  
 Inuidiæ malum xiv. 30.  
 Ira moderanda xvij. 14. xxvij. 4.  
 Ira stulti qualis xxvij. 3.  
 Ira muneribus placatur xxi. 14.  
 Iracundus xv. 18. xxix. 22.  
 Facile peccat xxix. 22.  
 Parit discordias xxx. 33.  
 Iracundo familiaris ne sis xxij. 24.  
 25.  
 Iudex muneribus corruptus xvij. 23.  
 Perfonarum acceptor ne sit xxiv.  
 23. xxvij. 21.  
 Iudicis officium xvij. 5.  
 Iudicium xxvi. 10.  
 Victima

ELOGIVM P. THEODORI PELTANI  
EX ACADEMIÆ INGOLSTADIENSIS

Professoribus auctore Valentino Rotmano.



**T**HEODORVS Antonius Peltanus, ex inferiori  
Germanie Pelta opido oriundus, Societatis IESV  
Theologus, Anno Domini M. D. LVI. cum alijs qui-  
busdam Patribus de Societate IESV Thoma Len-  
tulio Nouiomagensi, Ioanne Cuuillonio Insulensi,  
& Hermanno Tirrao Nouesiensi, Doctoribus Theologis, mense  
Augusto ad Ingolstadiensem accedit Academiam, & Græcæ He-  
braicæque literaturæ Professor ordinarius constituitur. In Theo-  
logia omnes gradus tam Baccalaureatus, quàm supremos est ade-  
ptus. Anno Domini M. D. LXXII. mense Aprili Doctoralia reci-  
pit insignia, & in lectione Theologica D. Cuuillonio, qui ad Con-  
cilium Tridentinum proficiscebatur, succedit. Si quis, vel propter  
ingenij candorem & acumen, vel in disputando, tam in Philoso-  
phica, quàm Theologica arena subtilitatem & promptitudinem,  
meretur laudem, certe ille amplissimis dignus est encomiis: ut in-  
terim linguarum cognitionem, quam publicis scriptis & versioni-  
bus & aptissimis, & ornatissimis toti Ecclesiæ iam testatam reli-  
quit, silentio præteream. Docuit Theologiam ab Anno LXXII. vsque  
ad annum LXXIV. frequentibus in materia Theologica disputa-  
tionibus habitis. Secessit postea Augustam Vindelicorum, ut se  
quieti senex traderet, quæ etiamnum huiusmodi fuit, ut cum  
summa totius Ecclesiæ & Religionis Catholicæ utilitate esset con-  
iuncta. Nunc de Scriptis videamus. Theses plurimas de diuersis  
fidei Controversiis & publicè Peltanus disputauit, frementibus  
hæreticis, & typis, ut ad alios quoque emanaret utilitas, euulga-  
uit. Sunt in manibus Propositiones de Purgatorio igne, de ani-  
marum sedibus, de vitæ functorum suffragiis, de Christia-  
norum

norum sepulturis, exequiis, & anniuersariis. *Item de Christi satisfactione, & nostra, libri duo. Vtilissimum quoque opus vernis quadragesimæ aptum ieiunijs dedit, de tribus bonorum operum generibus, Eleemosyna, ieiunio, & Oratione. Præterea de peccato originis tractatus duodeuiginti. Quæ vero de Græcis Latina fecit, hæc Ingolstadij & alibi excusa.*

Synodi Ephesinæ primæ Acta libris *iv. Latina primus ciuitate donauit, & Periochis illustrauit, ac Notis. Septemdecim quoque Græcorum Patrum Homilias in præcipua Christi Saluatoris festa Latine reddidit. Similiter Victorem Antiochenum in Marci Euangelium: & Titum Bostrorum Episcopum in Lucam conuertit. Reliquit & postumum partum Catenam Græcorum Patrum in Proueria Salomonis Latinam factam: in eademque Proueria Commentarios ac Paraphrasim, docta, pia, & laboriosa, verbi Dei Ecclesiasticis perutilia, ne dicam necessaria. Obiit Augustano in Collegio Societatis IESV, quieuitque in Domino vi. Non. Maias, Anno redemptionis humane, CIO. IO, XXCIV.*

---

*Qui in Proueria Salomonis scripserint, veteres & recentiores.*

- |  |   |
|--|---|
| Catena Græcorum Patrum Latine<br>nondum euulgata.  | Thomas de Vio Caietanus.                        |
| B. Hieronymo inscriptus commentarius, qui & Bedæ tomo <i>iv.</i><br>tribuitur.   | Rudolfus Bainus Cantabrigiensis Parisiis.       |
| Salonius.  | Ioannes Arboreus.                               |
| In Prouerb. Cap. xxxi. de muliere<br>forti Augustinus de tempore Ser-<br>mone 217. & 218. & Alberti<br>Magni commentarius. | Aluarius Gomez Toletanus carmine<br>Heroico.    |
|  | Corn. Iansenius Episc. Gandensis.               |
|  | Theodorus Pelcanus Societat. IESV<br>Theologus. |

# CAPITVM PROVERBIORVM

## SALOMONIS ARGVMENTA.

### CAP. I.

1. **P**arabolarum utilitas. 8. Auditus sapientiae commendatur. 10. Filius admonetur, ne peccatorum sequatur blanditias. 20. Sapientia ad sui amplexum inuitat, & contemptoribus minatur exitium.

### CAP. II.

1. Sapientiae acquisitio quanta bona conferat, & quanta mala auertat, cum qua Dei dona veniunt, & sine qua vbiq; erratur.

### CAP. III.

1. Sapientia vitam prolongat. 3. Misericordia & veritas non deferenda. 5. Fiducia in Deum. 7. Timor Dei. 9. Honorandus Deus. 11. Correctio Dei cum laetitia ferenda. 13. Sapientiae laus, sapientiam sequentibus omnia prospera. 17. Amico statim dandum, nec ei malefaciendum. 29. Non contendendum: iniqui non imitandi. 32. Impiorum perditio, & piorum benedictio.

### CAP. IV.

1. Sapiens suo exemplo hortatur quærere sapientiam, cuius explicat utilitates. 11. Via impiorum declinanda, & iustorum amplectenda. 23. De custodia cordis, oris, & gressuum.

### CAP. V.

1. Vitare iubet meretricem. 9. 10. Et ne labores & anni perdantur. 15. Propterea vxor diligatur, & fugiatur aliena.

### CAP. VI.

1. Sponsori vt fidem datam liberet laborandum. 6. Pigrum formicæ exemplo excitat ad laborem. 12. Apostatam describit. 16. Sex quæ Dominus odit. 20. Exhortatur ad legis custodiam, vtque mulieris pulcritudinem non concupiscas & consortium vites adulteræ.

### CAP. VII.

1. Hortatur adolescentem ad sapientiae amplexum, & mandatorum custodiam.

5. Vtque scortorum blanditias, quas laeæ describit, euitet.

### CAP. VIII.

1. Sapientia ad sui amplexum inuitat. 7. Se quoque multis modis commendat. 22. Quodque Deo sit coæterna, cum ipso cuncta componens. 32. Quam quærentes, beati. 36. Spernentes vero, miseri tandem euadent.

### CAP. IX.

1. Sapientia domo sibi ædificata omnes ad se allicit. 11. Vitam prorogat. 13. Et à muliere stulta ac vaga liberat. 16. Porro eruditionem & correptionem non suscipiet impius ac derisor, sed iustus & sapiens.

### Parabolæ Salomonis.

### CAP. X.

1. **A**lternat sermonem de filio sapiente & stulto. 2. Iusto & impio. 4. Operante & otioso. 9. Simplici & prauo. 12. De caritate & odio. 18. De bono linguæ, eiusque malo.

### CAP. XI.

1. Equitatis & iustitiæ ceterarumque virtutum commoda, & vitiarum ac vanarum diuitiarum incommoda.

### CAP. XII.

1. Vicissim loquitur de diligente disciplinam, & eam odiente: de impio & iusto, operante & otioso, stulto & sapiente, & de bonis ac malis linguis.

### CAP. XIII.

1. De filio sapiente. 3. De oris custodia, & inconsiderato ad loquendum. 7. De paupere diuite, & diuite paupere. 9. Lucerna impiorum. 11. Substantia festinata. 12. Et dilatione spei. 16. Omnia cum consilio agenda. 20. Et cum sapientibus gradiendum. 24. De parcente virgæ, & instaurabili ventre impij.

### CAP. XIV.

1. Sapientiae & stultitiæ variae conditiones.

tionem. 27. Prudentia quivis status debet regulatur, qua quis ad misericordiam mouetur & affectiones moderatur. 32. Vitia autem perdunt homines.

#### CAP. XV.

1. Responso mollis. 2. Lingua sapientis. 6. Immoderata fortitudo domus iusti. 8. Victimæ impiorum ingrata. 11. Omnia Deo nota. 13. Cor gaudens. 15. Dies pauperis mali. 16. Secura mens. 17. Vocari ad olera. 18. Vir iracundus, & rixosus. 18. Laus patientis. 19. Iter pigrorum. 25. Domus superborum. 27. Fide & misericordia purgantur peccata. 32. De abiiciente disciplina. 33. Laus timoris Domini, & humilitatis.

#### CAP. XVI.

1. Homo animam præparat. 1. Deus spirituum ponderator, linguam viasque hominum dirigit, omnia propter se ipsum operans. 5. Cui abominatio est omnis arrogans. 6. Misericordia redimuntur peccata. 11. Pondus & statera Dei iudicia. 14. Indignatio & clementia Regis. 16. Laus sapientie, prudentie, eruditi, ac dulcis in verbo, & patientis. 27. Vituperatur insipiens, & peruersus. 33. Sortes à Domino temperantur.

#### CAP. XVII.

1. Buccella sicca cum gaudio. 2. Seruus sapiens. 3. Dominus corda probat. 5. Despiciens pauperem. 5. Gaudens de alterius ruina. 6. Corona senum. 9. Celans delictum. 12. Fatuus in stultitia confidens. 16. Stulto inuiles diuitie. 16. Altam faciens domum suam. 17. Omni tempore diligit amicus. 22. Animus gaudens & spiritus tristis. 26. Stultus tacens.

#### CAP. XVIII.

1. De recessu ab amico. 2. De ineorrigibili. 5. Non Deuiandum à veritate. 7. Os stulti. 17. Iustus se accusans. 19. Fratrem iuuans frater. 20. Fructus oris. 22. Mulier bona & mala. 23. Locutio diuitis & pauperis. 24. Vir amabilis.

#### CAP. XIX.

1. Pauper ambulans in simplicitate.

4. Diuitie addunt amicos. 7. Verba sectans. 9. Falsus testis. 10. Non decet stultum delicia. 11. Doctrina per patientiam probatur. 12. Ira & hilaritas Regis. 13. Mulier litigiosa. 14. Vxor prudens datur à Deo. 15. Pigritia. 16. Præcepti custodia. 17. Misericordia in pauperem. 18. Eruditio filij. 20. Acceptio consilij. 23. Vir mendax. 23. Timor Domini. 24. Pigritia. 25. Pestilens. 26. Inobediens parentibus. 28. Testis iniquus. 29. Derisores.

#### CAP. XX.

1. Luxuriosa res vinum. 2. De peccante in Regem, & relinquendis contentionibus. 4. Piger propter frigus non laborans. 8. Rex in folio. 9. Nemo potest dicere mundum se habere cor. 10. & 23. Pondus & pondus. 13. Somnus non diligendus. 14. Malum est dicit emptor. 17. Panis mendacij. 19. Reuelans mysteria. 21. Festinata hereditas. 22. Non reddendum malum pro malo. 25. Deorate sanctes. 28. Misericordia, veritas & clementia roborant thronum Regis.

#### CAP. XXI.

1. Cor Regis in manu Domini, cui misericordia & iudiciū magis placent, quam victimæ. 6. Iniquè thesaurizans. 9. Melius est sedere in angulo domatis, quam, &c. 13. Obturans aurem pauperi, &c. 17. Diligens epulas. 18. Pro iusto dabitur impius. 23. Qui custodit os suum. 25. Desideria occidunt pigrum. 30. Non est sapientia contra Dominum. 31. Equè paratur ad bellum, &c.

#### CAP. XXII.

1. Laus boni nominis. 3. Callidus videns malum. 6. Adolescens iuxta viam suam. 8. Sentinans iniquitatem. 10. Derisorem eiecit. 11. Diligens cordis munditiā. 13. Dicit piger, Leo, &c. 14. Os alienæ. 15. Stultitia in corde pueri. 16. Calumnians pauperem. 17. Audienda est sapientia. 26. Vitandi sponsores. 28. Termini antiqui seruandi. 29. Velox in opere suo, &c.

#### CAP. XXIII.

1. Quomodo sit edendū cum principe. 4. Non

4. Non appetenda diuicia, nec cibi inuidorum. 10. Non opprimendi pupilli. 13. Castigandus puer. 15. Quærenda sapientia. 17. Fugiendi peccatores, & gula dediti. 22. Honorandi parentes. 27. Fugienda meretrix & ebrietas.

#### CAP. XXIV.

1. Emulatio malorum. 3. Sapientia & eruditio. 8. Cogitatio stulti. 11. Erudiendi oppressi. 13. Doctrina ut mellevendum. 15. Non insidiandum iusto. 17. Casus inimici. 21. Detractores. 23. Iuste iudicandum. 29. Nec malum malo reddendum. 30. Ager pigri. 33. Dormitanti pigro venit egestas.

#### CAP. XXV.

1. Gloria Dei & Regum. 3. Cor Regis. 4. Rubigo quæ & impietas est. 6. Nete exaltes. 8. Ne detrahas. 9. Secreta tua serua. 11. Mala aurea, & inauris aurea. 13. Frigus in messe linguamollis. 16. mel inuentum. 18. Sagitta acua. 19. Dens putridus. 20. Acetum. 26. Tinea. 21. Benefac inimico. 24. Angulus domatis. 25. Aqua frigida. 26. Fons turbatus. 27. Multum mellis comestum. 28. Vrbis absque muro.

#### CAP. XXVI.

1. Gloria in stulto. 2. Ausis volans. 2. Flagellum equo. 4. Respondere stulto. 6. Nuncius stultus. 7. Parabola stulti. 8. Honor insipientis. 10. Imponens stulto silentium. 11. Canis ad vomitum. 12. Sapiens proprio iudicio. 17. Commisceri rixæ. 19. Nocens amico. 20. Sufurro. 21. Iracundus. 23. Labia tumentia. 24. Inimicus. 26. Operiens odium. 27. Fodiens foueam. 28. Lingua fallax.

#### CAP. XXVII.

1. Non gloriandum in crastinum. 2. Ne reipsum laudaueris. 3. Ira stulti quam fit grauis. 5. Manifesta correctio. 6. Vulnera diligētis. 7. Anima saturata. 10. Vicinus iuxta. 13. Spondens pro extraneo. 15. Litigiosa mulier. 20. Infernus insatiabilis. 21. Probatur homo ore laudantis. 22. Sulfus contusus. 23. Vultum

pecoris agnosce. 27. Lac caprarum in cibum.

#### CAP. XXVIII.

1. De fuga impij & securitate iusti. 2. Propter peccata terræ multi principes eius. 3. Pauper pauperem calumnians. 6. Pauper supplex, & diues prauus. 9. Nollens audire legem. 12. Exultatio iustorum. 13. Abscondens scelera sua. 14. Beatus semper pauidus. 15. Princeps impius ut leo. 16. Dux indigens prudentia. 19. Terram suam operans. 24. A patre subtrahens.

#### CAP. XXIX.

1. Non audiens corripientem. 2. Multiplicatio iustorum. 3. Amor sapientiæ. 4. Rex iustus. 5. Blandus amicus. 8. Pestilentes. 9. Contendere cum stulto. 10. Viri sanguinum. 11. Totum proferens spiritum. 12. Verba mendacij. 13. Pauper & creditor. 14. Rex iustus. 15. Correctio. 16. Multiplicatio impiorum. 17. Erudi filium. 18. Prophetia. 20. Velox ad loquendum. 21. Delicate seruum nutriens. 22. Ira undus. 23. Superbus. 24. Cum fure participans. 25. Timens hominem. 27. Iusti abominantur impium, & est diuerso.

#### CAP. XXX.

1. Homo Deo vicinus iudicat se insipientem. 4. Opera Dei incomprehensibilia. 5. Sermo Dei ignitus. 6. Cui nihil addendum. 8. Deprecatur vanitatem & mendacium, mendicantem & diuitias. 10. Non accusandus seruus apud Dominum suum. 11. 12. 13. 14. Aliquot generationes execrabiles. 15. Duæ sanguisugæ. 15. Tria insatrabilia. 17. Oculus patrem subfannans. 18. Tria difficilia. 21. Per tria mouetur terra. 24. Quatuor minima terræ. 29. Tria bene graduentia. 33. Vehementer emungens.

#### CAP. XXXI.

3. Exhortatur ne mulieribus dederis substantiam tuam, nec regibus vinum, sed merentibus. 8. Aperi os tuum muto. 8. Vindica inopem. 10. Laus & raritas mulieris fortis. 30. Pulcritudo fallax gratia.

PROLE.

# PROLEGOMENA IN LIBROS SALOMONIS

ex Catena Græca SS. Patrum.

**S**apiens erat Salomon: *utpote ex eo ortus, cui dicere licebat, Incerta & occulta sapientiæ tuæ manifestasti mihi: (Plal. 50.) Et à puero rursus in sapientiâ & virtutum omnium schola studiosè educatus & institutus: & singulari tandem Dei beneficio ad eum sapientiæ gradum, temporis quasi puncto euclius, ut ante & post se nullum parem habuerit. Hic ergo vniuersitatis naturam, quam pro sapientiæ suæ excellentiâ & magnitudine accuratissimè exploratam habebat, in tria rerum genera deduxit: nempe in Ethica, Physica, & Hyper-physica omnemque adeo sapientiæ doctrinam tribus voluminibus ab omni errore & falsitate prorsus immunibus comprehensam nobis exposuit.*

*Et quidem primum ex his, quod maiorem partem obscura oratione decurrat Paræmiarum nomine designauit. Est enim Paræmia sermo subobscurus, etsi interim per quadam manifesta vim suam non omnino dissimulet, vel certe est sermo eiusmodi qui prima quidem fronte facilem sensum offerre videtur, at in recessu quiddam reconditum, atque abstrusum continet. Vt est autem obscuro orationis genere, ne hæc doctrina morum quasi faciliis ab ignavis contemneretur, aut profanorum hominum infidiis & sannis temere exponeretur.*

*Alterum vero quod Physica complectitur iisque, qui in Ethicis progressus habent, præcipue proponitur, Ecclesiasten inscripsit: quandoquidem Sapiens in eo opere de solis ceterorumque astrorum motione, de terræ stabilitate, de cæli natura & constitutione, deque aliis similibus, quæ non exigua rerum naturalium pars sunt, non absque eximia sapientiâ concionatur, concionandoque ad vnum omnes ad vniuersi orbis contemplationem blande prouocat suauiterque inuitat. Concionatur de iis quoque hic rebus, quas hominem expetere vel sugere, dicere rursus vel reticere par est, deque aliis denique con. pluribus, quæ ad rectam hominis institutionem faciunt plurimè.*

*Tertio autem & postremo Cantici Canticorum, hoc est, excellentissimi carminis titulum præfixit. Huius argumentum totum est spirituale & mysticum: nihil enim ex insititio de iis rebus illic disputat quæ sub sensum cadunt verum, totus in eo est, ut mystici sponsi & sponsæ amorem mutuamque eorumdem inter se benevolentiam describat nobisque ob oculos ponat. Paucis Cantic. liber ea proponit quæ ad animæ in virtutibus iam cõsummatæ statum pertinent: sicut Paræmiæ ex professo ea transeunt, quæ ad hominem spiritualis vitæ viam primum ingressum potissimum spectant, & Ecclesiastes ea, quæ ad animam aliquo iam tenus in virtutum stadio progressam faciunt.*

THEO.



THEODORI PELTANI SOCIET.  
IESV THEOLOGI

# IN PROVERBIA SALOMONIS

PARAPHRASIS, EX VARIIS  
EDITIONIBVS ET SCRIPTORVM

monumentis accuratè contexta, & vulgatæ nostræ  
editioni studiosè vbique accomodata.

PARAPHRASTICA CAP. I. EXPLANATIO.

1. *Parabolæ Salomonis, filij David Regis Israël.*



SENTENTIAE Parabolicae & similitudines non vulgaris aut obscuri cuiuspiam hominis; sed viri sapientissimi Regisque potentissimi Salomonis, filij sanctissimi Prophetæ Davidis; qui regnavit in Israël, regniq[ue] hæredem & successorem Salomonem libri huius auctorem reliquit.

2. *Ad sciendam sapientiam & disciplinam.*

VALENT hæc autem sententiæ & similitudines ad comparandam sapientiã, non quamvis, sed eiusmodi, quæ cum virtutibus potiores animæ vires illustrantibus & perficientibus sit coniuncta. Præsens enim tractatio non ad sterilem aut otiosam noticiam spectat, sed ad fœcundam & operosam, id quod illi cum morali Philosophia commune, & per verbum Hebræum, *Musar*, apertè insinuat.

3. *Ad intelligenda verba prudentiæ.*

VALENT rursum ad intelligendum verba prudentiæ, & percipiendum eloquia intelligentiæ. Præstant enim ut solers sedulûsque auditor cum præsentium tum futurarum quoque rerum rationem habeat, prudenterque inter bonum & malum, iustum & iniquum, lucem & tenebras discernat, & aptus tandem non solum ad discendum, verum etiam ad docendum evadat.

*Et suscipiendam eruditionem doctrinæ, iustitiam, & iudicium, & æquitatem.*

**V**alent adhuc ad hauriendum morum doctrinam & intelligentiam; Iustitiam itidem, & iudicium, & æquitatem: siquidem hæc omnia indiuulso quodam & necessario vinculo inter se apta atque connexa sunt: nullum est enim iudicium, quod iustitia, & æquitate, & rectitudine ceter: nec vlla rursus iustitia est, quæ iudicio & recti ratione destituta est: nec vlla denique æquitas, quæ iudicii & iustitiæ experta est. Interim non sunt hæc prorsus eadem, ut quæ ad diuersas animi facultates pertineant.

4. *Ut detur paruulis astutia, adolescenti scientia & intellectus.*

**V**alent tandem ad impertiendum rerum rudibus & imperitis, doliq; & fraudis adhuc ignaris, sanctam quandam prudentemq; solertiam, solertemq; prudentiam; ætate autem & sensu adhuc, paruulis cautionem & intelligentiam, & hic præcipuus operis huius est scopus, tametsi non solus. Quare subditur:

5. *Audiens sapiens sapientior erit: & intelligens gubernacula possidebit.*

**A**udiens hæc sapiens sapientior erit. Quæ dicit huc tendunt: licet peculiaris illorū ratio hoc loco habeatur, qui annis moribusq; adhuc iuuenes sunt, adeoque cælesti doctrina præ ceteris indigent: attamen sapientum chorus ex hac schola non excluditur. Enimuero si sapientes, iudicioq; & intelligentia valentes, quæ hic traduntur, attentè audierint, animoq; studio se pertractauerint, & opere nihilo secius expresserint, ( siquidem hæc Philosophiæ pars in actione veriùs consistit, quàm in contemplatione ) non modò magnam ad sapientiam accessionem facient, verùm eam quoque solertiam, eaque subsidia & consilia hinc haurient, ut alios commodè pacatèque gubernare queant.

6. *Animaduertes parabolam & interpretationem, verba sapientum, & anigmata eorum.*

**E**am rursus lucem & eruditionem, eamq; ingenii dexteritatem & perspicacitatem hinc capient, ut quauis obscure dicta, ut sunt sapientum anigmata, Philosophorum apophthegmata, prophetarum oracula, aliæque his affinia, clarè intelligere, explicatèq; & commodè interpretari & explanare valeant. Magnum proinde vsum omni omnino hominum generi præstat hic prouerbiorum liber.

7. *Timor Domini, principium sapientiæ. Sapientiam atque doctrinam stulti despiciunt.*

**A**T qui in sapientiæ stadio progressus facere desiderat, à timore Domini exordium capiat oportet: quippe qui vnus vnus veræ sapientiæ radix & origo, primûsque & nobilissimus eiusdem sapientiæ effectus existat. Nec enim alia est causa, cur stulti omnem sapientiam, omnemque scientiam & disciplinam aspernantur, quàm quòd Dei timorem nihili faciant.

8. *Audi, fili mi, disciplinam patris tui, & ne dimittas legem matris tuæ.*

**V**erùm quòd hic timor ex fida & sedula parentum institutione præcipuè oriatur, fili mi, patris tui disciplinam & admonitionem audi diligenter, & ausculta libenter. Nec honestæ vitæ præcepta, quæ ex matre vnà cum lacte instillata hausisti, obliuioni faciliè tradas; sed magna cura & studio, tanquam preciosum thesaurum, integra incorruptaque apud te asserues.

9. *Ut addatur gratia capiti tuo, & torques collo tuo.*

**Q**uod si, vt hoc præstes, parentum studium te non mouet, moueat saltem honor & gloria, quæ hinc olim in caput tuum redundabit: Nam si parentibus, vt par est, & lex iubet, morem gesseris, & caput tuum diademate cingetur, & collum tuum torque aureo exornabitur, magnûmque fauorem & gratiam apud omnes consequeris.

10. *Fili mi, si te laetauerint peccatores, ne acquiescas eis.*

**Q**uod si callidi sceleratique homines montes, tantum-non aureos pollicentes, à paterna institutione ad suum consortium te pellicere, blandaque oratione ad quodcunque flagitium te pertrahere contenderint; caue illorum promissis fidem habeas, aut prauis illorum consiliis obtemperes. Perdere enim & in extremum exitium præcipitem te dare volunt, beare autem aut locupletare, vt falsò promittunt, nequaquam.

11. *Si dixerint, Veni nobiscum, insidiemur sanguini, abscondamus tendiculas contra innocentem frustra.*

**E**A propter si dixerint: Agedum veni nobiscum, adiunge te nostræ factioni, extra periculum res est, neque enim aperto Marte cum seuo aliquo hoste configemus: verùm incautum nihilque mali suspicantem, aut incommodi metuentem, occultè per insidias adoriemur, retiæque, quæ nulla lacerati iniuria tendemus, dextrè, ne deprehendi faciliè queant, abscondemus.

12. *Deglutiamus eum, sicut infernus, viventem, & integrum  
quasi descendentem in lacum.*

**N**ON trucidabimus hominem, aut in partes concidemus, verum ut sepulcra integra cadauera simul excipiunt, aut ut vivi nonnulli in altum aliquod barathrum ex insperato deturbantur, ita nos infontem integrum vivumque in potestatem nostram redigemus, amplamque ab eo pecuniam liberationis nomine extorquebimus.

13. *Omnen pretiosam substantiam reperiemus, implebimus domos nostras spoliis.*

**I**VENIES ES, multisque, ut voluptatibus tuis obsequaris, indiges: verum si nostro gregi te socium adiunxeris, nihil unquam, quod ad luxus fomentum faciat, decrit: imò summa rerum omnium copia continuo afflues, quippe qui ita instructi comparatique simus, ut citra vllum prorsus vitæ, aut sanæ, aut fortunarum periculum, quamvis pretiosam substantiam ad nos pertrahere, prædæque opulenta ædes nostras implere & exornare, ac temporis quasi puncto ditissimi evadere queamus. Si rei facilitas non movet nec allicit, moveat saltem & alliciat prædæ magnitudo.

14. *Sortem mitte nobiscum, marsupium vnum sit omnium nostrum.*

**N**EQUE te à consortio nostro absterreat, quod adhuc tiro & juvenis videâre, nullique militiæ nomen hæcenus dederis: Nam etsi iunioribus primis tirocinij annis nihil aut parum admodum ex communibus inanubijs obvenire soleat, tu tamen ex æquo nobiscum divides, de pari nobiscum fortieris, æqua omnium erit portio, ducis & militis, veterani & tironis. Quod si portione, quæ sorti tibi obtigit, accepta, abire non volueris, sed nobiscum permanere, vnum omnium erit marsupium, communes loculi, omnia inter nos erunt paria, commoda & incommoda, lucra & damna, & cetera denique omnia.

15. *Fili mi, ne ambules cum eis, prohibe pedem tuum à semitis eorum.*

**H**IS, fili, aliisque similibus verbis & pollicitationibus te allicient, eiusmodi retia adolescentiæ tuæ rerum adhuc rudi tendent: verum tu illorum consiliis, illorum blandimentis, illorū promissis ne acquiescas: quinimò adedò alienum ab illorum studio vitæque instituto te ostendas, ut ne per viam quidem unā cum illis incedere animū inducas. Quod si visuenerit, ut alicubi occursuri videantur, aliorum, ne in illos incidas, gressum tuum deflectes.

16. *Pedes enim illorum ad malum currunt, & festinant, ut effundant sanguinem.*

**Q**uamuis enim callidas tantum insidias sese moliri professi aliquando fuerint, aiebant namque: viuos instar sepulcri illos deglutiemus, re ipsa tamen longè aliud præstant, nec enim pedes illorum tam ad prædam vel infantium despoliationem festinant, quàm ingenti impetu ad eadem & sanguinem rapiuntur, idque absque vlla prorsus causa.

17. *Frustra autem iacitur rete ante oculos pennarum.*

18. *Ipsi quoque contra sanguinem suum insidiantur, & moliantur contra animas suas fraudes.*

**Q**vandoquidem ut auibus, nullo illorum scelere aut noxa id flagitante, rete tenditur: ita hi nulla prorsus iniuria prouocati vitæ illorum, quos prædæ gratia è medio tollere contendunt, insidias struunt. Rursum ut aucupes escam circa rete spargunt, non ut aues nutrant, verum ut dolo illas capiant, ( siquidem data opera earum vitæ & sanguini insidiantur ) seseque, quò commodius illas irretiant, irretitæque perdant, clanculum abscondunt: sic isti latrones & sicarii, qui nunc beneuolos familiarésque sese ostendunt, tæque absque vllò prorsus periculo & negotio locupletem euasurum promittunt, non segnius animæ tuæ mortem intentant, quàm aucupes auium vitæ insidiantur. Nec tuæ tantum vitæ malè volunt, sed suæ quoque priuatæ non parcunt. Quandoquidem mala & detrimenta, quæ scelerati illi aliis struunt, in suum tandem ipsorum caput recidunt.

19. *Sic semitæ omnis auari, animas possidentium rapiunt.*

**N**equè in latronibus & sicariis tantum, quod de proprii capitis perniciem modò exponebatur, locum habet, verum in quouis quoque homine, fordidè immoderatèque auaro. Nam dum eiusmodi per fas & nefas, & interdum quoque per eadem & sanguinem, ad opes contendit, cum alios per summam iniuriam grauitè sæpe lædit, tum suam quoque animam haud leuiter offendit, & ad mortem tandem & interitum abducit.

20. *Sapientia foris prædicat, in placis dat vocem suam.*

**N**equè est, fili, quòd nihil æquè te expetere aut desiderare dicas, atque perditorum illorum hominum consortium vitare, familiarémque vsum & consuetudinem cum sapientia inire; verum quòd illa abdita lateat, neque

facile cuiquam sui copiam faciat, id te consequi non posse. Siquidem illa non latet in tenebris, nec in desertis locis habitat, neque eo loco posita est, ut nullus ad eam aditus pateat; quin potius omnibus sese ultro offert, omnibus exposita est, omnibus se communicare parata est. Nam & foris clamat, omnesque ad promiscue incundam secum familiaritatem inuitat, non diuites aut dociles tantum, non potentes solum, sed omnes vniuersè.

21. *In capite turbatum clamat, in foribus portarum vrbis  
profert verba sua, dicens:*

**Q**Vandoquidem ipsa est, quæ concionatur in publicis vicis & plateis, in eminentioribus ciuitatis locis & propugnaculis, in portarum vestibulis & ingressibus, in foro denique & ciuitatis meditullio. In plateis quidem & vicis, hominibus plebeis & popularibus in editioribus verò ciuitatis locis & propugnaculis, vrbis custodibus militibusque præfidiariis; ad portarum autè vestibula, senatoribus, iudicibus, ceterisque magistratibus: in media tandem ciuitate & foro ipso, mercatoribus, nobilioribusque ciuibus, nullus est quem non inuitet, quem familiariter non compeller, ad quem sublata voce non clamitet.

22. *Vsq̃ue quo paruuli diligitis infanciam, & stulti ea quæ sibi sunt noxia  
cupient, & imprudentes odibunt scientiam?*

**E**T quænam illa clamat? quæ alia, quam quæ iam audita? Quousque, inquit, stolidi rerumque imperiti diligitis imperitiam meramque stultitiam? hunc mundum, eiusdemque pompam & vanitatem? Quousque vos stulti elatique irrisores, inania, animoque & corpori noxia, tanto studio consecramini. Quousque tandem mente cõmunique sensu destituti salutaria omnia, nempe scientiã, & sapientiam, & pœnitentã auersamini? Graue est citra vllam controuersiam, rudium infantum more, amare imperitiam: at multo grauius & infanlius est apertè per noxia, incitiam aucupari: Ast omnium grauissimum & funestissimum est, Dei sapientiam ceteraque, sine quibus salus consistere nequit, de industria odisse. Et si interim hæc omnia ex se inuicem fluant, naturalique vinculo connexa hæreant. Ex eo namque quòd quis amat imperitiam, prouenit ut sectetur noxia, adeoque, ut auerfetur sapientiam, & pœnitentiam, & cetera salutaria.

23. *Conuertimini ad correptionem meam: en proferam vobis spiritum meum, & ostendam vobis verba mea.*

**C**onuertite vos proinde à stultitia & vanitate, ad prudentiam & veritatem, à vitiis & peccatis, ad seriam pœnitentiam, capefcite doctrinam meam, emendate vitam vestram, redite tandem aliquando ad frugem. Quod si istud, vt æquum, vobisque, nisi æternum perire velitis, necessarium est, ex animo feceritis, omnium scelerum vestrorum oblitus, effundam super vos spiritum meum, totumque me vobis aperiam, non partem aliquam tenuem meæ sapientię, meique Spiritus vobis impertiar, sed vtrumque magna vbertate & copia in vos transfundam, transfunderẽque porro pergam.

24. *Quia vocaui, & renuistis: extendi manum meam, & non fuit qui aspiceret. Ego quoque, &c.*

**V**erum quia non, vos Iudæi tantum, quos meæ doctrinæ meisque admonitionibus præ ceteris obsequi oportebat, omnia mea consilia respuitis, omnemque curam & sollicitudinem meam pro nihilo ducitis: immo verò Spiritui sancto manifestè resistiti, sed plurimi quoque Christiano nomine insigniti, aduertite qualem aliquando ab æterna illa & increata sapientia sententiam audituri estis. Etenim non absque graui increpatione, terribiliq; comminatione, eiusmodi oratione vos olim compellatura est: En nihil eorum omnium, quæ ad salutem vobis necessaria videbantur, prætermisi. Nam quod citra vocationẽ, salutis viam inire omnino nõ poteratis, ego sæpe vos ad pœnitentiam inuitaui, variisque viis & modis ad conuersionem prouocaui. Clementi porro vocatione non contentus, manum quoque, vt è sordibus, in quibus iacebatis, quandoque exurgeretis, porrexì. Tandem quod malitia occurrere, quæ confectari, quæ rursus auersari deberetis, non satis compertum haberetis, ego vtraque clementer paterneque vobis suggessi. Nam citra hæc cælestia præsidia prima iustitia potiri nequaquam valebatis. Ast vos per summam ingratitude omnia illa cælestis Patris beneficia, salutisque media & adminicula perdidistis, neglexistis, & despiciatui habuistis.

26. *Ego quoque in interitu vestro ridebo, & subsannabo, cum vobis id, quod timebatis, aduenerit.*

**Q**uia ergo sæpe vocantem audire, manum clementer porrigentem & protendentem aspicere, salutaria consilia subinde suggerentem sequi, scelera denique vestra iusta seueritate increpanti parẽre recusastis: En ego vicissim cum interitus ceteraque, quæ iusto timore metuebatis, incommoda vobis

vobis euenerint, palàm ridebo, vestràque stultitiam & insaniam apertè subsannabo. Hæc illa, nec iniuria: nihil enim æquius, quàm ut illi, qui Deum benè monentem, auxiliùmque vltro offerentem nefariè derideant, sacrilegèque subsannant, ab illo itidem, cùm in extremam miseriam deiecti fuerint, derideantur & subsannentur.

Non deridet verè Deus vllum omnino hominem (neque enim is est, qui de mortalium interitu gaudeat): at, quia impios ingratosque peccatores, maximè verò inferorum suppliciis iam mancipatos, quasi nihil ad se pertinentes prorsus negligit, neque à tantis illis cruciatibus eripit, per modum ridentis vel subsannantis se habere sese ostendit. Magna sanè extremè miserris calamitas est nullum habere, qui opem ferat, aut consolationem præstet: verùm omnem calamitatis modum excedit, cùm præstò sunt, qui de illorum calamitate gaudent, eorundemque infelicitati publicè insultat. Sed ad contextum denuc.

27. *Cùm irruerit repentina calamitas, & interitus quasi tempestas ingruerit: quando venerit super vos tribulatio & angustia.*

28. *Tunc inuocabunt me, & non exaudiam; manè confurgent, & non inuenient me.*

**C**UM extrema vastitas & contritio, ingensque animi angustia & desolatio, vestràque adeò perditio & intentus, & alia, quæ dudum antè malè vobis conscij formidabatis, subito irruerint, ira ut nulla vi, nullis artibus aut machinis illis obsistere integrum vobis sit; tunc demum seriò me vos inuocabitis, & ego non exaudiam vos: tum magno me studio inquiretis, & non inuenietis: quippe qui post aureum illud acceptabileque tempus, quo salubri penitentia concuti fructuoseque operari licuit, exactum, hoc est, serò nimis ad medicum, vitæque fontem, tandem accesseritis. Hactenus ego opportunè importunè ad relapscentiam, melioræque vitæ studia vos inuitau, prouocaui, & expectaui; in posterum vos clamabitis, at incassum: siquidem nihil eorum, quæ petetis, vobis præstabo: quinimo petitiones vestras tanquam insanas & stolidas palàm desidebo & subsannabo.

29. *Eo quid exosam habuerint disciplinam, & timorem Domini non susceperint.*

30. *Nec acquieverint consilio meo, & detraxerint vniuersæ correctioni meæ.*

**E**T cur tunc Domine tam durum tamque difficilem & exorabilem infelicius illis te exhibeas? Quia cùm per diem, præsentisque vitæ statum, isthuc præstare salubriter licebat, scientiam, qua Deus cognoscitur, ritèque & piè



& piè colitur, odio habuerunt, & timorem, qui initium est sapientiæ, cum contemptu & stoinacho respuerunt, & aures consiliis meis accommodare non voluerunt, & omnes denique admonitiones, exhortationes, & increpationes meas obstinato animo spreuerunt & abiecerunt, nunc autem salutaris pœnitentiæ viæ, omnesque veri meriti nundinæ sunt exactæ.

31. *Comedent igitur fructus vitæ suæ, suisque consiliis saturabuntur.*

**C**um igitur animo in malo vsque adeo obfirmato fuerint, semper, vt nullum vmquâ salutis adminiculum, nullum pœnitentiæ medicamentum admittere voluerint, restat vt fructus vitæ, quam transegerunt, consentaneos comedât, mercedemque factis suis dignam referant. Restat, inquam, vt pœnis & cruciatibus, quos nefariis consiliis, peruersisque studiis suis iustissime promeriti sunt, ad nauseam & fastidium vsque exlaturentur.

32. *Quersio paruulorum interficiet eos, & prosperitas stultorum perdet illos.*

**N**eque iuste tamen de mea seueritate conqueri possunt: siquidem carnis illecebris absorpti, mūdique prosperitate occæcati, de industria ab æterna sapientia, quæ Deus est, se auerterunt, omnemque curam & cogitationem ad fastum ventrisque cultum, & alia his affinia vitia & flagitia contulerunt. Non ego ergo stultos cæcosque mundi huius amatores perdo, sed ipsi se ipsos per præsentis vitæ prosperitatem, innatamque inscitiam, & nequitiam in interitū, omniumque malorum, quæ meruerant, voraginem deiiciunt. Neque se ipsos tantum, sed multos præterea alios secum in exitium abripiunt. Inter quos arcem tenent, qui impiorum hominum pacem, feliciemque in hoc sæculo successum conspicantes, de Deo diuinæque prouidentia sinistrè sentiunt, impieque loquuntur.

33. *Qui autem me audierit, absque terrore requiescet, & abundantia perfruetur, timore malorum sublato.*

**Q**uod si me paternè vocantem, & ad saniora subinde prouocantem audiissent, meisque cōsilijs, & admonitionibus obsecuti, vanitatibus carnisque illecebris, & vitæ huius fastui nuncium misissent, nunquā ad eam miseriam deuenissent: verum ab omni malorum timore & hostium terrore liberi, pacatè quieteque omnibus bonis affluētes, habitassent: siquidem qui me audiunt, meisque mandatis obsequuntur, omnis terroris & timoris expertes, in summa pace, rerumque abundantia vitam transigunt, & in omne æuum tranfacturi sunt.

AD CAPVT PRIMVM  
PROVERBIORVM SALOMONIS SCHOLIUM  
VVLGATÆ EDITIONI ACCOMMODATVM.



T certum est Salomonem tres libros conscripsisse, nimirum *Prouerbia*, *Ecclesiasten*, & *Cantica Canticorum*, ita dubium adhuc est, quo ordine illos conscripserit. Hebræorum magistri *Cantica* in iuuenili, *Prouerbia* in virili, *Ecclesiasten* in senili ætate constitutum, edidisse autumant, at verisimilior eorum videtur sententia, qui eo ordine edidisse & conscripsisse contendunt, quo nunc in corpore Biblico digesti extant: siquidem argumentum, quod tractant, eiusmodi ordinem quodammodo postulat. Ethica namque Physicis, & hæc rursus Theologicis præmitti solent. Sed & iuuenilis ætas naturæ ordine virilem antecedit, & hæc senilem. Salomon autem, ut Hieronymo placet, in Prouerbijs paruulum de officijs instruit, in Ecclesiaste verò constantē ætate virum erudit in Canticis autem consummatæ virtutis viro ad cælestium rerum contemplationem iter ostendit.

*Prouerbia Salomonis* &c. *Vox Masal*, idem ferè sonat Hebræis, quòd Græcis *ὁμοιωσις* aut *παροβολή* aut *παροιμία*. Latinis autem *Similitudo*, vel *Comparatio*, vel *Adagium*. Habet hoc enim aliquid admixtum, quod hominum vulgus latet, adeoque interpretatione aliqua indiget. Et quia contrariorum eadem est scientia, non solum similitudines & figuratæ sententiæ proponuntur in hoc libro, sed nonnullæ quoque dissimilitudines, planæque sententiæ.

1. *Filius David Regis Israël*. Vtrumque libro huic auctoritatem conciliat, & quod auctor illius filius fuerit Dauidis: & quòd Israëlitiçi populi Dux exstiterit. Nam ut fortes à fortibus, & pij rursus procreantur ex pijs; ita sapientes quoque ex sapientibus. Quin regum quoque sententiæ, non leues aut vulgares, sed graues regiaque Maiestate dignæ esse solent.

2. *Ad sciendum Sapientiam*, &c. Operis argumento obiter prælibato, subiungit eiusdem vsum, qui varius est, ipsi tamen cùm ceteris scripturis, diuinitus inspiratis communis. Valet namque hæc Prouerborum doctrina, ad erudiendum, ad arguendum, ad obsecrandum &c.

Aduerto

Aduerte autem, vt Sapiens nomine sapientiz eas complectitur virtutes, quibus intellectus exornatur; ita eruditionis vel disciplinz voce, eos comprehendere habitus, quibus rationis appetitus perficitur & expolitur.

6. *Verba Sapientum & enigmata. &c.* Vox Hebræa *Chiba* quam noster interpres *enigma* reddidit, significat quodcunque acutum & obscurum dictum, sicut vox Chaldæa *Achida* quodcunque secretum & clausum.

7. *Timor Domini initium Sapientia. &c.* Monuit auctor, librum hunc ad comparandam veram scientiam, & sapientiam magnū momentum adferre, nunc primariā vtriusque, scientiz, inquam, & sapientiz radicem, & quasi fontem ostendit: nempe timorem Domini. Hic namque inter diuina sapientiz effecta primatum obtinet, certumque ad veram Dei sapientiam iter demonstrat.

*Sapientiam & doctrinam stulti despiciunt. &c.* Per hæc scientiz huius sedem (quam artis subiectum scholæ appellant) Sapiens indicat, quæ vtiq; non est stulti sceleratique hominis, sed potius viri prudentis Deumque timentis & ex animo venerantis affectus. Sapientia enim, de qua hic differitur, non tam in magnarum rerum cognitione, quam in vero Dei cultu & veneratione posita est. Potest autem hoc membrum non incommode cum præcedenti conuerti ad hunc modum: Sapientiz & scientiz, quam stulti aspernantur, initium est timor Domini.

8. *Audi, fili, disciplinam patris. &c.* Dei timore & cultu, (in quibus primæ tabulæ præcepta summatim continentur) veluti primario sapientiz fundamento posito, doctrinzque huius subiecto obiter indicato, nunc primum secundæ tabulæ præceptum, quod circa honorem, reuerentiam, & obedientiam (quæ diuino naturali que iure parentibus debentur) præcipue versatur, commodo ordine subiungit. ait autem; *Audi, fili, disciplinam patris tui, neque dimittas legem matris tuæ*, meminit autem non tantum patris, sed matris quoque: quia prima ætas sub matris ferè cura & institutione transigitur. Ceterum non citra iustam causam parentum consilia, & monita serio commendat filio: nam & primæ ætatis institutio illorum est propria, & nemo melius, nemo fidelius, nemo commodius quam parentes, munus hoc obire potest: vt qui liberorum salutem sitiant & exoptent quàm maximè, eam ætatem rerum experientiam habere, vt cum dignitate magna que liberorum vtilitate, præstare id valeant. Grauius proinde peccant filij, qui salutaria parentum documenta despiciunt habent, maximè verò Dei, qui communis omnium parens est.

9. *Vt addatur gratia capiti tuo, &c.* Quandoquidem hominum natura ita comparatum est, vt citra mercedis spem vix quicquam acriter & ex animo aggrediamur, Sapiens amplam ijs mercedem hoc loco proponit, qui debitum honoris cultum parentibus deferunt, debitamque obedientiam iisdem præstant: exprimit autem præmium illud earum rerum, notis & symbolis, quibus iuuentus præcipuè capitur, nimirum per diademata, monilia, aliaque corporis & capitis ornamenta: Siquidem per capitis gratiam compendio ea omnia compleditur, quæ caput ornare nata sunt; per monilia autem totum illud; quod gutturi & pectori decorum adfert. Obliquè autem honores, & dignitates, & Magistratus, per hæc insinuat: solent namque hæc illis obtingere, qui patri & matri, potissimum verò Christo & sponsæ illius Ecclesiæ morem gerunt.

10. *Fili mi, si te lætauerint, &c.* Monuit parentum monitis promptè alacriterque obsequendum, subdit nunc a sceleratorum hominum commercio & consuetudine studiosè abstinendum; vt qui teneriori ætati præcipuo studio insidians soleant: quæ etiam (quod nullum rerum vsum habeat, suæque natura ad vitia & flagitia prona existat) impostorum dolo facillimè capi irretiri que consuevit. Quo autem efficacius moueat, potentiusque a scelere absterreat, proponit exemplum a sicarijs, publicisque grassatoribus petitur. Hi enim quæstus prædæque causa vias obsident, insontesque æquè atque fontes cum pecunia, tum ipsa etiam vita despoliant, ait ergo: *Fili, si peccatores te lætauerint*, hoc est, blanda oratione, magnisque promissis ad scelorum consortium te inuitauerint, ne acquiescas.

11. *Si dixerint veni nobiscum, &c.* Pudore & timore impediti, multi à flagitijs abstinere, præcipuè verò iuuenes, quorum animi nulla adhuc labe sunt infecti, aut scelere contaminati. Quo igitur omnem pudorem & timorem ex animo eximant, quicquid sceleris designauerint, hoc totum occultum forè pollicentur: Addunt non aperto Marte, cum sæuo aliquo hoste certamen sese inituros; sed insontem nihilque mali cogitantem per insidias se oppræssuros.

12. *Deputamus eum, &c.* Quia rursus scelerum inexpectes à corde & sanguine, maxime abhorreere solent, spondent nullam se lapientiam exercituros; sed captos bonis fortunisque omnibus exutos, in barathrum aliquod etiam-num spirantes abiecturos; vel corpore integro in secretum aliquem carcerem detrusus os; aut vno certe ictu, & quasi puncto

si puncto è medio sublaturus.

13. *Omnem preciosam Sapientiam, &c.* Hæc potens & efficax ad permouendos infirmorum animos est ratio: nihil æquè enim mouet iuuenes, qui parùm habent (cùm non sint, rerum Domini,) & multis, vt amoribus suis faciant satis, indigent, atque certa lucri spes; idque citra vllum, vt impostores illi nugantur, aut vitæ, aut famæ, aut salutis periculum.

14. *Sortem mitte nobiscum, &c.* Et hic locus à re incitamentum continet: Neque enim in prædæ partitione par solet esse ratio ducum, & satellitum; veteranorum rursum, & tironum: hic autem (quo acriores stimulos adigant) æqua portio indiscriminatim promittitur omnibus. *Vnum*, inquiunt, *marfupium erit omnium*, & ne vlla fraudis suspicio reliqua fiat, indicatur sortem suam cuique adiudicatum iri. Nam quæ sorte diuiduntur, quanta fieri potest æqualitate diuidi solent. Potest autem hæc latronum conspiratio, ad quamuis aliam transferri, maximè verò ad eam, qua Iudæorum proceres in Christi seruatoris necem nefariè conspirarunt.

15. *Fili mi, ne ambules, &c.* Quia verò familiaris cum improbis hominibus vsus multos, sæpe alioqui probos, transuersos agit, Sapiens admonet hic filium, ne per publicam quidem viam, cum impostoribus illis incedat, nedum domesticam familiaritatem cùm ijs ineat; aut nefarijs illorum consilijs acquiescat.

16. *Quia pedes illorum, &c.* Ratio potens, cur nullum prorsus confortium cùm illis habere, ac ne iter quidem facere conueniat: Quia nimirum pedes illorum non feruntur ad studium aliquod honestum, sed tantùm ad cædem, sanguinem, & prædæ, adeoque ad suam ipsorum perniciem: siquidem magis seipfos vulnerant, quàm alios offendant; etiam si necem inferant.

17. *Frustra iacitur rete, &c.* Locus hic propter, pronomen affixum, quod relatiuè & reciproce exponi potest, duos aut tres, aut etiam plures sensus admittit, qui omnes tolerabiles, rationeque nixi videri queunt. Vnus est, vt aues, quæ rete ante se expansum cernunt, periculum veritæ, non faciliè capiuntur: auolant enim volatuque vitæ suæ consulunt; ita tu quoque de sceleratorum factionibus & imposturis à me iam præmonitus; & edoctus, saluti tuæ prospice; & ab illorum consuetudine prorsus abstine: alter est, vt aucupes callidè escam ante rete spargunt, non vt,

aues nutrant, sed vt eas capiant & interimant; ita impostores illi, qui tantopere tibi blandiuntur, montesque tantum non aureos pollicentur, non minus blandimentis illis, vitæ salutique tuæ insidiantur, quàm aucupes per obiectam escam auium sanguini laqueum tendunt. Tertius est: vt rete innoxij auibz frustra, hoc est, nulla culpa tenditur; ita scelerati illi sicarij frustra; vtpote nulla iniuria laceffi illorum vitæ insidiantur, quos prædæ causa perimunt. Quartus & postremus est: vt rete frustra spargitur ante aues: quippe quæ præ nimia cibi auaritia illud non animaduertant; ita philargyri illi, immani auaritia allekti & occæcati, incauti imprudētesque proprio sanguini insidiantur; vt qui dum alijs insidias struunt, sibi ipsi perditionis foueam aperiant.

19. *Sic semita omnis avari. &c.* Hic etiam locus, quo similitudo præmissa clauditur, ob eiusdem affixi pronominis ambiguitatem, geminum sensum recipit, interim reciprocos potior videtur: is autem est: vt eiusmodi sicarij ceterique scelerati, qui propter diuitias aliorum vitæ insidias machinantur, suo capiti periculum perniciemque adsciscunt; ita semitæ & studia hominis immodicè avari, qui nimirum ita comparatus est, vt per fas & nefas alienas opes inuadere pro ludo habeat, animam eius, qui insanabili illo philargyriæ morbo laborat, capiunt, hoc est, in mortem & interitum præcipitem agunt: vel vt rete innoxij auibz immeritò tenditur; ita scelerati illi innocentium sanguini iniuste insidiantur: vt qui nihil tale meruerint. Neque id in prædonibus & sicarijs tantum locum habet, verum in ceteris quoque omnibus auaritiæ insatiabiliter deditis. Nam avari instar aucupum animas diuitum, opibusque affluentium rapere contendunt.

20. *Sapientia foris clamat. &c.* Docendi erudiendique exordio, à domesticis facto. (Admonuit enim filium, vt patris matrisque monitis morem gerat, improborumque hominum commercium toto conatu fugiat) nunc in publicum prodiens, omne omnino hominum genus, ad sapientiæ studium prouocat, serioque inuitat: & quo potentius & salubrius illud faciat, sapientiam ipsam per profopopœiam, omnes amicè compellantem, blandeque alloquentem inducit, ait ergo: *Sapientia foris prædicat*, quasi dicat, sapientia non latet in angulis, aut tenebris, aut terræ cauernis, vel locis desertis, aut longè positis; sed omnibus vltro sese offert, omnes inuitat & prouocat, adeoque nemo inscitiam suam propter sapientiæ difficultatem, aut laboriosam eiusdem inuentionē excusare valet.

*In plateis dat vocem, &c.* Speciatim, & per partes explicat, quod per aduerbium *foris* generatim proposuerat: Assignat autem tria aut quatuor loca publica, vbi sapientia profset, omnesque ad sui communionem & societatem inuitet, nimirum vicos vel plateas, ciuitatis portas, eminentiora eiusdem loca, & ipsa denique vrbis centrum vel forum, ad quod plures omnis generis homines conuenire solent. Clamat proinde vbique sapientia omnemque hominum statum, & ordinem ad sui amorem & studium allicit. Nam per tria illa aut quatuor loca iam assignata accipere licet præcipuos hominum status: & quidem per *capita tumultuantium*, vel editiora ciuitatis loca, vt sunt arces & propugnacula, milites, vt paulo ante indicauimus, intelligere possumus; Per eos verò qui versantur in vicis & plateis, ignobiles, promiscuamve vulgi multitudinem; per eos autè, qui ciuitatis portis assident, senatores, iudices, & ciuitatis magistratus; per eos denique, qui in ipsa vrbe vel foro agunt, mercatores & opulentiores ciues. Aut per sapientiam vbique clamantem, legem Euangelicam, vel auctorem eius Christum, vel ipsam certè increatam sapientiam accipe. Hæc varijs modis, diuersisque medijs mortalium generi sese manifestat, nempe per creaturam, per legem menti nostræ impressam, per leges rursus literis exaratas, per miracula, & illustria sanctorum exempla, per internum Spiritus sancti motum, vel affatum, per doctorum tandem hominum vocem & prædicationem.

22. *Vsq;quo paruuli, &c.* Sapientia, hominum inscitiam, leuitatem, & malitiam demirata, sublata voce exclamat, *Vsq;quo paruuli diligitis infantiam*. Assignat hic autem tria vitia ita inter se apta, vt ex se inuicem quodammodo fluant, seseque mutuo inferant, siquidem studium inscitiz generat noxiorum minusve salutarium amorem: hic autem salutarium odium, & detestationem. Est autem deterius consuetari noxia, quàm ex quadam animi simplicitate amplecti infantiam, vel imperitiā: & grauius rursus odisse sapientiam, quàm ex ignorance sectari minùs salutaria. Primo ex his vitijs complectuntur ij, qui diligunt mundum, & ea quæ sunt mundi, quos *paruulorum* & simplicitum nomine designat. Secundo hæretici: Hi enim Christi & Ecclesiæ doctrinam, prudentemque eiusdem simplicitatem ludibrio habent, quos proinde contextus Hebræus derisores appellat, sicut primi ordinis homines simplices. Postremo Iudæi & pagani: illi namque cælestem doctrinam, Euangelique lucem data opera auersantur, odioque plusquam Vatiniano prosequuntur: hos Sapiens, infanos & fatuos

& fatuos hoc loco vocat. Eadem porro sapientia hominum vesaniam non modò admiratur; sed blanda quoque oratione ad vitæ emendationem, veramque animi resipisceniam hortatur & prouocat. Conuertite vos inquit, & tandem aliquando vitam vestram corrigite. Quod si feceritis magna vbertate & copia spiritum meum in vos effundam, secretaque & occulta sapientiæ meæ vobis aperiam. Quod si infantes improbi que, & scelerati posthac esse perrexeritis, ad vnum omnes perituri estis. Coquenit hic locus optimè cum altera illa, eiusdemque increatæ sapientiæ comminatione; *Nisi penitentiam egeritis, omnes simul peribitis*. Verum quod non solum Iudæi: sed plurimi quoque Christiani incarnatæ sapientiæ doctrinam, paternamque eiusdem admonitionem floccifaciant, sancto que Spiritui apertè resistant, meritò nunc audiunt, olimque apertius audituri sunt.

24. *Quia vocavi & renuistis, &c.* Commemorat quatenus æternæ sapientiæ beneficia, peccatori ad conuersionem vltro oblata, sed omnia per summam ingratitudinem contempta atque neglecta. Sunt autem ista: vocatio, auxilii oblatio, de confectandis & vitandis instructio, paternaque admonitio, quæ omnia vtique ad efficacem conuersionem sunt necessaria. Fieri enim non potest, vt quis efficaciter ex peccati & diaboli seruitute liberetur, & ad Deum salubriter conuertatur, nisi a Deo vocetur, & adiuuetur, quidque facere vel fugere debeat, proximo vel alterius ministerio intercedente ab eodem edoceatur. Primum horum designatur per vocationem. Proximum per manuum extensionem. Tertium per consilium. Quartum & postremum per increpationem: vt enim consulimus bona, ita mala increpamus.

26. *Ego quoque in interiori vestro ridebo, &c.* Equissima pœna, vt is qui Deum deridet, & subornat, eumque, vocantem, trahentem, docentem, & increpantem ludibrio habet, vicissim ab eo derideatur, ludibrioque habeatur. etsi is interim neminem propriè contemnat aut ludibrio habeat, aut integrè quoque deferat, sed contemptoris vel desertoris personam nonnunquam sumat.

27. *Cum irruerit repentina calamitas, &c.* Quamuis hæc, & quæ sequuntur ad quemuis obstinatum & ingratum peccatorem iure referri queant, & referri quoque soleant; conuenientius tamen ad Iudeos transferuntur, qui Christum æternam Patris sapientiam aspernati, eundemque in crucem agere nihil veriti, variis miseriis & cladibus hæcenus affecti fuerunt, & quotidie adhuc



adhuc afficiuntur, & in omnem æternitatem propter obfirmatam animi perfidiam, atque ingratitude, in altero sæculo afficientur. Et quidem tunc seriò inuocabunt, & ad Deum clamabunt, sed in cassum, & serò nimis; utpotè post salutaris pœnitentiæ tempus iam exactum. Idem usu venit & veniet iis omnibus, qui id frustra in senectute desiderant, quod in iuuentute contempserant, vel quærere neglexerant.

29. *Eò quod exosam, &c.* Æterna sapientia quatuor hoc loco causas assignat, cur Iudæi, ceterique infideles, & obstinati peccatores iustè tandem à Deo deferantur. Primò namque scientiam, hoc est fidem, qua Deus cognoscitur, exosam habuerunt. Mox timorem Dei, qui fons & origo est sapientiæ, nihili fecerunt. Tertiò sanis sanctisque sapientiæ consilijs, & admonitionibus acquiescere noluerunt. Postremò omnem eiusdem correptionem et obiurgationem palàm despexerunt. Quia ergò ita comparati fuerunt, reliquum est, ut viæ suæ fructus comedant, pœnasque & supplicia flagitis facinoribusque suis digna in omne æuum pendant.

32. *Auersio paruulorum, &c.* Geminà sententiâ sapientia absoluit orationem suam. Harum altera eorum attingit pœnam pœnæque causam: qui sapientiam eiusdemque legem auersantur: altera præmia & mercedem illorum exponit, qui sapientiæ monitis, atque consilijs obsequuntur, auersio, inquit, rudium vel simplicium ab æterna nimirum sapientia, interfecit illos. Sensus est, non Deus, non diabolus, non vlla alia res creata interitus impiorum causa est, sed ipsimet mortis causam inde sibi adferunt, quod à sapientia alieni, carnisque illecebris intenti, vel mundi quoque prosperi tate nimium elati & occæcati, futura mala nec prævident, nec curant.

33. *Qui autem me audierit, &c.* Hæc altera sententia est Epilogi, quæ præcedenti percommode subiicitur: siquidem meritum & præmium sapientiæ obsequentium, ex aduerso opponuntur merito & supplicio sapientiam contemnentium. His autem, qui obsequuntur, rerum omnium abundantiam plenamque ab omni prorsus malorum timore securitatem promittit, hoc est, vitam æternam, siquidem in hac mortali vita, neque plena reperitur saturitas, neque perfecta securitas, neque ab omni quoque malo & pœna immunitas.

# PARAPHRASTICA

## CAPITIS SECVNDI EXPLANATIO.

1. *Fili mi, si susceperis sermones meos, & mandata mea absconderis penes te.*

**F**ili, quod mearum est partium, bona fide præstiti, vocavi, manum porrexī, opem obtuli, gratia præveni, quæ bona, quæ item mala, indicaui, denique nihil eorum, quæ salutem tuam promouere poterant, prætermisi; nunc autem tui est muneris, meos sermones mea quæ præcepta, & monita grato animo suscipere, magna quæ cura, veluti preciosum aliquem thesaurum, custodire, integra quæ apud te conservare, ne horum oblitus, cum improbis perditus quæ hominibus præcepta in interitum ruas.

2. *Ut audiat sapientiam auris tua: inclina cor tuum ad cognoscendam prudentiam.*

**V**erum ut eximio hoc thesauro potiaris, cum corporis, tum mentis quoque aures, à secularium rerum strepitu, ad hauriendam sapientiam, abstractas, sedulo accommodes oportet; nec non cor tuum à fluxu caducis quæ mundi huius rebus auulsum, ad prudentiam eorum quæ, quæ sapientia docet, intelligentiam transferas atque inclines necessum est: neque enim, ut verè sapiens euadas, alterum tantum sat est; sed verum quæ ad sit operæ precium est, nempe fidus animi sensus; & cordis rursus vel mentis intelligentia, ea quæ efficax & practica.

3. *Si enim sapientiam inuocaueris, & inclinaueris cor tuum prudentia:*  
 4. *Si quaesieris eam quasi pecuniam, & sicut thesaurus effoderis illam.*  
 5. *Tunc intelliges honorem Domini, & scientiam Dei inuenies.*

**V**erum enim uero licet duo hæc ad comparandam diuinarum rerum sapientiam omnino sunt necessaria, per se tamen satis non sunt. Nam præter cor & aurem, quæ omnino adesse debent, flagranti quoque oratione, magno quæ & assiduo labore & studio opus est: neque enim Deus otiosis aut stertentibus illam obtrudit; multo verò minus superbis aut ingratis; sed magnis animi votis & vocibus eam expetentibus, magnis quæ sudoribus & laboribus

laboribus quærentibus. Ecquid enim ait? Si *sapientiam inuocaueris*, hoc est ardentibus precibus à Deo efflagitaueris; si rursum vocem tuam intelligentiæ dederis. Hoc est pro obtinendo intelligentiæ dono cæleste numen submisso animo imploraueris totumque ad eum cor tuum ad beneficium hoc impetrandum coram Deo effuderis; si denique eo studio coque conatu illam quæsiueris, quo auida pecuniæ mancipia argentum & aurum, sæculique huius homines defossos thesauros solent; tunc demum & timorem Domini intelliges, & veram Dei scientiam certò inuenies. Quod si aliud, quam hætenus præmonstratum est, iter ingressus fueris, hoc est si doctrinam meam, meosque sermones auidè non susceperis; si mandata mea studiosè non obseruaueris; si diuinam opem pro impetrando sapientiæ munere humiliter non imploraueris; si magno tandem studio eandem sapientiam non quæsiueris, nunquam preciosum illum diuinæ sapientiæ thesaurum inuenies.

6. *Quia Dominus dat sapientiam: & ex ore eius prudentia & scientia.*

**N**Eque est quod aliunde, quàm à Deo, qui mortalium precibus flectitur, fideiique studio nitentium conatibus patrocinator, hunc scientiæ, & Sapientiæ thesaurum tibi obuenturum speres. Solus enim is est, qui veram salutaremque sapienitiam impertitur. Nam etsi mortalium studia, & conatus humanam mentem ad diuinam sapientiam capeffendam utcumque disponant, per se tamen illam non præstant, neque præstare valent. Pari modo licet mundi huius sapientes multa de sapientia disserant, vera tamen scientia & sapientia ex illorum monumentis non est petenda; sed ex ore Dei, eiusdemque patefactione, quæ per Ecclesiam nobis proponitur & explanatur. Nisi enim Deus per diuinam scripturam & Ecclesiam nos doceat, suæque luce mentis nostræ tenebras illustret, nunquam verè sapientes euademus; neque ea, quæ ad fidei notitiam & explicationem necessaria sunt, rite vnquam intelligemus.

7. *Custodiet rectorum salutem, & proteget gradientes simpliciter,*

8. *Seruans semitas iustitiæ, & vias sanctorum custodiens.*

**P**ORRò autem Deus non tantum impertitur scientiam, sapientiam, & intelligentiam, rerumque cælestium & in hac quoque mortali vita necessariorum notitiam; verum rectorum quoque perfectæque, & candidè gradientium salutem protegit, tuetur, atque defendit. Substantiam rursum,

telligentia, quam ex illa hauries, non modò ab omni errore & peccato te conferuabit; verùm ab omni quoque via mala, fucatâque peruersi hominis oratione te propugnabit; efficiétque, vt ambules in via bona & sana. Nam vt perfectus sis perfectusque habearis, non sat est, si à malo declines; sed opus est præterea, vt bonum facias.

13. *Qui relinquunt iter rectum, & ambulant per vias tenebrosas.*

Ceterum, quod homines peruersi callidique impostores reperiantur, qui suam peruersitatem, suosque dolos & fraudes ea dexteritate regere & dissimulare norunt, vt quiuvis facile deprehendere non valeat; indicabo hic tibi notas quasdam, per quas illos utcumque cognoscere, & à iustis honestisque viris discernere valeas. Eos itaque imprimis hoc loco peruersos appellandos censeo, qui recto virtutum itinere, honestâque viuendi ratione deferta, per vias tenebrosas ambulant; quique vitam errore cæcitatêque plenam, multisque salebris impeditam, & lapsibus obnoxiam transigunt. Fieri enim non potest, vt homines diuino timore vacui & sapientia destituti, multisque præterea miseriis & peccatorum fordibus contaminati, scæpissimè non impingant..

14. *Qui latantur cum malefecerint, & exultant in rebus pessimis.*

Mox illos peruersos hic voco, qui ad eam nequitix improbitatisque magnitudinem deuenerunt, vt ex sceleribus (quæ pro sua malitia magno subindè numero committunt) voluptatem capiant; exultentque & triumphum agant, si quod forte nefarium flagitium designauerint, aut indignum facinus perpetrauerint; aut aliis, vt perpetrarent, auctores existerint. Magna profectò miseria, & cæcitas est, pro luce tenebras; pro Christo tenebrarum principem complecti; at omnem cæcitatis modum excedit, de peccato, quod omnium rectè sentientium iudicio dolorem & luctum meretur, gaudere & exultare.

15. *Quorum via peruersa sunt, & infames gressus eorum.*

I llos denique homines peruersos pronuncio, quorum viæ sunt peruersæ, gressusque turpes, & studia inhonesta; neque tamen alia esse facile possunt. Nam cum semitam rectam (cuiusmodi est, qui neque ad dexteram, neque ad sinistram deflectit) deseruerint, & tenebras pro luce complexi sint, eumque in modum deprauati, vt in funestissimis facinoribus, scædissi-

misque flagitiis felicitatem suam ponant, quomodo fieri potest ut illorum studia & opera non sint funestissima & tortuosissima? eorundemque adiores non sint infamissimæ? à quibus proinde adolescentiores, si salutis suæ consultum volunt, non secus abstinere debent, quàm ab exitialissima peste, & terribilissima contagione.

16. *Ut eruaris à muliere aliena, & ab extranea, qua molles sermones suos.*

Sapientia tandem, si eam toto animi sensu complexus fueris, eiusdemque consiliis & præceptis impigrè obtemperaueris, illud iudicium mentisque lumen, easque animi vires & opes tibi conferet, ut non solum à viro peruerso, peruersaque loquente, & infames vias publicè consecretante libereris, verum etiam à mulieris extraneæ & alienæ retibus extriceris & eripiarè; à qua sanè non minus discriminis rudi indoctrinæque & ad carnis illecebras pronæ adolescentiæ impendit, quàm à perditivi consuetudine & familiaritate; quippè quæ sermonis blandimentis, mellitæque oratione, aliisque dolis & technis non solum iuuenum animos ad libidinem propensos ad flagitium pellicere; verum sapientum quoque fortissimorumque gigantum pectora inflectere nonnunquam solet; cuius rei argumenta euidentissima nobis subministrant Sampson, Dauid, Salomon, & alij præterea quàm pluri.

17. *Et relinquis ducem pubertatis suæ, & pacti Dei sui oblita es.*

Per alienam autem vel extraneam mulierem, fili, non accipio hinc paganam, aut impiam, aut à fide & religione alienam, (quamvis harum quoque cōmercia homini iuueni & imperito sint periculosa, & lege prohibita) sed eam, quæ fœderis cum marito initi, Dei que sui oblita, iuuentutis suæ ducem, nempe virum, cui primis ætatis annis nupserat, fidumque & immaculatum thorum sanctè sponderat, turpiter deserit; hoc est vltro-neam, adulteram publicamque meretricem; cuiusmodi ea est, rectèque dici potest, quæ tanta libidine incensa ardet, ut non rogata vltro ad stuprum sese offerat, nullique non sui copiam faciat, id quod maximum libidinis & incontinentiæ est argumentum. Virgines stuprum passæ amatori fidem plerunque seruant; adulteræ autem pacti nuptialis legisque diuinæ, quæ adulteria omnemque pellicatum seuerissimè prohibet, oblitæ, non muneribus prouocant, aut blandimentis seductæ mœchum sequuntur; sed sponte ad adulterium prouocant, blandoque & molli sermone ad flagitium allectant.

Que

Quæ proindè præ ceteris omnibus diligentissimè sunt cauendæ, & summopere metuendæ, idquæ ob multas graues causas.

18. *Inclinata est enim ad mortem domus eius, & ad inferos semitæ ipsius.*

PRimò namque tota domus adulteræ, totumque illius studium ad mortem inclinatur, non animæ tantum, sed sæpè etiam corporis; siquidem adulterium manifestò deprehensum apud veteres capitale erat. Ut interim taceantur vulnera & cædes, quæ ob adulteria & scortationes frequentissimè accidunt; adeoque quicumque in domum illius ingrediuntur, aut commercium cum illa habent, vnà cum illa ad vtràmque mortem contendunt. Mox omnes illius semitæ omnesque eiusdem actiones eiusmodi sunt, ut rectà ad inferos retròsque dæmones & mortuos; nempe ad homines æternæ damnationis carceri mancipatos abducant; digna profectò moribus factisque mulieris adulteræ pœna. Sperabat misera in splendida adulteri ædes non absque pompa & iubilo sese introituram; & ecce subito & inexpectatò abripitur ad domum mortis: existimabat per speciosas semitas ad deliciarum omnium viridarium & quasi promptuarium sese deduci; & ecce viget illius meta hominibus mortuis, miserisque dæmonibus & vallis gigantibus confociatur.

19. *Omnes qui ingrediuntur ad eam, non reuertentur; nec apprehendunt semitas viæ.*

POSTremò quotquot ad adulteram ingrediuntur nunquam ferè ad sanant mentem, veràmque vitam & poenitentiam redeunt, siuè id inde proueniat, quod mortui ad vitam non resurgant: siuè etiam, quod rerum carnis sensum oblectantium appetitus secundum se insatiabilis existat. Videmus namque peccatores boni sua natura oblectantis dulcedine delinitos & quasi inescatos, rarissimè ad spiritualis vitæ vias respicere, aut ad bonam frugem peruenire; sed pleròsque ad mortem vsque sensuum illecebras consecrari; adeoque verè vitæ semitas vix vnquã apprehendere. Habet autem quod hic docetur, non modo in carnali adulterio & scortatione locum; verum etiam in spirituali, hoc est in idololatria & hæresi. Rarò enim hæc lue semel infectos, integrè sanatur, purèque expiatur:

20. *Vt ambules in via bona, & calles iustorum custodias.*

Sapientia denique & intelligentia non solum à via mala, à viro iniquo, à muliere improba, aliisque incommodis te liberabit; verum ad bonum quoque honestum te deducet & promouebit, adeoque vtramque iustitiae partem, nempe vt à malo declines, & bonum facias, tibi conferet. Sapientia, inquam, probe abs te culta efficiet, vt improborum consortium viasque peccatorum deferat; iter verò bonorum semitasque iustorum, in quibus nullus est error, nullum periculum, sed certa eaque ampla merces proposita, tutò ingrediaris.

21. *Qui enim recti sunt, habitabunt in terra, & simplices permanebunt in ea.*

Quandoquidem qui recti sunt, rectaeque secundum diuinę legis pręscriptum incedunt, terram illam, quę melle & lacte rerumque omnium copia abundat, certò inhabitabunt. Quod siquę hinc propter peccata proscriptio vel expulsio aliquandò contingat, integri tamen perfectique viri nunquam ex ea proscribentur aut propellentur; sed in omnem aeternitatem firmi in illa consistent.

22. *Impij verò de terra perdentur: & qui iniquę agunt, auferentur ex ea.*

At impij, ceterique omnes, qui quouis modo iniquę agunt, suosque dies in voluptatibus & carnis illecebris transigunt, omnibus bonis & deliciis, quibus circumfluere videbantur, orbati, non modo, à beatę felicitatęque viuentium terra expellentur; verum de hac quoque mortalium terra vel inuiti dispergentur, & veluti infructuosę arbores radicitus euellentur; & quod peius est, ad terram omni horrore & ardore confusio-nęque plenam, hoc est, ad terram miseriae & calamitatis hinc amandabuntur, nunquam vel huc reuersuri, aut ad terram, quae mitibus promittitur, accessuri.

A D  
CAPVT SECVNDVM  
SCHOLIVM

1. **F**lli, si susceperis. &c. Oratio hæc videtur suspensa. Quamobrem aut cum versiculo sequenti debet connecti, aut per imperandi modum exponi, aut certè per verbum aliquod commodum expleri.

6. *Quia dominus dat sapientiam. &c.* Docuerat sapientiam non tantùm studio inquirendam, sed precibus quoque à Deo expetendam: nunc causam cur à Deo expeti soleat, exponit: quia nimirum humanæ vires & studia per se sat non sunt ad cælestem sapientiam comparandam: etsi hæc interim neque otiosæ sint, neque otiosæ quoque esse debeant. Ponuntur autem hic tria, quæ omnia ex ore Dei prodire dicuntur, nimirum scientia, sapientia, & prudentia vel intelligentia. Inter quæ eiusmodi discrimen assignare licet. Sapientia præcipuè circa fidei mysteria versatur: scientia vero circa earum rerum considerationem, quæ ad vitæ huius usum sunt necessariæ: prudentia vel intelligentia autem circa morum scientiam, ciuilem quæ inter homines conuersationem.

7. *Custodiet rectorum salutem. &c.* Prosequitur beneficia, quæ per sapientiam præstantur rectis, hoc est, ijs, qui nihil obliqui, nihil quod diuinæ voluntati aduersetur in pectore fouent. Talibus enim apud Deum reposita est salus certa, stabilisque substantia, cuiusmodi est, sola diuina essentia; omnes enim res creatæ mutationi sunt obnoxie, tum longitudo quoque dierum, eaque sapientia, quæ omnia vnica voce Hebraica *Tusibiah* designantur. Porro autem ut Deus rectis est vita & salus; ita integrè syncerèque ambulanti bus, hoc est vitæ cursum piè sanctèque prosequètibz contra aduersa omnia est veluti impenetrabile quoddam scutum. Ipse enim est, qui Sanctorum semitas eorumque, qui iudicij rationes seruant, & misericordiam exercent, vias ab omni aduersitate custodit; imò verò qui vnus, ut sancti sint, viamque iudicii custodiant, & misericordiam exerceant, largitur. Ad litteræ contextum quod spectat, potest is ad hunc modum ordinari. Deus qui iustitiæ semitas seruat, viamque Sanctorum custodit, custodiet rectorum salutem, & proteget eos, qui simpliciter gradiuntur.

D

Tunc



9. *Tunc intelliges. &c.* Repetit, quæ antea dixerat, sed aliis verbis. Præmiserat enim, si sapientiam quaesieris, intelliges timorem Domini, & scientiam Dei inuenies, hic autem: Si sapientia in cor tuum semel intrauerit, & scientia animæ tuæ placuerit, non modo iustitiam, iudicium & aequitatē, sed omnem aliam quoque viam bonam, hoc est, omnem aliam virtutem ad salutem necessariam intelliges. Ceterum quomodo tria hæc inter se differant non videtur anxie inuestigandum, sat est ita inter se connexa esse, ut nullum aliorum præsidio destitutum, per se satis sit perfectum.

11. *Consilium custodiet te. &c.* Pergit fructus & commoda, quæ ex inhabitante sapientia proueniunt, explicare. Si, inquit, sapientia in pectore tuo inhabitauerit, consilium, quod ipsa suggeret, custodiet te: & intelligentia, quam ex illa petes, à via mala, ab homine peruerso, à muliere denique extranea seruabit te, efficietque ut ambules in via bona. Discimus hinc, quorum corda verâ sapientiâ destituta sunt, illos neque salutare cogitationes, neque sana consilia, neque monasticam, aut æconomicam, aut politicam prudentiam habere; sed instar nauis gubernaculo orbatæ omni vento circumferri.

13. *Qui relinquunt. &c.* Exponit ordine cuiusmodi sint mali illi peruersi quæ viri, à quorum consuetudine & contagione sapientia liberat. Assignat autem tria vel quattuor symbola, per quæ dignosci possunt. Inter cetera autem familiare est illis, effutire peruersa & à veritate aliena: mox rectis lucidisque viis desertis, incedere per obliquas & tenebrosas. Hinc lætari & exultare, cum flagitium aliquod designauerint, aut ab alio designatum intellexerint. Postremò peruersam, omnique ex parte infamem vitam ducere, hoc est omni scelerum flagitiorumque generi turpiter indulgere.

16. *Ut eruaris à muliere aliena. &c.* Viri peruersi indole tribus quattuorue versiculis delineata, describit iam improbam mulierem, à qua non minus periculum homini iuueni imminet, quàm ab improbo viro. Delineat autem illam variis notis & circumstantiis, quo melius cauere, & ab aliis probis internosci valeat. Primò enim eiusmodi mulier garrula, sermonumque lenociniis & blandimentis insigniter est instructa. Est eadem extremè salax & libidinosa, ut quæ Dei pactique cum marito initi oblita, pubertatis suæ ducem deferat, & adultero turpiter adhæreat. Est tota, quanta quanta est, ad mortem inclinata, omnesque adeo gressus illius rectâ tendunt ad dæmones & inferos. Est denique iis artibus & armis munita, iisque delitiis & carnis illecebris delbuta, ut qui semel illi adhærescere coeperit, vix vnumquam se ab illa.

illa auellere possit. Quare eiusmodi, vnà cum illa, citra vllam spem vitæ, ad mortem & interitum rectâ contendit. Ceterùm quæ de adultera vel publico scorto hîc dicuntur, ea sublimiori sensu in hæresin quadrant optimè. Nam ea quoque & blandiloqua est, & sponsum, cui in primæua ætate per Baptismum desponsata fuerat, deserit, & adultero nempe diabolo, obstinatè adhærescit, & rectâ tandem ad inferos abducit, quosq; semel deliniuit, & in sententiam suam pertrahit, eos vix vnquam ad sanam mentem redire finit.

20. *Vt ambules in via. &c.* Aliud hic sapientiæ & intelligentiæ beneficium exponit, & illud quidem eiusmodi, vt sine illo perfecta salus consistere non queat: neque enim, vt quis vita beata potiatur, sat est, vt à peccato peruerforûmq; hominum consortio recedat; verùm præter hoc quod conuersionis initium est, opus est vt faciat bonum, eosque sectetur, qui virtutum bonorûmq; operum studio sedulò incumbunt, & hoc quoque præstant sapientia & intelligentia.

## PARAPHRASTICA CAPITIS TERTII EXPLANATIO.

1. *Fili mi, ne obliuiscaris legis meæ, & præcepta meæ cor tuum custodiat.*

**A**Vdisti, fili, ad cõparandam sapientiam opus esse, vt morum sapientizq; magistris diligenter auscultes, mentisq; & corporis aures ad illorum dicta sedulò accommodes. Verùm enimuerò vt sapiens sis, verèq; sapiens habere, non sat est, vt sapientem vel sapientiam ipsam de sapientia disserentem audias, eiusdémque præcepta & instituta discas; sed vltra hæc opus est, vt eadem illa sapientiæ præcepta & monita mentis tuæ secreto fideliter inculpas, tenaciq; memoriâ retineas, quò nimirum cùm opportunitas vel vsus id exiget, opere ipso exprimere queas. Quamobrem iterum iterumq; te hortor atque admoneo, ne legis meæ, morumq; doctrinæ, quam iam tradere cœpi, & deinceps traditurus sum, obliuiscaris; neque cor tuum à præceptorum meorum consideratione & obseruatione abstrahi aliquando sinas. Certus enim sum, conatum in magnum quantumq; vsum tibi cessurum.

2. *Longitudinem enim dierum, & annos vitæ, & pacem apponent tibi.*

**Q**Vandoquidem, si legis meæ oblitus non fueris, meaque præcepta cor tuum accuratè custodierit, vita non modò longa & sana obtinget tibi, sed tranquilla quoque & fortunata : Siquidem vita diuturna, nisi adsit corporis mentisque tranquillitas, & ab omni grauiori ægitudine immunitas, molesta est veriùs, quàm iucunda. Rursum diu viuere, & omnis quoque ægitudinis expertem viuere, si desunt opes & facultates, quibus te honestè sustentent, fortunatè, vel beatè viuere verè dici non potes, vera namque beatitudo omnem paupertatem excludit. Vel (si hoc mauis) si legem meam fideliter obseruaueris, meaque præcepta cor tuum diligenter custodierit, ex longitudine dierum præsentis vitæ, transfereris ad annos vitæ, hoc est ad vitam illam, quæ finem nescit, fruiturus ibidem pace, tranquillitate, sanitate, & opulentia, quæ omnem sensum exsuperat.

3. *Misericordia & veritas te nr̃ deferant, circumda eas gutturi tuo, & describe in tabulis cordis tui.*

**V**T misericordia & veritas Deo Opt. Max. nunquã non adsunt, fili, ipsiq. præ ceteris familiaria sunt; ita tu quoque da operam, ne vllò vnquam tempore illustria illa animæ ornamenta te destituant. Quò autem minori negotio id consequare, circumliga illa collo tuo, & inscribe non æneis, vel lapideis tabulis, vt Moyse lex descripta exstabat, verum cordis tui tabulis; ita vt illa semper ibi videas & legas, neque vmquam obliuioni tradas. Nam quodcumque tandem misericordiæ & veritatis nomine accipere lubuerit, certum est Deum pro sua benignitate & liberalitate eiusmodi caritatis officia amplà mercede compensaturum. Quandoquidem quæ mox consequuntur, disertè hoc indicent.

4. *Et inuenies gratiam & disciplinam bonam coram Deo & hominibus.*

**S**I, inquit, præcepta mea fideliter custodieris, eaque in cordis tui tabulis indelebili charactere descripseris, & misericordiam nihilo seciùs & veritatem opere ipso exercueris, tum apud Deum, tum apud homines quoque fauorem & gratiam inuenies; tantamque ingenij sollertiam mentisque prudentiam breui acquires, vt quid te in omnibus negotijs & difficultatibus facere, aut vitare oporteat, facillimè intelligas.

*Habe.*

5. *Habe fiduciam in Domino ex toto corde tuo, & ne innitaris prudentiæ tuæ.*

6. *In omnibus vijs tuis cogita illum, & ipse diriget gressus tuos.*

**V**erumtamen caue, ne propter humanum fauorem, aut cuiusquam, gratiam nimium te efferas; neque propter ingenii tollentiam & acumen plus æquo tibi placeas aut arroges. Verum submissè de te ipso sentias, omnemque fiduciam, & spem tuam in Deum defixam habeas, idque non tepidè aut ex parte; sed toto corde totoque animo & pectore. Qui enim eiusmodi gratiam bonamque mentem nacti sunt, longè aliter comparati esse solent & comparati esse debent, quàm qui secularis scientiæ & sapientiæ opinionem habent. Hi enim in sua prudentia confidunt, suamque peritiam supra iustum & æquum passim iactant & venditant: tu verò qui & intellectum & cetera omnia à Deo te accepisse non ignoras, totam fiduciam totamque spem tuam in illum desige, nec non in omnibus vijs, & actionibus tuis illum præ oculis habe, illum cogita, illum agnosce, illum implora & prædica, fietque hac ratione, ut ipse prosperè fortunatèque omnes gressus, omnesque actiones tuas directurus sit.

7. *Ne sis sapiens apud te ipsum, time Deum, & re'cede à malo.*

**N**equè sis sapiens in oculis tuis, ita ut ceteros omnes præ te contemnas, illorumque iudicia & admonitiones pro nihilo ducas, aut despiciatui quoque habeas; hoc enim facere haud aliud esset, quàm arrogantissimi hominis ingenium prodere. Esto proinde humilis in oculis tuis, &, quod initium est sapientiæ, Deum time, eidemque toto pectore inhære. Nam ut summæ stultitiæ est solis naturæ viribus fidere, aut solo proprii ingenij iudicio omnia tribuere; ita eximie cuiusdam sapientiæ est post adhibitam propriam industriam, toto corde diuino auxilio inniti, hoc autem te facere tunc demùm palam testatum feceris; si vitam vniuersam absque omni peccato immunem traducere sedulò contenderis. Fieri enim omninò non potest, ut quis Deum ex animo timeat & amet, totamque fiduciam in illo repositam habeat, neque à peccandi tamen consuetudine desistat.

*Sanctus*

8. *Sanitas quippe erit umbilico tuo, & irrigatio ossium tuorum.*

**Q**uòd si ita comparatus fueris, vitamque ad eum modum institueris, hoc est si propriæ prudentiæ nimium innixus non fueris; sed Deum præ oculis habueris, eumque omnium actionum tuarum ducem constitueris, atque eiusdem timore concussus ab omni malo opere te continueris, neque tuum tandem iudicium Dei consilio reliquorumque omnium iudicio prætuleris; tunc demum plena umbilico totique interiori homini tuo obtinget sanitas, tuæque ossa spiritali medulla, cœlestique pinguedine affatim implebuntur. Paucis, omnes animæ tuæ vires sanabuntur, & per virtutum habitus ad optimum statum redigentur.

9. *Honora Dominum de tua substantia, & de primitiis omnium frugum tuarum.*

10. *Et implebuntur horrea tua saturitate, & vino torcularia tua redundabunt.*

**F**ili, quicquid habemus & possumus, hoc totum Dei est totumque eiusdem dono & beneficio impetratum est. Eapropter non interioribus tantum religionis actibus, fide, inquam, spe & caritate eum honora, & cole, verum externis quoque sacræ latriæ symbolis; cuius generis censentur ea omnia, quæ in sacrificium, vel laudem, vel gratiarum actionem illi offeruntur; vel illius quoque membris propter ipsum exhibentur. Quamobrem de prouentuum tuorum primitiis illum honora; deque omnibus quæ quavis iustâ ratione conquiris, partem aliquam illi assigna. Nec est quòd eâ erga Deum liberalitate & gratitudine te ad inopiâ redactum iri metuas; siquidem in Deum pietas, & in membra eius liberalitas opes potius augent & conseruant quàm diminuant vel exhauriant. Si igitur Deo confisus liberaliter in illius cultum, fratrumque eiusdem subsidium erogaueris, horrea tua implebuntur saturitate, omnisque generis frugum abundantia, & torcularia tua musto exundabunt. Summa, nihil necessariorum tibi deerit, sed quicquid humanæ vitæ usus deposcit, hoc totum cumulatè tibi subpeditabit.

*Discipli-*

11. *Disciplinam Domini, fili mi, ne abijcias: nec deficias cum ab eo corripieris.*

**V**erum enimvero si Deo è salute tua fore visum fuerit, pro plena sanitate, ægritudinem; pro ossium pinguedine, ariditatem; pro rerum omnium affluentia, rerum omnium inopiam in te immittere; aut prosperitatem, qua ante fruebaris in aduersitatem permutare, fili, illius correctionem, & disciplinam per superbiam vel impatientiam ne abiicias; neque acrius ab eo correptus, vel dirius, quàm te promeritum existimas, flagellatus, animum despondeas, aut flagellis illius ignauorum more turpiter cedas.

12. *Quem enim diligit Dominus, corripit: & quasi pater in filio complacet sibi.*

**Q**vandoquidem eiusmodi castigatio non provenit ex ira, aut indignatione, aut ex aliqua malevolentia; sed ex pleno amore & intima caritate. Nam ut pius parens prudensque medicus per eiusmodi flagella, clades, & calamitates, illud abs te vult submovere, quod salutem tuam diuinæque prædestinationis in te effectum poterat impedire. Solet enim ille omnem, quem diligit filium, increpare, pœnisque & flagellis in officio continere, vel inde dilapsum eò denuò reuocare, ne vel peior euadat, vel hereditatis iacturâ faciat. Etenim ut parentes secundum carnem liberos, quos delinquentes vel officium negligentes animaduertunt, pro delicti ratione castigant: ita Deus quoque, quos ad gloriam ordinavit, verberibus & crucibus exercet; ne vel nimium insolecant, vel licentiosius peccent, vel ut cautiùs quoque & prudentiùs in posterum viuant. Habent enim eiusmodi flagella, si commodè utaris, magnum ad comparandam & retinendam sapientiam momentum.

13. *Beatus homo qui inuenit sapientiam, & qui affluit prudentia.*

**N**on beant opes, fili, non nobilitas, non corporis robur, aut sanitas, aut venustas: non rerum humanarum scientia; non cetera denique omnia, quæ sub sensum veniunt, & in hominum admiratione existunt; sed sola diuina sapientia, ad quam præcepta, de quibus meam sententiam iam audiisti, certissimam viam muniunt, hominemque quàm optimè & quàm rectissimè disponunt. Interim sapientia, quæ hominem verè perfectèque beat, non est quid productum aut procreatum; sed ipsemet Dei Filius rerum omnium conditor & procreator. Verè proinde beatus verèque felix  
& c.

& fortunatus est, non qui aurum, aut argentum, aut vñiones, aut aliud quodcunque eiusmodi inuenit, sed qui hunc increatae infinitaeque sapientiae thesaurum reperit.

14. *Melior est acquisitio eius negotiatione auri & argenti, primi & purissimi fructus eius.*

15. *Pretiosior est cunctis opibus : & omnia quae desiderantur, huic non valent comparari.*

**B**Eatus nihilominus & ille censeri potest, qui ea infusae diuinitusue communicatae sapientiae & intelligentiae vbertate affluit, ut illam in alios quoque, cum usus id postulat, transferre valeat. Nam etsi haec communicata productae sapientia infinitis partibus ab illa distet, quae & Dei, & sumptè naturae Deus est; attamen tantae dignitatis, tantiue precii, & valoris est, ut eius acquisitio purissimi auri & argenti acquisitione multis partibus praestet; eiusdemque proventus & usus cunctis lapidibus & opibus preciosis preciosior existat. Paucis, una haec tanti valoris & precii est, ut nihil sub orbe hoc sublunari extet, quod illius existimationem & premium aequare valeat. Nihil enim sunt deliciae, nihil diuitiae, nihil cetera omnia caduca & fluxa, si cum illa comparentur.

16. *Longitudo dierum in dextera eius, & in sinistra illius diuitiae & gloria.*

**H**aec enim est, quae & vitae longitudinem, & gloriam immortalem, & nunquam interiturum honorem largitur; e quibus omnibus nihil praestant, neque praestare possunt mundi huius opes, seculique delitiae & voluptates, nedum sapientiam ipsam. Sed neque honores, & opes, & vitam longam tantum confert sapientia; sed vitae quodque immortalitatem, animaeque pacem & tranquillitatem, aliaque id genus complura, quae supra multis parasangis recensita sunt. Verbo complectar. Una haec bona omnia, quae in sobrii hominis desiderium cadunt, praestat: & mala rursus omnia, quae prudentes viri formidare solent, e medio profligat. Praestat autem utraq; manu, quia omnibus vndique bonis cincta & circumsepta est. Quod si bona, quae pollicetur, quibusdam in hac vita non confert, ideo non confert, quia e salute eorum non erant: neque enim omnia conueniunt omnibus. In altera tamen vita magno fenore compensat, quod hic negauerat; aut ut rectius dicam, in aliud tempus transtulerat.

Via

17. *Via eius via pulcræ, & omnes semitæ illius pacificæ.*

**N**Ec est, fili, ut vias, quæ ad sapientiam ducunt, asperas, duras, hostilibus infidiis obseptas, vel belli tumultibus plenas causeris: nihil enim horum omnium incommodorum locum hic habet. Sunt enim viæ illius plangituræ, lucidæ, omni pace & tranquillitate plenæ. Paucis, sunt tales, quæ ambulantes in iis mirificè recreent, animisque illorum admirabilem pacem & iucunditatem adferant; perducunt quippe ad eam pacem, quam mundus dare non potest; ad eam lucem, quæ tenebras nullas admixtas habet; ad eam tandem vitam, quæ finem & mortem ignorat. Neque sanè viæ & semitæ, hoc est opera, præcepta, & consilia, sapientiæ aliter affectæ esse possunt: alioqui enim verè non bearent; siquidem ad veram beatitudinem non solum sana lōgaque vita, opes præterea & honores exiguntur, sed pax quoque & trāquillitas, & omnis generis voluptas. Hæc enim sunt, quæ homines omnes naturaliter desiderant; neque prius desiderare cessant, quam re ipsa possideant.

18. *Lignum vitæ est his qui apprehenderint eam: & qui tenuerit eam beatus.*

**S**unt igitur omnes viæ sapientiæ amœnæ & pulcræ: prout ipsa quoque sapientia est pulcherrima, & nobilissima, & potentissima. Est enim ea lignum vitæ, quod in medio paradisi plantatum est; si non omnibus, iis certè qui apprehendunt eam: imò verò vitalis ligni vires multis partibus excellit, ut quæ non tantum vegetam & diurnam vitam præstet, ut illa, sed sempiternam. Nemo enim ignorat Adamum ex ligno illo vitæ immortalitatem consecutum non esse; sed neque consequi quoque potuisse, etiamsi ex eo gustasset. Sapientia autem semel hausta, largitur immortalem fidei studio ad finem usque retenta vitam. Nequè immortalem tantum confert vitam; sed magnam quoque per fructus suos in hac vita iucunditatem & voluptatem, & certam deniquè, si conseruetur, alterius vitæ beatitudinem.

19. *Dominus sapientia fundauit terram, & stabilivit celos prudentia.*

**E**st eadem nihilo secius summè potens summeque efficax: quippe cum Deus per eam condiderit cælum & terram, & quæcunque illorum ambitu continentur, hoc est totam rerum vniuersitatem. Hæc enim scripturarum more per cælum & terram tanquam per primarias partes designari

E solent.



solent. Condidit autem terram Deus tanquam reliquorum omnium basim & fundamentum in medio vniuersi innotam; quò nimirum firma commodaque hominum ceterorumque animantium sedes esset; nequè vlla tamen columna aut sustentaculo nixam, quod certum est summæ sapientiæ argumentum. Terræ veluti tectum quoddam induxit cœlum mira stellarum venustate ornatum, semper mobile, nunquam defatigabile & quod ad naturam suam attinet, semper sibi simile, quæ omnia arguunt summam diuinæ sapientiæ vim & magnitudinem.

20. *Sapientiâ illius eruperunt abyssi, & nubes rore concresciunt.*

**E**iusdem rursus sapientiæ opus sunt fontes & flumina, quæ ingenti aquarum copia & vbertate è terræ cauernis, ad quas initio iussu Dei, ne terram operirent, sese receperant, per occultos meatus lapsa erumpunt; & ad diuersos orbis tractus longis ambagibus sese diffundunt, & interdum quidem ea abundantia inde erumpunt, vt latè omnia propter hominum peccata, depopulentur, vt multis sæpè exemplis compertum est. Per eandem denique Dei sapientiam & potentiam vapor ex aquis locisque humidis & calidis ad superiora aëris loca subuectus per circumstans frigus condensatur in nubem, eaque irruente frigore compressa; si densior quidem fuerit, in pluuiam; sin autem rarior, in rorem resoluitur, quibus solum humectatur & fecundatur, quò hominibus vim suam exerat, fructusque fundat: Atque huc tendit Sapiens, dum per Dei sapientiam abyssos erumpere, & cœlos vel nubes rorem stillare, vel in rorem concrescere asserit. Ceterum quaecunq; de diuinæ sapientiæ virtute & energia hic dicuntur, ea omnia, ad illam sapientiam pertinet, quæ idem est cum Dei Verbo: per hoc enim facta sunt omnia, & quæ in cœlo, & quæ in terra.

21. *Fili mi, ne effluant hæc ab oculis tuis. Custodi legem atque consilium.*

22. *Es eris vita animæ tuæ & gratia faucibus tuis.*

**H**æc, fili mi, de diuinæ sapientiæ virtute & potentia, admirandisque eiusdem operibus doctrina, ceteraque omnia, quæ de sapientia hactenus tradita sunt, ob mentis oculos semper versentur, neque vnquam inde recedere patiaris. Hæc vna enim & stabilis, & constans, & ab omni errore, falsitate, & obscenitate, quibus humana scientia abundat, immunis est. Hæc sola verè beat, & ab omni malo liberat. Hanc proinde iugiter animo  
versa.

versa, & tecum pertracta; eiusdemque vim & energiam diu noctuque meditare & præ oculis habere; & omnem denique vitam, omnesque cogitationes tuas secundum illius præscriptum institue.

Siquidem homini ad veræ pietatis diuinæque sapientiæ thesaurum serio contendenti, sat esse non debet ut accuratam legem, quas alii præscribunt, curam habeat; verum propriarum quoque cogitationum & actionum peculiarem rationem habeat oportet. Nam etsi lex humana externos tantum actus iudicet, & si sint mali, puniat, Deus tamen utrosque prohibet & plectit. Accedit huc quoque quod prauæ mentis imagines & cogitationes, quales sunt quæ cum lege & ratione pugnant, si tempestiuè non coercæas, ad legis contemptum & præuaricationem paulatim disponant, & tandem omnino trahant.

**Neque tuas tantum cogitationes modereris & obserues, sed legem quoque & consilium,** quod vera Dei sapientia tibi suggerit. Quandoquidem ea obseruatione vitæ longitudinem, & prudentiam, & rerum diuinarum intelligentiam, & multa præterea alia, de quibus supra iam disputatum est, consequeris. Etenim si sapientiæ monitis parueris, eiusdemque præcepta religiose obseruaueris, erunt vita, salus & sanitas animæ tuæ. Anima enim tua verè per illa viuet, sanaque & incolumis vsque persistet. Quemadmodum enim legis, quam Dei sapientia præfinit, præuaricatio, est mors animæ; ita eiusdem legis obseruatio, prauarumque cogitationum & desideriorum compressio, est vita, vigor, & sanitas animæ. At neque vita & sanitas sunt animæ tantum; sed illustre quoque & peruenustum eiusdem ornamentum. Nam ut præciosa monilia pectus & collum, totumque hominem insigniter exornant, & apud omnes spectabilem reddunt; ita sapientia quoque studiose exulta, magnum homini sapienti apud Deum & hominem fauorem & gratiam conciliat.

23. *Tunc ambulabis fiducialiter in via tua, & pes tuus non impinget.*

**N**equè sapientia, si eam familiarem habueris, animæ tuæ tantum vitam & sanitatem præstabit, gutturique tuo gratiam & eloquentiam conferet; ut saluari doctrina aliis quoque prodesse queas: verum omnem quoque à periculis & insidiis, quas diabolus, caro, & mundus assidue moliuntur, securitatem tibi pariet. Nam siuè domi maneat, siuè peregrè apud externos agas, itèrue facias, ea fide & diligentia te custodiet, ut ne vilis omnino animi tui affectus, qui pedis nomine designatur, vel leuissimè impingat. Si igi-

tur sapientiam comitem, vel ducem veriùs nactus, illiusque consilia ex animo complexus fueris, ubicùmque ambulaueris magna cum fiducia, citràque vllam pedis offensionem ambulabis.

24. *Si dormieris: non timebis: quiesces: & suavis erit somnus tuus.*

**Q**uod si peregrè non egeris (etsi verè peregrini in hoc mundo sumus, crebroque, nisi magna adsit cautio, offendamus omnes) sed domi vixeris, noctuque, (quando hostes maxime vigilare & insidiari solent,) somno te dederis, consopitusque in lecto quieveris, suauiter omnisque timoris expers dormies; neque quidquam quod somnum insuauem aut inquietum reddat, occurrat. Summa, à quocunque periculo, quod vel dormientibus, aut vigilantibus, vel domi versantibus, aut foris agentibus accidere solet, per sapientiam securus eris. Nascitur autem hæc iustorum securitas cum ex bono conscientie testimonio: tum maxime ex diuinæ protectionis fiducia & spe; familiarique cum Deo consuetudine; quibus rebus, quod impij destituantur, in perpetuo timore, & animi fluctuatione versantur.

25. *Ne paueas repentino terrore, & irruentes tibi potentias impiorum.*

**D**enique sapientiae beneficio non modò ab iis periculis, & malis tutus eris, quae vel in motu, vel in quiete multis saepe accidunt, verùm à subitis quoque casibus, iisque cladibus, terroribus, & vastitatibus, quae ab hostibus exteris (cuiusmodi sunt, qui ex insidiis in medium prodeunt, illosque, qui nihil hostile metuebant, repente adoriuntur, lateque omnia vastant & depopulantur & quasi in solitudinem redigunt) ex insperato nonnūquam adferuntur. Quandoquidè Dominus propter sapientiam in te habitantem erit in latere tuo. Ut enim stipatores Principum lateribus ad custodiam praestò sunt, parati, si opus sit, illos defendere, omnemque iniuriam ab illis propulsare: ita Dominus quoque in omnibus periculis & hostium impressionibus praestò tibi erit; pedemque tuum ne labatur, rùque ea ratione capias, diligenter custodiet. Atque hoc summum est diuinæ sapientiae beneficium, summaque consolationis argumentum. Quis enim ab hoste non capiatur, si Deus illum non custodiat? Quis rursus ab hoste sibi metuat, si Deum custodem habeat? Habet autem omnis ille eiusmodi custodem, qui licet diuina sapientia utcunquè munitus sit, plus tamen tribuit Deo, quam suis viribus, suaeque sapientiae.

27. *Nolite*

27. *Noli prohibere benefacere eum qui potest: si vales, & ipse benefac.*

**F**lli, vt iam ante misericordiam & veritatem serid tibi commendani, ita nunc rursus te admoneo, &, quanta vi possum, abs te contendo, vt misericordiæ & veritatis opera pro facultatum ratione impigrè exerceas, primumque hoc studium, quantum potes & vales, in aliis promoueas & excites. Neque vnquam ad eam amentiam pertrahi te sinas, vt eum qui alteri benignè facere vult & potest, à benefaciendi studio impedias; vel vt elemosynam, quæ pauperi; aut debitum, quod creditori iure debetur, à legitimo suo domino proliubeas: quin vtrumque quantum vires permittunt, promouere & adiuuare contendas. Absit autem, inhumanum iniustumque quorundam exemplum imiteris. Sunt namque qui vt suam auaritiam vel iniustitiam specioso aliquo titulo defendant; aliis auctores sunt vt perceptas vsuras restituant, vel aliquam pecuniæ summam in egenos vel alias pias causas erogent.

28. *Nec dicas amico tuo, Vade, & reuertere, & cras dabo tibi: cum statim possis dare.*

**N**eque pauperi tantum, quod donare potes, dona fideliter, aliosque qui eadem donationis lege tenentur, ad debitum iustum præstandum pro viribus inducas, verum prompto quoque alacrique animo id facias. Quare si statim, quod pauperi, vel creditori debetur, exsoluere vales; ne dicas: amice abi, quod petis, modò præstare non possum, cras vel alio tempore reuertere, & dabo. Nam qui id dare differt, quod statim donare potest, omnem apud Deum & homines gratiam amittit: *Hilarem namque dantem diligit Deus*, protritumque vulgi sermone dictum est; *Bis eum dare, qui cito dat*. Ne ergò proximum opem tuam implorantem vana spe lactes, aut nimia dilatione diuines; sed, quod in te est, euertigiò illum expedias. Qui enim dilationem in crastinum vsque prohibet, nullam ille moram concedit.

29. *Nemoliaris amico tuo malum, cum ille in te habeat fiduciam.*

**Q**uod si amicum egentem opemque petentem amicitie lege salua repellere non licet; multò minus aliquid malicontra illum moliri, aut eundem, si probus habetur, in aliquam improbitatis suspicionem temerè vocare; aut aliquod omnino verâ amicitia indignum committere licebit.

E 3

Cauē

Caue proindè aduersus eum, qui tuâ fretus amicitia tecum habitat, aliquid machineris à vera amicitia alienum; aut opinionem, quam de te concepit, aliquando fallas. Nihil enim turpius videtur quàm eum ledere aut fallere, qui omnia bona sibi de te pollicetur, nihilq; mali de te suspicatur. Imò tantum abest, vt talem offendere fas sit, vt etiam malum de eo suspicari nefas sit.

30. *Ne contendas aduersus hominem frustra, cum ipse tibi nihil mali fecerit.*

**C**um nullo mortalium, fili, si fieri potest, contentionem suscipias, si quæ tamen necessitas aut publica vtilitas, aliquid eiusmodi exegerit, caue cum eo homine vllum omnino certamen ineas, aut publicam priuatamue concertationem exerceas, qui nullam offensionis, aut contentionis, aut damni causam tibi vnquam dedit, nullaque iniuria te lacerauit. Nam cum omnis contentio & lis sit mala, & noxia, & probrosa, quæ citra iustam causam suscipitur, tùm illa maximè quæ intonti beneque merenti intenditur. Taceo id quod tenere contra intontes suscipitur, in suscipientium caput pertæpè recidere, magnoque illos damno alicere.

31. *Ne æmuleris hominem iniustum, nec imitris vias eius.*

**E**t vt piorum hominum innocentiam in calumniam rapere, aut ea abuti nulli licet, neque citra grande periculum aliquid eiusmodi tentare cuiquam omnino fas est: ita tu ob impiorum prosperitatem, iustitiâ & innocentia defertâ, ad illorum impietatem te transferre nequaquam debes. Quamuis ergo homines impij, raptores, intontum oppressores, ceterique flagitijs publicisque sceleribus ex instituto dediti vulgò felices fortunatiq; habeantur, quippe quibus omnia ex animi sententia succedere videntur, tu tamen istiusmodi homines ne æmuleris, neque illorum studia & impietatem consectoris. Quandoquidem viæ illorum sunt peruersæ, rectaque ad interitum abducunt.

32. *Quia abominatio Domini est omnis illusor, & cum simplicibus sermocinatio eius.*

**N**ec existimes prosperitatem, quâ ad tempus potiuntur impij, à Domino esse, aut ex peculiari aliqua Dei Opt. Max. erga eiusmodi nequam homines beneuolentia proficisci. Tantum enim abest vt Deus peruersos illos desertores & impostores loco aliquo habeat, aut gratia aliqua complectatur, vt mera apud illum sit abominatio; neque secus illos ex-  
cretur

cretur atque foetidum aliquod cadauer, aut purulentum aliquod vlcus. Neque enim illius conuersatio familiarisq̃ue consuetudo est cum impiis & illuloribus; sed cum rectis, simplicibus, & integris: his ille sua secreta pandit; cum his, vt amicus cum amico solet, familiariter agit; cum his versari pro deliciis habet.

33. *EgesCas à Domino in domo impij: habitacula autem iustorum benedicuntur.*

**E**T quia iusti perfecti q̃ue viri Deo sunt perquàm familiares, fit, vt interior illorum domus, nempè illorum anima cœlesti benedictione repleatur, omni q̃ue virtutum & diuinorum charismatum genere cumuletur, & intima impiorum habitacula, eorundem q̃ue conscientia & corda rerum mortalium q̃ue omnium sint pauperrima; & tam in hac præsenti, quàm in altera quoque vita longè miserrima. Imò tunc temporis multò pauperiora & miserabiliora apparebunt; quàm in præsenti rerum statu; vtpotè æternæ miseria & inopia perpetuò mancipata. Sed neque interna tantum Dei benedictione abundant iusti, sed sæpè etiam externa, hoc est opibus, honoribus; aliis q̃ue omnibus ad vitam honestè ciuilitate q̃ue sustentandam necessariis. Contra verò impij, raptores, insontum q̃ue oppressores in magna Dei maledictione, & egestate degunt. Nam etsi opibus nonnunquam affluant, adeo q̃ue fortunati, & diuites apud hominum vulgus habeantur, eatamen opulentia non est ex Dei benedictione, sed ex furto, rapina, & iniquitate: cuiusmodi bona neque stabilia sunt, neq̃e diuturna quoque: prout malè, & citò parta, malè & citò dilabi plerūq̃ue solent. Rarò enim ad tertium haredem perueniunt, neque adducunt possessorem suum ad æternam felicitatem, sed ad sempiternam miseriam.

34. *Ipse deludet illulores, & mansuetus dabit gratiam.*

**I**N mortali hac vita homines, de quibus hic sermo est, videntur aliquid esse. Quare opibus, quibus affluunt, inflati, omnes derident, omnes præ se contemnunt, nullius admonitionem admittunt. Verùm non erit hic factus, hoc supercilium, hic mentis tumor perpetuus, sempérq̃ue sui similis. Nam qui in cœlis habitat, eiusmodi illulorum & fannionum fastum & supercilium mentisque tumorem subito comprimet. Siquidem felicitatem illam, propter quam insolenter superbiebant, nullum q̃ue formidabant vanam inanem q̃ue esse ostendet. Vel repente illos in summam miseriam & inopiam

inopiam redigendo, quod sæpè fit; vel certè ex momentanea hac prosperitate per mortem abreptos, in æternam miseriam & calamitatem præcipitando. Verùm mansuetos & humiles, cuiusmodi inter ceteros sunt, qui impiorum felicitatem variasque iniurias iniuste illis illatas patienter tulerunt, peculiari favore, & gratiâ prosequitur. Ipse enim est, qui superbis resistit, & humilibus dat gratiam.

35. *Gloriam sapientes possidebunt: Stultorum exaltatio, ignominia.*

**I**dem ille est, qui sapientes gloria & honore coronat, amplisque muniis & dignitatibus auct; stultorum arrogantiam & exaltationem deprimat, plenamque ignominiam esse ostendit: nec immeritò. Nam ut stultorum cœtus multa per se probrosa, & turpia committit, aliorumque dicta, vel facta tamen probro, & ignominia digna, inaniter sæpè extollit; ita Deus (quo hac ratione pœna noxæ respondeat) inanem illorum gloriationem, & exaltationem, quâ ad tempus hic se exaltauerant, seseque extulerant, sicut ab aliis quoque præposterè exaltati fuerant, in probum & ignominiam sempiternam conuertit, & interdum quoque in temporariam. Nam ut verè sapientes non in altera tantùm vita à Deo, cui seruiuerant, sempiternâ gloriâ donantur; sed in hac quoque vita non ab ipso, sapientiæ auctore tantùm; verùm ab hominibus quoque honorantur, & in precio habentur: ita ediuersò stulti & impij (pro iisdem namque in hoc opere passim vsurpantur) non in altera solùm, sed in hac mortali & fluxa quoque vita sæpè ignominiam afficiuntur.

---

A D  
CAPVT TERTIVM  
SCHOLIUM.

1. **F**ili, ne obliuiscaris legis. &c. Per legem aut præcepta, quæ custodire & retinere iubet, morum doctrinam, eamque institutionem, quam probi parentes filiis prima ætate tradere & instillare solent, hoc loco intelligit.

2. Longi-

2. *Longitudinem dierum. &c.* Tria mercedis loco iis promittit, qui parentibus obediunt: quæ non modò iuuenibus, sed omnibus omnino hominibus apprimè cara esse consueuerunt, nimirum longam, tranquillam, & fortunatam vitam: verùm tria hæc in præfenti vita imperfectè obtinentur: in altera autem perfectè plenoque, vt dici solet, cornu. Sunt autem tria hæc ita inter se apta, vt vera fœlicitas constare nullà ratione possit, si aliquod ex illis tribus desideretur.

3. *Misericordia & veritas. &c.* Hæc geminum sensum admittunt: alter (qui præcedenti contextui cohæret) est eiusmodi: Si legem & præcepta mea seruaueris, eaque gutturi tuo alligaueris, & in cordis tui tabulis scripseris, Dei misericordia & veritas numquam te deserent, hoc est certò seruaberis. Alter est, vt misericordia & veritas Dei nunquam non adsunt; ita te quoque nunquam deserant, verùm semper tibi ob corporis mentisque oculos obuersentur. Quid autem inter duo illa intersit non est omnino certum. Latini plerique per *misericordiam* caritatis officia & opera bona accipiunt: Alij per *misericordiam* beneficia gratuita, per *veritatem* autem officia proximo debita intelligunt.

4. *Et inuenies gratiam. &c.* Assignat mercedem misericordiæ & veritati debitam, quæ est gratia & fauor apud Deum & homines, bonumque iudicium ad discernendum inter bonum & malum, rectum & obliquum. Contextus Hebræus effert illa per imperatiuum, habet enim: *Metsachen. Et inueni gratiam*, verùm imperatiuus sæpe vsurpatur pro futuro, & vice versâ.

5. *Habes fiduciam. &c.* Quæ hic dicuntur ea omnia, ad animi modestiam & humilitatem spectant. Magnum enim superbiæ & arrogantix signum est, suis ipsius viribus, aut humano fauori & gratiæ nimium fiderè, aut propriæ prudentiæ nimium inniti; neque enim aliud illud esse videtur, quàm se solum sapere stultè existimare, adeoque nulli velle parère. Modestiæ est autem apertæ fiduciam suam in Deum repositam habere, eundemque reuerenter timere, nec non in omnibus viis & actionibus præsentem cogitare; atque idèò peccatum omne, quod illi maximè displicet & aduersatur, studiosè vitare & declinare. Proponit hic autem ordine quattuor, aut quinque præcepta, quæ omnia ad religionem & pietatem pertinent. Primum ex his est spes, ait enim. *Habes fiduciam in Deo*, non frigide, aut tepide, aut cum hæsitacione, sed toto corde totoque animo. Neque ad eum modum innitaris tuæ prudentiæ, vt diuinum auxilium excludas; sed diuinæ gratiæ & pro-



uidentia tuam operam & prudentiam adiungas, cum hæc illius pars existant. Secundum est fides; Agit enim de vera Dei cognitione, quæ non habetur, nequè haberi potest, citra fidem. *In omnibus viis tuis cogita illam*, inquit, eundemque veluti omnium actionum nostrarum ducem, omniumque, & creaturarum conditorem & dominum agnosce. Quamobrem *ne sis sapiens apud te*, vel in oculis tuis, quod in lignis superbiæ est argumentum: & hoc est tertium præceptum, de quo supra multa dicta sunt, & multa suo postea loco adhuc dicentur. Vnum hoc solum hic addiderim, nempe sub hoc præcepto, caritatis quoque præceptum contineri, ut quæ timoris verique cultus Dei pars sit. Has autem fidei, spei & caritatis virtutes consequitur interioris hominis sanitas, atque ideo statim hic subdit: *Sanitas erit umbræ iortus, & irrigatio contiget sibus tuis*, hoc est, toti homini interiori, omnibusque eiusdem partibus benè erit: Siquidem per solidiores, & meliores corporis partes designantur animi vires, virtutesque & habitus, per quos illæ sanantur, & perficiuntur.

9. *Honora Dominum de tua substantia. &c.* Hoc est quartum præceptum, de sacrificiis, primitiis, & oblationibus, quæ in Dei cultum & gratiarum actionem ex iis rebus offeruntur, quæ eiusdem Dei beneficio, vel ex terræ cultura vel alia quacumque functione, vel negotiatione obuenerunt. Commodè autem præceptum hoc subiicitur actibus fidei, spei, & caritatis, quia interni religionis actus externis naturaliter antecedunt. Inter externos autem sacrificium primum obtinet. Nomine autem sacrificij id totum hoc loco complectitur Sapiens quod in Dei cultum, vel pias causas, vel pauperum quoque elemosynas erogatur. Modò tamen propter Deum erogetur. Siquidem hæc omnia sacrificium interdum appellantur, omniaque in eo conueniunt, quod facultates potius augeant, quam extenuent, vnde hic subditur: *& implentur horrea tua saturati, & circularia tua vino.*

11. *Disciplinan Domini. &c.* Hoc est quintum præceptum, quod de patientia in rebus aduersis agit, poniturque hic loco admodum opportuno. Nam ut illi, quibus nihil deest, facili negotio incidunt in superbiam: ita qui cum morbo, inopia, aut alia quacumque clade constistantur, facili, si imperfecti adhuc sunt, incidunt in impatientiam, aut aliquam animi deiectionem. Perfecti enim per eiusmodi flagella fortiores & sanctiores euadunt, ut patet de Iob, Tobia, & aliis innumeris. Disciplinam igitur, hoc est, correctionem, vel castigationem Domini ne abiicias, aut impatienter feras, fili; sed singularis beneficii loco habeas; quippe quæ magno argumento sint; bono.

bono teloco apud Deum esse. Castigat is enim omnem, quem diligit, filium. Vel quò illum in humilitate exerceat, vel ut peccatum aliquod in illo puniat, vel certè ut meritum illius augeat, aliisque ex illo & per illum patientiæ exemplum præbeat.

13. *Beatus homo. &c.* Post tradita præcepta, quæ ad diuinam sapientiam viam muniunt, & erga Deum resque diuinas hominem rectè disponunt, subiungit diuinæ sapientiæ laudem, admirabilesque eiusdem vires & fructus. Porro laus eius in eo præcipuè posita est, quod sola hominem verè beet, nihilque in mundo exstet, quod illum absque ea verè beare, aut cum illius dignitate conferri valeat. Atque hoc ad incretam Dei sapientiam, quæ Christus est, relatum, extra controuersiam est. Quin ad illam quoque, quæ diuinitus homini infunditur, translaturum, nullum apud prudentes dubium habet. Quid enim sunt omnes mundi huius opes cum sapientia diuinitus infusa collatæ? Verum hic sapientiæ thesaurus non omnibus obtingit, sed iis vel solis vel maxime, qui pietatis operibus Deum studiosè quærant, qui aduersæ fortunæ fluctus æquo animo ferunt, qui à Deo flagellati non recalcitrant aut murmurant; sed gratias agunt, culpamque veluti peccatores deprecantur.

16. *Longitudo dierum. &c.* Hæc causam reddunt, cur sapientia diuina preciosis omnibus preciosior habeatur: Quia nimirum vna hæc non solum longam beatamque vitam præstat, sed opes quoque & honores, & gloriam, & quæ cum his affinitatem habent. Ad hæc mundi huius opes & honores, neque longam, neque tranquillam adferre possunt, multò verò minùs immortalē: at sapientia vitæ iucunditatem & immortalitatem, animæ verò pacem & tranquillitatem, sempiternamque beatitudinem largitur. Paucis, sola sapientia omnia bona donat, & omnia mala profligat. Tribuit autem vitæ longitudinem dextræ, opes autem, & honores sinistræ; quia primum, quod in hominis desiderium cadit, est vita longa & beata: proximum, honores, opes, aliaque eiusmodi. Sicut primum omnium, quod homo maxime formidat, est iactura vitæ, proximum, honoris, tamē, & gloriæ amissio: postremum, pecuniarum, damnum. Mystico sensu dextra & sinistra variè exponuntur, sunt qui per dextram accipiunt Christi diuinitatem, per sinistram eiusdem humanitatem. Alii per dextram designata volunt bona cælestia, per sinistram præsentis vitæ commoda. Alij per dextram legis Euangelicæ doctrinam, per sinistram legem Mosaicam. Alij aliud: siquidem symbolica illa latè patent.

17. *Via eius via pulcra. &c.* Commodè hæc præcedentibus subnectuntur. Admonuerat namque Dei sapientiam verè beare: ad veram autem beatitudinem non solum exigitur longa, & sana vita, opes itidem & honores; verum honesta quoque voluptas, animique pax, & tranquillitas. Quare, ait, viz, hoc est studia, & actiones eius oblectant, omnesque illius semitæ sunt pacatæ, internaque & externâ pace plenæ. Constat hinc multum intercedere inter diuinam & humanam sapientiam: hæc enim neque plenam pacem, neque honestam semper voluptatem adiunctam habet, neque vitam, neque salutem, neque ullam denique veram beatitudinem præstat: illa autem hæc omnia subministrat, quare rursus subiungit.

18. *Lignum vitæ est ihs. &c.* Per hæc sapientiæ vis & dignitas apertius adhuc explanatur, & amplificatur. Nam per hoc, quod arbori vitæ, quæ erat in medio paradisi, comparatur, illud nobis per eam restitui manifestè significatur, quod per peccatū Adami amiseramus. Imò verò salus per illam nobis præstari potius iudicatur, quàm per lignum vitæ. Hoc enim vitæ immortalitatem non præstabat, ut illa, sed longam tantum & diuturnam vitam conferebat. Verum hæc tanta non præstat sapientia creata (tamen viam ad illa munit) sed increata, quæ Christus est, rerumque omnium molitor, & opifex est, quemadmodum sequentia clarè ostendunt.

19. *Dominus sapientia fundauit terram. &c.* Magna sunt, quæ sapientiæ hæcenus tribuit, sed hæc multò sunt maiora. Commendat hic autem illam, non ex vi propria, neque ex peculiaribus beneficiis, quæ generi nostro præstat, sed ex operum magnitudine & maiestate, quæ Deus iam olim per illam fecit, & subinde adhuc facit. Inter quæ principi ferè locum tenet cælum & terra, quæ in vniuersitatis medio non citra miraculum suspensa, in æuum immota consistit.

20. *Sapientia illius. &c.* Per abyssos, & nubes, duo alia elementa insinuat, aquam nimirum, & aërem. Aut per abyssos fontes & flumina è terræ visceribus erumpentia. Per nubes autem, pluuiam vel rorem, quibus terræ superficies irrigatur & fecundatur, designat. Vt cunq; exponas per quatuor hæc tota rerum vniuersitas insinuata habetur.

21. *Filii mi, ne effluunt. &c.* Monet, ut ea, quæ de sapientia acceperat, perpetuò secum pertractet, animoque verset: tum ut non modò legis propositæ, sed propriarum quoque cogitationum rationem habeat. Siquidem Deus, cui omnia patent, interiores quoque actus in iudicium adducere solet. Accedit quoque, quod prauæ cogitationes, nisi compescantur, ad prauū opus,

opus præcípites trahant. Sunt tamen, qui locum hunc aliter exponant, propterea quod voces *Tchmaoth* & *Thustab* latè pateant.

22. *Et erit vita. &c.* Percenset beneficia, quæ sapientiæ in præsentí vita cultoribus suis conferre consuevit. Si, inquit, sapientiæ monita, eiusdémq; consilia, & præcepta ritè obseruaueris, vitam, & animæ sensum præstabunt, decusq; & ornamentum gutturi & collo tuo conciliabunt. Neque hæc tantum, sed securitatem quoque viis, & actionibus tuis comparabunt, eamq; tantam, vt siuè domi maneat, siuè peregrè agas, siuè vigiles, siuè somnum capias, siue aliud quodcumque tractes, nunquam sis impacturus aut in periculum aliquod prolapsurus. Ceterum vt per somnum mortem, per vigiliam vitam vitalémue actionem; ita per peregrinationem, vitam in actione versantem; per domum autem, vitam contemplationi deditam rectè accipimus.

24. *Non timebis repentino. &c.* Aliis verbis & sententiis idem inculcat. Omnia enim huc tendunt, vt planum faciat sapientiæ cultorem ab omni malè tutum fore. Et primò quidem ea attingit, quæ accidere solent circa motum; mox ea, quæ circa quietem; postremò ea, quæ extrinsecus ab hostibus adferuntur. Verùm licet hæc tanta securitas obseruationis præceptorum merces existat, Dominus tamen est, qui eam præstat. Nisi enim Dominus hostem profligaret, nosq; à lapsus periculo conseruaret, nulla legis obseruatio ab hoste, & lapsu tueri nos possët. Quare Sancti omnes totam spem suam in illum reicere solent.

27. *Noli prohibere. &c.* Post eximias sapientiæ laudes, magnæque & illustria præmia, quæ suis illa cultoribus in vtrâq. vita impertiri solet, denuo ad id redit, quod ante tractare cæperat, nèpè ad misericordiæ & veritatis opera. Proponit autem ordine quinque præcepta, de ea caritate, quàm proximo debemus, eaq; omnia negatiua, quò nimirum à facilioribus exordium fiat, facilius est enim à malo abstinere, quàm bonũ facere. Sed & legitimus ordo quoque exigit, vt à malis pœnæ, à quibus sapientia patronos suos defendit, descensus fiat, ad præcepta, quæ malum culpæ prohibent, ait ergò.

*Noli prohibere. &c.* Primum hoc præceptum duo membra continet. Monet enim filium, ne eos prohibeat aut impediat, qui alteri benefacere, volunt. Tum rursus, vt ipse etiam egentibus pro viribus opem ferat. Contextus Hebraeus vnum dumtaxat membrum habet, sonat enim: *Si fuerit facultas in manu tua, non prohibeas bonum à dominis tuis*, hoc est ab iis, qui egent tali beneficio; sensus est: ne eleemosynam, quæ pauperibus iure debetur,

apud te detineas, aut impediās, quin potiùs pro viribus promoveas atque procures. Secundùm hunc sensum monemur quoque ne rem alienam, iniurto Domino apud nos detineamus, aut auctores vel consultores simus, vt alij detineant, aut ne restitutionem faciant.

28. *Ne dicas amico tuo. &c.* Vt primo præcepto cauebatur, ne beneficium debitum denegaretur aut prohiberetur; ita hoc secundo statuitur, ne nimium differatur, si tamen donandi, vel restituendi facultas suppetat, & hoc meritò: perdit enim omnem gratiam, quod citra causam differtur. Quare Seneca pani lapidoso elurienti oblato morosum beneficium comparat.

29. *Ne moliaris. &c.* Prima amicitie vel benevolentie pars est, amici votis, si adsit facultas, benignè gratificari, proxima, amicitiam integram conseruare, nihilque à vera amicitia alienum contra amicum machinari aut conari, aut de illo quoque suspicari. Verbum enim *Charosib* vitramque notionem admittit. Maximè verò contra eum, qui tuâ fide fretus, nihil mali de te suspicatur, quin potiùs omnia bona de te sibi pollicetur.

30. *Ne contendas. &c.* Hoc quarto præcepto inhihet, ne infonti damnum vel iniuriam inferat. Sensus enim versiculi est. Etsi cum nullo omninò, si commodè fieri potest, sit contendendum, minimè tamen cum illo, qui nullam offensionis causam dedit, neque hinc tamen sequitur cum eo citra causam contendere licere, qui offendit. Sicut neque ex illo quoque, quod fido amico malum intendere, aut malum de illo suspicari non licet, rectè infertur, inimico malum intendere, aut malum de illo suspicari fas esse.

31. *Ne emuleris. &c.* Hoc est quintum præceptum, quo duæ internæ actiones prohibentur: inuidia nimirum & praua voluntatis electio. Etenim vt piorum innocentia ad iniuriam nullo modo abuti debemus, ita nec improborum quoque impietatem æmulari, aut propter illorum prosperitatem virtutis studium deserere, & ad impiorum studia nos conferre debemus.

32. *Quia abominatio Domini. &c.* Prospero impiorum successui non inuidendum esse quatuor rationibus, quæ ex dissimili iustorum, & iniustorum statu petuntur, probat. Coniungit autem primò inter se rectos, & peruersos: mox iustos, & iniustos: hinc mansuetos, & illuso- res: postremò stultos, & sapientes. Peruersi porrò, & recti vel simplices hoc inter sese discrepant: quod Deus peruersos excreetur; cum rectus autem familiariter, & quasi

& quasi domesticè ager. Iusti autem & iniusti: quod in horum aedibus versetur inopia & maledictio; in illorum verò habitaculo omnium rerum copia, & multiplex Dei benedictio. Illutores verò, & mansueti: quod hi apud Deum & homines sint grati & accepti; illi verò apud utrosque aliud nihil, quam n. erum ludibrium. Æquum est namque, ut, qui alios dudent, ipsi vicissim ab aliis derideantur. Stulti tandem & sapientes: quod hi, quasi certam hæreditatem, sortiantur honorem & gloriam; illi contra dedecus & ignominiam. Atque hæc eorum est summa, quæ proximis quattuor versiculis traduntur.

## PARAPHRASTICA

## CAPITIS QUARTI EXPLANATIO.

1. *Audite filij disciplinam patris, & attendite: ut sciatis prudentiam.*

**F**ilij, non clam vobis est, primum ad sapientiam gradum sapientiæ desiderium esse: proximum, sapientiæ magistros de sapientia differentes libenter audire: supremum sapientiam ipsam pleno cornu haurire. Audite proinde eruditionem & disciplinam patris vestri, hoc est sapientiæ doctrinam, quàm hæcenus tradidi, & in posterum traditurus sum; ut qui non minùs pro vestra omnium salute & eruditione sollicitus sim, quàm pater pro legitimo filio solet. Curate autem sedulò totique in hoc este, ut sciatis prudentiam, & intelligentiam, & ea, quæ intelligentiæ sunt propria. Quandoquidem tota patris vestri doctrina & institutio (quæ non est alia à mea) haud aliò tendit, nec aliud quoque intendit, quàm ut hæc discatis, & explorata habeatis.

2. *Donum bonum tribuam vobis, legem meam ne derelinquatis.*

**N**ec est quod doctrinam meam de falsitate, aut obscenitate, aut quacumque vanitate suspectam habeatis: Tradam enim vobis (sicut hæcenus quoque tradidi,) doctrinam bonam, & sanam, & ab omni veneno & vitio alienam, adeoque donum apprimè illustre. Non enim parvi momenti res est orthodoxa & sana doctrina. Quapropter ad vnum omnes sedulam nauate operam, ne leges, & documenta, quæ de morum doctrina, veraque sapientia iam ante proposui & posthac propositurus sum; aut obli-

uioni

uioni tradatis, aut parui quoque faciatis; quin fidâ potiùs memoriâ retentam, in vsum & praxim primâ oblatâ occasione deducere contendatis.

3. *Nam & ego filius sui patris mei, tenellus & vnigenitus coram matre mea.*

**N**Eque est rursum quod quis causetur ætatis infirmitatem, aut discendi difficultatem, aut operandi impotentiam, aut meam imperitiam, aut rei denique nouitatem. Nam cùm puer adhuc tenellus in ædibus paternis ætatem agerem; neque secus atque vnicus filius in deliciis apud matrem essem, à sapientissimo patre meo Dauide in diuina sapientia accuratissimè institutus sum; neque enim illum, aut ætatis meæ imbecillitas, aut delicata corporis constitutio, aut matris indulgentia ab erudiendi officio absterrebat; neque me quoque ista à discendi labore arcebant, aut multum quoque impediabant. Sed neque pater tantùm in tenella illa ætate in pietate & timore Dei, & aliis sapientiæ præceptis me instituebat, sed mater quoque piæ prudentisq̃ue matronæ officium haud neglegebat. Quæ autem tum temporis ex parentibus, præcipuè verò à patre audiebam, eiusmodi erant.

4. *Et docebat me, atque dicebat, Suscipiat verba mea cor tuum, custodi præcepta mea, & viues.*

**F**lli, inquebat parens, *suscipiat verba mea cor tuum*; Neque enim sat est, vt aure tenis illa percipias; verum, vt cor totû, totumq̃ue animum tuum ad illa adiungas, rei grauitas postulat. Neque cor tuum mea verba meaq̃ue præcepta & documenta tantum suscipiat; sed fideliter quoque, ne memoria excidant, illa custodiat atque sustentet. Quod si istud præstiteris, vitam in hoc sæculo viues fœlicem maximèq̃ue diuturnam: tum sempiternam quoque & bonis omnibus affluentem in altera.

5. *Posside sapientiam, posside prudentiam, ne obliuiscaris, neque declines à verbis oris mei.*

6. *Ne dimittas eam, & custodiet te, dilige eam & conseruabit te.*

**C**VM igitur tantæ virtutis tantæq̃ue energix sint verba & præcepta sapientiæ; tu præ ceteris omnibus eme sapientiam & posside intelligentiam, eamq̃ue caris & preciosis omnibus cariorum & preciosiorem ducas; neque vllum laborem aut molestiam illius comparandæ causa detrectes; comparatamq̃ue firmiter constanterq̃ue retinere & exercere studeas. Neque ab oris mei eloquiis, quæ veram sapientiam continent, vel latum vnguem

vnguem defleat. Ne eam deferas aut parare intermittas, & custodiet te. Quocumque tandem in loco aut statu verferis, illam tanquam preciosissimum thesaurum dilige, & ex animo complere; & ipsa vicissim amabit & conseruabit te.

*7. Principium sapientiæ, posside sapientiam, & in omni possessione tua  
acquire prudentiam.*

Sunt qui coaceruandis opibus die noctuque incumbunt: Alij, vt suis voluptatibus fiat satis, nullum laborem, nullumque studium subterfugunt. Nonnulli vulgi rumoribus audiendis, fauorique eiusdem captando toto conatu intenti sunt. Tu verò omnibus antepone sapientiæ acquisitionem, tutamque eiusdem possessionem; neque omnia, quæ possidescum, ea sola commutare ambigas, vel, vt eam acquiras, infumere dubites. Est enim illa margarita illa Euangelica, ob cuius adeptionem omnia vendere monemur, vt quæ vnionibus omnibus innumeris partibus præstet. Nam etsi summi orbis monarchæ donum sit, attamen sine labore, & vigilia non obtinetur; neque omnibus promiscuè obtingit, sed quærentibus & diligentibus. Et vt omni possessioni & thesauro antepone te debes sapientiam; ita omnibus quoque, quæ possides, antepone iuberis intelligentiam; curareque, vt inter alias opes & possessiones tuas, hanc quæque obtineas; neque quidquam vnquam facias, aut dicas, quod à vera intelligentia alienum existat.

*8. Arripe illam, & exaltabit te: glorificaberis ab ea, cum eam fueris amplexatus.*

*9. Dabis capiti tuo augmenta gratiarum, & corona inelyta proteget te.*

Quidquid ergò alij faciant, tu amplectere & exalta sapientiam: tu omnibus bonis, & honoribus antepone illam: per labores, sumptus, vigiliæ, aliæque eiusmodi, nihil in rerum vniuersitate, exstare quod cum illius precio, valore, & dignitate conferri queat, ostende. Quia quantum illam honoraueris & æstimaueris, tantum tu vicissim honoris & æstimationis ab illa consequere. Neque vulgaribus honoribus te cumulabit, sed summis planèque regis. Enimvero si eam, vt par est, complexus fueris, singularem capiti tuo gratiam adiungeret, hoc est, apud omnes, non secus amabilem & gratiosum te reddet, ac si regio diademate redimitus incederes. Tu igitur exalta illam, & ab illa vicissim exaltaberis dilige illam, & diligetis ab illa: amplectere illam, & amplexaberis ab illa.



10. *Audi, fili mi, & suscipe verba mea, ut multiplicentur tibi anni vitæ.*

**E**Iusmodi ferè fuère, fili, quæ, cùm puer adhuc eßem, à patre meo hauri, tu quoque vel meo exemplo, vel rei magnitudine, vel doctrinæ utilitate prouocatus, mea verba, mea consilia, meaque præcepta audi, cordique tuo imprime; & quæ de moribus, & sapientia hic trado studiosè complectere; quò hac ratione diu viuas; vitæque longâ perfunctus ad vitam sempiternam hinc tandem emigres. Nam, ut supra audiuißti, vitæ longitudo in sapientiæ dextra est posita, opes autem & gloria in sinistra eiusdem. Neque tamen si anni eiusmodi multi fuerint, molesti erunt quoque: non enim mortis anni erunt, hoc est tristes, calamitosi, miseriisque referti, sed anni vitæ, læti nimirum & iucundi, omnique amœnitate, & honesta voluptate referti.

11. *Viam sapientiæ monstrabo tibi, ducam te per semitas æquitatis.*

12. *Quas cùm ingressus fueris, non arctabuntur gressus tui, & currens non habebis offendiculum.*

**N**Ec est ut hoc loco mihi obiicias, fili, lubenter virtutis & sapientiæ viam sequerer, si quem, qui eiusmodi viam mihi ostenderet, aut per directas semitas ad illam me duceret, mihique, ne caderem, assisteret, ad manum haberem. Sed & vix quoque, quæ huc tendit, angustia & asperitas plurimum me terrent; metuo namque, si per eam currere incæpero, ne grauitèr impingam, plusque adeo incommodi, quàm commodi, ex eo labore referam. Si quidem iam ante per sapientiæ viam incedere te docui, rectasque semitas tibi ostendi. Quod si necdum satis tibi instructus videris, agendum sapientiæ vias denuo tibi monstrabo; & per planas æquitatis semitas rectâ ad illam te ducam. Quas ubi seriò semel ingressus fueris, gressus tui nequaquam arctabuntur, aut pedes offendent, etiamsi currere, non etiam pedetentim incedere visum fuerit. Dicitur sanè virtutis via præceps, & arcta, sed hoc initio tantum locum habet. Qui enim aliquotenus iam progressus est, vel nullam vel exiguam difficultatem experitur.

13. *Tene*

13. *Tene disciplinam, ne dimittas eam, custodi illam, quia ipsa est via tua.*

**A**Tenim ne frustra in via hac curras, insumptique laboris iacturam facias, apprehende disciplinam, apprehensamque; ne effluat, fortiter tene. Quandoquidem retenta, gressus tuos, cum per virtutis & sapientie semitas iter feceris, prosperè diriget, vitamque præstabit, non hanc momentaneam & fluxam tantum; verum (quod multò præstabilius est) alteram illam felicem & sempiternam quoque.

14. *Ne delesteris in semitis impiorum, nec tibi placeat malorum via.*

15. *Fuge ab ea, nec transfeas per illam, declina & desere eam.*

**N**on deerunt sanè, qui impiorum vias & studia multis tibi nominibus commendabunt. Verùm tu illis ne acquiescas, neque ita dementari te sinas, ut vitam illorum imitatione dignam aliquando putes; aut per quorumcumque sceleratorum hominum semitam incedere in animum quandoque inducas. Quod si casu obuiam venerint, omnia illorum itinera & vias declines, etsi potes, alio deflectas; si autem non potes, citò pertransfeas. Nam primus sanitatis & sapientie gradus est, per improborum semitas non ambulare: proximus, si fortè in eas incideris, pedem hìc non figere: ultimus omne illorum consortium, veluti pestem læuamque contagionem diligentissimè vitare, qualescumque tandem impiorum appellatione designatos hoc loco existimes.

16. *Non enim dormiunt nisi malefecerint: & non rapitur somnus ab eis nisi supplantauerint.*

17. *Comedunt panem impietatis, & vinum iniquitatis bibunt.*

**E**Nimuerò vsque adeò nequitie, & improbitati sese dedunt, tantoque ardore ad quævis scelera patranda feruntur, ut prius dormire non queant, quam facinus aliquod designarint, neque somnum capiant, nisi aliquem trucidarint, aut spoliarint, aut aliquà aliâ clade affecerint. Nam ut alii pane & vino; ita illi scelere & iniquitate pascuntur, hoc est, tantam illi voluptatem capiunt ex maleficiis, quae perpetrant, quantà alii è delicatissimis escis. Vel certè comedunt panem impietatis, & bibunt vinum iniquitatis, quia non aliundè sese sustentant, quàm ex rapinis, furtis & latrociniiis. Ad

quæ scelera patranda, quod nox opportunior habeatur, totas sæpè noctes insomnes ducunt. Neque mirum sanè si fures & latrones noctu vigilent, cum avaritiæ, vel luxui, vel ambitioni, vel alteri cuicumque vitio ex instituto addicti, totos nonnumquam dies noctesque transigant, animo continuo versantes, quâ ratione voti compotes euadere valeant.

18. *Iusti eorum autem semita, quasi lux splendens, procedit & crescit usque ad perfectam diem.*

19. *Via impiorum tenebrosa: nesciunt ubi corruant.*

**M**ultum proinde inter iustorum & impiorum viam intercedit. Semita iustorum est similis nascenti luci: Quandoquidem ut lux solis vel alterius cuiuscunque astri ab horizonte sensim ascendit & crescit, donec tandem ad summam claritatem perveniat, plagæque meridionalis punctum attingat; ita iusti quoque tantisper crescunt, deque virtute in virtutem progrediuntur, donec ad lucem, quæ vespem nescit, perducantur. At impiorum viæ nocturnis tenebris perquam similes sunt. Ut enim nox, quò longius à dici luce recedit, eò fit obscurior & caliginosior; ita impiorum viæ, quò remotius à veritatis luce, quæ Christus est, abscedunt, eò obscuriores tætrioresque fiunt. Tandem tantâ peccatorum caligine obducuntur, ut miseri, quò vadant, non intelligant; & graviter ibi sæpè impingant, ubi maximè sese tutò incedere arbitrabantur. Est enim impiorum via tametsi plana, tuta ac iucunda illis videatur, aspera periculisque & miseriis plena.

20. *Fili mi, ausculta sermones meos, & ad eloquia mea inclina aurem tuam.*

**F**ili, (quem iterum iterumque parturio, totoque animo verà illâ sapientiâ Dei imbutum desidero; adeoque aliis atque aliis verbis eadem subinde repeto atque inculco; ut quod primâ vel secundâ admonitione non effeci, tertiâ saltem, aut quartâ, vel etiam quintâ efficiam) attende sermonibus, quos hætenus à me accepisti, tum ceteris quoque, quos in posterum es accepturus; & inclina aurem tuam ad eloquia mea, hoc est non obiter, aut animo nauseabundo ea excipias, sed totâ mentis deuotione animique attentione.

21. *Ne recedant ab oculis tuis, custodi ea in medio cordis tui.*  
 22. *Vita enim sunt inuenientibus ea, & vniuersa carnis sanitas.*

**N**Eque his contentus, quæ ex me accepisti & didicisti, ea onini tempore tecum pertractes; neque à mentis tuæ oculis vnquam recedere permittas. Ne autem illa effluant aut dilabantur, in intimo cordis tui recessu illa reconde, assiduaque meditatione, & exercitatione menti tuæ firmiter insculpe: Siquidem tanta est naturæ nostræ infirmitas, tanta memoriæ labilitas & infidelitas, tanta denique externarum imaginum, quæ vi quadam sese intrudunt, diuersitas & multitudo, vt summo opus sit studio & conatu, vt piarum rerum speciem aliquatenus retineas. Debet autem hic conatus eò maior, eoque intensior esse, quò fructus, qui ex sapientiæ studio & vsu emergit, est certior & cumulator. Etenim sapientiæ præcepta fideliter hausta, opereque exercitata, non animo tantum, aut corpori solum, sed vtrique parti simul mirifice profunt; imò verò toti homini plurimum conducunt. Sunt enim vita illis, qui indefessè quærunt quæstaque inueniunt. Sunt rursus sanitas & medicina vniuersæ carni, toti que homini. Efficit hoc autem sapietia per virtutes morales, maximè verò per temperantiã. Hæc enim non tantum circa cibum, & potum, & Venerem modum præscribit sapienti, verum etiam circa omnes alios immoderatos animi affectus, quæ omnia multorum morborum & ægritudinum causa sæpè existunt.

23. *Omni custodia serua cor tuum, quia ex ipso vita procedit.*

**V**ERùm ne hæc animæ & corporis sanitas alicundè impediatur, omni curâ & diligentia custodi cor tuum; ex hoc vno namque omnis fluit motus & sensus, omnisque origo & progressus vitæ; adeoque si hoc languet aut malè alioquin affectum est, cetera omnia langueant maleque habeant necessum est. Iam quod in animantis corpore est cor, hoc in animæ regno est voluntas. Hæc itaque nisi sit sana, integra, & recta, nulla hominis actio poterit esse studiosa, aut cum virtute coniuncta; etiamsi extrinsecus aliquam bonitatis vel probitatis speciem præ se ferre videatur. Siquidem cum mentis oculus est nequam, totum corpus, Christo teste, censetur tenebrosus. Debet autem voluntas, aut cor hominis eò accuratius custodiri, quò naturâ suâ ad malum est pronius, quoque ex illius sanitate plura maioraque commoda; ex eiusdem rursus ægritudine plura dependent incommoda, & quò tandem pluribus patet hostium dolis atque insidiis. Nam diabolus tanquam leo rugiens circuit, prædamque, quam deuoret, quærît, &

mundus multis magnisque tentationibus, & laqueis plenus existit, & caro ad peccatum sollicitare, & prouocare numquam desinit. Qui ergo in utroque homine sanus viuere desiderat, magnâ illi opus est curâ cordisque custodiâ.

24. *Remove à te os prauum, & detrahentia labia sine procul à te.*

**E**T quia nihil est in corde vel mente, quod in aliquo externo sensu ante non existerit, magnum operæ est precium, fili, ut reliquarum quoque partium, per quas venenum in cor dilabi transfundi solet, diligentem curam habeas. Antè omnia autem, omnem prorsus oris peruersitatem, linguæque, cum priuatæ tum alienæ quoque iniquitatem abs te submoueas. Quemadmodum ergò totus in hoc esse debes, ut sermonem tuum eâ prudentiâ & moderatione instituas; ne quemquam omninò offendas, aut famam alicuius lædas; ita labiis illorum, qui aliorum famam proscindunt, absentiumque vitam clamculum rodunt, nullum apud te locum indulgeas; quin potius eiusmodi homines mordaces procul, tanquam rabidos canes, abs te abigas; potissimum tamen tuæ ipsius linguæ rationem habeas, peculiaréque studium eam in rem ponas, non ob id tantum, quod lingua cor proprium grauitè sæpè vulneret, atque contamineat; verum etiam quod aliis quoque, si incautior vel liberior, quàm par erat, fuerit, magna sæpè detrimenta & damna conciliet.

25. *Oculi tui recta videant, & palpebra tua præcedant gressus tuos.*

**S**ed neque lingua tantum sit recta & sana (ita ut neminem laedat, neminem offendat, nullum damno afficiat) verum oculi tui ad eum quoque motum sint compositi, ut non huc illucque quasi in incertum vagentur; verum in directum, siue in id, quod ex aduerso situm est, rectâ ferantur. Ea autem, quæ ad rem non faciunt, vel à fine menti proposito aliena sunt, missa faciant, vel obiter tantum respiciant. Pari modo palpebræ tuæ viam ante te obseruent, eandemque, ne in aliquod præcipitium te abducant, dirigant. Ut, inquam, externus oculus primò in id ferri solet, quod è regione positum est; mox verò in scopum sibi præfixum gressum dirigit; postremò autem ad ea, quæ circumstant, si opus id fuerit, sese deflectit: ita tu mentis oculo primò quidem feraris in finem, tanquam in scopum ex aduerso situm; deindè verò in media, quæ coram te habes, siue quæ in tua potestate sunt posita; postremò autem, si necessitas postulat, ad externa internam visum

con-

connerte. Neque tantum in consideratione hunc te ordinem observare convenit; verum etiam in opere & executione. Aliquid proinde operis ingressurus expende, sitne honestum, legique & rationi consentaneum: mox, sitne boni exempli, vel estne aliquid, quod impediatur aut dissuadeatur: tandem possitne per hæc, vel illa media fieri, aut rectius fieri? Rectum denique videbis, si primum spectes cœlestia animæque salutaria: hinc ea quæ ad proximi salutem faciunt: postremo autem, quæ corpori, ut viuat, suumque officium faciat, vtilia vel necessaria sunt.

26. *Dirige semitam pedibus tuis, & omnes viæ tuæ stabiliuntur.*

**V**erum quod hoc de externis actionibus & operibus iudicium, ex interiori animi constitutione, & affectione præcipue nascatur, indeque dependeat, diligenter pedum tuorum semitas expende, hoc est in omnibus, quæ aggredi decreuisti, ad similitudinem illius, qui iter explorat, & quod eundum vel deflectendum sit inuestigat, pedis affectusque tui viam pondera, tuasque cogitationes, veluti in balance positas trutina, vnamque cum altera committe atque expende, & meliorem vel expeditiorem minus bonæ, vel minus expeditæ anteponc. Quod si ita feceris, omnes viæ omnesque actiones tuæ in omnibus dirigentur, prosperæque succedent. Caue autem animi tui affectibus nimium indulgeas, verum quod tendant, quove te rapiant aut inuitent, iterum iterumque considera. Caue autem à recta linea, in qua virtus consistit, dextram vel sinistram versus nimium te impellant, hoc est, per defectum, vel excessum in aliquod peccatum, aut vitium præcipitem te trahant. Nam quicumque pes à medio, in quo virtus sedem suam collocatam habet, ad sinistram sese avertit, in malum, & vitium aliquod necessario impingit.

27. *Ne declines ad dextram neque ad sinistram: averte pedem tuum à malo.*

*Vias enim quæ à dextris sunt, novit Dominus: perversæ vero sunt quæ à sinistris sunt. Ipse autem rectos faciat cursus tuos, itinera autem tua in pace producet.*

**N**ovit sanè Dominus & approbat vias dexteræ, totumque illud, quod cum virtute coniunctum est: sicut ediversò odit, & detestatur vias sinistras, hoc est, vitium & peccatum, totumque illud quod improbationem iurè meretur. Interim aliud est vias, quæ à dextris sunt agnoscere & approbare; aliud à medio dextram versus deflectere. Hoc enim cum vitio, illud cum virtute coniunctum est, hoc laudem, illud vituperationem meretur.

Quare

Quare Dominus per Salomonem non prohibet, ne quis in dextra, vel ad dextram ambulet, sed ne in medio constitutus, in alterutram partem defleat. Ille autem à medio ad dextram declinat, qui à virtute ad vitium transit, cuiusmodi, exempli causa, is dici potest, qui bona opera, quæ facit, sibi suæ virtuti, non Deo tribuit; aut qui diuinæ gratiæ omnia admetitur, libero autem arbitrio nihil quidquam: aut versa vice, qui libero arbitrio omnia adscribit, diuinæ autem gratiæ nihil penitus.

Neque causeris hic iam & dicas; non deest voluntas sectandi rectas sapientiæ vias, sed nulla adest facultas. Nam vt vires sunt infirmæ, & laborum pondus graue, & hostes acres, & alia præterea multa desunt; siquidem non est hoc opus tuarum virium, sed miserationum Dei. Ipse *itineræ tuas in pace producit*, eumque in modum omnia consilia, opera, & cogitata tua moderabitur, vt nihil occursurum sit, quod mentis tuæ pacem, & tranquillitatem inturbet; nihil quod conatum tuum (conatum enim diuinæ gratiæ adiungere debes) remoretur aut impediat.

## A D

## CAPVT QVARTVM

## SCHOLIUM.

2. **D** *Onum bonum tribuan vobis. &c.* Reddit rationem, cur doctrinam paternam studiosè audire, religiosèque seruare debeant omnes; quia nimirum est doctrina pura, & ab errore libera, & ad comparandam sapientiam, vitamque beatam, instrumentum apprimè idoneum.

3. *Nam & ego filius fui. &c.* Hæc alia est ratio cur hanc doctrinam auidè audire, studiosèque retinere debeant, quia nimirum non ab homine vulgari, sed à viro erudito, longâque experienciâ edocto magistro traditur; nempe ab eo, qui à prima ætate à sapientissimo & sanctissimo Propheta Davide in Dei sapientia accuratissimè fuerat institutus, & in lege Domini à parentibus quàm diligentissimè eruditus.

4. *Et docebat me. &c.* Primùm doctrinæ caput & quasi fundamentum est auidè, non auribus tantùm, sed corde quoque & animo audire, quæ traduntur. Quare primùm quoque, quod David pater à Salamone exigebat, erat

bat erat, ut verba eius corde simul & animo exciperet: proximum, ut præcepta illius, si modò vivere vellet, custodiret: postremum, ut eius rei causâ nullum laborem detrectaret, nullis sumptibus parceret, hoc enim sonant verba illa *posside, eme, compara, &c.* sapientiam & prudentiam, nam una vox Hebræa *Kenech* hæc omnia significat. Ceterum Iudæi per sapientiam quæ hic parari iubetur, intelligunt legem populo ex Ægypto profecto traditam, nos rectius transferimus ad Euangelij doctrinam. Hæc enim est preciosa illa margarita, quam diuenditis omnibus comparare iubemur.

7. *Principium sapientiæ, posside sapientiam. &c.* Locus præfens nonnihil difficultatis habet, quare non uno quoque modo, aut sensu exponi solet. Quidam ita reddunt: Ante omnem aliam notitiam, omnemque aliam gazam, quam homines consecrari consueverunt, tu compara sapientiam. Alij: Antè illi sapientiæ, quæ in morum disciplinâ, vitæque integritate consistit, operam naua, quàm eam inquiras, quæ in diuinarum rerum cognitione, & contemplatione posita est. Alii rursum: Ne prius sapientiam proficere, quàm ab aliis illam hauseris. Oportet enim prius discas, ac tùm demùm alios doceas. Alij denique: Magnificare sapientiam, camque rebus omnibus anteferre, sapientiæ comparandæ initium est minimè vulgare. quasi dicat: Amare sapientiam, aut velle possidere sapientiam, initium est sapientiæ. Venare itaque, & inquire sapientiam, & quæcumque in bonis habes, pro intelligentia illius impendere ne dubites.

8. *Exalta sapientiam, & exaltabit te. &c.* Sensus horum versiculorum facilis est. Significatur enim, qui sapientiam honorant, tantique illam æstimant, ut omnibus opibus illam anteponant, omnesque labores & sumptus illius causa contemnunt, eos vicissim ab illa honorari, nec non ad magnos honores & dignitates per illam euehi. Vox *Malmelecha* quàm noster interpretes reddidit verbo *arripe*, inter ceteros sonat etiam, *iter serue illi*, vel, *viam muni ad illam*. Chaldæi legunt *Chanibera*, *Dilige*, vel *complectere illam*. Verùm tendunt hæc omnia eò dem ferè.

10. *Audi, fili, & suscipe. &c.* Exposita patris sententia (ea enim hucusque porrecta existimatur.) Sapiens ad institutum scopumque propositum denuò redit, nempe ad studium sapientiæ iterum iterumque inculcandum. Facit id autem aliis & aliis verbis frequenter, quò nimirum planum hinc fiat, rem, de qua sermo est, magni esse momenti, simulque ostendat perdifficile esse homini iuueni, laxiori vitæ instituto assueto, stultitiâ vitiorumque viâ relictâ, virtutis sapientiæque viam amplecti, præsertim inter tot



impedimenta : nam & natura est infirma , & ad carnis illecebras propensa & vitiorum incitamenta exstant plurima , & exempla praua nusquam non sunt obuia , & praua denique consilia nunquam desunt , ait ergo : Fili , suscipe , & cordi tuo imprime verba mea , mea que monita atque præcepta complectere , vt diu viuas , & iucundè viuas .

11. *Viam sapientie monstrabo. &c.* Occurrit hic tacitæ obiectioni , quam iuuenis , quem hic instituendum suscepit , facere poterat . Poterat enim allegare sapientiæ virtutis que viam duram , ignotam , periculosam , multis que aliis incommodis obseptam esse , adeoque se eam ingredi non audere . Ad hæc autem Sapiens : Fili , nihil horum metuas , ego itineris ducem me tibi præbebo ; ego per viam planam & amœnam te ducam . &c. Vocat autem virtutis , & sapientiæ viam planam & lætam , quia talis ferè est sub finem . Nam initio quâdam asperitate non caret , tum etiam quia nullum adfert incommodum , aut nocumentum , vt vitiorum viæ solent .

13. *Tene d disciplinam. &c.* Quandoquidè sunt nonnulli , qui virtutis viam alacriter ingrediuntur , sed postea propter rei difficultatem , quàm imaginantur , desistunt , hortatur hic filium , vt viam cœptam constanter persequatur . Quò autem alacrius illud faciat , promittit illi vtrius que vitæ felicitatem . Vox Hebræa *Hachazek* sonat , *firmeris , potens ue & robustus esto in disciplina & eruditione* , quò nimirum hæreticis & aduersariis , qui acriter te fortè impugnaturi sunt , obsistere valeas .

14. *Ne delesteris in semitis. &c.* Per impiorum semitas prauas opiniones , corruptæ que doctrinæ & morum homines insinuat . Horum namque consuetudo iuuenibus est perniciosissima , & periculosissima . Quare & hic , & alibi passim hortatur , vt omni angue peius eam vitent , tantoque studio ab eiusmodi hominum commercio abstineant , vt ne per viam quidem cum illis incedere , aut quouis modò iisdem occurrere velint . Nam coïtio & ocursus , vt conueniendi occasionem , ita veneni quoque infundendi & peruertendi ansam offerunt .

16. *Nam enim dormiunt. &c.* Redditur per hæc ratio , cur modis omnibus à sceleratorum hominum consuetudine abstinendum sit . Ea autem est ardens destinatum que nocendi , deprauandi , perdendi que studium . Etenim vt alij pascuntur cibo , potu , somno , aliisque similibus ; ita illi maleficiis & facinoribus . Et quia nox ad illa patranda commodior habetur , fit , vt vigilias somno anteferant , adeoque noctes totas infomes .  
frequent-

frequenter ducant. Habétque id locum in omni omnino vitiorum genere, ad quæ quispiam ex animi instituto fertur.

18. *Iustorum autem semita. Sc.* Assignare videtur discrimen inter vitam iustorum & impiorum: Etenim iustorum vita haud absimilis est auroræ; nam vt hæc lux paulatim crescit, donec tandem perueniat ad summam claritatem, hoc est, ad meridionalem; ita quoque iusti de virtute ad virtutem procedunt, donec tandem ad diem illam perueniunt, quæ noctem non habet. Verum impiorum vita nocturnis tenebris similis est; nam vt hæc obscuræ & caliginosæ sunt, vt, qui in illis gradiuntur, grauiter identidem impingant (neque enim vbi vadant satis intelligunt) ita etiam impij de vno peccato in aliud, de vno errore in alium prolabuntur.

20. *Fili mi, ausculta. Sc.* Alia rursus præcepta filio traditurus, ad attentionem & diligentiam denuo excitat illum. Monet autem vt & aures, & oculos, & cor ipsum, hoc est, se totum ad hauriendum & retinendum componat. *Ausculta*, inquit, *sermone meos, & inclina aurem tuam ad eloquia mea. Custodi illa in medio cordis, neque vnumquam ab oculis tuis ea recedere sinas.* Quandoquidem ea sola tantæ sunt virtutis, tantæque energiæ, vt & vitam præbeant viuentibus, & sanitatem omni carni, hoc est, toti homini. Siquidem ex bona animi constitutione multa sæpè corporis vitia sanantur; quippè cum plurimi corporis morbi ex animæ morbis ortum trahant.

23. *Omni custodia custodi cor tuum. Sc.* Iam verba & sensa, ad quæ, & aures, & oculos, & cor ipsum vult esse intenta, subiicit. Sunt autem illa quattuor aut quinque salutaria documenta: horum primum est, vt omni diligentia & curâ custodiat cor suum, propterea quod ex ea cura vita ipsa dependeat. per Cor autem voluntatem vel mentem ipsam accipit, quæ variis hostibus & tentationibus patet. Nam & diabolus, & caro, & mundus tentant, & multæ magnæque insidiæ nusquam non oppugnant, mortemque intentant, atque ita ne capiaris, magnâ opus est diligentia.

24. *Remove abs te os prauum. Sc.* Hoc est aliud præceptum ad oris custodiam sermonisque moderationem spectans. Nam etsi, quod hic dicitur, ad alios referri queat, rectius tamen ad propriam linguam refertur. Est enim ars non parua linguam moderari nosse, eumque in modum illam custodire, vt non impingat, neque proximum, neque auctorem suum vulneret.

25. *Oculi tui rectâ videant. &c.* Præcepto de corde & lingua tradito, addit nunc aliud de oculorum cura & custodia: Siquidem per illos malè custoditos mors non minùs ingreditur in animam, quàm per aures & alios sensus, imò magis. Quod autem de oculis carnis hic docetur, id ad mentis oculos rectè quoque refertur. Ut igitur illi iubentur rectâ tueri, & non vagari, vel peregrinari; ita isti rectâ contendere ad finem, mox ad media, postremo ad alia.

26. *Dirige semitas pedibus tuis. &c.* Hoc præceptum ad motum & gressum pertinet, simulque ad animalis affectus moderationem, & compositionem. Siquidem is per gressus significari solet. Nam ut homo pedibus, ita anima affectibus movetur. Vtrique igitur sunt continendi, & pedes corporis, & affectus animi, ne exorbitent, aut aliquid, quod cum ratione pugnet, designent.

27. *Non declines ad dextram. &c.* Per hæc explicatur quo modo pedes gressus suos moderari debeant. Moderatio enim hæc in eo posita est, ne declinent ad dextram aut sinistram; sed per medium, in quo virtus consistit, incedant. Vitium enim omne designatur per defectum vel excessum: per dextram & sinistram accipere quoque licet prospera & aduersa; amicorum fauorem & inimicorum persecutionem. Per dextram denique designantur virtutes, per sinistram vitia. Quare Dominus hanc improbat & damnat, illam verò approbat.

28. *Ipsæ autem rectos faciet. &c.* Occurrit tacitæ obiectioni; poterat enim quispiam dicere; lubenter sequeremur semitas rectas, officiumque facerem, sed metuo, ne labori par sim; nam et vires sunt exigue, & labor arduus, & hostes multi. Ad hæc ille: nihil metuas, Dominus aderit, Dominus dux & adiutor tuus erit. &c.

## PARAPHRASTICA

### CAPITIS QVINCTI EXPLANATIO.

1. *Fili mi, attende ad sapientiam meam, & prudentiæ meæ inclina aurem tuam.*

**Q**uanta pericula, fili mi, à sceleratorum hominum commercio infirmiori ætati impendeant, prolixè exposui, at non minora imò verò multò maiora ab impudicarum mulierum consortio eidem impendè certò tibi persuadeas. Quamobrem, vt contra impiorum hominum fraudes, & imposturas multis iam ante argumentis & rationibus te muniui, ita nunc contra improbarum mulierum blanditias & dolos te instruere institui. Tu proindè ad doctrinam & sapientiam, quam ea de re tradam, attende, & ad intelligentiam meam aurem adiunge, hoc est, ad consilia & documenta, quæ non absque sapientia & intelligentia aduersus meretricios astus & fraudes tibi suggesturus sum, promptè alacriterque aduerte.

2. *Vt custodias cogitationes, & disciplinam labia tua conferuent.*

**Q**uòd autem primum & quasi ostium ad sapientiam est, omni cura & diligentia ab obscenis rerum imaginibus custodi cor tuum. Quandoquidem immundi cogitatus omnium flagitiorum sunt radix & origo. Nec tantum accuratam cogitationum rationem habeas, verum etiam verborum. Quare non modò cor tuum eam seruet legem & disciplinam, vt nullas obscenas imagines admittat, verum tua quoque labia ita sint composita, vt nec alia, nec aliter loquantur, quam sapientia dicat, honestasque & ratio postulat. Sint interim ad eum modum erudita & instructa, vt impurorum hominum orationi, cum opus id fuerit, obuiam ire queant.

3. *Ne intenderis fallaciæ mulieris. Fauus enim stillans labia meretricis, & nitidius oleo guttur eius.*

**Q**uòd autem à turpibus incestisque cogitationibus, è quibus verba inhonesta, obscenaque opera haud rarò oriuntur, facilius libereris, ad fallacia blandaque meretricis dicta ne attendas. Quandoquidem labia mu-

rettricis instar faui mellis sunt dulcia, omniq̃ue blandimentorum genere delinita. Guttur autem eius oleo mollius leniusq̃ue fluit. Est eâ enim arte comparatum, vt nullam asperitatem, nullam rusticitatem, nullam inconcinnitatem præ se ferat, sed omnem gratiam omnemq̃ue venustatem, & blanditiem sapiat, & fundat.

4. *Novissima autem illius amara, quasi absinthium, & acuta, quasi gladius biceps.*

**V**erumtamen novissima, hoc est, epulum, ad quod inuitat, & pocula, & præmia, ad quæ prouocat, non sunt, veluti mel dulcia, sed instar absinthij amara; neque vti oleum mollia & leuia, verum quouis mucrone, & gladio acutiora. Nam & conscientiam grauiter vulnerant, & certam mortem animæ conciliant, & totum denique hominem in extremam miseriam & calamitatem præcipitant.

5. *Pedes eius descendunt in mortem, & ad inferos gressus eius penetrant.*

**Q**uænam huius causa? *pedes eius*, hoc est, omnes illius actiones, studia, & affectiones (quod per vitæ semitam, quæ & recta, & constans, & casta est, non ambulent, neque ambulare vnquam instituant) rectâ tendunt ad mortem, gressusq̃ue omnes, & motus, & opera eiusdem ad inferos inclinant; adeoque quicumque meretricis verbis allekti, consuetudinem cum ea habent, vnâ cum illa ad mortem, & infernum præcipientes trahuntur.

Idem omninò vsu venit illis, qui sectantur quamcumq̃ue mysticam meretricem, hoc est hæresin, vel idololatriam, vel carnis voluptatem ( siquidem hæc omnia sublimiori quodam sensu per alienam mulierem designantur, prout magna quoque inter illa affinitas intercedit. ) Quapropter, fili, attēde sapientiæ præceptis eiusdemq̃ue consiliis; incumbē prudentiæ, & intelligentiæ, non letiferis mulierum amoribus, non fœdis carnis deliciis, non prophanis mundi pompis & voluptatibus, non iis negotiis, quæ ex carnali sapientia ortum ducunt, non hæresi denique aut idololatriæ. Nam etsi hæc ferè dulcia hominibûsq̃ue grata proponat, quibus illos ad sua placita pelliciat, studia tamen illius nouissimè ad mortem & infernum tendunt; quem hæcenus etiam sustentant, quatenus multas mortalium animas quotidie eò amandant. Ab his omnibus ergò meretricibus abstine, fili, quia omnes veræ sapientiæ aduersantur, mortemq̃ue & infernum ex equo comminantur.

9. Per

6. *Per semitam vitæ non ambulante, vagi sunt gressus eius & inuestigabiles.*

**C**um ergo pedes illius rectè ad mortem tendant, fit, ut per vitæ semitam non incedant (neque enim eadem semita simul ad vitam & mortem tendere potest.) Rursum, quod gressus illius ad inferos directè ferantur, ad quos mille viæ, mille ostia, mille patent aditus, efficitur, ut sint vagi & incerti, nullique facilè peruestigabiles; neque enim consistunt in vno aliquo vitio aut flagitio, aut proposito, sed instar fluctuantis maris procellæ, ex vno in alterum, & iterum in alterum rapiuntur, idque citra terminum. Ea propter si viuendi rationem, quam mulier adultera obtinet, ponderare & expendere institueris, haud facilè illam deprehendes, certoque cognosces. Nam, ut modo dicebatur, viæ eius sunt mobiles & inconstantes; nec ulli sui notitiam temerè offert. Imò ne ipsa quidem suas vias, vitæque suæ semitas satis expendit, nec satis exploratè tenet. Si enim expenderet, aliam vitæque rationem institueret.

7. *Nunc ergo, fili mi, audi me, & ne recedas à verbis oris mei.*

8. *Longè fac ab ea viam tuam & ne adpropinques foribus domus eius.*

**Q**vandoquidem, fili, meretricum verba, studia, & opera tantis cum periculis sunt coniuncta, tuque rerum adhuc rudis, fraudumque meretriciarum ignarus, noli sirenum illarum blandimenta, dulcesque earum voces audire, sed mea verba mea que consilia audi; neque latum vnguem ab oris mei eloquiis decede. Meum autem consilium, cui te obsequi par est, suadet, teque iterum iterumque admonet, ut viam tuam à muliere meretrice & compta, quam longissimè facias, omnemque illius contuendi & conueniendi occasionem quam diligentissimè caueas. Nam ad evitandum discrimen, quod ab impudicis scortis, non iuuenili tantum, sed virili quoque ætati imminet, nullum efficacius, nullum præsentius est remedium, quam recessus, & fuga. Procul itaque ab illa illiusque itinere instituas viam tuam; neque eò vnumquam amentie procedas, ut ad ædes vel fores illius accedere animum inducas, siquidem eiusmodi accessus magnis citra ullam controuersiam expositus est salutis periculis.

9. *Ne des alienis honorem tuum, & annos tuos crudeli.*

**F**Vge, inquam fili, omneque cum adultera muliere colloquium caue, ne blandimentis illius alleetus misereque deceptus, corpus & animam, & quicquid tãdem in bonis habes, profundas, ingratissque hominibus impertias. Nam quicumque datã operã scortationi vacat, & famam suam obscurat; & corporis robur, si quod habebat, eneruat; & faciei decorem, quod pollebat, contaminat; & quod his omnibus deterius est, animam suam omnibus ornamentis spoliat. Caue ergò tantas illas opes, tantãque animi corporisque dotes hominibus alienis non gratis tantum; sed magno quoque cum tuo detrimento impertias; Si cui autem impertiri lubet, illi a quo omnia accepisti, impertias, nempe æternæ sapientiæ.

**C**Aue nihilo secius annos tuos, hoc est vitam vitæque sanitatem & incolumitatem crudeli meretrici deuorandam & absumentam obtrudas: Certum est namque omne omninò adulterium, omnemque Venerem lege damnatam, non modò honorem & famam, omnemque corporis & animæ venustatem adimere; verum corporis quoque vires magnoperè exhaustire, variosque morbos & ægritudines parere; atque ita vitæ periodum miris modis plerumque accidere. Neque mireris, fili, adulteram me, quæ tot blanditiis & illecebris tecum agit, *crudelē* appellare; nam etsi lingua blanditur, cauda tamen, scorpione peius, ferit & pungit. Neque enim contenta est amasium suum pecuniã, famã, Dei gratiã, aliisque eiusmodi spoliasse, brutoque assimilasse, sed vterius progressã ipsam quoque vitam rapere contendit.

10. *Ne fortè impleantur extranei viribus tuis, & labores sint in domo aliena.*

**Q**Vando hæc igitur omni crudelitate & inhumanitate sunt plena, meretricium amorem, vt ravidum canem, furemque anguem fugias, ne si aliud fortè securus fueris, extraneos viribus opibusque tuis exsatures; & quæ tu tuæ maiores non absque magno labore pepererant, quibusque te, vxorem, liberos, totãque familiam alere debebas, in domum meretriciam transferas. Qui enim libidini suæ fieri vult satis, multa profundat ac impendat oportet; neque enim faciles solent esse amasæ, nisi auaritiæ suæ satisfecerit amator: imò verò non prius plerumque pellicandi & adulandi finem faciunt, quàm amoribus suis addictum omnibus bonis & donis

exutum

exutum ad porcos amandauerint, hoc est, ad extremam miseriam & calamitatem adegerint.

11. *Et gemas in nouissimis, quando consumpseris carnes tuas & corpus tuum.*

**A**bstine proinde & caue tempestiuè, ne post famam honorémque sublatum, post carnes corpúsque consumptum, post vires opesq; exhaustas, turpitérque dilapidatas; post vitam denique irreparabiliter detritam fœdèque consumptam, insanos gemitus, vana suspiria, frustraneósq; planctus edere, tuámque stultitiam eiusmodi threnodia & lamentatione deplore compellaris.

12. *Et dicas, Cur detestatus sum disciplinam, & increpationibus non acquieuit cor meum.*

13. *Nec audiui vocem docentium me, & magistris non inclinaui aurem meam.*

14. *Poenè fui in omni malo, in medio ecclesiæ & synagoge.*

**C**ur detestatus sum disciplinam & eruditionem: Cur omnem increpationem, omnémque admonitionem spreuit cor meum? Cur vocem me docentium, & institutionem non audiui? cur morum magistris non inclinaui aurem meam? Heu quomodo temporis quasi puncto in omne malum, omnémque miseriam & calamitatem incidi, idque in Dei Ecclesiæ medioque fidelium cœtu constitutus? vbi tam multa illustria virtutum exempla vidi, vbi tot salutaria documenta & monita audiui, vbi tot bonos diuini spiritus impulsus frustra percepi? Heu quò deueni, expeditum propemodum video, vt cadam in malum, vnde numquam emergere potero, nempè in æternam damnationem sempiternósque cruciatus. Neque tamen iustè conqueri valeo. Quomodo enim non dignus sum omni supplicio, qui toties tantæque suauitate inuitatus, & excitatus, ita durū, cæcum, & obstinatum me præbui; vt optimi parentis disciplinam palàm execrerer, infestóque odio persequerer; neque vllis omninò illius monitionibus aut increpationibus perniorus ad vllam vmquam frugem me reciperem: quique præceptoribus morumque magistris imbuendus & erudiendus postea traditus, ad eò illorum doctrinæ & institutioni morem non gessi, vt ne audire quidem eorum voces dignatus fuero.



15. *Bibe aquam de cisterna tua & fluenta putei tui.*

**N**E igitur eiusmodi sera stultaque pœnitentia & inutilis threnodia tibi aliquando eueniat, omni turpi inhonestoque amore misso, *bibe aquam de cisterna tua*, viuósque latices hauri de medio putei tui, hoc est, libidinis æstum non alienæ abusu, non promiscuo vulgatoque coïtu, sed legitimo propriæ vxoris vsu exstingue. Vt enim ij qui salutaris fontis scaturiginem habent domi, ex obsoletis vicinorum cisternis aquam petere non solent; ita tu quoque legitimo castoque coniugij thoro deserto, pollutum alienum thorum inuadere nequaquam debes.

16. *Deriuentur fontes tui foras, & in plateis aquas tuas diuide.*

**D**E tua itaque munda & pura cisterna aquam bibe, & ex tui putei scaturigine dulces latices pete: tui rursus fontes ita sint vberes, vt aquarum riuulos per plateas ex se diffundant; hoc est, si coniugium inire lubet, ideo illud in eas, initumque vsurpes, quò numerosa benèque morata soboles ex illo prodeat, ciuitatisque plateas impleat; cuiusmodi riuuli, ex vaga libidine, neque pro leunt, neque commodè quoque prodire possunt. Nam vt parentes sunt incerti, ita incerta quoque est cura & educatio. Sed neque naturalis illa <sup>ergo</sup> paternaque affectio hic locum habet, vt vbi de legitima prole certò constat.

17. *Habeto eas solus, nec sint alieni participes tui.*

**S**int proindè riui tui tibi soli, & non alienis tecum communes, hoc est stales stude habere proles, de quibus certò statuere & pronunciare potes, non esse nothas, tibi que cum aliis communes, sed germanas & ex legitimo thoro procreatas. Eiusmodi autem ex solo legali coniugio sperare & expectare potes, ex vaga autem libidine nequaquam; siquidem ex adultera, vel meretrice, vel concubina nati, incertum semper parentem sortiuntur.

18. *Sit vena tua benedicta, & latere cum muliere adolescentie tue.*

**C**Vra vt vxor tua vteri fœcunditate sit felix, prolèque numerosâ fortunata; quòd vtique consequeris, si promiscua incertaque libidine corporis vires non exhauseris; neque cum quauis indiscriminatim consueueris; sed vxorem tuam, tamquam proprium corpus, dilexeris, thori que fidem fideliter eidem seruaueris. Oblecta te ergo non cum crudeli, auaro, & infido

fido scorto; sed cum muliere, quam, cum iuuenula adhuc esset, primis ætatis annis coniugali lege tibi copulaueras, & qua cum iam dudum antè familiariter consueueras.

19. *Cervacarissima, & gratissimus hinnulus, vbera eius inebrient te in omni tempore, in amore eius delectare iugiter.*

**V**Xor tua instar hinnuli vel ceruæ domesticæ tibi sit iucunda & cara: ceruorûque more, qui, dum pabuli causâ mare transmittunt, se inuicem sustentant, tua tecum diuidat onera, túque vicissim illius mores, qualescúmque tandem fuerint, patienter sustine. Sit coniugium inter vos fidele, castum, & amabile. Vt illa nouâ subindè prole te recreat; ita tuus in illam amor indies crescat, easque vires & incrementa sumat, vt aliarum omnium prorsus oblitus, amore illius tantùm-non ebrius tibi videâre; neque vllius alterius vbera deinceps, aut somnies, aut expetas, aut cogites; sed illius tantùm; quæ copiosam vtique honestæ oblectationis materiam tibi subministrare poterit.

20. *Quare seduceris, fili mi, ab aliena, foueris in sinu alterius.*

**C**Um igitur inter legitimam vxorem & adulteram tantùm intersit; quodcúmque tandem spectare lubuerit, cur seduceris ab aliena? cur implicatus teneris amore extraneæ? Cur in sinu foueris adulteræ? Cur infelix cum aliena mauis perire, quàm cum propria felicem vitam ducere? Non initia, sed rerum exitus spectandi sunt, fili: audisti, cuiusmodi impuri amoris sit catastropha, qualis è diuerso casti coniugij fructus sit atque iucunditas.

21. *Respicit Dominus vias hominis, & omnes gressus eius considerat.*

**Q**uod si nostram admonitionem veluti inanem aspernaris, si bonum, & malum, honorem, & ignominiam eodem loco ducis, si nullo posteritatis amore tangeris, saltem oculos Dei, quos nihil omnium latet, time, saltem horrenda illius iudicia expauesce. Respicit ille namque vias hominis, omnesque illius semitas ponderat. Quamobrem, si turpiter vixeris, si flagitium aliquod designaueris, etiam si loco occultissimo arbitrisque omnibus remotis illud acciderit, non arbitreris Deum id fugiturum. Nihil enim est tam abditum, quod perspicacissimum illius oculum fugiat; nihil tam exile

& leue, quod ille non obseruet & ponderet, quò ni mirum prò tribunali olim sensurus vniciuque quod suum est, iustè reddat.

22. *Iniquitates sue capiunt impium, & funibus peccatorum suorum constringitur.*

**N**Equè Deo lictores defuturos existimes, qui maleficos capiant, captosque ad iustū illius tribunal sistant, vt vincula, vel carceres, quibus impiorum hominum turbam coërceat, vt gladios, quibus fontes feriat; siquidem suis quisque impius iniquitatibus capitur, suisque peccatis quasi duris quibusdam funibus constringitur. Si ergò iniquus fueris, noli cogitare de fuga; quia quocūque te contuleris, aut verteris, tua tecum vincula, & compedes semper portas, quæ te proinde vel inuitum ad iudicium æternūque supplicium rapient; à quo etiam nullo vmquam tempore, nulla prorsus prece, aut intercessione liberaberis.

23. *Ipse morietur, quia non habuit disciplinam, & in multitudine stultitiæ suæ decipietur.*

**Q**Vod, fili, ne vsu tibi quandòque veniat, Deum seuerissimum scelerum vindicem time, meisque consiliis & monitis tempestiuè morem gere; ne olim verè id de te dici possit, quod de omnibus impiis in impietate sua exstinctis verè dici solet; nempe: Ipse mortuus, hoc est, æternæ morti, & damnationi adiudicatus est; quia per multitudinem & magnitudinem stultitiæ suæ seductus, & occæcatus, disciplinam, quam sapientia illi suggererat, admittere noluit. Incidit itaque in Dei iudicium mortisque sempiternæ supplicium, non propter Dei inuidiam aut inclementiam, sed propter suam iniquitatem, insignemque & vanam, & multiplicem stultitiam.

AD

AD  
CAPVT QVINCTVM  
SCHOLIVM.

1. **F**ili mi, attende. &c. Hortatur denuo filium, vt ad sapientiam & intelligentiam, quam tradit diligenter attendat, magnamque, & cogitationum & laborum suorum rationem habeat; siquidem prima via ad obscœna opera, est obscœna cogitatio; proxima, obscœna oratio.

2. *No intenderis fallacia mulieris. &c.* Vetat ne blandæ pellacisquæ mulieris orationi attendat, vt quæ ad fraudem faciendam, dolumque struendum sit instructissima; certamque animæ, & corpori perniciem moliat. Nam etsi sermo illius instar mellis suavis, & instar olei lenis ad tempus oblectet, attamen fructus quos parit, absinthio amariore, omni quæ scindenti gladio acutiores sunt. Opponitur autem absinthij amaritudo, mellis dulcedini, acies autem gladij, olei lenitati. Appositè autem vtrumque ad carnis sensum & hæresin transfertur, nam vt caro molliter inuitat, & animam à Christo verò sponso separat, & tandem in interitum mergit, miraque amaritudine conscientiam adurit. Idem facit hæresis & inanis Philosophia.

5. *Pedès eius descendunt. &c.* Hæc planum faciunt, quò sensu nouissima. scorti absinthij instar amara, omni quæ ancipiti gladio acutiora asserantur: quia nimirum omnia illius studia, omnesque conatus & desideria tendunt ad mortem, omnesque eiusdem gressus & affectus ad inferos trahunt. Sed nec aliò quoque tendere aut trahere possunt. Tu proindè, fili, omnem illius familiaritatem vita, & fuge. &c.

6. *Persemitas vita. &c.* Post improbarum mulierum linguam, pedèsque & affectiones obiter descriptas, subiicit nonnulla de illarum gressibus & semitis, quas vagas, & incertas, adeoquæ cognitu difficiles asserit. Etenim tribus istis membris, lingua, inquam, pedibus, & gressibus Sapiens compendio quodam complectitur omnia mulierum vitia, & opera. Nam quidquid boni, vel mali mulier operatur, hoc totum ad aliquod ex tribus istis capitibus referri licet. Videtur autem insinuare scorti vias vitæque rationes vsque adeò vagas, & inconstantes esse, vt vix aliquid certi de iis pronunciare queas, etiamsi diligenter obserues, & ponderes.

7. *Nunc ergo, fili. &c.* Solita excitatione præmissa, maloque & periculo, quod ab impudenti muliere iuuenibus imminet, exposito, admonet hoc loco filium, ut ab omni occasione, quæ ad meretricium commercium, aut familiare colloquium pellicere solet, studiosè abstineat. Hortatur proinde ut adeò ab illa se alienum ostendat, sibi que caueat, ut à via quoque, per quam illa forsàn ventura, deflectat: siquidem occursum in via salutationis, aut familiaris colloquij ansam præbet. Per colloquium autè venit ad alia, & item ad alia, & tandem ad lapsum. Imò solus impudicarum mulierum conspectus ad libidinem prouocat, nedum colloquium. Quare saluberrimum & præsentissimum remedium est secessus, & fuga.

9. *Ne alienis des honorem tuum. &c.* Per hæc causa redditur, cur homo iuuenis scortorum conspectum & colloquium, omnemque illorum familiaritatem studiosè declinare & fugere debeat; quia nimirum isthæc omnia non solum insidiantur famæ & honori, sed vitæ quoque & salutis. Etenim omnia ornamenta, quæ quouis modo in homine sunt, per scordam illicitamque Venerem obscurantur & deperduntur, ingratissimæ scortis, & inferni mancipiis gratis obtruduntur. Quæ scorta meritò hoc loco *crudelia* appellantur, quia numquam saturantur, donec totum hominem perdant, & in damnationis barathrum demergant.

10. *Ne forte extranei. &c.* Post percentsita damna, quæ adulterium & quæuis alia Venus illicita infert adulteri vel scortatoris personæ, famæ item, & vitæ, & salutis, subiungit ea paucis, quæ adfert externis eiusdem opibus & facultatibus, quas virium nomine hoc loco designat: Siquidem scorta hominem scortatorem vsque ad nuditatem extremamque inopiam exhaurire solent; ita ut cum filio prodigo porcos pascere, si quasque pro pane comedere compellatur, idque cum summo familiæ dedecore, & detrimento.

11. *Et gemas in nouissimis. &c.* Subdit hic quod ex præcedentibus necessariò consequitur. Nam post honores, opes, vires, ceteraque omnia, quæ bonorum appellatione continentur, turpiter flagitiosæque absumpta, quid superest, nisi gemitus, suspiria, rugitus, meræque desperationis facies? Quo enim modo non vehementer doleat, qui hinc suam se culpam bonis omnibus spoliatum, inde verò malis omnibus inuolutum conspicatur?

12. *Cur decesseris. &c.* Subiungit hic adulteri vel cuiuscumque alteritis scelerati hominis serò prænitentis orationem planè patheticam & lamentabilem, magnâque consideratione dignam. Cur, inquit, parentum, præce-

præceptorum, pastorum, aliorumque omnium disciplinam, & admonitiones hæcenus sum execratus? Cur salutaribus illorum increpationibus cor meum non acquieuit? Cur autem ad docentium vocem non inclinaui? Similia Sapientiæ cap. v. de sterili infructuosaque damnatorum poenitentia leguntur.

14. *Panē fui in omni malo. &c.* Præcedentia non propemodum sed simpliciter in omne malū incidisse indicant; verum posterius magis ad rem facit. Non enim est hic sermo de absolutè dānato; sed de eo, qui in damnationis periculo versabatur, & hoc quoque vox Hebræa *Cingat* confirmat. Si per futurum exponas, sensus erit: Etenim concidam in omne malum, vel deducar ad malorum omnium extremum, nempe ad damnationem. Hæc enim compendio omne malum in se complexitur.

15. *Bibe aquam de cisterna tua. &c.* Explicatis periculis, miseriis, & calamitatibus, quæ ex adulterio, & quavis alia illicita Venere oriuntur, exponit honesti coniugij commoda, oblique ad illud exhortans. Nam etsi hoc tempore casta virginitas casto coniugio anteponatur, olim tamen non erat ita: Sed & nunc quoque melius est nubere, quàm scortationis, aut adulterij periculo se se exponere. Describit autem res coniugales metaphoris aptissimis, & castissimis ait autē: *Bibe aquam de cisterna tua. &c.* Hoc est, libidinis ardorē propriæ coniugis, vlu extinguas, non alienæ abusu; sicuti qui domi fontem vel puteum habent, ex alieno fonte præsertim immundo haurire non solent.

16. *Deriventur fontes tui. &c.* Aptè coniugale opus aquarum fontibus, comparatur; nam ut fontes sitim sedant, & riuos ex se progenerant, ita coniugium legitime exercitum libidinis fomitem mitigat, & sobolem ex se procreat, quod rarò facit vagalibido: Nam etsi hæc prolem nonnumquā excitat, ea tamen incerta, adeoque minus grata est.

17. *Habito eas solus. &c.* Monet, ut sua solus vxore potiatur, neque eam cum aliis communem habeat. Neque ipse rursus cum vlla alia adulterium committat. Siquidem vtrumque prolis certitudinem tollit, & generationem impedit.

18. *Sit vena tua benedicta. &c.* Hortatur ut à vagalibidine se continens, propriam vxorem fecundare, honestamque ex ea voluptatem capere studeat. Nam etsi carnis oblectamenta ex vulgari coitu capi nonnulla queant, illa tamen nec pura sunt, nec solida, Nam & iustum metum adiunctum habent, & conscientiam vulnerant, & multa præterea alia incommoda plerumque

rumque generant. *Mulierem autem adolescentiæ eam appellat, quam adolescentulam in vxorem duxerat adolescens.*

19. *Cerva carissima. &c.* Sensus est: vt hinnuli & capræ vel damæ, aliæque eiusmodi animalcula apud nobiles viros & matronas in deliciis haberi solent; ita vxor tua tibi præ ceteris omnibus rebus, & mulieribus iucundæ, & honestæ oblectationis sit materia. Quod si qua grauamina hinc inde acciderint, ea vtrunque æquo animo ferre, exemplo ceruorum, qui maria pascuorum causa tranantes, se metud sustinent, iuuant, & tolerant.

*Vbera eius oblectent te. &c.* Per *Vbera* castum coniugalémque amorem, ceteraque omnia, quæ ad sobolis propagationem ordinem sortiuntur, designat. Vult autem eum amorem esse tantum, vt omnem alium externum secludat. Hoc namque *Ebrietas* nomine subindicatur. Vt enim potu grauati interdum delirant, ita quoque impotenter amantes. Obseruandum est autem, licet Salomonis ætate polygamia recepta esset, ipsum tamen secundum primæuam institutionem, legémque Euangelij de coniugio hic verba facere.

20. *Quare seduceris. &c.* Enumeratis commodis & incommodis, quæ hinc ex honesto coniugio, inde ex turpi amore, & adulterio proueniunt, eiusmodi epilogo orationem absoluit. Quando tantum inter adulteram, vel alienam, & legitimam vxorem discrimen intercedit, cur seduceris cum aliena?

22. *Iniquitates sue capiunt impium. &c.* Occurrit per hæc rudi quorundam cogitationi. Poterat namque simplex quispiam ita apud se cogitare: Cum tanta sit sceleratorum hominum multitudo, quomodo vnus Deus tot poterit capere, iustaque pœna afficere? Ad hanc autem deliram imaginationem Sapiens responder: ne putes Deo defuturos satellites, aut vincula, aut carceres, aut secures, quibus fontes capiat, constringat, & puniat, suis enim quique iniquitatibus veluti funibus capitur, atque constringitur impius. Dicitur autem impius peccatorum suorum funibus constringi, quia per illa, & propter illa, ad certum supplicium coram domino obligatus tenetur, & quidem semper, nisi fortè per pœnitentiam ab illo vinculo absolueretur. Constringitur hætenus quoque, quia dæmonis seruitute premitur, & ne vllum opus viuum edere possit, impeditur.

23. *Ipsē morietur, quia. &c.* Exponit paucis, quid de eo tandem futurum sit, qui scelerum suorum vinculis obfirmatē constrictus vitā defungitur. Talis enim propter stultitiarum suarum multitudinem, ad animæ & corporis mortem, eternæque damnationis sedem abripietur. Attribuit autem eiusmodi hominibus *multitudinem stultitiæ*, vel quia in multis seipsum deludunt, vel certē quod hi, qui suā stultitiā ludificantur, non vno modō comparati sunt omnes; Alij enim stultē cogitant, certōque sibi persuadent Deum, quæ occulto fiunt, aut non videre, aut non punire, aut non tantum punire, quantum asseritur. Alii se ante mortem seriō penitentiam acturos: Alij hoc, vel illud peccatum graue alioqui, vel nullum esse, vel perexiguū: Alij aliud stolidē imaginantur. Hi omnes suā stultitiā capiuntur, suorumque peccatorum funibus constricti ad inferos detruduntur.

## PARAPHRASTICA

### CAPITIS SEXTI EXPLANATIO.

1. *Fili mi, si sponderis pro amico tuo, defixisti apud extraneum manum tuam.*
2. *Illequeatus es verbis oris tui, & captus proprijs sermonibus.*

**Q**uantum, fili mi, curarum, damnorum, periculorum, & turbarum temerarij contractus, intempestiueque pro altero quocūque sponsiones adferre soleant, aliena exempla te doceant. Eapropter si incautus in hoc curarum incendium incidisti, hoc est, si pro amico vel extero quocūque stipulatā manu spondidisti, fidemque tuam pro illo obstrinxisti, scias te proprij oris verbis, quasi duro quodam vinculo captum irretitūque teneri. Nam siue quis fidem suam obligat amico pro extero; siue vice versā extero & ignoto pro amico & noto; siue pro vtroque simul; si is, in cuius gratiam fidem suam obligauerat, pactam fidem (vt fieri frequenter solet) non seruauerit, apud creditorem obligatus captusque necessario tenebitur.



3. *Fac ergo quod dico, fili mi, & temetipsum libera, quia incidisti in manum proximi tui. Discurrere, festina, suscita amicum tuum.*

**S**I, inquam, fili, imprudens eò prolapsus es miseriam & amentiam, uti temeraria sponfione non vulgaris iacturæ periculo rem familiarem exposueris (siquidem facultates non tantum per adulteria, scortationes, comeffationes, aliâque eiusmodi dissipantur; verum etiam per inutiles contractus, per stultas promissiones, aut fideiussiones; per lites forenses temerè intentatas, vel inconsultè admissas, per incautas denique cum ignotis exterisque hominibus familiaritates, & necessitudines:) consiliū meum secutus, primo quoque tempore ex laqueis illis te liberare, & expedire enitere; etiam si creditori supplex fieri, eiusdemque pedibus aduolui te oporteat. Satiū est enim præter consuetudinem, aut personæ quoque decorum, non nihil sese submittere, quàm citra necessitatem tantam rei familiaris iacturam facere.

Quæ tua est simplicitas, putas fortassis tuis te verbis ligari non potuisse, nec posse; falleris, fili, eo ipso momento, quo pro amico tuo spondidisti, tuo te ore ad debitum illius dependendum obligasti, adeoque sub proximi nempè sub creditoris manum, & potestatem imprudens te redegisti, restat itaque, ut à vinculo illo teipsum expedias, & in pristinam libertatem primâ oblatâ occasione te vindices. At ut id consequare magnâ opus est tibi cautione, magnâ prudentiâ, multo consilio, & deliberatione. Etenim lites sectari me iudice non debes; quippè quæ breui temporis spatio magnam pecuniæ vim exhauriant; nec inimicum rursus ex amico facere te decet. Humilis proinde supplicatio magis tibi conuenit, quàm superba insultatio. Rogandus est potius amicus, pro quo fideiussisti, quàm inciviler irritandus. Pronus itaque ad illius pedes te abiice, omni que orationis lenocinio usus, ut debitum, quod in te recepisti, soluat, teque missum faciat iterum illum inducere, iterumque contende. Quod si istud per te ab eo impetrare non vales, amicos, qui pro te intercedant, pectusque illius flectant atque emolliant, suborna. Tandem si illum pro quo spondidisti, fidemque tuam obligasti, non inducere vales, ut debitum soluat, teque à vinculo illo, quo ligatus teneris, expediat, per te & per amicos omni studio omni que contentione labora, ut saltem creditor à fideiussionis obligatione te liberet. Nam cum duplex liberationis extet via, altera ut debitor creditum soluat, altera ut creditor sponfionis obligationem remittat, si vna non successerit, alteram tenta.

4. *Ne dederis somnum oculis tuis, nec dormitent palpebrae tuae.*

5. *Erue quasi damula de manu, & quasi avis de manu aucupis.*

**D**Enique neque oculis tuis ullum indulgeas somnum, neque ullam dormitationem palpebris tuis, neque ullam quietem pedibus tuis; paucis, nullum subterfugas laborem, nullam detrectes molestiam, nullam praefermittas occasionem ( siquidem in re seria non serio agere, aliud nihil est, quam per socordiam & ignauiam dormire ) donec quasi caprea de manu venatoris, aut veluti avis de manu aucupis è spōsionis illius laqueis eripiare. Etenim ut auculae & damulae, quod suā naturā infirmæ & timidae sint, celerī fugā vitæ salutisque suæ consulunt, capreae autem vi tota ex aucupis, vel venatoris retibus euadere, seseque extricare contendunt ( neque enim viuere se putant, nisi naturali libertate potiantur ) ita tu quoque fideiussionis retia modis omnibus fuge. Sin autem per imprudentiam in illa incidisti, nihil intermitte, donec te inde expeditum & liberatum videas.

6. *Vade ad formicam quæ piger, & considera vias eius, & disce sapientiam.*

7. *Quæ cum non habeat ducem, nec præceptorem, nec principem.*

8. *Parat in aestate cibum sibi, & congregat in messe quod comedat.*

**N**Equè tamen ad tuendam, & conseruandam rem familiarem sat esse credas, si per scorta, aut temerarias sponsiones, aut alias turpes artes eam non dilapides; sed opus est præterea uti per honestum laborem, animique industriam & curam, quæ in bonis habes, identidem augere, & locupletare contendas. Nam si propter quotidianos sumptus aliquid subinde ex assè adimas, nihil autem vniquam per industriam, aut laborem refarcias vel adijcias, non poterit res tota tandem non absumi, cum non sit infinita. Quod si ignauo otio desidixque assuetus laborem omnem aueraris, neque studioforum hominum exemplo, neque artificum aut agricolarum studio, ad opus aliquod faciendum excitaris; agedum ignaue ad formicam, quæ inter operosa animantia est minima, oculos conuerte; perpende, & demirare quantā sedulitate & industriā, quantoque conatu, & vigilantia æstiuo tempore, in hiemis solatium, annonam congerat. *Trahit ore*, ut scribit ille, *quodcumque potest atque addis aceruo*, onerāque sæpenumero se maiora in eaueruulam suam conuectat; ibidemque tantā diligentia, & curā asseruat, ut corrumpi haud facile queant. Quod si quod putrefactionis periculum vrgeat,

congestam escam ex promptuario, quo deficcetur, ad solem exportat: granorum fibras, ne germinent, arrodit: quæ grauiora gestat, quàm vt per cuniculos suos inferri valeant, in partes secat: quæ ore trahere & mouere non potest, ea obuensis pedibus, & humeris impellit. Quin alia multa summâ admiratione digna industriæ, & sedulitatis paradigmata ignauis proponit. Atque hæc omnia solâ naturâ duce. Neque enim ductorem habent formicæ, qui viam illis præmonstret, vt grues, oues, & alia quædam animalia habere solent: neque præfectum, aut magistrum, qui operum pensum illis præfiniat; neque principem, qui ignauos castiget, & sedulos remuneretur; neque alium denique quemcumque, cuius consilio aut auxilio nitantur. Si ergò meis verbis non moueris, neque aliorum exemplis excitaris, saltem formicæ studium & industriam æmuleris, discas sapientiam, vtilémque & salutarem confectare laborem. Turpe est namque hominem ad laborem natum à tantillo vermiculo in laboris, prouidentie, & prudentie ratione superari.

9. *Uiquequo piger dormies? quando confurges è somno tuo.*

10. *Paullulum dormies, paullulum dormitabis, paullum conferes manus  
vt dormias.*

**V**Squequò tandem piger & ignaue dormis? quousque stertis? quando tandem aliquando è somno exsurges? plus satis dormitum: plus satis ocium est; expergiscere tandem, & ex ignauie strato te proripe. Minue somnolentiam & dormitationem; desine manum complicare; cessa pectus, & latera demulcere, tæque hac ratione ad somnum prouocare, tuamque ignauiam confouere. Etenim dum paullulum dormitationis captas, dum manus complicas, dum huc illucque in strato te volutas, neque vlli rei honestæ animum applicas; sed totos dies totasque noctes ociosus transigis; ita sanè vt in nullos alios vsus manus accepisse videaris, quàm vt harum operâ tuam desidiam, tuamque somnolentiam foueas, pectusque demulceas: en egestas veluti inexpectatus quispiam nuncius; & inopia tamquam vir clypeo instructus te somno & otio deditum repentinè inuadet, idque tanta vi, vt illi resistere nequaquam valeas, vt maximè velis.

11. *Et*

11. *Et veniet tibi quasi viator egestas, & pauperies quasi vir armatus. Si verò impiger fueris, veniet ut fons messis tua, & egestas longè fugiet à te.*

**N**Ec potest profectò rerum omnium penuria ad hominem usque adeò ignauum & somnolentum, totamque eiusdem familiam veluti celer quispiam veredarius, aut armatus miles subito, magnòque impetu & festinatione non accedere. Sicuti è diuerso à viro sedulo & impigro tempestiuè non aufugere. Eapropter si somnum recideris ( natura enim modico somno contenta est ) honestòque labori sedulo incubueris, fugiet à te mox omnis egestas, omnisque penuria; ijsque fugatis atque proscriptis rerum omnium affluentia, messisque bonorum vberima ad te certò commigrabit. Quandoquidem ut pigrizia & ignauia rerum omnium pariunt inopiam, & omnem rursus malitiam & improbitatem: ita labor & industria magnam rerum, quibus vita hæc præsens indiget, generant copiam, & omnem præterea virtutem & honestatem.

12. *Homo apostata, vir inutilis, graditur ore peruerso.*

**F**Vge proinde otium & ignauiam, omnemque hominem ignauo otio somnòque immoderato deditum. Quicumque enim eiusmodi est, homo inutilis, & iniquus, & mendax, & toto animo tamquam verus quispiam Belial à Deo, omni que honestate alienus est. Enimverò cum animum ad nullum honestum opus applicet, sese totum, omniaque sua membra in scelerum instrumenta, aliorumque perniciem conuertit. Etenim ore incedit peruerso; aliud namque, dum familiariter cum quopiam agit, versat in corde, aliud lingua depromit. Amicam blandamque oratione vitur, interim in corde dolum, & perniciem machinatur. Palam de quibusdam bene, clam autem de omnibus perversè loquitur; omnibus obrectat, in omnes maledicta lingua incurfat. Neque corde & ore tantum; sed singulis propemodum membris se peruersum & improbum ostendit.

13. *Annuis oculis, terit pede, digito loquitur.*

**N**Am & scelerum socijs, ut oblata occasione vtantur, oculis annuit, pedibusque iisdem innuit, & digitis indicium facit; paucis, nihil sanum, nihil sincerum, nihil modestum præ se gerit; verum vultu & habitu, & incessu, & manuum gesticatione, & pedum agitatione & toto reliquo corpore, merum histrionem exprimit. Aut rectius forsan & ad rem præsen-

tem accommodatiùs , quo facilius imponat, fraudemque incautis faciat, eâ vitur vultus constantiâ, eâ incessus grauitate, eâ manuum, & gestuum moderatione, eâdemque totius corporis compositione, vt quamuis re ipsâ peruersâ, & mendaci, & falsâ oratione vtatur, veritatem tamen dicere palàm videatur.

14. *Prauo corde machinatur malum & omni tempore iurgia seminat.*

**I**dem ille Belial impiusque homo, licet amicum se simulet, blandâque & amicâ voce coram compellet; in corde tamen peruersâ, nempè fraudem, pestem, atque perniciem molitur, ad quam etiam inferendam prauitatis suæ consortes occultis oculorum nutibus, manuumque & pedum indicijs prouocat. Vel hoc modo: Quamuis ore amicitiam fingat, oculis tamen aliisque corporis partibus inimicitiam subindicat. Vix enim virus, quod in animo abditum latet, ita regi ac dissimulari potest, vt aliquo externo argumento se non prodât. Corde itaque machinatur malum, nullôque non tempore lites, dissidia, atque contentiones inter coniunctos disseminat, quod sanè venenum ceteris omnibus exitialius existit. Graue est cuiuscumque malum intentare, grauius sub amicitie schemate hostilia moliri, grauius omni tempore inter amicos, & familiaritate coniunctos discordias & iurgia ferere. Neque aliter tamen euenire potest moribus & vitijs, quorum iam mentionem fecimus, non mutatis atque è medio sublatis. Nam cum apostata ille coram omnibus blandè amicèque loquatur, à tergo autem nullum non acriter mordeat, præsentes rursus laudet, absentes autem vituperet, amicosque, quod in se est, falsis contra se inuicem delationibus armet, fieri omnino non potest, vt multæ lites, multaque dissidia & iurgia inter illos subindè non oriantur.

15. *Huic extemplo venit perditio sua, & subito conteretur, nec habebit ultra medicinam.*

**C**um ergò id hominum genus, quod in oris peruersitate graditur, oculisque, & manibus, & pedibus loquitur, totôque corde pestem machinatur, & dissidia inter coniunctissimos perpetuò molitur, sit pessimum, rei que publicæ perniciosissimum, non est mirum, si subitâ perditione obruatur, eumque in modum conteratur, vt nullum amplius salutis remedium habeat reliquum, hoc est, si in æternæ damnationis barathrum repente demergatur, numquam indè amplius emersurum. Quia igitur otij stipendium aliud

aliud nihil est quàm sempiternus interitus, oriũ, multa긑ue flagitia & scelera, quæ indè oriuntur, grauitérque apud inferos puniuntur, fili mi, summâ contentione fuge, animum긑ue ad honesta studia adiunge; si non virtutis amore, qui meritò mouere & instigare te debebat, saltem formidine impendentis pœnæ, illius긑ue sempiternæ.

16. *Sex sunt quæ odit Dominus & septimum detestatur anima eius.*

**F**lli, licet Deus Opt. Max. omne omninò peccatum odio habeat, & detestetur (siquidem nullum omnino est, quod summæ illius bonitati, sanctitati, & voluntati non aduersetur) attamen sex aut septem inter cetera sunt, quæ anima illius pessimè execratur, odióque peculiari persequitur; nempè oculos sublatos, linguam vanam, manus infontem sanguinem effundentes, cor iniqua secum versans, pedes ad scelus patrandum vsque accinctos, testem mendacem; & discordiarum inter coniunctos in-centorem.

17. *Oculos sublimes, Linguam mendacem, Manus effundentes innoxium sanguinem.*

**P**rimùm igitur, quod Deus odit, animæque eiusdem auersatur, vt quod maximè, sunt *Oculi sublati*, homines nimirum superbi, fastu긑ue & arrogantia tumidi. Nam etsi aliis quoque corporis partibus mentis tumor & fastus indicetur, oculis tamen & supercilijs præcipuè. Est autem Deo hoc superbix vitium eò exosius, quò minus est in homine, de quo veluti de proprio peculio gloriari, aut insolentius sese effere possit. Nihil enim omninò in bonis habet, quod gratis à Deo non acceperit; nihil, quod temporis puncto ipsi adimi non valeat; nihil, quod statim non concideret & interiret, si Deus clementiâ suâ illud non conseruaret, de quo ergò arroganter se iactat?

Alterum quod Dominus odit, & execratur, est *Lingua mendax*. Nam cum ipse sit prima per긑ue se subsistens veritas, semper constans, semper sui similis, omne omnino mendacium, qualecũque tandem illud sit, tamquam sibi aduersum, suæ긑ue naturæ contrariũ detestatur. Sed & omne quoque mendacium suapte naturâ est malum, turpe, & inhonestum; neque quidquam in rerum vniuersitate exstat, tametsi potens, quod illud honestum, aut licitum reddere possit. Quamobrem, si Deo vis placere, fili, abline ab omni mendacio, neque enim linguam sortitus es, vt mentireris, aut homines

homines falleres, aut offenderes, sed vt Deum laudares, inuocares, gratiasque eidem pro acceptis beneficijs ageres; nec non animi tui conceptus, cum vsus id postularet, alteri prodere posses.

Odit tertio, & quidem vehementer odit, *Manus infontem sanguinem effundentes*. Nam præterquam quòd nefarium, mortæque & carcere dignum facinus sit, hominem infontem ad Dei imaginem creatum vitæ priuare; res quoque secundum se fœdissima, & ab omni prorsus ratione & æquitate alienissima est, nobile illud organum, quo non absque singulari beneficio à Deo accepimus, vt post expleta munia, & ministeria, ad quæ vtilis & necessaria homini sunt manus, proximum per illud, maximè verò infontem defenderemus, eiusdemque salutem propugnaremus, in innocentem perniciem & cædè conuerrere. Iurè proinde Deus sanguinarias eiusmodi manus detestatur.

18. *Cor machinans cogitationes pessimas, Pedes veloces ad currendum in malum.*

NEQUE manus tantum cruentas externaque flagitia, quæ per illas designantur, execratur Dominus; verum *Cor* quoque, quod *iniqui machinatur*. Cuiusmodi cor illud meritò censerì haberi que potest, quod de industria magnoque studio varias nocendivias excogitat, nec non, quomodo hoc vel illud vitium vel flagitium designare queat, nocte diæque secum vertat; prauasque & obscenas cogitationes, quæ subindè incidunt, aded non repudiat, vt ultro quoque accersat. Nam fœdis cogitationibus pulsari vel opugnari non est peccatum; vtpotè in nostra potestate nequaquam situm. Quare etiam non legitur hic cor, quod patitur iniquas cogitationes, sed *cor quod iniquitatis cogitatus machinatur*. Quartum igitur quod odit Deus, sunt *Improbæ*, hoc est à lege & ratione alienæ cogitationes; ne quis falsò sibi persuadeat, externa tantum flagitia odisse Deum, non etiam interna.

Quinctò exosos habet *Pedes magnâ auiditate & alacritate, ad quodcunque flagitium vel facinus perpetrandum festinantes*, nec iniuria: nam ex inscitia, aut infirmitate, aut vehementi alterius impulsu prolabi in noxam aliquam, id humanæ fragilitatis, corruptæque naturæ nostræ infelicitas est; At verò summa alacritate, plenoque impetu, ac sponte citra vllius impulsu aut dolum ad scelus rapi, summaque, ubi illud designaueris, lætitiâ exultare, hoc demum extremæ nequitiae, deploratæque malitiæ argumentum est.

Atque

Atque ita eiusmodi studium animique affectio non potest Deo non magnoperè displicere.

19. *Proferentem mendacia testem fallacem. Et eum qui seminat inter fratres discordias.*

**S**extum, quod cane & angue peius odit Deus, est, *Tes* *is mendax*, cuiusmodi is dici haberi que potest, qui intra vel extra iudicium in proximi damnum mentitur. Detestatur sanè Dominus omne omnino mendacium, omnemque linguam varam & futilem, ut paulò antè dicebatur: præ ceteris autem peculiari odio prosequitur linguam illam, quæ veritatem, quæ Christus est, oppugnat, ut hæretici, aut omnino negat, ut Iudæi. Tum illam rursum, quæ falsum contra proximum testimonium depromit, rectumque iudicium non absque graui reipub. & proximi detrimento peruerit. Quam multi passim fortunis omnibus per falsos testes exuuntur? Quam multi famâ, quam multi vitâ, quam multi omnibus, quæ in bonis haberi solent, priuantur? Non est ergò mirum, si Deus eiusmodi mortalium pestes velut reipub. perniciosissimas detestetur & execretur.

Septimò & postremò graui iustoque odio illos prosequitur, maioreque in modum execratur Dominus, *Qui lites atque discordias inter fratres caritatis vinculo unitos datâ operâ disseminant*. Et meritò sanè: Nam quid sceleratius potest excogitari, quàm eos, quorum vna est Fides, vnus Dominus, vnum Baptisma, quique de vno pane edunt, & calice bibunt, & vno tandem matris Ecclesiæ gremio continentur, peruersis dogmatis, aut occultis obloquijs, aut prauis consilijs, aut alijs occultis machinationibus, & practicis à seinuicem diuellere, & capitale odium inter illos excitare? Cùm ergò Deus septem hæc peccatorum sceleratorumque hominum genera tanto. perè detestetur, cane, fili, in aliquod ex ijs omnibus aliquando incidas. Neque enim potes Deo placere, & quocumque ex prædictis omnibus contaminatus esse.

20. *Conserua, fili mi, præcepta patris tui, & ne dimittas legem matris tue.*

21. *Liga ea in corde tuo iugiter & circumda gutturi tuo.*

**F**vgies autem hæc omnia, & alia præterea, de quibus paulò post te commonefaciam, fili, haud magno negotio, si præcepta patris tui diligenter custodieris, legesque matris tue non neglexeris, sed tam hanc, quàm illa iugi meditatione animo versaueris, tecumque die noctumque pertractaueris. Quamobrè iterum & iterum te admoneo, ut legis præcepta, quæ iam indè ab

L

initio



initio ex me hausisti, & vnà quodammodò cùm lacte imbibisti, studiosè in pectoris tui scrinio conserues; non ad breue tempus, sed per vniuersam vitam; neque quouis modo, sed omni curâ & diligentia; ita vt nullum thesaurum, quantumuis preciosum, custodias diligentius. Pari studio admonitum te volo, ne insolentium quorundam iuuenum more legem, quam mater tibi præfinit, & à primis annis fideliter instillare numquam desit, facile contemnas aut deseras, verùm religiosè obserues. Quinimo ne facile excidant aut in obliuionem veniant, & hanc, & illa ex æquo in corde tuo imprime, & ad tuum guttur vtrâque alligata tene; neque enim aliud preciosius recondere, aut elegantius pectoris vel colli ornamentum gestare potes quam præcepta patris, quæ vitam præstant & mortem eliminant; & legem matris, quæ summum vbique ornatum atque decorem conciliat.

22. *Cùm ambulaueris, gradientur tecum: cùm dormieris custodiant te, & enigilans loquere cum eis.*

**Q**UOD si ea in precio habueris, assiduoque in ijs meditatus fueris; cùm iter aliquo feceris, gradientur tecum, teque per viam prosperè deducant. Cùm dormieris, cùm ab hostibus aspectabilibus, tùm ab ijs quoque, qui sub aspectum non veniunt, te custodient; & cùm è somno cuigilaueris, familiariter tecum loquentur, diuinorumque operum modum & rationem tibi præficient. Et si illa tacerent, otiumque agitent, tu tamen cum illis loquere, consiliumque & auxilium ab illis pete, & tecum, quocumque tandem te contuleris, comites adsume.

23. *Quia mandatum lucerna est, & lex lux, & via vitæ increpatio disciplina.*

**Q**UIA mandatum Dei, quod à prima ætate ex parentibus accepisti, est lucerna quædam, cuius præsidio per obscuras vitæ huius tenebras citra ullam offensionem, aut prolapsionis periculum incedere poteris. Lex rursus eiusdem clara veraque humanæ mentis lux est. Nam vt lux solis indicat, quo sit eundum, aut deflectendum; quæ rursus via plana sit & facilis, quæ contra aspera, & difficilis, aliâque eiusmodi: ita lex Dei demonstrat & docet, quid sit agendum, aut vitandum; quid æquum quid iniquum; quid vitio affine, quid cum virtute coniunctum. Neque solum lex illa lux est, verùm certa quoque vitæ via est: siquidem qui per illam gradiuntur, deducuntur ad vitam, quæ finem non habet. Est eadem denique increpatio eruditionis.

ditionis & disciplinæ; nam & rudes erudit, & deprauatos hominum mores corripit. Legis enim munus vtrumque est; nempe fontes punire, & studiosos benèque meritos remunerari.

24. *Ut custodiant se à muliere mala, & à blanda lingua extraneæ.*

**Q**UOD si patris & matris monitis obtemperaueris, eorumdémque præceptis parueris, non modò à septem illis malis, quæ anima Dei destatur, liberaberis, verùm etiam à praua, malitiæque & impudicitia ex instituto dedita muliere; & à blanda rursùm lingua extraneæ, hoc est à blanditiis & lenocinijs linguæ adulteræ, vel impiâ certè doctrinâ imbutæ. Vtriusque enim consortium non solum periculosum, sed lege quoque prohibitum est.

25. *Non concupiscat pulcritudinem eius cor tuum, ne capiaris nutibus illius, pretium enim scorti vix est vnus panis: mulier autem viri pretiosam animam capit.*

**V**ERùm quia improbæ mulieres non solum linguæ blandimentis ad libidinem prouocant, sed formæ quoque elegantia & venustate, propterea cohibe cor tuum; ne propter cuiuscúmque adulteræ vel extraneæ pulcritudinem illicito amore incendatur. Nam etsi species & formæ pulcritudo, propter se non expetantur: sunt tamen causa, cur res pulcra appetatur. Hæc autem voluptas & gratia, cùm in capite, eiusdémque partibus & ornamentis maximè eluceat, caue suis te cincinnis, lasciuiisque nutibus, vel oculorum ictibus adultera in rete suum pertrahat. Nihil est enim quibus iuuenes magis capiantur, faciliusque ad libidinem incitentur, quam feminei capitis ornamentis, siuè ea sint congenita, siuè arte ascita. Quamobrem qui à mulieribus earumdémque artibus tutus viuere desiderat, sicut omnes desiderare meritò debent, is ab illarum colloquijs abstineat, earumque pulcritudinem ne obseruet, neque gratos oculorum ictus, aut splendida capitis ornamenta admiretur. Sunt enim hæc omnia arma & retia, quibus calidæ improbæque mulieres incautos iuuenes venantur, & in extremam animæ corporisque miseriam præcipientes plerumque rapiunt.

26. *Pretium scorti vix est vnius panis, mulier autem viri preciosam animam rapit.*

**C**Omperiuntur enim non pauci (& comperti sunt iam antè sæpè multi) qui propter meretricium amorem, assiduamque cum meretricibus consuetudinem, usque ad panis buccellam, hoc est, usque ad extremam inopiam, pudendamque mendicitatem redacti fuere; quod sanè probrosum & miserum est malum, leuius tamen aliquanto eo, quod ex adulterio nascitur. Quandoquidem mulier seu coniugata, viri opibus non contenta, preciosam quoque adulteri animam rapit, hoc est, non tantum bonis istis caducis & fluxis spoliatur adulterum, ut meretrices solent; sed mente quoque, & sensu, & salute, & vitam denique ipsam illum exuit. Neque enim aliud esse videtur adimere alicui animam, quam tollere illi mentem & vitam, utcumque vitæ nomē vsurpes. Et ut nullum vel huius, vel illius vitæ periculum esset, adhuc res secundum se vilissima & abiectissima est scortum, & vilior & abiectior adhuc moecha, longè autem vilissima & abiectissima est voluptas, quæ indè percipitur. Vix enim vnius panis pretium æquat, propter quod vita & anima perditur. Magna sanè insania est propter momentaneam illam voluptatulam, quæ ex scorto vel adultera hauritur, non modo Dei gratiam & fauorem, & vitam præterea æternam, sed ipsam etiam animam, velle amittere, vel certo amissionis periculo exponere.

27. *Numquid potest homo abscondere ignem in sinu suo, ut vestimenta illius non ardeant.*

28. *Aut ambulare super prunas, ut non comburantur plantæ eius.*

29. *Sic qui ingreditur ad mulierem proximi sui, non erit mundus cum tetigerit eam.*

**N**Equè tibi persuadeas, fili, adulterium, quod occultè plerumque committitur, occultum semper fore, ideoque impunè abiturum. Nam, ut fieri non potest ut quis citrà vestium adustionem ignem in sinu foueat; aut citrà pedum offensionem super ardentes prunas ambulet; ita fieri quoque non potest, ut quis cum proximi vxore consuetudinem habeat, neque poenam tamen sentiat. Quapropter si famam, si vitam, si animam, si cetera denique omnia perdere non vis, nihil tibi cum alterius vxore licere existima,

stima. Nam licet maritū, vel cognatos, vel omnes etiam homines flagitium illud celes, Deum tamen celare numquam poteris; adeoque, ut culpæ expers non es, ita à pœna quoque numquam immunis eris. Imò verò tantū abest, ut citra noxam & pœnam noxæ debitam, Veneream consuetudinem cum proximi vxore quispiam impunè habere queat, ut ne familiaritatem quidem citra adulterandi voluntatem cum illa inire debeat, aut inoffensè quoque inire valeat. Nam esto eiusmodi homo adulterium committere non instituat, neque malum aliquod animo verſet; attamen si proximi ædes frequenter viſitat, & cum vxore illius familiariter sæpè susurrat, ad minimum maritum illius, nisi stipes fuerit, offendet, & alijs scandalum offeret, & seipsum itidem libidinosa oblectationis periculo exponet; imò prauæ concupiscentiæ maculam vix euadet. Sicut qui ignem in sinu gestat, aut per candentes carbones ambulat, læsionem aut non euadit, aut ægrè admodum euadit.

30. *Non grandis est culpa, cum quis furatus fuerit, furatur enim ut esurientem impleat animam.*

31. *Dèprihensus quoque reddet septuplum, & omnem substantiam domus suæ tradet.*

**N**Eque est rursum ut adulterium leue aliquod crimen, aut flagitium veniâ dignum esse existimes. Est enim grauissimum, & furto (quod graue alioqui & infame haberi solet) multis partibus grauius & infamius: siquidem fur ad subleuandam rerum necessariarum inopiam, quâ premittitur, plerumque furatur; atque adeò veniâ dignus videtur; adulter autem propter mentis inopiam, merâque animi petulantiam in adulterium fertur. Ad hæc damnum, quod per furtum infertur in integrum instaurari potest, quod autem per adulterium conflatur, emendari faciliè non potest.

Non grandis ergò macula aut noxa est furtum, si cum adulterio committatur; maximè verò si compertum fuerit furem non avaritiâ incitatum, sed necessitate compulsum id furto abstulisse, vnde famelicum ventrem explere posset. Quis enim ægrè ferat, id sibi clanculum ademptum esse, quo alterius vita, quæ alioqui periclitabatur, in viuis est conseruata? At verò adulter nullâ necessitate coactus, sed intolerandâ quâdam

quadam amentia & petulantia incitatus flagitium designat. Quod si quod furtum grandius, quàm rei necessitas postulabat, commissum deprehendatur, illud non in duplum tantum, sed in septuplum quoque compensari, & redintegrari potest, & redintegrari quoque solet. Adulterium autem si partes læsæ conciliationem detrectent, sicut detrectare plurimum solent, nulla prece aut precio redimi potest. Quò etiam fiebat ut in veteri Testamento, tamquam crimen omnino inextinguibile & indelebile nullâ hostiâ expiaretur, sed morte simpliciter multaretur.

32. *Qui autem adulter est, propter cordis inopiam perdet animam suam.*  
 33. *Turpitudinem & ignominiam congregat sibi, & opprobrium illius non delebitur.*  
 34. *Quia zelus & furor viri non parces in die vindictæ.*  
 35. *Nec acquiescat cuiusquam precibus, nec suscipiet pro redemptione dona plurima.*

**M**Ultum ergò inter furtum & adulterium, inter furem rursus & adulterum, inter pœnam tandè, & quæ huic, & illi debetur, iurèque irrogatur, intercedit. Etenim furem ad furtum adigit fames, rerumque egestas; adulterum autem ad scelus impellit mentis inopia animique insolentia. Siquidem immoderatus Veneris usus non solum corpus enervat, sed mentis quoque iudicium obfuscat. Fur rursus in fraude deprehensus multæ nomine solvit duplum, aut septuplum, aut totum quoque quod in bonis habet. Adulter autem pœnæ loco dependit vitam ipsam, ut de aliis, quæ hanc pœnam antecedunt, nihil dicatur. Denique nota, quam furtum inurit, deleri potest, & quidem facillimè, si ex necessitate ortum constiterit: At verò labe, quam adulterium adspersit, nullâ arte, nullo ingenio aut fuco induci potest. Mitto hîc adulterium implacabilem adulteræ marito iram, & indignationem cière. Enimvero zelotypiæ furor, propter atrocem iniuriam, quam passus est, ita illum incendit, ut nullius precibus acquiescat, nullum intercessorem aut precatorem quantumvis potentem audiat, nullum donum aut munus, tametsi magnum pro redemptione, aut reconciliatione recipiat; sed vindictam semper spiret & urgeat: quam ipse quoque, si iudex officium non fecerit, in die vindictæ, hoc est, commoda ulciscendi oblata occasione, citra controuersiam infert, at furtum iusta compensatione restitutum, omnem mox iram & alienationem obliterat.

AD

AD  
CAPVT SEXTVM  
SCHOLIVM.

1. *Si spononderis. &c.* Præcedenti capite docuerat adulterari, Veneremque illicitam sectari omninò non licere; sobolis autem procreandæ vitandæque scortationis causâ licere vxorem ducere, familiam instituere, institutamque gubernare, & omnia, quæ ad eam rem faciunt, tractare, & administrare. At quia vxor, liberi, ceteræque familiæ partes, absque opibus nec haberi, neque honestè quoque sustentari possunt, fornicarum exemplo exhortatur hîc filium ad laborem (per hunc enim opes comparâtur: ) sed quia opes honesto labore comparatæ, vel relictæ quoque non solùm absumuntur & dissipantur per otium & ignauiam, verùm etiam per temerarios & inutiles contractus, initio capitis huius admonet filium, ne facilè pro altero spondeat, maximè verò pro ignoto, porro autem cum nulla maior opum reus familiaris sit pestis, quàm commercium cum adulteris vel meretricibus, propterea sub finem iterum digreditur contra adulterium omnèque carnis flagitium.

*Si spononderis, fili. &c.* Coniunctio, si, potest ad primum tantum periodi membrum referri ad hunc modum: Fili, si pro amico fidem tuam obligasti, fac quod dico: potest rursus ad singula transferri in hûc sensû: Fili, si pro amico sponodisti, si manû defixisti, si amici causâ illaqueatus teneris, fac quod dico. &c. Potest denique ad duo simul referri, vt hic sit sensus: Fili, si pro amico sponodisti, si stipulatâ manu fidem tuam pro amico obstrinxisti, oris tui verbis irretitus detineris, proindè ne hîc te laqueus præfocet, primâ oblatâ occasione indè te expedi. Ceterum fide pro altero iubere trifariam contingit. Vel enim spondemus pro extero, quod periculosum est, vel pro amico, quod vsitatum est; vel pro vtroque simul, quod mixtum est, omnes has sponfiones admittit præsens locus.

3. *Fac quod dico. &c.* Scopus huius loci est, sponsorem nihil debere intermittere, nullis laboribus aut molestiis parcere, nullâ submissionem aut objectionem detrectare, donec à vinculo illo, quo obstrictus tenetur, sese expediuerit, quod si istud per se non possit, vel amicorum operâ liberationem eiusmodi vrgere & procurare debere. Quod autem de vinculo ex temeraria

meraria fideiussione contracto hîc dicitur, illud ad omne debitum omnemque obligationem rectè referri potest. Siquidem par est omnium ratio. Considerent hæc igitur pastores, ceterique omnes, qui pro aliorum salute & incolumitate se se animasque suas obligarunt & oppignorarunt.

6. *Vade ad formicam. &c.* Exemplo formicæ hortatur ad honestum laborem, eorumque insectatur mores & vitam, qui otio somnôque dediti & rem, & tempus simul turpiter absumunt. Ait autem: Tu quisquis es, quem nullæ admonitiones, nulla studiosorum hominum exempla, nulla rerum penuria à somnolentia, ad vigilantiam; ab otio, ad negotium; ab ignavia, ad diligentiam excitant, vade ad formicam, & inde saltem diligentia & industriæ paradigma accipias, turque senectuti & impendenti miseriæ confutere discas.

9. *Usquequo piger dormies? &c.* Post acrem increpationem, efficacemque ad laborem impulsione, luculentâ descriptione, somnolenti ignauique hominis ingenium ob oculos ponit, Neque enim vllum ille stertendi, oscitandi, aut otandi modum seruat, verum ignauè veluti sus in luto, in suo sestrato huc illucque versat atque volutat. Ceterum vox Hebræa *Megat* geminum sensum offert, verbalem vnum, aduerbialem alterum, & utrumque conimodum: hoc significat *Modicum* vel *paullulum dormies*; illo *diminue* vel *accide somnum*. Quod si feceris, nulla te obruet egestas, quin potius copiosa messis instar fontis tibi obueniet: sin minus, egestas tantà vi te inuadet, vt ei resistere nullo modo possis.

12. *Homo apostata. &c.* Dissertuit aduersus ignauos, & ignauiam vitiorum & scelerum omnium matrem, (otium namque docet & generat omnia vitia atque flagitia.) Nunc vero describit insignè quorundam nequitiam, à quorum proinde consuetudine filium, totamque adeo iuuentutem vult abstinere. Ceterum quem noster interpres, *Apostatam* vocat, Hebræi appellant *Hominem Belial*, hoc est, exlegem iugoque & honore carentem, inutilem itidem & impium, omni que improbitate & impuritate plenum; denique talem, qui se totum omniaque membra vertit in nequitiam & improbitatem. Nam & ore peruerso graditur, (aliud namque in lingua, aliud in corde promptum habet, aliud rursus de hoc, aliud de illo loquitur, de omnibus tamen malè.) Et oculis annuit, & manibus pedibusque indicia facit, neque externis hisce improbitatis signis & incitamentis contentus, corde quoque inproba consilia pertractat, iurgiæque & lites profeminat.

15. *Huic extemplo veniet. &c.* Ostendit improbum illum non impunè peccaturum; sed grauissimas, quando minime id exspectabit, improbitatis suæ pœnas daturum. extemplo & ex insperato, inquit, veniet illi interitus, plenâque contritio, idque citra ullam salutis spem. En, quo tandem ignauia & otium ignauos perducatur.

16. *Sex sunt, quæ odit Dominus. &c.* Ut proximè hominem ex eo sceleratum, & nequam ostendit, quod omnibus corporis partibus turpiter abutatur; ita hic grauias quædam vitia commemorat, quæ peculiaribus corporis membris attribuuntur, & pereâ communiter designantur. Inter sex autem hominis vitia, primum locum assignat oculis sublimibus, proximum, linguæ mendaci: tertium, manibus sanguinarijs: quartum, cordi intento ad malum: quintum, pedibus ad quodcumque parandum scelus properantibus: sextum, testi in alterius perniciem mentienti: septimum & primum, linguæ disseminanti inter fratres dissidia.

Per oculos sublato hominem, qui nutu ipso totoque corporis habitu animi fastum & arrogantiam præ se fert, accipe: mysticè autem hominem, qui ea scrutari & diiudicare contendit, quæ humanæ mentis captum excedunt. Per linguam mendacem vel mendacij, vt Hebræa sonant, hominem mendacijs assuetum, aut falsitati & vanitati ex instituto deditum, cuiusmodi linguam Deus meritò odit; data enim est lingua & creata in alium vsum, quàm ad fallendum & mentiendum. Per manus sanguinem in fontem fundentes, hominem sicarium crudeliter in quosuis etiam in infontes graffantem.

Per cor denique, quod praua meditatur, hominem die noctuque, vt proximo malum aut damnum inferat, intentum. Ponit autem cor seu voluntatem in medio illarum rerum, quæ odit Deus, quia vnum hoc est radix & fons omnium malorum, & scelerum, quæ in hominem cadunt. Per pedes ad scelus festinantes animi affectum ad maleficium quodcumque edendum incensum, qui sanè affectus est funestissimus. Nam ex incitamento v. l. infirmitate in vitium aliquod prolabi, infirmæ naturæ proprium est. At verò sponte & alacriter in scelus proruerè id planè est intolerabile, & apud Deum detestabile, vt quod maximè. Per testem mendacem denique hominem in publico iudicio perniciosè mentientem, aut falsum testimonium contra proximum quouis modo perhibentem. Quod genus peccati est admodum graue & apud Deum & homines summoperè detestabile: læditenim non tam priuatim hominem, quàm totam communitatem. Sicut & discordiarum quoque

M

inter



inter sanguine vel alia necessitudine coniunctos disseminatio. Oriuntur hinc enim grauia sæpè in tota repub. & familia dissidia.

20. *Conserua præcepta patris tui. &c.* Quandoquidem ad euitandum laqueos & insidias, quas impuræ mulieres, perditiæque & flagitiosæ vitæ homines iuuentuti struere solent, nihil est efficacius accuratâ paternorum præceptorum obseruatione, propterea Sapiens iterum iterumque filium hic hortatur, & per illum reliquos omnes iuuenes, vt patris præcepta & legem matris diligenter obseruent. Interim per eiusmodi præcepta non videtur aliqua œconomica vel politica statuta designare, qualia nimirum patres & matres familias familiæ præscribere solent (quamuis hæc quoque negligenda non sunt:) sed præcepta decalogi, aliâque ad religionem & pietatem facientia. Itaque mystico saltem sensu, per patris præcepta accipere hic licet legem Dei, per matris autem, legem & statuta Ecclesiæ.

21. *Liga ea in corde tuo. &c.* Similia leguntur Deuteronomij cap. vj. & cap. xiii. huius libri. Omnia autem huc tendunt, vt intelligamus patris & matris præcepta summa ubique cura & diligentia obseruanda, cordique & animo altissimè imprimenda. Meminit autem cordis & gutturis, vel quod harum partium præsidio homo spiritum trahat, vitamque ducat, vel quod quæ præ ceteris cara habemus, ea è collo vel pectore suspendere consueuimus; vel certè quod assiduo in iis, & cum his versandum significare voluerit. Annectit enim: *Cum ambulaueris, gradientur tecum, cum dormieris, custodiant te, & cum euigilaueris, loquantur tecum.* Possent hæc tamen per futurum quoque haud incommode exponi, quòd hinc nimirum colligamus fructum quem patris & matris præcepta obseruata adferre consueuerunt.

23. *Quia mandatum lucerna. &c.* Hæc confirmant, quod paulo ante dicebatur, nempe Sapientem, quando filium hortatur vt patris matrisque legi obtineret, non agere de œconomicis, præceptis, sed de diuinis, quorum excellentiam hoc loco illustribus epithetis describit, simulque rationem reddit, cur tam studiosè & accuratè obseruanda sint diuinæ sapientiæ præcepta. Ceterum lex non citra iustam causam appellatur *Lux* vel *Lucerna*. Nam & in vitæ huius tenebris viam planam indicat, & inter bonum, & malum, inter rectum, & obliquum discretionem præbet, & quid denique faciendum vel vitandum sit, perspicuis verbis edocet. Vocatur quoque *Via* *vi-*  
*ta*: quod rectâ ad vitam æternam conducat. Appellatur tandem *Increpatio* *disciplina*, vel *increpans disciplina*: quia vitia & scelera castigar, deprauatosque  
mores

mores increpat. Quæcumque autem tribuuntur hic legi, ea optimè quadrant in Christum.

24. *Vetus Codiant te. &c.* Hic aliud observatæ legis præmium & beneficium assignatur; neque enim parva res est tutum esse ab insidijs, quas improbæ mulieres iuuenibus varijs vijs & rationibus instruunt. Nam & per orationis blandimenta insidiantur, & per subdolum fucatamque linguam, & per varium corporis cultum, & per naturalem acciticiamque venustatem & pulcritudinis ostentationem; & alijs præterea innumeris artibus, à quibus omnibus, fili mi, diligenter cauere debes, maximè verò ne tortis illis cincinnis, lasciuisque nutibus cor tuum capiatur & irretiatur.

26. *Precium scorti. &c.* Ostendit quam vile, quam momentaneum & panè nihilum sit, quod per scortationem quæritur, & quàm preciosum, quod eius rei causâ amittitur. Quod enim quæritur, est brevis voluptas: quod autem perditur, est summum bonum, quod homini, cum in hac, tum in altera quoque vita obtingere potest, nempe corpus & anima, & vita ipsa æterna, & tota nihilominus æterna substantia. Siquidem amatores propter scorta & meretrices ad exiguam panis buccellâ, hoc est, ad extremam paupertatem & miseriam tandem rediguntur. At multo tamen grauius est adulterium, quam simplex scortatio. Quare dispar quoque pœna utriusque peccato hic assignatur; huic nimirum facultatum absumptio, illi vitæ & animæ perditio.

27. *Numquid potest homo. &c.* Occurrit hic duplici obiectioni, quæ ab adultero de adulterio suspecto fieri poterat. Poterat enim quispiam dicere: dabo operam, ut clanculum illud committam, atque ita pœnam, quam leges a iulteris statuunt, tum periculum quoque, quod à marito imminet, facile euadam. Adhæc autem Sapiens, in cassum niteris, & spe vanâ te ipsum deludis: *Numquid potest homo abscondere ignem in sinu suo. &c.* Vt nemo mortalium tuto citraque aduersionis periculum, ignem in sinu gestare potest, aut super ardentes prunas nudis pedibus ambulare, ita nemo quoque impune adulterium committere valet. Nam licet adulter homines celare possit illud, adeoque humanæ legis pœnas euadere, Deum tamen, qui flagitia omnia acerrimè vindicat, latere non potest. Poterat rursus dicere non eo animo ad alterius coniugem accedo, ut rem cum illa habeam, verum ut familiariter cum ea agam, faceretque confabuler. Ad hoc autem Sapiens: Ne hoc quidem citra aduersionis, hoc est, prauæ libidinis incendium maleque suspitionis periculum fieri potest: nam creber accessus ad alienam, &

familiaris cum illa conuentus, secreti amoris, Veneræque consuetudinis suspicionem apud maritum, & scandalum apud externos homines generat haud vulgare.

30. *Non gravis est culpa. &c.* Adulterij gravitatem ostendere volens comparat illud hoc loco cum furto, sicut paulo ante illud commiserat cum simplici fornicatione, eidemque prætulera. Docet autem furti peccatum leue esse præ adulterio, & illud rectè: nam multo minus damnum infert proximo furtum, quàm adulterium, quia hoc detrimentum compensari non potest, illud potest. Ad hæc furtum sortitur causam fortius impellentem, quàm adulterium. Quandoquidem ad furtum impellit inopia, rerumque ad vitam necessariarum penuria; ad adulterium autem mera stultitia animique insolentia: quippe cum adulter libidinem suam aliâ & quidem licitâ viâ extinguere potest. Nota denique, quam furtum inurit, deleri potest, quæ autem per adulterium imprimitur, aboleri nequit: siquidem maritus ab adultero læsus, ut noxam condonet, induci nec solet, nec facile quoque potest: atque ita perpetuo vindictæ occasionem obseruat & aucupatur. Conueniunt in hoc tamen fur & adulter, quod vterque usurpet rem alienam inuito domino, & vterque rursus quærit latibula, ut clam operetur.

## PARAPHRASTICA

### CAPITIS SEPTIMI EXPLANATIO.

1. *Fili mi, custodi sermones meos, & præcepta mea recondi tibi. Fili, honora Dominum & valebis: præter eum verò ne timueris alienum.*

**F**ili mi, multa hætenus graua & salutaria dogmata morumque præcepta à me accepisti: sed quod iuuenes plerique sanam doctrinam alterâ tantum aure excipere soleant (utpote ad illa magis attentis, ad quæ ætas illa magis fertur,) subuereor ne eâ fide & diligentia retinueris, memoriaque insculperis, qua par erat.

Quamobrem denuò te admoneo, & quantâ contentione, curâ, & diligentia,

gentiâ possum, exhortor, vt sermones meos diligenter custodias, meaqué præcepta veluti preciosum quempiam thesaurum in imo pectoris tui secessu recondas: Vtinde, vbi vsus id postulauerit, depromere queas. Inter cetera autem sapientiæ præcepta ea præcipuè tibi commendo, quæ de Dei honore, & cultu, dequæ eiusdem timore & reuerentia agunt, quod si ea cordi habueris, omnibus hostibus tuis fortior euades.

2. *Serua mandata mea, & viues: & legem meam quasi pupillam oculi tui.*

CONFUEVERUNT sæculi huius prudētes, ne quid ad honestam vitæ sustentationem in futurum desit, multum annonæ multumque pecuniarum & opum reponere: tu verò, vt æternum viuas & beatè viuas, serua mandata mea custodi legem meam, idque non quouis modo, sed eâ curâ & diligentia, quâ pupillam oculi toles, hoc est, accuratissimè. Nam vt absquæ pupillarum sanitate cæcutimus, & in tenebris ambulamus, adeoquæ grauiter sæpe impingimus: ita sine diuinæ legis lumine, quod sapientia ostendit, in medijs tenebris palpamus, etiamsi secundum sæculum prudentissimi habeamur.

3. *Liga eam in digitis tuis, scribe illam in tabulis cordis tui.*

SERUA itaque legem meam, & veluti nobilem gemmam, auro inclusam alliga illam digitis, quo hac ratione perpetuo ob oculos tuos versetur, operéque ipso ostendas magni facere te illam. Inscribe eandem rursus non in æreis, aut marmoreis tabulis, vt lex Mosæica descripta exstabat, & leges nonnullæ politicæ describi nonnumquam solent; sed in tabulis cordis tui, quo semper illa ibi legere & recolere valeas, hoc est, omni curâ & diligentia custodi illam, ita vt nullâ obliuione possit induci, nullâ falsâ doctrinâ infici nullâ carnali impudicarum muliercularum amore contaminari, nullâ denique earundem blandiloquentiâ euerri.

4. *Dic sapientia, soror mea es: & prudentiam voca amicam tuam.*  
 5. *Vt custodiat te à muliere extranea, & ab aliena quæ verba sua  
 dulcia facit.*

**Q**UOD si pro ætatis tuæ ratione & conditione (iuuenis enim es) formarum familiaritate & pulcritudine frui lubet, mulierum omnium pulcerrima, & venustissima est sapientia, omniumque blandissima, & eloquentissima est intelligentia: cum ijs proinde gratiam inire stude, locoque sororum illas habe. Etenim si sapientiam casto amore veluti sororem dilexeris; si intelligentiam cognatæ loco habueris, à muliere aliena & extranea, quæ suis blanditijs ad turpia cōmercia allectare consuevit, tutus eris; omnesque impudici amoris stimulos facilè superabis; id quod summi beneficij loco habere meritò teneris. Sunt namque omnes omnino adultæ, omnes prostitutæ pudicitiaæ fœminæ ad seducendum iuuenes rerum ignaros, nec non ad stuprum prouocandum instructissimæ, id quod exemplo memorabili planèque euidenti non ita pridem ante ipsemet comperi.

6. *De fenestra enim domus meæ per cancellos prospexi.*  
 7. *Et video paruulos, considero recordem iuuenem.*  
 8. *Qui transit per plateas iuxta angulum, & prope viam  
 domus illius graditur.*

9. *In obscuro, ad uesperascente die, in noctis tenebris, & caligine.*

**E**TENIM cūm per clathratam domus meæ fenestram aliquando prospicere, in cœtu iuuenum, qui in plateis vagari & ob sensus iudicijque infirmitatem facili negotio capi seducique solent, animaduerti vnum præ ceteris vecordem & stolidum, qui vagus & ab omni honesto opere otiosus transibat, non per regiam frequentemque plateam aliquam, sed per vicum angulosum pæneque desertum, ad domum cuiusdam adulteræ mulieris vergentem. Gratiebatur autem per vicum illum sinuosum non medio die, non luce clarâ, sed die ad vesperam iam inclinante, nocteque iam tum impendente, hoc est, sub noctis crepusculum, tenebris noctisque caligine iam ingruentibus, atque ideo ad flagitium certâ quâdam ratione inuitantibus. Nam & locus obscurus & solitarius erat, & tempus nocturnum iudicium simul & indicium adimebat.

10. *Et ecce*

10. *Et ecce occurrit illi mulier, ornata meretricio, preparata ad decipiendas animas, garrula & vaga.*

11. *Quiescit impatiens, nec valens in domo consistere pedibus suis, nunc foris, nunc in plateis, nunc iuxta angulos insidians.*

**H**Uc autem cum vecors ille mentēque captus iuuenis obscuro iam die venisset, obambulandoque tantisper hæssisset, dum noctis caligo & tenebræ late omnia occupassent, ecce mulier quædam meretricis schema præ se ferens, hoc est, vultu, habitu, verborū lenocinijs, totōque ore & corporis gestu impudentem meretricem exprimens, in medium proruit: erat hæc autem non modo exulta, vaga, procax, & garrula; sed libidine quoque usque adeo incensa, tantāque impudentiā lasciuia, ut osculum aut aliud ad stuprum incitamentum nullum exspectauerit; sed magna procacitate in stolidi illius iuuenis amplexum ultro irruerit, ac varijs modis & artibus ad concubitum illum pellicere studuerit, nihilque omnino ex ijs, quæ impudentissimorum scortorum turba ad illaqueandas simplicium animas adhibere consuevit, prætermiserit.

Enimvero adultera illa non corporis cultu solū, effrontem impudentēque meretricem referebat, verum pedibus quoque, & manibus, & linguā, & corde, & reliquis omnibus corporis partibus fraudem lasciuiamque spirabat. Nam & linguā erat procaci & garrulā; & corde rursus vago & vafro, & ad dolos texendos iustructissimo; pedibus denique æquē atque animi affectibus vagis, & inquietis. Quare nec domi nec vllō alio loco quiescebat. Verū quietis omnis impatiens, modò foris agebat, modò per ciuitatis plateas discurrebat; modo rursus ad ciuitatis angiportus & angulos sese recipiebat; ibi denique insidiarum occasionem expectabat; modo denique aliò & aliò nequitie exercendæ causā commigrabat. Paucis, omnes illius artes, omnesque motus atque conatus huc tendebant, ut incautos simplicium iuuenum animos irretiret, & in stuprum pertraheret.

13. *Apprehensumque deſculatur iuuenem & procaci vultu blanditur, dicens.*  
 14. *Victimas pro ſalute deu. ui. hodie reddidi vota mea.*  
 15. *Idcirca egreſſa ſum in occurſum tuum, deſiderans te videre & reperi.*

**A**D eum ergo modum compoſita & inſtructa, iuuenem illum vecordem & ſtultum, in cuius occurſum prodierat, complexa eſt, complexumque & laſciuio oculo delinitum, procaci ore vultuque compoſito, ac blandâ tandem, & amorem ſimulante oratione, ita allocuta eſt. Victimâs, quas pro ſalute tua Deo iam dudum ante deuouerâ, hodie demum fauſto omine reddidi ac perſolui, eâque de cauſa in occurſum tuum prodij, tuum vultum videre, teque coram conuenire auidè deſiderans, & ecce voti compoſ euali. Hæc illa tora ex dolo, tota ex impoſturis conſuta. Et imuero impudens illud callidumque ſcortum Deo iam dudum antè, quod amore illius potiretur, certum ſe ſacrificium deuouiſſe conſingit, ipſiusque adeò peculiarem amoris ſe rationem habuiſſe: quippe qui eum, quem auxiè quæſierat, fauſto ſtatim euentu inuenerit. Fingit adhæc ardenti illius ſolius antore ſeſe flagrare, cum nullum ante obſcœnum amatorem repudiaſſet. Neque ex vlla rurfum laſciuia, aut leuitate ex ædibus in publicum prodiiſſe; ſed illius tantum cauſâ, quod nimirum ex oblata in illius gratiam victima, lautum domi epulum, magnumque ciborum apparatus reliquum haberet, cuius ipſum participem eſſe cuperet. Commiſcitur tandem cum complures, qui ſe inuitarent, admittere potuerit, nullum tamen admittere voluiſſe; ſed ſeiſpſam, quo illum quæreret, domo relictâ in viam dediſſe, opportunèque, quem magno olim deſiderio quæſiuerat, inueniſſe.

16. *Intexui ſunibus lectulum meum, ſtravi tapetibus piſtis ex Aegypto.*

17. *Aſperſi cubile meum myrrhâ & aloë, & cinnamomo.*

**E**T quamuis nox iam impendeat, ſubiungit illa, nihil eſt tamen vt deſtratio ſollicita ſis animula mea: habeo enim lectum elegantiffime inſtructum; vtpote ſtragulis ſumptuoſis ornatum, ſunibusque byſſinis ex Aegypto allatis ſuſpenſum, & lignis affabrè cælatis, magnâque arte inciſis ſuſtentatum. Neque his contenta, totum quoque cubile meum myrrhâ, aloë, & cinnamomo ſuffui; nequid omnino deſit, quod vel ad gratiam & voluptatem faciat; vel adſit, quod vel nauſeam moueat, aut cunctationem aliquam adferat.

18. *Veni, inebriemur vberibus, & fruamur cupitis amplexibus, donec illucescat dies.*

**C**Um itaque domi meæ omnia magnificè, sumptuosè, & splendide sint instructa, nihilque desideretur amplius, quod ulli omnino sensui voluptatem conciliare queat; *Veni, inebriemur vberibus, usquedum dies illucescat & fruamur amplexibus diu hætenus concupitis.* Hoc est, age, usque ad satietatem indulgeamus amoribus & carnis illecebris; ut quæ non minus carnis sensui sint iucunda & grata, quam vbera dulci lacte plena teneris infantibus; totaque nocte, dum sol mane oriatur, lasciuis vacemus complexibus, suavisque & osculis: sunt namque eiusmodi opera noctis & tenebrarum propria, non diei aut lucis.

19. *Non est enim vir in domo sua, abijt viâ longissimâ.*

20. *Sacculum pecuniæ secum tulit: in die plenæ lunæ reuersurus est in domum suam.*

**N**Equè est ut mariti mei impetum aut gladium metuas; aut, ne te repente obruat ac trucidet, formides, siquidem hac parte tutum te esse iubeo. Quandoquidem vir meus non est domi, procul hinc peregrè abiit; neque breui temporis spacio huc denuo est reuersurus. Ut qui non paruam pecuniæ summam in sumptus necessarios secū asportauerit. Et licet maxime properet, attamen ante diem constitutum, hoc est, ante plenilunium, vel, ut aliis magis placet, ante nouilunium neomeniæ festum domum non est rediturus. Nihil est ergò quòd à mariti mei insidiis tibi timeas, & quamuis domi esset, vel non procul abesset, adhuc securus esto. Nam ille etiam cum domi præsto est, ab lens est: ut qui nullam domi habeat potestatem, nullam auctoritatem. Tota enim auctoritas & potestas penes me vnâ est.

21. *Irretriuuit eum multis sermonibus, & blanditiis labiorum protraxit illum.*

**H**ic tantis verborum lenocinijs, sermonisque & labiorum blanditijs flexit illum, suæque sententiæ & voluntati subscribere compulit: nec mirum sanè iuuenem otiosum & vagum, omni que sapientiæ præsidio destitutum, tot machinis & arietibus pulsatum, tot modis & rationibus ad libidinem prouocatum callidissimæ perditissimæque meretricis importunitati tandem celsisse; cum viri quoque fortes & constantes tot machinis quassari,

N

moueri



moueri potuissent, & plurimi minoribus artibus & molitionibus expugnati, moti fuerint.

22. *Statim eam sequitur quasi bos ductus ad victimam, & quasi agnus lasciuens, & ignorans quod ad vin: u'la scultus trahatur.*

23. *Donec transfigat sagitta iecur eius: velut si auis festinet ad laqueum, & nescit quod de periculo animæ illius agitur.*

**C**Um hinc ergo multis modis oppugnatus, pulsatus, & prouocatus esset; inde verò nullo firmo præsidio munitus foret, (nam neque sapientem comitem habebat, neque præceptorum Dei, quæ olim à parentibus hauserat, memor amplius erat; neque Dei timorem ob oculos cernebat, neque discrimen in quo versabatur, considerabat) statim quasi bos petulcus, aut agnus lasciuens magnâ animi voluptate & alacritate adulteram secutus est. Etenim ut bos vel agnus, quum è stabulo educuntur ad macellum, rati ad pinguiâ pascua, vel ad liberam auram se euocari, nonnumquam lasciuunt & saluunt; ita vecors ille iuuenis arbitratus ad conuiuium, carnisque illecebras se inuitari & pertrahi, reipsâ ad mortem & seruitutem pertrahatur. Rursum ut homo insanus, mentèque & ratione captus, dum ad compedes, aut virgas, vel ergastulum abducitur, aliò se duci existimâs, gestit & iubilat; & tintinnabula, quibus ornatus est, insolenter agitat; ita miser ille ad epulum lectumque molliter paratum rectâ se pergere stolidè credens, pergebat ad vincula & carcerem, in quæ propter adulterium venire nequaquam non poterat. Nam etsi modò ad tempus hîc impune peccet, tantisper tamen gestiando & lasciuendo ad adulteram currit, donec tandem lethalis sagitta iecur eius transfigat, hoc est, donec maritus adulteræ, vel lex ipsa, vel acerrimus scelerû vindex Deus mortiferum vulnus illi inferat & è medio illum tollat, aut certè donec insanabilis amoris telum iecur illius traiciat: vel certe donec sanæ pœnitentiæ inuero cor illius findat. Solet enim vera pœnitentia omnem libidinem & voluptatem penitus abscindere.

Denique ut auis ignara, quòd de vitæ suæ periculo agatur, auidè festinat ad escam insidiosè obiectam; ita stultus & vecors ille, inscius de salutis suæ iactura agi, alacri animo ad meretricis complexus propositumque ab illa apparatus properat.

24. *Nunc ergo, fili mi, audi me, & attende verbis oris mei.*

25. *Ne abstrahatur in viis illius mens tua, neque decipiaris semitis eius.*

**C**um igitur res meretricia tanto cum salutis discrimine sit coniuncta, adulteriaque & cetera carnis flagitia tam infelices exitus sortiantur, tu fili, verbis oris mei obsecutus da operam, ne mens tua à via veritatis & honestatis abstracta, ad vias illius declinet, aut ad callem, qui ad turpitudinis eius domum tendit, sese inflectat. Vt enim salutis initium est ab ædibus illius quam longissimè recedere; ita peccari, & perditionis principium est studiosè vias, quæ ad ædes eius ferunt, declinare. Tu itaque principijs obsta, viarumque & operum adulteræ orbitas deuota, ne forte in semitis illius aberrans, obuiam illi venias, blandisque sermonibus illius allectus capiaris & pereas.

26. *Multos enim vulneratos deiecit, & fortissimi quique interfecti sunt ab ea.*

27. *Via inferi domus eius, penetrans interiora mortis.*

**M**ultos namque quotidie vulnerant adulteræ, multos subindè impuræ meretriculæ non ignauos vel timidos tantum, sed robustos quoque occidunt, idque in vtroque homine. Cur ita? quia via domus eius, est via inferni, rectâ penetrans ad interiora mortis. Vix vlla enim alia compendiosior, & certior, ad sepulcrum, mortem, & infernum extat via, quàm illa, quæ ducit ad domum adulteræ, vel ad meretricum lustra. Quamobrem, fili, cum ad domum adulteræ vel scorti tendis, cogita te rectâ ad inferos tendere. Cum vltra vero ad illius conclaue procedis, ad æternæ mortis cubile te pergere certò apud te constitue. Quòd si eo es corporis robore, ut præsentem mortem non formides, saltem animæ interitum veritùs, omnem illicitam Venerem veluti basiliscum fugias.

## AD

## CAPVT SEPTIMVM

## SCHOLIUM.

1. **F**ili custodi sermones meos. &c. Multa hætenus de vitanda scortatione & adulterio, deque impudicarum mulierum artibus & fraudibus proposuit Sapiens, nunc verò illustri paradigmata obscenarum mulierum

imposturas, dolos, & blandimenta ob oculos ponit. At prius tamen quàm id faciat, filium, ut ad doctrinam & morum præcepta diligenter attendat, iterum iterumque hortatur, id quod alibi passim facit. Nouit enim, iuuentutem ad pietatē morumque disciplinam capiendā tardam esse adeoque crebris acribusque stimulis indigere.

*Fili honorā. &c.* Hæc ex lxx. editione sunt petita, neque multum ad rem faciunt, quare in emendatis quoque exemplaribus Latinis non habentur: significatur autem Deum præ ceteris omnibus honorandum, timendum, & colendum, hostiisque & sacrificiis frequenter placandum, & demerendum; quippe quod id genus erga illum officia, validissimum aduersus omnes hostes & tempestates præsidium exoptant. Cum autem asserit nullum præter Deum timendum, aliud nihil docet, quàm nullum eo timore, quo Deus timeri solet & timeri quoque debet, extimescendum esse. Nam ut super omnia est amandus, colendus, & honorandus; ita super omnes quoque timendus, iuxta illud Euangelistæ: *Nolite timere.*

2. *Serua mandata. &c.* Intelligebat Sapiens vitam omnibus pericaram esse, nihilque exstare, quod ipsi præferri soleat. Quamobrem quo filium ad legis obseruationem efficacius moueat, promittit hic illi vitam sempiternā: *Serua, inquit, mandata mea, & viues;* non utique ad tēpus, sed in omne æuum. Verum non segniter seruare debes, sed accuratē. Quo hoc autem consequaris cordi imprimē & digitis circumpone, & opere exprimere satage.

4. *Dis sapientiæ soror mea es. &c.* His verbis blandē ad sapientiæ studium inuitat, quæ enim dicit huc tendūt. Si, ut iuuenes assolent, amare omnino lubet, age, sapientiam ama. Hæc enim pulcritudine & nobilitate, formæque & indolis præstantiâ mulieribus omnibus præstat; neque te exterarum mulierum amore capi facile permittit; à quibus alioqui iuuenes facili negotio capi solent. sunt enim illæ ad illaqueandum doctissimæ.

6. *De fenestra domus meæ. &c.* Elegantissimo exemplo ostendit, quantæ ad inescandum & ad stuprum pertrahendum meretricum sunt artes. Ast verēne, quod hic narratur, acciderit, an docendi tantum causā in medium allatum sit id certò nondum constat; certum est tamen, quod scribitur fieri potuisse, multaque similia frequenter accidisse. Summatim autem tria exponit: primò occasiones, per quas incauti sapientiâque destituti iuuenes in fœdæ libidinis foueam haud difficulter pertrahuntur. Mox impudicæ mulieris mores fraudesque, quibus iuuenes circumueniunt. Postremò quantum salutis periculo carni vel mulieri ad flagitium pellicienti assensus præbeatur

beatur. Ceterum per cancellos Sapiens designat locū, vnde ipse, quæ in platea fiebant videre & obseruare poterat; neque tamen ab aliis videri. Vidit autem inter alios simplices captuque faciles, quemdam ad retia valde idoneum. nam & iuuenis erat, & vecors, & otiosus, & vagus, neque per regiam viam incedebat, sed angulos & lustra & loca obscura consecretabatur; hæc enim omnia ad illicitam Venerem viam sternebant; neque his contentus ad domum quoque adulteræ se adiungebat, idque tempore obscuro, & nocte iam impendente. Porro autem quatuor distinctæ voces, quæ ordine hic ponuntur, videlicet, *Crepusculum, Vespera diei, Noctis nigredo, Caligo*, progressum, qui in peccatis contingere solet, insinuant. Primo enim offertur ténatio, hinc sequitur oblectatio, mox consensus in opus lege inhibitum, postremò opus ipsum. Crepusculum obtinet medium inter tenebras & lucem, atque ita adumbrat ténationem. Vespera diei, quod plus habeat obscuritatis, quàm lucis, oblectationem. Noctis nigredo & Caligo, quod omnem lucem tollant, plenum in prauū opus consensum, ipsumque adeo opus.

10. *Et ecce occurrit. &c.* Describit adulteram, quæ studio iuuenem aliquem obseruasse videtur eiusmodi, cuiusmodi iam descriptus est, nempe vecordem & stolidum, libidinique deditum. Inducitur autem hæc mulier summè impudens. nam neque, dum ad flagitium inuitetur, expectat; sed vtrò huc prouocat; nec habitu honesto prodit in medium, sed meretricio. Et quo timorem omnem exuat, maritum abesse, & Deum iam per sacrificia placatum mentitur. Paucis, ad fallendum & euertendum instructissima inducitur: vaga nihilo secius, & garrula, quietis impatiens, nusquam illubentius quàm domi consistens.

11. *Nunc foris, nunc in plateis. &c.* Per hæc exprimitur quomodo vaga, & quietis impatiens fuerit, & quo fine vtrūque fuerit. subiicitur quoque triplex eiusdem actus, quo insignis illius lasciuia & impudentia ostenditur. Nam & stultum iuuenem vtrò complectitur, & lasciuè deosculatur, & deosculatum blandissimè planèque meretricià oratione affatur, & licet, quidquid faciat, solius lucri libidinisque causâ faciat, incensi tamen amoris causâ se facere nugatur.

14. *Victimas pro salute deuui. &c.* Hic locus non vno modo exponitur. Aut enim ait diu se pactam sacrificium, vt primum illius compos fieret, illud autem iam tandem soluendum. Aut illius tantum causâ lautum conuiuium se instituisse, quod alioqui ex voto pro salute illius edito iam debebat, vt magnum esculentorum & poculentorum apparatus ex mactatis

victimis reliquū sibi esse asserat, adeoque generaliter cum illo cupiuisse vivere, frontemque exporrigere.

16. *Intexui fimbriis. &c.* Per hæc, & minificè ad lasciviam inuitat, & obiectioni simul occurrit, quàm vecors ille adolescens facere poterat. Quandoquidem absoluto iam lasciuo illo colloquio dicere poterat: iam alta nox est, de cubili mihi prospiciam necessum est. Adhæc autem illa: Non isthæc te cura mordeat, habeo lectum luculentissimum, sumptuosissimeque & mollissimè instructum, & gratissimis nihilo minus odoribus aspersum, & totum denique cubile meum aromatis delibutum.

18. *Veni inebriemur amoribus. &c.* Hæc oratione apertâ & impudente inuitat ad adulterium: Veni, inquit, totâque nocte vel ad ebrietatem, vel satietatem usque, carnis illecebris nos oblectemus. Neque est, ut vllum omnino periculum hinc metuas; quia vir meus non est domi, neque intra dies aliquot domum est rediturus: sed neque præsentia quoque illius magni facienda est, quippe cum ego totius domus principatum obtineam.

21. *Irexit cum multis. &c.* Hæc paucis complectuntur muliebrium insidiarum & imposturarum catastropham, totiusque tragœdiæ exitum, qui fuit vecordis iuuenis debellatio, & in illicitam Venerem consensio,

22. *Statim eam sequitur quasi bos. &c.* Perpulcra & percommoda similitudo, qua infelix meretricij amoris exitus ad viuum exprimitur: etenim, ut bos petulcus, vel agnus lasciuens cum ad lanienam ducuntur, sæpe lasciuunt & salient, rati se ad læta pascua, vel ad liberam auram recreationis causâ duci; ita iuuenis ille ratus ad conuiuium gratasque carnis illecebras se pellici & inuitari, trahebatur ad mortem & damnationem. Hæc enim scortatorum & adulterorum sunt præmia

*Et ignorat stultus. &c.* Hæc alia est similitudo eodem tendens. Sicut, inquit, fatuus, dum ad compedes vel carcerem abducitur, sæpe, quæ eius stultitia est, iocatur & ridet; quia non perpendit quo vincula illa tendunt; ita vecors adulter vel scortator, dum voluptatis causâ scorta sectatur non animaduertit se in dæmonis seruitutem præcipitem rapi, rectâque ad mortem & damnationem proficisci.

23. *Donc sagitta transfigat. &c.* Sunt qui hæc ad similitudinem proxime præce-

præcedentem referant, vt sit sensus; stultus toties veniet ad compedes, donec tan tem configatur. Alij ad proximè sequentem ad hunc modum: auis toties aduolat ad escam obiectam, donec tandem capiatur: nonnulli ad omnes tres in hunc sensum: vt bos vel agnus lasciuit, & stultus non absque risu ad compedes tendit, & auis escam obiectam petit, donec tandem jecur illius sagittâ transfigatur; ita adulter adulterium toties repetit, donec tandem omnino trucidetur, & è medio tollatur.

23. *Velut fians. &c.* Hæc est tertia similitudo, quâ declaratur periculum, in quo adulteri versantur, & infelix exitus, quem plerique omnes sortiuntur, estque vna hæc præ ceteris & viuâ & apta. nam vtrobique extant insidiæ, vtrobique esca obiecta, vtrobique periclitatio, vtrobique tandem mors.

*Et nescit. &c.* Aduerte vt clausula illa, *donec sagitta transfigat iecur eius*, ad omnes tres similitudines rectè transfertur; ita clausulam hanc ad omnes tres percommode referri posse in hunc sensum. Quemadmodum bos saliens haud intelligit de vita sua agi; donec lanioni frontem in macello porrigat; & vt stultus compeditus ignorat de corio suo agi, donec magistro dorsum præbere compellatur; & vt auis ad escam aduolans, nescit de vita sua agi, donec capiatur; ita adolescens impudicæ mulieris amore captus, nescit quo in periculo versetur, donec tandem transfigatur.

24. *Nunc ergo, fili mi. &c.* Discrimine, in quo adulteri & scortatores versantur tribus percommotis similitudinibus indicato & explicato, ad filium ceterosque, quorum ætas adhuc rudis & infirma est, orationem denuo conuertit, admonens & obsecrans, vt non modò adulteria, ceteraque carnis flagitia studiosè deuitent; verum etiam alia omnia, quæ viam ad illa muniunt, aut occasionem offerunt: adeo vt vias quoque, per quas graditur adultera, easque præcipuè, quæ ad domum illius abducunt, declinare debeant.

26. *Multos enim vulneratos. &c.* Hunc versiculum quotidiana exempla confirmant. siquidem innumeri propter adulteras & scorta, vel illarum certe rerum occasione, quotidie cadunt, & iam olim ceciderunt: & inter illos quàm plurimi robustissimi, ne quis viribus suis nimium fidat; aut ob animæ vel corporis robur sese euasurum confidat.

27. *Via inferi. &c.* Hæc ea confirmant, quæ modò præmiserat, nempe permultos passim propter scorta, & adulteras vulnerari & occidi: viæ, quæ ad meretricis lustra, vel adulterarum ædes tendunt, rectâ  
tendunt

tendunt ad mortem & infernum. Quamobrem, si scortatores expendere non eâ alacritate ad lupanaria contenderent, quâ nunc contendunt. Quæcumque hætenus de improba muliere dicta sunt, ea omnia sublimiori sensu ad carnis sensum, & hæresim verissimè referri possunt, maximè vero ad huius temporis hæreses & mores.

## PARAPHRASTICA

### CAPITIS OCTAVI EXPLANATIO.

1. Numquid non sapientia clamat, & prudentia d. i. e. vocem suam?
2. In summis excelsisque verticibus, supra viam, in medijs semitis stans.
3. Iuxta portas civitatis in ipsis foribus loquitur, d. cens.

**N**Eque cauferis hîc fili, ac dicas; impudicâ muliere missi, equidem sapientiæ mandatis libenter parerem, si vocem illius audire liceret, siue copiam ipsa faceret. Verum cum nusquam illa compareat, nusquam vocem edat, quomodo illi obtemperare, aut ullam omnino cum ea familiaritatem inire potero? Siquidem hæc causatio nullo prorsus fundamento nititur, cum sapientia & intelligentia passim clamitent, omnesque familiariter ad se iuuent; neque enim illæ clanculum, aut in obscuro angulo, ut meretrix illa, dant vocem, sed publicè locis quæ maximè conspicuis: neque in angusto vico clamitant, sed passim & vulgò; neque in terræ cauernis, ut hæretici solent, mulsitant, sed in summis montium verticibus, eminentioribusque ciuitatis speculis personant, ut remotè quoque positi facile audire queant; neque extra viam, sed iuxta viam prostât, neque in vna tantùm semita aut via concionantur, sed in medijs viis semitarumque cõtonibus; neque procul à porta merces suas venditant, sed ad ipsas ciuitatis portas, vel in ipso verius ciuitatis introitu, hoc est, non vni tantùm hominum generi, aut ætati, sed omni omnino statui, sexui, & conditioni promiscuè Hoc enim per eam locorum diuersitatem, in quibus prostant, disertè insinuat.

4. Viri ad vos clamito, & vox mea ad filios hominum: intelligite paruuli astutiam, & insipientes animaduerte.

**A**D vos, ô viri, clamo, ad vos, ô filij hominum, oratione meam dirigo: expergiscimini paruuli, & intelligite astutiam, arrigite aures stolidi, omnisque

omnesque indiscriminatim, quia omnes saluos, omnes mearum opum participes fieri desidero, omnes proinde adeste, non tantum viri principes virtute, potentia, opibusque excellentes, non tantum sapientes, non tantum magni & validi; sed filij quoque hominum, & paruuli, & rudes, & infirmi, & insipientes & omnes denique cuiuscumque generis, ordinis, ætatis, sexus atque conditionis homines. Adeste (inquam) & animaduertite omnes, præsertim vero vos paruuli, qui nihil altum, nihil sublime sapitis, sed toti adhuc humi repitis; & vos itidem insipientes, qui ita stolidi & hebetes estis, ut inter rectum & obliquum, inter bonum & malum vix discernere valeatis. Nam etsi sapientia ubique clamet, ubique obuia sit, non ab omnibus tamen percipitur, sed tantum à querentibus & attendentibus seseque illà non indignos exhibentibus.

6. *Audite, quoniam de rebus magnis locutura sum: & aperientur labia mea  
ut recta prædicent.*

7. *Veritatem meditabitur guttur meum, & labia mea deestabuntur impium.*

**A** Vdite & attendite non mirabilia naturæ opera, non perplexas Philosophorum quæstiones, non inania paruique momenti sophismata proponam vobis; sed magna & illustria, sed insignem usum habentia: neque enim labia mea, ut quiduis indiscriminatim effutiant, aperiam, verum ut ea depromam, quæ sunt sana & plana, fideique & veritati, & vitæ honestati per omnia consentanea. Quandoquidem guttur & cor meum non meditatur vanitatem, sed veritatem; non obliquitatem, sed rectitudinem; non iniquitatem, sed æquitatem. Etenim labia ceteraque elocutionis organa mea iam inde ab initio ita sunt comparata, ut impium omnemque omnino impietatem vehementer detestentur; tantum abest ut impietati patrocinentur, aut aliquid, quod orthodoxæ veritati aduersetur, proloquantur.

8. *Iusti sunt omnes sermones mei, non est in eis prauum quid, neque peruersum.*

9. *Recti sunt intelligentibus & æqui inuenientibus scientia.*

**F**ILI, sermones mei non sunt Philosophorum, aut paganorum placitis similes, aut hæreticorum doctrinæ affines: nam etsi illa multa vera contineant (alioqui nemo legeret, nemo curaret) attamen multa passim falsa, vana, & profana admixta habent. At mei sermones omnes sunt sancti, iusti & recti, deque iustitia, & æquitate ex professione instituti, & quidem om-



13. *Timor Domini odit malum: arrogantiam & superbiam & viam prauam,  
& os bilingue detestor.*

**Q**uia rursus timor Domini, unde ego prognata sum, odit omne malum & peccatum, præsertim vero superbiam, viam prauam, & os bilingue, fit, ut ego quoque tria hæc summo odio prosequar, summæque detestatione execrer: nec iniuriâ. Siquidem superbia vel arrogantia, quæ in mente internisque cogitationibus præcipuè sita est, est initium & quasi radix omnis peccati: praua autem via, quæ in actione consistit, prauam peccandi consuetudinem includit, quæ humanæ salutis est omnium infestissima: os denique bilingue, quale est, quod aliud loquitur, aliud meditat, & apud diuersos de eadem re sæpè diuersa, omnem pacem, omnemque humanam societatem penitus dissoluit, merito proinde sapientia tria hæc odit.

14. *Meum est consilium & æquitas, mea est prudentia, mea est fortitudo.*

**N**eque mireris, fili, si paulo ante in prudentibus consilijs, eruditisque cogitationibus me versari dixerim. Nam ut omnes bonæ leges, piæque statuta ex me fluunt; ita bona quoque iustaque consilia. meum enim consilium iustitiâ & æquitate numquam destituitur, neque destitui potest. Ex me rursus prodit omnis prudentia, omnisque rectè intelligendi ratio penes me tandem habitat, omnis vera generositas, omnisque animi fortitudo. Per me etiam honores & principatus obtinentur, per me cuncta fortiter & generosè administrantur, per me denique omnes tentationes & aduersa debellantur & expugnantur.

15. *Per me Reges regnant, & legum conditores iusta decernunt.*

16. *Per me principes imperant, & potentes decernunt iustitiam.*

**P**er me, inquam, Reges ad regna perueniunt, prudentérque & sanctè illa gubernant, nec non intra legitimi imperij limites, ne in tyrannidem degenerent, constanter detinentur, per me legumlatores & magistratus iusta decernunt, æquasque & rationi consentaneas leges ferunt. Neque enim illi iustas leges condere, populoque proponere dicendi sunt, qui alium scopum, quàm iustitiâ, bonique publici promotionem præfixum habent. Per me denique Principes imperant; omnesque potèratus & terræ iudices munere suo rite funguntur; hoc est, siue leges condant, siue sententiam inter partes cõtrouertentes ferant, omnes meâ ope, meâque solertiâ & industriâ

niruntur: Siquidem nullum omnino exstat munus, siue illud priuatum, siue publicum fuerit, quòd sine me rectè & cum laude administrari queat.

17. *Ego diligentes me, diligo: & qui mane vigilans ad me, inueniunt me.*

**V**erùm licet sapientia ad quoduis munus rite obcundum comprimis sit necessaria; attamen non omnibus, qui in functione aliqua versantur, obuenio: nec aliud in causa est, quàm quod non omnes debito amore me complectantur, neque eo, quo par erat, studio me quærant. Ego enim me diligentes vicissim diligo; & qui mane vigilanter me quærant, haud difficulter me inueniunt: Siquidem ut alicui obtingam, nullo opus est ære aut precio; nullâ machinâ, aut vibellicâ; nullo magnatum aut principum fauore, sed solo amore & studio. Quandoquidem aliud nihil est mane quæ-  
rere, quàm ante omnia, vel studiose quærere. Quamobrem somno ventri-  
que dediti raro me reperiunt, quia neque me caste diligunt, neque mane  
me quærant, neque idem potest mane me quærere, & somno nihilomi-  
nus prolixo indulgere.

18. *Necum sunt diuitiæ & gloria, opes superba & iustitia.*

**L**ibenter, inquis, te ceteris omnibus anteponerem, summâque curâ & diligentia perquirerem, verum vxorem habeo, liberos & familiam alo, quos sine magnarum opum præsidio honestè sustentare non valeo; neque citra famæ honorisque iacturâ illorum curam abijcere queo: simul autem sapientiæ & his vacare nimis arduum censeo. Bono animo esto, ait illa, si me amaueris & quæsieris, certòque iuueris (sicut haud dubiè inuenies, si verè amaueris, rectèque quæsieris) inuenies simul opes, non quasuis, sed magnificas; iustas itidem & stabiles, inuenies nihilo secius gloriam & honorem, ceteraque omnia, quæ mundus amare, & ambire solet. Curis proinde ceteris missis, me dilige & ante omnia venare; & apud me inuenies diuitias, & gloriam, iustitiam, opesque firmas & stabiles; quales fere non sunt prudentum huius sæculi, vel quia contra iustitiâ parantur, vel quia iniuste detinentur, vel quia iniquè dispensantur.

19. *Melior est enim fructus meus auro & lapide pretioso, & genimina mea argento electo.*

**N**eque tamen in rebus istis fluxis, fortunæque ludibrijs, aut mundi honoribus præcipuas opes meas collocatas existimes: fructus enim, quos  
ego

ego fundo, meisque cultoribus impertio, omni auro lapidumque preciosi sunt preciosiores; mei que prouentus selectissimo argento præstant, etenim opes, honores, ceteraque, quæ ego largior, ea sunt sempiterna, veræque beatæ & felices reddunt; hoc autem mundi huius honores & facultates nequam possunt.

20. *In vijs iustitiæ ambulo, in medio semitæ: ut in iudicijs.*

21. *Ut ditem diligentes me, & thesauros eorum replcam.*

**A**D hæc seculi prudentia patronos suos per vias iniquas ad desideratas diuitias plerumque ducit; ego autem ut in vijs iustitiæ, iudicijque semitis ambulo; ita illos, qui me læstantur per semitas iustitiæ ad sempiternas illas opes promissasque delicias duco, & quamuis eos, qui sincerè me diligunt, ditare cupiam, non ob id tamen à iustitia deflecto; nec cuiquam, quod suum est, eripio; sed medium iudicij & æquitatis ubique seruo, & seruare cultores meos doceo; quo pro iustitiæ meritò, & æquitatis ratione illos ditare, eorumque thesauros implere quandoque valeam; non tam bonis istis caducis & temporalibus, quam sempiternis & spiritualibus. Volo enim eos, qui me diligunt, eius quod semper, & stabile est, hæredes constituere, eorumque thesauros animarumque vires ijs bonis replere, quæ nec oculus vidit, nec auris audiuit.

22. *Domini possedit me in initio viarum suarum, antequam quidquam faceret à principio.*

**N**Eque mireris, si æterna promitto, quasi eiusmodi promissa præstare nequeam; propterea quod æterna priuatâ auctoritate impertire, illis solius videatur proprium qui, numquam non fuit, est, & erit. Nam & ego quoque æterna sum: siquidem Dominus omnium viarum operumque suorum initium me habuit. Per me enim fecit, quæcumque fecit, & sine me ab eo factum est nihil. Neque tamen tunc primum, cùm cælum & terram condidit, possidere me cepit; *Possedit me enim ab initio antequam quidquam faceret*, hoc est, iam inde ab omni æternitate, adeoque æque æterna sum atque ille, apud quem ab æterno fui. Etenim si ante omne Dei opus apud Deum exstiti, cunctaque per me vni facta sunt, efficitur omnino me non aliquid Dei opus esse; sed rerum omnium opificem, Deo coæternam cum non existeret nisi vnum tantum æternum.

23. *Ab æternæ ordinata sum, & ex antiquis antequam terra fieret.*

24. *Nondum erant abyssi, & ego iam concepta eram, necdum fontes  
aquarum eruperant.*

25. *Necdum montes graui mole consisterant, ante colles omnes ego parturiebar.*

26. *Adhuc terram non fecerat, & flumina, & cardines orbis terræ.*

**A**B omni igitur æternitate ordinata princepsque constituta sum, antequam terra condita subsisteret, ante exortas abyssos. Quando nulli adhuc fontes eruperant, neque ulla aquarum vis producta extabat, ego iam formata eram. Necdum montes graui mole subsistebant; neque colles fundati erant, quando ego iam exishebam. Necdum terram, fluidamque aëris naturam fecerat, neque tellurem habitabilem, culturæque idoneam reddiderat, neque orbem illius in certas plagas regionesque digesserat, quando ego iam regnabam: quippe per quam isthæc, ceteraque omnia, quorum speciatim non memini, condita sunt.

27. *Quando preparabas cælos, aderam: quando certâ lege & gyro  
vallabat abyssos.*

28. *Quando æthera firmabat sursum, & librabat fontes aquarum.*

29. *Quando circumdabat mari terminum suum, & legem ponebat aquis,  
ne transirent fines suos: quando appendebat fundamenta terræ.*

**N**Eque tum solum præsto eram, operamque præstebam, quando terram, eius denique spacia, & flumina, & aëris ignisque elementa, tum cælos quoque corporaque cœlestia condebat; verum tum etiam, cum omnia hæc certo ordine, pondere, & inensurâ digerebat & disponebat, singulisque suas leges præsterniebat, suisque vires & operationes imponebat; nam & quando abyssum totamque illam vastitatem, quæ inter cælum & terram interiacet, quasi circino descriptam delineatamque ad formam orbicularē redigebat, suamque omnipotentiam quasi vallo quodam intra certos limites concludebat, ceteraque, quæ huc faciebant, adhibebat, equidem præsto eram. Pari modo quando æthera totamque superiorem aëris regionem (quam elementale cælum appellamus) sursum firmabat; & nubes, quæ vberes aquarum fontes sunt, in medio aëre librabat & suspendebat, easque ab aquis, quæ supra firmamentum sunt, ab aquis rursus, quæ infra aërem existunt, secernebat, præsens aderam; sed neque tunc quoque deceram, quando mari certum terminum, quem transilire non liceret, præfigebat aquisque,

aquisque limitem, intra quem consisterent, præstinebat. Quando denique, terræ fundamenta appendebat, suâque omnipotenti virtute, & voluntate illam in medio immobilem suspendebat, (neque enim alia sunt terræ fundamenta, quam efficax Dei voluntas summâque eiusdem potentia) ego itidem cum eo erâ. Quando, inquit, hæc omnia fiebant, ego semper illi aderam cunctâque vnâ cum illo suauiter componebam, hoc est, omnia, quæ per me facta fuerant magnâ suauitate gubernabam, assiduôque fouebam & conseruabam, nec non singula in suos legitimos fines dirigebam & impellebam, maximè verò hominem, propter quem facta sunt omnia. Siquidem vnus hic ad finem, ad quem conditus erat, suis viribus venire non poterat; adeoque, vt à diuina sapientia dirigeretur, foueretur, & promoueretur, eisque spiritualibus aleretur, & subinde reficeretur, opus habebat.

30. *Cum eo etiam cuncta componens: & delectabar per singulos dies, ludens coram eo omni tempore.*

**G**ubernabam itaque, & componebam cum eo suauiter omnia; neque vllam hinc tamen, aut molestiam capiebam, aut laborem sentiebam, quin potius in magna lætitia & oblectatione apud cœlestis sapientiæ patrem versabar. Procedebat namque opus illud è nullo prorsus priuati quæstus, aut proprij commodi desiderio, sed ex spontaneo gratuitôque amore, quo nullius præsidio indigens, nullius gratiam ambiens ferebar in omnia, præcipue verò in hominem: siquidem in præcipuis deliciis duco semperque duxi, versari, & vinere cum filiis hominum. Neque assiduò tantum læta apud eum agebam, sed quotidie quoque ludebam coram eo, hoc est, ex operibus summâ sapientiâ, summâque potentiâ à Deo per me factis, tantum gaudium, tantâque oblectationem & voluptatem capiebam & capio, vt gescienti vel ludenti, non ab similibus videri possem.

31. *Ludens in orbe terrarum, & deliciae meae esse cum filiis hominum.*

**P**orro autem quæ omni tempore, hoc est, ab omni æternitate in summa felicitate, gaudio, & oblectatione apud Deum vixi, post terrarum orbem conditum: ex illo ipsò quoque suauique eiusdem gubernatione & administratione non vulgarem lætitiâ & oblectationem cepi, præcipue verò ex homine, vt qui solus inter omnia animantia ad mei imaginem conditus, mei que sit capax, imo verò solus, propter quem reliqua omnia condita existant. Meae igitur præcipue delitiæ sunt cum homine esse, cum homine viuere,

viuere, cum homine societatem & familiaritatem inire, in hominem tandem me totam transfundere, & transformare.

32. *Tunc ergo filij audite me, Beati qui custodiunt vias meas.*

33. *Audite disciplinam, & esote sapientes, & nolite abijcere eam.*

**C**um is ergo in hominum genus sapientiae sit sensus, ea mens, is affectus, quid tandem moratur, quid detinet, vel obstat, tlij, quo minus aures faciles mihi praebeatis, meisque praeceptis atque consiliis alacriter & ex animo parere incipiat. Beati lanè & ter. & amplius fortunati; non qui carnis voluptatibus dant operam; non qui blandis meretricum sermonibus obsequuntur, earundemque vias obleruant; non qui opibus affluunt, aut mundano fastu turgent, sed qui vias meas, hoc est, mea praecepta, meaque monita & consilia custodiunt, operèque illa exprimunt, alioqui enim verè beati haberi non possunt. Notum est illud Christi: *Beati qui audiunt verbum Dei, & custodiunt illud.*

Audite proinde disciplinam & eruditionem, deprauatos mores corrigite, virtutum studia capefite, neque illotis pedibus ad sapientiae arcana contendite; sed ritè ad eam comparandam vos componite. Quod si feceritis breui citra controuersiam sapientes euaderis, omnemque penam & castigationem subterfugietis. Capefite, inquam, sapientiam & disciplinam, eosque, qui gratis vos erudiunt, vel ob errata quoque paternè castigant, magni faciatis; neque improborum hominum more sanam illorum doctrinam repellatis, irritamue reddatis, sed viuam efficacemque in vobis extitisse ostendite.

34. *Beatus homo qui audit me, qui vigilat ad fores meas quotidie, & obseruat ad postes ostij mei.*

**B**eatus planè est homo ille, qui me audit non semel in anno, & frigide, sed audè & quotidie; quique vigilat ad fores meas nullo non tempore, hoc est, singulari curâ, studio, & vigilantia me inquit; maiorèque diligentia quam vlli alteri rei mihi dat operam. Quandoquidem qui summo nane me quærun, & ad ad fores meas indefessè excubant, postesque ostij mei permigiles obseruant, indubitato voti compotes euadunt. Scriptum est enim: *Qui petit accipit, & qui quærit inuenit, & pulsanti aperitur.* Neque enim aliud est, *Quærere & Pulsare* quam ad fores sapientiae excubare.

35. *Qui me inuenerit, inueniet vitam, & hauriet salutem à Domino, qui autem in me peccauerit, ledet animam suam. Omnes qui me oderunt, diligunt mortem.*

**Q**ui autem me inuenit, is incomparabilem utique bonorum omnium thesaurum reperit, nempe vitam, quam omnes naturaliter optant, & salutem sempiternam, quam solus Dominus largitur, ac totum denique illud, quod in hominis desiderium iuste venire potest, adeoque est verè beatus, ut qui habeat quidquid vult; & nihil malè vult, & quia obtentæ sapientiæ merces est tanta, sit ut nullus labor, nulla molestia illius impetrandæ causâ sit recusanda.

Porro autem ut meritò beati sunt censendi, qui me diligunt, studioque quærun; ita iure inter verè miseros & infelices illi habendi sunt, qui in me peccant, meque contemnunt, ac pro nihilo ducunt, siquidem nihil excogitari potest miserius, nihil calamitosius, nihil insanius, quam propriam odisse vitam, mortemque, quàm omnes horrent, diligere. Constat namque quæcumque sensu aliquo valent, ea naturaliter amare vitam, & formidare mortem. Is autem haud iniuriâ mortem dicitur amare, qui diligit opera morte digna, cuiusmodi sunt peccata, præsertim mortifera. Sicut è diuerso is diligit vitam, qui diligit & amplectitur operâ vitæ æternæ meritoria.

## A D

## CAPVT OCTAVVM

## SCHOLIUM.

1. **C**apite proximè præcedenti induxit impudentem mulierem, omnibus vicis, & angulis sese prostituentem, rerumque imperitos iuvenes ad libidinem sui que amorem omnibus artibus & machinis prouocantem; hoc verò sapientiam veluti alteram quamdam mulierem omnes promiscuè magnâ vocis contentione ad se sui que studium inuitantem inducit: cuius utique vox maioris meritò apud omnes fieri debet, quàm lingua adulteræ, aut molle labium meretriculæ, cum infinitis

partibus vna hæc illis, & præstantiâ & dignitate præstet.

2. *Numquid, non. &c.* Abruptus ordiendi modus. Poterat enim filius dicere: lubenter sapientiæ parerem, si eius vocem audire, aut specië cernerer liceret. Ad hoc autë Sapiës: Quid hoc audio, fili? an non passim illa clamat, & omnibus locis inuitat? Assignat autem tria vel quattuor loca, nimirum montium summitates, vnde vox, à prætereuntibus facilè percipitur. Viarum comitia, quæ biuia vel triuia appellantur: huc enim magna hominum frequentia coire & conuenire solet. Loca ciuitatum portis vicina, vel intra ipsas portas sita, vbi olim ius dicebatur. Et ciuitatis medium vel forum: & quia hæc veluti capitalia reliqua omnia comprehendunt, rectè dicitur sapientia vbique & palàm clamare, omnesque ad sui societatem inuitare, non autem in angulis, vt hæresis solet, mussitare. Per Montes & montium vertices, accipere licet sapientes & ciuitatis principes, per Biuia vel triuia, homines viles & abiectos, per Ciuitatis portas, iudices vel homines suburbana loca obtinentes, vt sunt hortulani, agricolæ, & per Ciuitatis medium vel forum, mercatores & opulentiores ciues. Sapientiæ autem vox vsurpatur hic eâ latitudine, vt simul vtrâmq; complectatur, creatâ nimirum & incretam, & ipsum quoque Verbum incarnatum.

4. *O viri ad vos clamito. &c.* Hæc sapientiæ oratio, quæ vtrumque prolixa est, duas complectitur partes, nam & omnes promiscuè excitat, & omnes, vt sapientiæ studio dent operam, eiusdemque monitis & consilis pareant, admonet, facit hoc autem partim se ipsam laudando, partim quoque doctrinam suam commendando. Vt autem vitam ijs promittit, qui obtemperant, ita è diuerso mortem illis interminatur, qui aspernantur. Inuitat porro quadruplex hominum genus ad suam doctrinam, nimirum viros, filios hominum, rerum imperitos, & stultos. Viros vocare videtur sapientiâ & virtute constantes: Filios hominum illos, qui nihil sublime sapiunt, sed humili abiectâque cogitatione terram fodiunt: Paruos, homines imperitos, nullumque rerum vsum habentes, & ingenio hebetes: Stultos denique eos, qui malum pro bono, obliquum pro recto præ nimia stoliditate eligunt. Per hos autem complectitur omne omnino hominum genus, pro vt omnes quoque homines æterna sapientia vult saluos fieri, & ad veritatis agnitionem venire: sicut omnibus quoque suam communicauit imaginem.

6. *Audite quoniam de rebus. &c.* Indicato clamore & inuitatione sapientiæ, locisque, è quibus illa clamat vel inuitat, descriptis, & illis tandem proditis



proditis, ad quos clamat, nūc paucis significat, cuiusmodi fercula ijs sit propositura, quos ad suum epulum inuitat, nempe multa, magna, & salutaria, non autem falsa, aut inania, aut insalubria. Quandoquidem documenta eius non sunt perplexa, aut parue utilitatis, aut vana, aut erronea, aut obscena, ut mundi sapientum esse solent, sed vera & solida, omni utilitate & honestate plena.

8. *Iussu sunt omnes sermones mei. &c.* Hoc de Philosophorum & sectarum sermonibus verè dici non potest. Quòd siquid in sacris quoque occurrat, quod minus certum aut rectum videatur, id secundum se non est tale; sed imperitis apparet tale, id si intelligere voles, gratiam ab illo petas, qui aperit, & nemo claudit: vel illos consulas, qui Dei spiritu pleni orthodoxè exposuerunt.

10. *Accipite disciplinam. &c.* Plurimum iam ante sapientià laudauerat, quo ad illius amorem auditores excitaret, hìc ad laudis illius cumulum illud adhuc adiicit, quod vna illa rebus omnibus hominum æstimatione preciosis longè præstet, adeoque omnibus mundi opibus & diuitijs anteponendam esse. Porro autem cum ait, *Accipite disciplinam, & non pecuniam* non prohibet conquisitionem pecuniæ, sed sapientiæ studium pecuniæ aucupio præponit, sicut cum alibi dicit, *Misericordiam volo non sacrificium*, sacrificium non prohibet, sed minus se illud facere quam misericordiam indicat.

12. *Ego Sapientia habito in consilio. &c.* Post doctrinæ suæ commendationem denuo ad sui ipsius cōmendationem redit, & primò quidem, quid in hominibus operetur exponit, mox quid cum Deo agat, egeritque semper iam inde ab initio, aperit, postremò omnes, qui sapientià ex animo sectantur beatos pronunciat. Vindicat hoc autem loco sibi prudentiam, & astutiam, sanctarumque cogitationum inuentionem, & intelligentiam, & omnium tandem calliditatum notitiam.

13. *Timor Domini. &c.* Quod timori Domini hìc tribuitur, id sapientiæ tribui quoque potest nec iniurià, nam licet sapientia non sit idem prorsus cum timore Domini, est tamen genuina illius proles. Tribuitur autem illi triplex odium: primò namque capitali odio prosequitur superbiam, quæ initium est omnis peccati, versaturque circa prauas cogitationes præcipuè. Mox prauas vias, hoc est impuras actiones, inueteratasque peccandi consuetudines, Postremò os bilingue, quale est, quod aliud loquitur. Sūma,

detestatur omne omnino cōmissionis peccatum. Nam quidquid legi aduersatur, illud aut est praua cogitatio, aut improba locutio aut peruersa actio.

14. *Mecum est consilium. &c.* Prodit omnis boni se saniq̃ue consilij fontem, omnisq̃ue legitimi statuti legisq̃ue parentem, simulq̃ue aperit, quo sensu sapientia in consilio habitare dicatur; quia nimirum ex ipsa oriuntur ea omnia, quæ intellectum instruunt, & voluntatem perficiunt; & ea omnia rursum, quæ veræ fortitudini veræque prudentiæ & æquitati cognata sunt.

15. *Per me Reges. &c.* Hæc planū faciunt sapientiā non ea solum tradere & dicere, quæ ad futuram vitam faciunt; sed nullam quoque præsentis vitæ portionem, aut functionem exstare, quæ citra sapientiam commodè obiri & administrari possit. Quare siquid reges, aut principes, aut iudices, aut alij quicumq̃ue artifices salutaris boni præstant, id totum sapientiæ debent.

17. *Ego diligentes me diligo. &c.* Magnas sapientiæ opes, magnūque eiusdem vsum esse extra controuersiam est. Verum tanti illi sapientiæ fructus non ita multis obtingunt: non quod ipsa sese cum omnibus suis viribus & opibus cōmunicare non velit; sed quod infrequentes sint, qui sapientiam diligāt, & ex animo quærant. Siquidem diligentibus & inquirentibus ultro se offert, tantū abest, vt per pecuniam, aut vim bellicam, aut principum fauorem illam impetrare debeant.

18. *Mecum sunt diuitiæ. &c.* Occurrit hic tacitæ cuidam obiectioni. Poterat enim quispiam dicere, non possum simul rei familiari & sapientiæ operam dare, aut propter sapientiæ studiū honorem negligere, aut famam periculo exponere. Respondet illa, si me obtineas & opes, & honores, & famam, & gloriam, & quæcūque cum his affinitatem habent, in summo gradu obtinebis, conferam enim opes superbas, honores illustres, & gloriam immortalem. At interim hæc omnia tenuia sunt, si cum ijs conferantur, quæ præstat illa in altera vita.

20. *In vijs iustitiæ ambulo. &c.* Solent auari per vias tortuosas & iniustas ad opes contendere; sapientia autem proficitur se cultores suos per iustitiam & æquitatem ad veras & stables opes perducituram, effecturamq̃. vt iidem illi per iustitiam & æquitatem ambulent, magnosque cœlestium diuitiarum opumq̃ue thesauros reperiant.

22. *Domus possessit me in initio. &c.* Hæc est altera pars capituli, in qua sapientia exponit, quid cum Deo operetur, & operata iam sit inde ab initio, quibus

quibus planum facit se æternam esse. Commendat se autem à tribus præcipuè, nempe ab antiquitate, à rebus gestis, & ab operum magnitudine, varietate, & venustate inducitur quoque per prosopopœiā loquens, ut Poëtæ virtutes nonnumquam inducere solent. Quamvis autem vox Hæbreæ *Kanam* non solum *Possidere* significet, verum etiam *Acquirere*, hic rectius tamen redditur per *possedis*, quam per *acquisiuit*; quia Deus numquam fuit absque sapientia. Lxx. legunt *Dominus initio viarum suarum creauit* vel *formauit me*; sed in idem redit. Indicatur per hæc autem ab æterno, ante omnē omnino creationem sapientiam existisse. Quare etiam statim subiungit: *Anequam quidquam faceret à principio*, hoc est, ante omnē rem conditam: & paulo post, *Ab æterno principatum habui*, quod noster interpretes reddit, *Ordinata sum*: probant enim hæc omnia, ut & sequentia quoque, sapientiam, per quam facta sunt omnia, æternam esse, & ante omnem creaturam existisse, adeoque Deum esse, eiusdemque cum ipso potentia.

24. *Nondum erant abyssi. &c.* Per vniuersitatis partes ostenditur sapientiam omnem rem creatam antecessisse, exordio autem ab infimis factō ascendit paulatim vsque ad corpora cœlestia.

27. *Quando præparabat calos. &c.* Demonstrat ante omnia creata se existisse, adeoque æternam Deoque Patri cœternam esse: nunc à cœlo exorsa, se neutiquam otiosam fuisse indicat; sed vna cum Deo Patre operi semper intentam, cunctaque simul cum illo absoluisse & ordinasse, atque ita omnipotentem esse: siquidem ex nihilo posse producere, diuinæ omnipotentia est argumentum. Per *Abyssum* quidam totum illud spacium, quod inter terram & infimum cœlum interiaceret, hic designatum putant. Alij aquæ elementū tantum. Per *Aquarum* autem *fontes* non eas solum aquas accipiunt iidem, quæ à terra erumpunt; sed illas etiam quæ à nubibus distillant, vel ipsas certe nubes. Per *Terminos* porro *maris* littora, quibus aqua arcetur, & quasi quibusdam cancellis intercluditur, adumbrantur: in pœnam tamen peccati quādoque erumpit. Tandem per *Terræ fundamenta*, ipsa terræ stabilitas, quæ aliud nihil est, quàm firma Dei voluntas, infinitaque eiusdem potentia.

30. *Et delectabar per singulos dies. &c.* Per hæc indicat nullam se ex gubernatione cunctorumque in suos fines directione molestiam sensisse; sed magnam potius ob singularem erga creaturas, præcipuè vero erga homines amorem, ex ea re voluptatem cepisse; neque enim aliud hic sonat *Ludere*, quàm gaudere, vel oblectationē capere. Aduerte porrò, licet quæcūq.

de sapientiae creatione hæc dicta sunt, ad increatam Dei sapientiam referri queant, rectè quoque ad Christi humanitatem, siue ad Christum ipsum referri posse: nam etsi illa post omnia creata sit, in mente tamen Dei antè omnem naturam creati, & in personæ vnitatem assumi præuisa est.

32. *Nunc ergo, filij, audite me. &c.* Hæc est postrema capitis huius pars, quâ hortatur ad legis præceptorumque suorum obseruationem; certam illis, qui obseruant, beatitudinem promittens, felicesque eosdem pronuncians; non illis autè, qui carnis illecebras, aut mundi voluptates, aut aliquid aliud eiusmodi sectantur.

35. *Qui me inuenerit. &c.* Per hæc redditur ratio, cur illi beati sunt censendi, qui sapientiae monita audiunt & retinent, legemque illius diligenter inquirunt, & ad fores eiusdem vigilant; quia nimirum tales reperturi sunt non rem aliquam vulgarem, aut pondere exiguam: sed vitam gratiae in præsenti, & gloriæ in futuro, *haurientque salutem à Domino*, hoc est, consequentur quidquid voluerint.

*Qui autem in me. &c.* Quia verò plerumque magis terret formido pœnae, quàm excitat spes gloriæ, sapientia non magna tantum præmia suis pollicetur cultoribus; verum magna quoque supplicia interminatur suis contemptoribus, nempe inortem, æternamque condemnationem, quod est summum malum, in quod anima incidere potest.

## PARAPHRASTICA

### CAPITIS NONI EXPLANATIO.

#### 1. *Sapientia ædificauit sibi domum: excidit in ea columnas.*

**I**Nter praeclara opera, quae sapientia, vel Deus per sapientiam condidit (cuiusmodi sunt cælum, terra, ceteraque elementa, & quae horum ambitu continentur) peculiarem quoque domum, in qua versaretur & operaretur, sibi condidit, quam varijs etiam donorum & charismatum ornamentis expoliuit & exornauit, neque vnumquam expolire & exornare definit, siue per *Domum* iusti cuiusque animam accipias, siue Christi humanitatem, siue synagogam, siue ecclesiam, siue hæc omnia simul. Nam isthæc omnia & ab æterna sapientia facta sunt, & certa eiusdem sapientiae sedes existunt.

Quo

Quò autem mysticum & spiritale hoc domicilium habitatoris maiestati responderet, perpetuòque saluū & incolume confisteret, septem validis effabrèque factis colūnis illud suffulsit: nam & varijs Spiritus sancti donis & Sacramentis ædificium hoc munivit, & varios ministros, & duces, qui illud curarent sanàque doctrinà sustentarent, & viuo vitæ exemplo illustrarent, instituit; nempe Prophetas, Apostolos, & Doctores, cetera deniq. omnia, quæ ad firmitatem illius æternamque durationem opportuna videbantur, fideliter adhibuit: & numquam huc vsque adhibere cessauit, neque vmquam cessabit: notum est enim illud Christi: *Ecce ego vobiscum sum vsque ad consummationem sæculi.*

2. *Immolauit victimas suas, miscuit vinum, & proposuit mensam suam.*

**I**N magnifica & splendida hac domo magnificam & splendidam mensam instruxit: vtpote omni eculentorum, & poculentorum genere refertam. Nam & victimas immolauit, & tauros & altitia occidit, & præparauit, & vinum regiâ maiestate dignum miscuit; neque quidquam aliorum omnium, quæ magnifici conuiuij huius splendorem & magnificentiam commendare & exornare poterant, omisit. Et quamuis epulum hoc sit tale, qualis est domus, & quales rursus sunt columnæ quibus fulcitur, nempe mysticum & spiritale, attamen per res corporeas, quarum in splendidis epulis vsus esse solet, aptè illud delineauit. Quid autem singula horum sublimiori sensu denotēt, id hic anxie persequi non attinet. Certum est autem, vt *Mensa instructa* varias recipit interpretationes, ita singula quoque quæ in illam inferuntur.

3. *Misit ancillas suas vt vocarent ad arcem, & ad mœnia ciuitatis.*

**P**OST mensam laute opiparèque instructam, & præparatam, quod proximum erat, mittit ancillas, quæ quoscūque obuios, siue intra, siue extra ciuitatem compertos ad arcem & editiora ciuitatis loca, vbi conuiuium illud instructum erat, inuitent; neque enim decebat, vt tantæ virtutis, & maiestatis domina per se ipsam inuitaret. Inuitatitaque, non per se, sed per ancillas, hoc est, per Patriarchas, Prophetas, Apostolos, ceterosque omnes, quos ab orbe condito ad cœlestem sapientiam prædicandum misit, & ad finem vsque missura est; quos tamen masculos, *Seruas*, vel *Ancillas* vocat, quia ipsa sub muliebri schemate inducitur, mundumque non virili robore, sed muliebri mansuetudine sibi subiugauit; neque alijs tandem, quam virtutibus,

tutibus, quæ ipsæ quoque virgines appellantur, virgineoque ore depinguntur, conuitibus vitur. Hæ porro ancillæ vocant vel inuitant ad arcem, nempe à terrenis ad cœlestia; ab humilibus & abiectis, ad sublimia, & ardua. vel è diuerso mittit ad arcem, vt ibi in fastu & superbia degentes, deuocet ad veram animi humilitatem & submissionem, sed quid tandem sapientiae ancillæ siue ministræ, quodcûmque tandem per illas intellexeris, dicant, audiamus.

4. *Siquis est paruulus, veniat ad me. Et insipientibus locuta est.*

5. *Venite, comedite panem meum, & bibite vinum quod miscui vobis.*

**S**iquis est simplex, siquis rudis, siquis imperitus, agedum huc accedat, ad me sese adiungat, & sapiens euadet. Rursum siquis hospitio carer, si quis fame languet aut siti aret, ad me defleat, ad domû, quam vij. columnis firmaui, diuertat, ac meo pane meoque vino sese reficiat, virisque instauret. Adeste vecordes, venite paruuli non mole vel ætate, sed sensu & iudicio; non annis, sed malitiâ & improbitate, & comedite panem meum, & carnem meam, & totum, quod in vsum vestrum præparau, & bibite vinum, quod miscui vobis, vestroque palato & gustui attemperaui, quò cum suauitate & animi oblectatione illud bibere valeatis: vinum enim suâ naturâ cor hominis laetificat, quanto magis mustum illud spiritale, quod ego propino? panis itidem naturaliter cor hominis corroborat, etli interim multi propter vitiorum obstacula, vel malarum affectionum impedimenta illam mystici vini, & panis suauitatem, & soliditatem non ita multum percipiant.

6. *Relinquire infantiam, & venite, & ambulate per vias prudentiæ.*

**E**ia paruuli, rudes, & imperiti, cordèque carentes, & stolidi relinquire tandem aliquando vestram infantiam, vestram simplicitatem, vestram stultitiam, hoc est, vitam vestram carnalem, vestrum erroneum stultumque iudicium, quo acti impulsique terrena cœlestibus, caduca æternis, rituque puerorum nugas resque ioculares rebus grauibz & serijs antepositis. Abiicite proinde eiusmodi infantiam & stultitiam, & viuetis non tantum gratiæ vitam, sed etiam gloriæ: & ambulate per vias prudentes, quales vtique sunt, quas sapientia vobis proponit. Nemo enim prius venire potest ad domum & familiaritatem sapientiæ, quam omnem exuerit stultitiam, aut exuere corte decreuerit. Quousque Iudæi circa literæ sensum inutilémque caerimoniatarum obseruationem obfirmatè hærebunt, nunquam

quam peruenient ad domum sapientiae, quae est ecclesia, columna, & fundamentum veritatis. Idem statuatur de Heterodoxis, ceterisque omnibus similibus: siquidem sapientia non modò sapientes & iustos ad conuiuium suum vocat, verùm etiam simplices & iniustos, modò tamen ita sint comparati, vt simplicitatem, & iniustitiam cupiant deserere, iustitiam autem & sapientiam amplecti. Nam de obstinatè improbis alia est ratio.

7. *Qui erudit derisorem, ipse iniuriam sibi facit: & qui arguit impium, sibi maculam generat.*

**E**Tenim qui erudit, vel corripit veritatis derisorem (quales inter alios sunt omnes pagani, & hæretici, & Iudæi) suâ admonitione adeò nihil promouet, vt sibi quoque iniurius existat, ignominiae notam accersat, simplices cordèque humiles si quando impingunt, per tempestiuam admonitionem facile emendantur; at veritatis hostes & elusores, qui non, quæ Dei sunt, sapiunt: sed apertè illa aspernântur, spem suam mendaciû ponentes, corrigi nec volunt nec possunt. Vt qui culpam nullam agnoscant quod & in hæreticos quadrat maximè; nam si illi errorem agnoscerent, hæretici utiq. non essent. Pari modo, qui impium arguit, sibi metipsi maculam adsciscit: siquidem, quomodocûmque reprehensio facta sit, admonitorem apud alios traducit, & aliquam ipsi notam aspergere cõtendit, & suâ vitâ contaminatâ interdum quoque illum inficit: sunt enim cõmercia cum hæreticis & improbis hominibus valde periculosa.

8. *Noli arguere derisorem, ne oderis te. Argue sapientem, & diligit te.*

**N**Oli itaque arguere irrisorem, non solum ne oleum & operam perdas, sanctumque canibus obijcias, vel margaritas ante porcos spargas: verum etiam ne improborum hominum odium citra vllum fructum incurras, adeoque illorû peccatum augeas. Quod si qua tamen emendationis aut fructus spes affulgeret, & opportunitas sese offerret, liceret impios quoque & derisores officij admonere: quippe cùm fraterna admonitio magnæ caritatis sit opus, & interdum quoque ad salutem necessaria.

Sed quia in hæreticis & veritatis hostibus admonendis opera plerumque perditur, aut exiguo certè fructu infumitur, irrisorem missum facias; argue autem sapientem, & diligit te; nam cùm is hominem se esse non ignoret, in multis sæpe se offendere agnoscit, adeoque reprehensione dignum esse. Quod si sapiens fraternam admonitionem cum gratiarum actione recipit,

Q

multo

multo magis eam recipere debet sensu paruulus rerumque rudis & imperitus.

9. *Da sapienti occasionem, & addetur ei sapientia. Doce iustum, & festinabit accipere.*

**A**Dhibe proinde sapienti, si lapsus fuerit correptionem, & sapientior cautiorque euadet. Nullus enim ita sapiens, aut cautus est, ut interdum alterius consilio non indigeat, aut quandoque non impingat. Quamobrem ne desit illi occasio proficiendi, cum opus id videtur, a timore & reprehendere illum: nam ipse quoque ad sapientiae conuiuium pertinet. Ad eundem modum iustum quoque admonere ne omittas. Nam & admonitionem tuam grato animo suscipiet, & doctrinam præterea doctrinæ addet.

10. *Principium sapientiae, timor Domini: & scientia sanctorum prudentia.*

**A**Vdisti, fili, sapientiam sibi domum exstruxisse, eandemque validis columnis muniuisse & splendidum epulum in ea instituisse, nec non ancillas, quæ dignos inuitarent, misisse, & cetera denique omnia, quæ ad eam rem opportuna videbantur adhibuisse. Vnum adhuc supererat indicandum, nempe inuitatos totos in hoc esse debere, ne temere, illotisque manibus & pedibus, ut dici solet, ad sapientiae mensam irruant; nisi forsitan cum eo, qui sine veste nuptiali ad regis nuptias intrauerat, in tenebras exteriores abijci velint. Hæc autem cautio, humilitas, & reuerentia ex timore Domini præcipuè nascitur. Hic enim, ut aliquoties iam ante indicatum est, est omnis sapientiae, omnisque boni operis, & studiosæ actionis initium. Hunc igitur, si ad mensam illam tremendam accedere placuerit, socium tibi adiunge: siquidem non solum, mensa corporis & sanguinis Christi eum exigit timorem & reuerentiam, verum mensa quoque scripturaria: Nani qui cum fastu & superbia, ut hæretici omnes, ad sacras scripturas accedunt, venenum potius, quam salutarem animo cibum ex illa hauriunt.

Diuini porro timoris fundamentum ubi iecerimus, mensaque Domini cæ recreati & fatiati fuerimus, haud magna cum difficultate ad Sanctorum scientiam, in qua vera intelligentia & prudentia posita est, conscendemus: omnes namque Sancti, quotquot umquam fuerunt, per timorem Domini profecerunt, & ad veram Dei cognitionem peruenerunt. Imo verò non solum magni & sapientes per hunc timorē profecerunt, & proficiunt quotidie, verum etiam paruuli & insipientes. Impij autem & veritatis irrisores nullo



nullo modo, vt qui à timore Domini sunt prorsus alieni. Constat autem hinc multum interesse inter scientiam Sanctorum, cuius hic fit mentio, & scientiam Philosophorum. Hæc enim neque sanctorum rerum, neque sanctorum quoque hominum est, quamvis esse possit, illa autem & sanctorum hominum & sanctorum quoque rerum est : hæc rursus ab omni vanitate & falsitate est prorsus aliena ; illa à neutra : hæc denique à timore Domini orditur, illa à rationis luce originem ducit.

11. *Per me enim multiplicabuntur dies tui, & addentur tibi anni vitæ.*

**Q**UOD si timore Domini munitus, & scientiâ sanctorum instructus, ad sapientiæ conuiuium cum reuerentia & humilitate accesseris, & ex esculentis & poculentis, quæ illa liberaliter proponit, largiter refectus fueris, multiplicabuntur dies tui, vitæque anni addentur tibi, hoc est, non modò, diu multumque viues, verum iucundè quoque feliciterque viues: siquidem anni miseri & calamitosi, verius sunt anni mortis quàm vitæ. Neque solum felix in hoc seculo viues, celebrèque tui memoriam apud posteros relinques, verum in altero quoque seculo: imo verò æternum viues, bonisque omnibus afflues.

12. *Si sapiens fueris, tibi metipsum eris, si autem illusor, solus portabis malum.*

**N**EQUE existimes, fili, quod priuati commodi quæstusue causâ toties ad meam domum meamque mensam te inuitem. Nam sine veneris, & sapiens euaseris, siue manseris in stultitia, & in infantia tua perseueraueris, nihil mihi inde emolumentum aut accedit aut decedit; sed tua res agitur, si enim parueris, & sapientiâ potitus fueris, non mihi, sed tibi potiere. Contrà verò si sapientiæ illusor, nequàmue fueris, non ego, sed tu promeritas penas lues, malumque, quod inde oriatur, in te feres. Nam etsi stulti & impij alijs interdum suâ stultitiâ & impietate obsint, sibi tamen ipsi potissimum nocent; sapientes autem, & sibi, & alijs quoque profunt.

13. *Mulier stulta & clamosa, plenâque illecebris, & nihil omnino sciens.*

**S**ED caue, fili, ne, dum ad sapientiam, eiusdemque domicilium & conuiuium properas, in æmulam illius, nempe in impudicam illam meretricem, cuius suprâ mentionem fecimus, incautus incidas. Nam ipsa quoque, non secus atque sapientia suam habet domum, suum conuiuium, suas artes, veluti ancillas, per quas inuitat & alloctat. Quam vt explorata habeas, stu-

diſſeque vites, paucis hîc delineabo. Eſt itaq. mulier hæc ſtulta, ſtultitiæq. & veſaniæ plena, garrula itidem & clamora. Quandoquidem, vt ſapientia ex edito loco clamat, & ad ſe prætereuntes inuitat; ita ſtulta & infana hæc mulier quoque: verùm id animo planè turbato geſtuque incompoſito & furioſo, prout ipſa quoque varijs turbis & paſſionibus agitur. Ecquid aliud facit hæreſis?

Et quamvis ſecundum ſe ſit deformis, aſpera, & horrida, nihilque omnino ſciens; attamen verborum lenocinijs & blandimentis, externoque orationis & corporis cultu, ſuam deformitatem & inſcitiam ita tegere & diſſimulare nouit, vt multos in ſui amorem ſtudioque pelliciat: cum nihil tamen cum vera ſapientia commune habeat; imo toto cœlo ab illa diſſideat. Nam & ſtulta, & infana, & clamora, & rudis, & omnis prorsus ſcientiæ ignara eſt, quæ omnia cum ſapientia pugnant, vt quæ maximè.

14. *Sedet in foribus domus ſua ſuper ſellam, in excelſo vrbis loco.*

15. *Vi vocaret tranſeuntes per viam & pergentes itinere ſuo.*

**S**apientia adhæc eſt ſtudioſa & operoſa, illa contra ignaua & otioſa: ſed etiamque pro foribus domus lux (nam ipſa quoque, vt paulò ante dicebamus, ſuam domũ habet, tametſi caducã & ruinofam, non vij. columnis ſultã) ſedet autem non humi, ſed ſuper ſellam, quo prætereuntes commodius obſeruet & captet per viam.

Ad cuius quoque rei uſum, cum huic ſeſe in omnibus æquiparare contendat, non habitat in valle, aut decliui vrbis loco; neque in angulo plateæ, vt adultera illa, de qua ſupra; ſed in excelſo ciuitatis loco. Habitat hîc autem non alia de cauſa, quàm vt per viam tranſeuntes, ſuoque itinere pergentes, commodius ad ſe vocare, & alleſtare valeat. Studium namque & profeſſio illius eſt, homines per rectam vitæ ſemitam ambulantes, à directo vitæ tramite in mortis præcipitium abducere. Sapientia rurfum tanquam vera Domina; non per ſe inuitat, vt proxime audiuiſimus, ſed per ſeruas & ancillas: hæc autem licèt ſuam potentiam, ſuâſque opes iactet; attamen tanquam ſerua verèque ſeruilis animi femina per ſe ipſam inuitat. Indigna eſt enim cui quiſpiam ingenui hominis vocabulo dignus ſeruiat. Inuitat per ſe quoque, quo omnibus manifeſtet inſignem impudentiã ſuam; vt quæ non exſpectet, dum ad ſtuprum ſollicitetur vel prouocetur, ſed quouiſ promiſcua tranſeuntes aliudque agentes ultro inuitat. At quam oratione vititur?

16. *Si.*

16. *Si quis est paruulus, declinet ad me. Et recordi locura est.*

17. *Aqua furtiua dulciores sunt, & panis absconditus suauior.*

**H**Aud absimili illi, quâ vsa est sapientia. Nam vt sapientia non omnes ad suum conuiuium inuitat (non enim inuitat impios & derisores) ita hæc quoque impudens meretrix non inuitat iustos & sapientes; sed homines rudes, & imperitos, & inconstantes, & ad carnis libertatem ventrisque cultum propensos, ait enim: si quis est simplex & paruulus declinet huc ad me. Vecordi autem & mente capto aquas furtiuas dulciores esse suggerit, panem iidem absconditum suauior. Neque enim illa ad splenditum conuiuium inuitat, vt sapientia & adultera illa, cuius antè meminimus; (vt hinc quoque intelligatur hanc & illam mulierem, non esse vnâ & eandem, sed diuersam) verùm ad frustum absconditi panis: nec ad vinum rursus, quod cor hominis lætificat, prouocat: sed ad furtiuâ aquâ, quam ceteris dulciorem asserit. Ob id fortassis, quod furto ablata ardentius fuerant expetita, maioriq; labore & periculo parta. Hæcenim solent esse ijs gratiora, quæ vel vltro obtruduntur, vel citra laborem & desiderium obueniunt.

18. *Et ignorauit quod ibi sint gigantes, & in profundis inferni conuiuia eius. Qui enim applicabitur illi, descendet ad inferos: nam qui abscesserit ab ea, saluabitur.*

**E**T hæc quidem illa paruulis proponit, multosque ex illorum numero in suam sententiam pertrahit: quippe qui præ infantia mentisque cecitate, omnia apud illam mortuis cadaueribus, gigantibus rursus & demonibus plena esse non confiderent; illiusque conuiuas vnâ cum illa ad profundum inferni ferri non perpendant. Multum ergo interest inter sapientiam & mulierem meretricem; siue per illam accipias publicum scortum, siue sublimiori sensu hæresin, vel idololatriam, siue carnis sensum: nam in hæc omnia optimè quadrant, quæ de meretrice eiusdemque moribus hætenus dicta sunt. Inter alia namque sapientia suos conuiuas suosque cultores transmittit ad vitam; meretrix autem ad mortem. Qui enim adiungit sese ad illam, rectâ descendit ad inferos, sicut è diuerso, qui se ab illa seiungit, salutem consequitur.

## A D

## CAPVT NONVM

## S C H O L I V M.

1. **V**T superioribus capitibus sapientiam miris laudibus extulit, multaque, quæ ad mundi primordia spectabant, exposuit: ita hoc capite præter solidam sapientiæ commendationem, multa adfert, quæ ad orbis instaurationem & Christi œconomiam pertinent. Etenim ut supra inducit sapientiam tamquam rerum omnium vna cum Deo Patre procreatricem & gubernatricem; ita hic illam proponit veluti humanæ naturæ sociam domesticamque familiaritatem cum homine habere solitam. Denique, ut Sapiens ante produxit mulierem impudicam varijs artibus ad libidinem prouocantem, & ex aduerso sapientiam ad omne virtutis studium inuitantem; ita hoc loco inter hanc & illam discrimen assignat. Innuat autem per impudicæ mulieris exemplum, non minus à falsa doctrina & carnis concupiscentia abstinendum esse, quam à Venere non licita.

1. *Sapientia ædificauit. &c.* Hebræi legunt pluraliter *Sapientiæ*, ad designandum varios esse sapiētīæ effectus variâsq; eiusdē species & modos.

*Sibi domum.* Per *domū*, &c. *sapientie*, alij accipiunt iusti cuiusque animam; quia iusti anima sedes est sapientiæ. Alij Synagogam, in qua Deus aliquando familiariter habitauit, & sese habitaturum læpius promisit; Alij Christi humanitatem, in ea enim habitauit plenitudo sapientiæ. Vel ipsam Christi personam, in qua exstabant duæ sapientiæ: vna creata, altera increata. Alij denique naturam quam Dominus Christus sibi ædificauit.

*Excidit columnas. &c.* Septenarius hic columnarum numerus indicat fabricæ magnificentiam; nam quo omnia forent cognata, sibiq; similia, magnifico conuiuio, quod præparabatur, adesse debuit ornatum superbūque ædificium, in quo illud instrueretur. Mysticè porro numerum hunc septenarium alij referunt ad vii. dona S. Spiritus: alij ad vii. Sacramenta Ecclesiæ, quibus fidelium corda nutriuntur & sustentantur. Alij ad omnes Ecclesiæ Doctores, & sic numerus certus ponitur pro incerto.

2. *Immolauit victimas. &c.* Describit ordine splendidum conuiuij apparatus, primariæque eiusdem fercula. Et quamuis sapientiæ conuiuium sit spiritale, perinde tamen de eo loquitur, atque de corporali; facit namque mentio-

mentionem, non modo panis & vini, sed carniū quoque & aliarum quarundam rerū. Per mensam autem optimè instructam, insinuat vel legis & Prophetarum oracula, vel Euangelicam & Apostolicam doctrinam; vel vtrumque Testamentū simul.

*Miscuit vinum. &c.* Miscet vinum, non quod per inspidam aquam illud diluat: sed quod cuiusque palato & caprui illud attréperet, vel quod de vase in vas illud transfundat, eaque ratione defecarius reddat. Ceterum ad mensæ huius Ecclesiasticæ apparatus non solum pertinet doctrina Testamentaria, sed Christiana quoque œconomia, Martyrumque constantia, vita & opera Sanctorum, Doctorum hominum monumenta, & multa id genus alia, potissimum vero corporis & sanguinis Christi Sacramentum.

3. *Misit ancillas. &c.* Quia vero sapientia muliebri schemate introduci-  
tur, propterea non mittit seruos, sed seruas & ancillas, per quas inuitat. Quod autem non per se, sed per ancillas inuitet, id ad conuiuij magnificentiam facit non parum. Porro autem per inuitatores sapientiæ ministros, rectè accipimus Prophetas, Apostolos, ceterosque animæ Doctores & Pastores, qui licet reipsâ viri sint; haud inconcinne tamen seruæ & ancillæ appellantur, quia non veniunt vi bellicâ aut militari robore instructi, sed veluti infirmi & inermes. Mystico sensu per eius ancillas commodè accipimus virtutes: hæ enim subseruiunt diuinæ sapientiæ, quæ ex alto hærentes in terra inuitant ad sublimia.

*Vocat ad arcem. &c.* Nempe à terrenis ad cœlestia, ab abiectis & vilibus istis rebus ad sublimia: Velcertè mittuntur ad arcem, vt eos qui ibidem in fastu & superbia degunt, reuocent ad veram animi submissionem & humilitatem.

4. *Si quis est paruulus. &c.* Exponit hic quâ oratione sapientia ad conuiuium inuitet, qualésque homines per ancillas suas vocet. Inuitat autem sex hominum genera, videlicet simplices, & mente carentes: derisores rursus & impios: sapientes tandem & iustos. Hæ porro hominum dyades vario modo vocantur: siquidem paruuli & imperiti cordeque carentes vel insipientes dicuntur ad conuiuium vocari; derisores aut & impij non vocari; sapientes & iusti intra domum conuiuij foueri. Inter simplices, & corde carentes hoc interest, quod hi quidem modici sunt cordis, hoc est, infirmæ voluntatis; illi verò modici iudicij, adeoque vt hi peccent per ignorantiam, illi per infirmitatem. Vtrique tamen peramanter ad conuiuium vocantur, quia præ ceteris magis indigent. *Venite comedite panem* Per *Panem* designatur

designatur doctrina sacra, per *Vinum* oblectatio spiritalis, quæ partim inde, partim aliunde percipitur.

6. *Relinquitte infantiam. &c.* Hæc minimè obscurè indicant de spiritali cibo & potu hæc verba fieri: per *Infantiam* autem insinuata hoc loco videtur vita carnalis, erroneumque iudicium, quale est, quo caduca & temporaria præferuntur æternis, carnalia spiritalibus; quemadmodum pueri pomum aliâsque res leues & ludicras solent anteferre rebus pretiosis & serijs. conuincit & Iudæos, qui literam spiritui, Moysen Christo, inanesque cærimonias veris Sacramentis anteponunt.

7. *Qui erudit derisorem. &c.* Hic locus de secunda dyade, nempe de impijs, & derisoribus agit; quos sapientiæ ad suam domum, suumque conuiuium non inuitat: non quod hæc illis inuideat, sed quod illos indignos censeat, omnemque operam cum illis perdi intelligat. Iudæi enim, hæretici & pagani, omnia fere fidei mysteria, omnesque Ecclesiæ ritus & cærimonias derident. Quare illos ad sacrosancta hæc mysteria opportunè importune prouocare & inuitare, aliud fere nihil est, quam margaritas ante porcos proicere. Qui enim Iudæum, vel hæreticum de conuersione admonet, pro gratiarum actione sæpenumerò contumeliam & derisionem reportat; pro amore rursus & beneuolentia odium & amarulentiam: siqua tamen conuersionis spes affulgeret, prudentem admonitionem, & correctionem adhibere importunum non esset.

8. *Argue sapientem. &c.* At is, dixerit quispiam, reprehensione aut admonitione non indiget. Nemo tam sapiens aut iustus est, qui aliquando non impingat; & licet numquam impingat, admonitionem tamen pro sua humilitate non contemnit. Multum itaque inter sapientem & derisorem intercedit. Quare sapientes quoque, licet disserre non inuitentur, ad sapientiæ conuiuium nihilominus pertinent; tum quia vix ullus ita sapiens est, ut proficere non possit, aut alterius consilio interdum non indigeat. Sicut nullus quoque ita iustus est, quin iustior euadere queat. Tum rursus nemo ex omnibus est, qui iustius ad sapientiæ domum pertinere videatur, quam ipsemet sapiens. Componit hæc autem sapientem cum iusto, sicut paullò ante irrisorem coniunxerat cum impio: quia sicut commodum prouenit ex doctrina, quæ iusto & sapienti proponitur. (Nam & docens vel admonens ob beneficium, quod præstat, gratiarum actionem & beneuolentiam promeretur, & re ipsa quoque vtrumque consequitur; & discens rursus in doctrina proficit, & docentem propter traditam doctrinam deligit) ita quoque

quoque incommodum refert, qui impium & derisorem docet vel admonet; siquidem impius propositam doctrinam deridet, proponentemque odio habet; & admonens rursus vel docens peccatum illius augeat; neque enim leue peccatum est salutarem doctrinam ludibrio habere, aut bene mouentes odio persequi. in summa, admonitione impius fit peior, iustus melior. Ceterum ex sex illis hominum generibus, tria spectant ad eam animæ facultatem, quâ intelligimus; nimirum simplices, irrisores, & sapientes. Simples vel paruuli prauè iudicant, irrisores aliorum iudicia aspernâtur, sapientes rectè iudicant. Tria reliqua ad partem appetentem, videlicet corde deminuti, impij & iusti. Corde carentes in virtute morali sunt imperfecti, impij in ea virtute sunt excellenter mali, iusti autem & bonum & bene eligunt.

10. *Principium sapientiæ Timor Domini. &c.* Hæc sententia semel & iterum iam antè posita est. Quare quidam coniecturam hinc faciunt Proverbia hæc à Salomone in ordinem non fuisse redacta; sed in chartis & membranis sparsim reperta: vel ex illius oratione à quopiam excerpta, & in hanc formam, & ordinem congeſta. Quamuis interim præſenti huic loco sit admodum opportuna: siquidem ad sapientiæ mensam magno cum timore & reuerentia accedendum est, maximè verò ad mensam Sacramentariam, & scripturarum lectionem. Vt *Timor Domini* appellatur initium sapientiæ, ita rerum sacrarum scientia veræ prudentiæ vel intelligentiæ principium vocari potest.

*Scientia sanctorum prudentia. &c.* Locus hic subobscurus est. Quidam in hunc modum exponunt: prudentia vel intelligentia sanctorum non est scientia rerum profanarum aut humanarum; sed diuinarum. Alij: scientia, quam sancti habent, ea sola est vera prudentia: at mundana sapientia, nec rerum, nec hominum quoque sanctorum est. Alij: vt timor Domini est initium veræ sapientiæ, ita scientia sanctorum rerum sacrarum est initium veræ prudentiæ. Alij: sancta, vel res sanctas cognoscere, magna est prudentia & intelligentia. Verum utcumque exponas, inter scientiam sanctorum & Philosophorum cognitionem multum omnino intercedit.

11. *Per me multiplicatur. &c.* Redditur per hæc ratio, cur diuinæ sapientiæ sit incumbendum, curque epulum, quod illa instruxit minimè sit negligendum, quia nimirum longam & beatam vitam cultoribus suis adfert; hoc enim indicatur per Annos vitæ.

12. *Si sapiens fueris. &c.* Significatur per hæc sapientiæ nullum commodum, aut incommodū accedere, siue eam recipiamus, siue negligamus; verum totum fructum & detrimentum ad nos pertinere. Qui enim sapiens est, sibi sapit, qui rursus contemnit, sibi pœnam adsciscit; non est tamen par vtriusque ratio: quia sapiens non solum sibi, sed alijs quoque sapit, & seruit, delusor autem sibi soli officit.

13. *Mulier stulta & clamosa. &c.* Vt supra sapientiæ ad suum inuitanti cultum, opposuit mulierem impudicam à sapientia abalienantem & abducentem, ita hic aliam mulierem inducit ad suam domum, suumque conuiuium inuitantem, sapientiæque studium varijs artibus impedire conantem. Possunt hæc omnia sublimiori sensu ad carnis sensum, vel hæresin falsamue doctrinam trahi. Vocat autem mulierem hanc stultam & clamosam, vel tumultuariè agentē, quia sine sensu & ratione ducitur, & impetu passionum agitata, nihil moderatè operatur: quod optimè quadrat in hæresim. Vix enim aliud agunt hæretici, quàm contra orthodoxos, eorundemque pastores clamitare & vociferari.

14. *Plena illecebris, & nihil sciens. &c.* Et hoc etiam membrum apposite quadrat in hæreticos; nam cum nihil aut parum admodum sciant, magnis tamen verborum lenocinijs vtuntur, quo nimirum suam inscitiam tegant, multosque in suam sententiam pertrahant. Sequitur autem hæc clausula naturaliter ex proximè præcedente: nam si hæc est stulta mulier, non potest non esse ignara, & rudis, & tumultuaria.

15. *Sedet in foribus. &c.* Per hæc exprimitur desidia, otium, & ignauia huius meretricis, studiumque obseruandi, & captandi alios, & simul quoque illius abiectio & vilitas: non enim habet palatium columnis fultum, aut regale solium, sed vilem sellam in alto tamen & edito loco collocatam; quo pertranseuntes facilius possit inuitare atque seducere; nec ancillas rursus, per quas inuitet, possidet, vt sapientia; sed per se ipsam inuitat.

16. *Si quis est paruulus. &c.* Rectè paruulos vel vecordes inuitat, quia mente valentes frustra inuitaret; neque ad vinum inuitat, sed ad aquam, eamque furtiuam & inspidam: nec ad panem rursus cœlestem, sed ad panem absconditum. Quia hæreticorum dogmata, & diluta, & furtiua, & abscondita sunt. Dicuntur autem furtiua dulciora, quia difficilius obtinentur, & propter difficultatem, quâ obuenerunt, maioris fiunt, auidiusque capiuntur.



18. *Et ignorat. &c.* Ad conuiuium sapientię conuenientibus promittitur vita æterna: furtiuas vero aquas & panes absconditos captantibus mors & infernus, quod cum rudes & paruuli mente occorcatâ non expendant, libidinis suę impetum sectantur. Voce *Rephaim*, quâ noster interpret *Gigantes* reddidit, designatur quoque dæmones, & cadauera, & mortui, aliaque eiusmodi.

## PARAPHRASTICA

## CAPITIS DECIMI EXPLANATIO.

## PARABOLAE SALOMONIS.

**Q**Uæ hinc consequuntur, vt cetera, quæ hætenus sunt composita, & veri Salomonis sunt (tamen incertum sit eo ne ordine, quo hic proponuntur, ab illo sint digesta) & Prouerbiorum, hoc est, grauium quarundam sententiarum formam præ se ferunt, & quidem illustriorem, quàm præcedentia, perpetuâque quâdam antithesi decurrunt, & metro tandè apud Hebræos quondâ vsitato descripta sunt. Sed ad contextum.

1. *Filius sapiens lætificat patrem: filius verò stultus mæsticia est matri suæ.*

**F**ilius sapiens, cuiusmodi is iure censeri potest, non qui multa nouit, aut ingenij præstantiâ excellit; sed qui in timore Domini ambulat, parentibus obtemperat, cœlestia animo versat, & terrena tandem in postremis habet, lætitiâ adfert patri. Ediuerso verò filius stultus & improbus, cuiusmodi est, qui neque Deum timet, neque parêtes obseruat, neque quidquam eorum omnium, quæ ad salutem faciunt, curat, nixore afficit matrem. Neque enim potest filius ille, qui Dei, salutis, famæ, omnisque honestatis prorsus oblitus carni, & mundo, & dæmoni de industria seruit, matrem non vehementer affligere. Et quamuis parentes inueniantur, qui filiorum salutem & mores non ita multum curent, generatim tamen & ex natura rei verum est, quod hic traditur.

2. *Nō proderunt thesauri impietatis : iustitia verò liberabit à morte.*

**F**ili, ne ita desipias aliquando , vt in opibus malè partis salutis tuæ spem colloces . Nam etsi opes iustè partæ , & in bonum honestumque finem relatæ à morte temporaria , vt de multis constat , sæpe liberant , ab æterna autem, si iustitiam adiunctam habent, semper: attamen thesauri impietatis, cuiusmodi sunt, qui per impietatem comparantur, aut contra ius & fas detinentur, aut turpiter dilapidantur, nihil profunt, præsertim apud Deum, ad quem omnia nostra studia & conatus referre debemus; sed plurimum apud eundem plerumque obsunt : vt qui omnem iniustitiam & iniquitatem odio habeat, suòque tempore grauiter puniat.

3. *Non affliget Dominus fame animam iusti, & insidias impiorum subuertet .*

**N**ec dicas mihi, non amo fraudē, non diligo imposturas, non delector vllā omnino iniquitate ; attamen tanta est sæculi huius deprauatio, tanta negotiatorum malignitas & vanitas, vt vel fame moriendum, aut ostiatim mendicandum mihi videam ; nisi communem eumentium & vendentium viam ingressus, in qualitate vel quantitate, vel mercium quidditate fraudem aliquam faciam. Siquidem Deus numquam patietur animam iusti fame affligi, aut inediā perire, aut turpiter quoque mendicare. Neque enim citra causam scriptum est : *Non vidi iustum derelictum, neque semen eius querens panem*, rursum: *Non est inopia timentibus eum* . Et hoc quidem generatim, nam ob secretam aliquam causam Deo notam, aliud contingere queat, & interdum quoque contingit . Accedit huc quoque quod malè parta inediā aut non sedent, aut longo tempore non sedent: siquidem, quæ malis artibus parantur, raro sunt diuturna, aut stabilia, neque à fame, neque à morte liberant . Imo vero Dominus impiorum insidias, hoc est, opes, quas per insidias & imposturas contra famem coaceruauerāt, euertere & disperdere solet; nec hoc solum, verum illas ipsas quoque insidias, quas contra iustos eorumque vitam, atque fortunas struxerunt impij, dissoluit & in nihilum redigit.

4. *Egestatem operata est manus remissa, manus autem fortium diuitias parat.*

**V**erum enim verò licet Dominus animam iusti fame non facile affligat, attamen ut vitæ necessaria iustis præstet, illorum quoque laborem & industriam efflagitat; neque enim ille fert otium, aut ignaviâ, quippe cum manus remissæ & otiosæ non tantum rerum necessariorum inopiam, sed multa quoque vitia & peccata parere soleant. Sicut è diuerso sedulitas, labor, & industria legi & rationi consentanea, non solum magnarum opum, sed magnarum quoque virtutum causa existit, & cum omnis omnino manus ignaua hoc egestatis incommodum progeneret, tum ea maximè; quæ desidii causâ, quo commodius in otio vivere queat, fraudem in pondere vel mensura adiungit.

*Qui nititur mendacijs, hic pascit ventos, idem autem ipse sequitur aues volantes.*

**S**iquidem fraude vel dolo parca stabilitate carent, neque ad tertium heredem transmigrare solent; quamobrem qui in dolis vel mendacijs spem suam collocant, haud incommodè illis assimilantur, qui ventos obseruant, auesque testâ lutoque sectantur. Nam & operam perdunt, & prædam, quam venantur, non assequuntur, & seipsos ludibrio exponunt.

5. *Qui congregat in messe, filius sapiens est: qui autem sterit æstate, filius confusionis.*

**N**eque igitur otia dum, neque fraude utendum est, verum dum tempus commodum se offert, & facultas adest, impigrè laborandum est; siquidem is demum inter veros sapientiæ cultores censendus est, qui in æstate vel messis tempore congregat, hoc est, qui commodo & opportuno tempore singula transigit; nec enim omne tempus aptum est ad serendum, nec omne ad metendum, nec omne ad merendum; sed singula suum tempus habent, quod obseruandum est, & obseruare solitus est, quicumque vere sapiens est. Qui autem in æstate, hoc est, eo tempore, quo laborandum, merendum, studendum, vel aliud quidpiam eiusmodi faciendum erat, sterit, ille confusionis filius meritiò appellatur: nam & seipsum, & parentes suos pudore afficit: & tempore, quo singulis pro laborum & meritorum ratione merces soluetur, ad locum omni confusione & calamitate plenum publicè amandabitur.

6. *Benedictio domini super caput iusti: os autem impiorum operis iniquitas.*

**N**E olim ergo publicè confundaris, sed diuinis benedictionibus replearis, opibusq. & honoribus cumuleris, ne ignauo otio te dedas; sed strenuè, dum tempus & vires sinunt, labores: siquidem benedictiones Domini, hoc est, opes, honores, aliàque eiusmodi venire solent super caput viri iusti. Eiusmodi est, qui nondolo, aut fraude ad opes festinat; sed iusto sanctòq. labore rem facere, & augere contendit: tum ne ipsi desit, vnde viuat; tum maximè, quo in egenos liberalis esse queat. Est enim euidentis iustitiæ argumentum sua in pauperes liberaliter erogare. neque enim probabile fit eum aliena per iniustitiam rapere, aut inuadere, qui sua magnà benignitate in egenos dispertit. At vero os impij iniquitate & maledictione ita impeditum est, vt neque in suam defensionem, neque in aliorum accusationem illud aperire honestè possit. Sunt enim iniquitates illius manifestiores, quàm vt eas negare, aut dissimulare valeat. Si quàm tamen vià potest, tegere & infuari non dubitat; quamuis veritas tandem in lucem prodeat.

7. *Memoria iusti cum laudibus: & nomen impiorum putrescet.*

**N**Eque hoc solum inter iustum & impium interest, quod hic quidem probro afficiatur, miseriamque operiatur, ille vero benedictione repleatur; verum hoc quoque, inter vtrumque intercedit, quod memoria iusti vità iam defuncti, eiusdémque nomen & fama passim celebretur & decantetur, & ab omnibus benedicatur; nomen autem impiorum statim post mortem fordescit & aboletur, obliuioniq. traditur, vel certè cum summa illorum ignominia recolitur. Nam etsi tantisper, dum illorum iniquitas latet, aliquo loco habeantur: attamen vt primum in lucem prodit, apud veros sapientes continuo fordescit, & veluti fumus euanescit: vtpote omnis solidi fundamenti exfors.

8. *Sapiens corde præcepta suscipiet: stultus ceditur labijs.*

**P**orro autem inter sapientem & stultum, inter alia multa hoc quoque intercedit, quod sapiens præcepta & admonitiones vndecumq. profectas ex toto corde, totoq. animi sensu recipit, suisq. maioribus, siue illi parentes fuerint, siue præceptores, siue pastores, siue alij quicumq. magistratus, ex animo morem gerit: stultus autem, quæcumq. in buccam veniunt, temere statim effundit, labijs multis modis labitur & impingit, adeoq. promeritas

promeritas pœnas pendit. Inter stultos porro labiis meritò illos censueris, qui indocti ferulæque adhuc obnoxij, præcipiti motu ad alios docendum feruntur. Quare suis labiis subinde se cædunt, pœnæque reatu obstringunt; vtpote multa stulta & inepta profundentes.

9. *Qui ambulat simpliciter, ambulat confidenter: qui autem deprauat vias suas, manifestus erit.*

**Q**ui ambulat simpliciter, sincerè, candidè, & innocenter, maiorum mandatis citra magnam disquisitionem obtemperans, is ambulat confidenter: Siquidem innocentia, vitæque integritas ab ijs malis hominè reddit tutum securumque, quæ scelerati maleque sibi conscij continuò metunt. Quin eadem quoque innocentia vitæque puritas, innocentem de diuino auxilio contra dæmones aliàsque carnis vel mudi tentationes bene sperare iubet, qui autem vias suas prauas, obliquasque facit, hoc est, impurè sceleratèque viuit, deprehensus conteretur & euertetur; vt qui ab homine simpliciter perfectèque ambulante sit prorsus alienus.

10. *Qui annuit oculo, dabit dolorem: & stultus labijs verberabitur.*

**V**t is, qui oculorum niētū ad alterius perniciem abutitur, siue id faciat deridendo, siue factionis suæ socios in alterius detrimentum incitando, siue quouis alio modo oculorum nutu in alterius damnum abutendo, iustas suæ nequitix pœnas olim dabit; ita ille quoque, qui insanorum more labijs Deum blasphematur, aut alios lauciat, aut quauis aliâ ratione linguâ peccat, verbera & plagas apud iustum iudicem non euadet. Non est autem hic sermo de quouis oculorum nutu (licet namque citra vllum peccatum oculorum vel palpebrarum nutu, vel alio quocumque corporis gestu alteri aliquid innuere,) sed de illicito, hoc est, de eo, qui tēdit ad libidinem, vel ad amicitix simulationem, cū odium alioqui hæreat in pectore, vel in alterius exitium, vel ad aliud quodcumque peccatum.

11. *Vena vitæ, os iusti: & os impiorum operit iniquitatem.*

**V**t magnum operæ precium, imo verò magna sapientix & perfectionis pars in bono legitimèque linguæ vel oris vſu posita est; ita è diuerso magna perniciēs, magnæque stultitiæ portio in eiusdem abusu sita est: Etenim os vel lingua iusti est veluti vena quædam vitæ, aut fons viuientis aquæ. Nam vt ex puro fonte magnâ semper vbertate promanat pura & salutaris.

lutaris aqua, ad multos salutare usus utilis & necessaria; ita ex ore iusti salutaris doctrina, verbâque vitam conferentia fluunt: neq. enim aliud ex iusto & iustitia prodire potest, quàm iustum, sanum, & sanctum. Sicut è diuerso ex ore impij impuriq. hominis nihil exire solet, nisi impium & impurum. Interim ne habeatur impius, cuiusmodi re ipsâ est, nonnumquam ore pium & humilem se simulat, suamq. iniquitatem aliquo pietatis & religionis colore adumbrat, quam tamen pietatis laruam occasionem nactus, magnâ postea copiâ in aliorum perniciem eructat.

12. *Odium suscitatur rixas, & vniuersa delicta operitur caritas.*

**N**ihil peius, nihil funestius, nihil sceleratius existat odio. Nihil rursus melius, nihil sanctius, nihil hominum generi vtilius caritate: nam odium (vt quotidiana experimenta probant) leuissima de causa excitat lites, contentiones, rixas, bella, aliâque eiusmodi. Odium rursus omnia in deteriorem partem rapit, adeoque ex nullo peccato peccatum, ex paruo magnum, ex magno maximum facit. Odium denique omnia turbat & infestat; caritas contra lites & concertationes excitatas exstinguit, eadem omnia, etiam illa, quæ mala alioqui videntur, bene candidèque interpretari solet; caritas offensas, tametsi magnas, extenuat atque dissimulat; caritas tandem turbata & commota omnia mitigat, sedat, atque pacificat: est enim suâ naturâ patiens, benigna, mitis, affabilis. Quod si humana & politica caritas tâta facit & potest, quid non faciet caritas diuina? Rectè proinde dicitur odium suscitare rixas, caritas autem vniuersa delicta operire & obliuioni tradere, non solum propria, sed etiam aliena.

13. *In labijs sapientis inuenitur sapientia, & virga in dorso eius qui indiget corde.*

**C**eterum vt multum intercedit inter odium & caritatem; ita non parum quoque inter labium sapientis, & linguam hominis corde mentèque carentis: Siquidem in labijs viri prudentis & sapientis inuenitur prudentia & sapientia, quæ ipsius orationem exornant, & ipsum apud sapientes meritò commendant. At verò qui corde sensuq. destitutus est, ita loquitur, ita agit & tractat omnia, vt nihil nisi verbera & fustigationes mereatur, nihilq. aliud ipsi reliquum sit, quàm vt dorsum cædentibus præbeat. Quinimò sapientis lingua non ipsum solum commendat, sed fatuum quoque mentèque captum egregiè verberat: Neque enim secus sapientis orationem

tionem auersatur stultus, quàm fatuus virgam. In ore itaque & labiis sapientis querenda est prudens oratio, non in lingua stulti. Etenim vt in corde stulti nulla reperitur prudentia, nulla iustitia, nulla morum integritas: ita in ore eiusdem nulla inuenitur æquitas, nulla veritas, nulla honestas.

Quare vnicum hoc reliquum habet, nempe vt fatuorum, aut vilium mancipiorum more dorsum flagellis aptet. Quod si in hoc sæculo non vapulet, in altero sæculo plagas non euadet.

14. *Sapientes abscondunt scientiam: os autem stulti confusioni proximum est.*

**V**erum licet in sapientis corde & ore sapientia resideat, non semper tamen eam depromit; nouit enim, quando, quid, ubi, & quomodo loquendum sit. sermo namque, qui suis locis suisque temporibus, & coram idoneis auditoribus non profertur, tamen secundum se sanus & sapiens videatur, non est tamen eiusmodi, quia desunt, quæ adesse debebant. Abscondunt itaque & dissimulant nonnumquam sapientiam suam sapientes, ne quis falsò existimet sapientie esse speciem garrire, amentie vero interdum tacere; tum etiam ne suæ sapientie thesauros temere iactare videantur. Stulti vero quidquid sciunt, aut scire verius se putant, id totum statim citra delectum effutiunt. Quò fit, vt rubori, cladi, & calamitati sæpe affines fiât, seseque & alios in magnam quandòque miseriam & confusionem coniiciant; vt rectè hic à sapiente asseratur, stultorum os confusioni vel contritioni propinquum esse. Vix enim contingit, vt suo stultiloquio aliquam confusionem & contritionem sibi vel alteri non adferat.

15. *Substantia diuitis, vrbs fortitudinis eius: pauper pauperum, egestas eorum.*

**N**on par diuitis & pauperis est ratio, neque æqua vtriusque conditio; etsi interim vera in diuitis non sit posita felicitas, neque summa in paupertate rursus calamitas. Falluntur namque qui summum bonum in diuitis ponunt; falluntur æquè, qui opes nullum commodum, inopiam contra nullum incommodum adferre statuunt, adeoque omnem laborem omnesque honestas artes, quibus opes parantur, auersantur. Siquidem diuitie & facultates iustis laboribus comparatæ, tanquam validum propugnaculum diuitem ornatum iustitiâ aduersus omnem tempestatem muniunt. Certâ enim experienciâ constat, diuites opum præsidio à multis in-

eōmodis sæpe expediri. At vero inopia ex ignauia præsertim & turpi desidia nata, pauperem pavidum & consternatum, & quasi fractum mutumq. efficit; & multis præterea iniuriis & miseriis, à quibus diuites immunes viuunt, obnoxium reddit. Habetque discrimen hoc locus non solum rerum temporariarum copia & inopia, verum etiam in spiritualium bonorum penuria & abundantia; imò magis hic quàm ibi. Vt enim opum spiritualium inopia res est miserrima; ita earum copia res est felicissima, & aduersus omnem tentationem validissima.

16. *Opus iusti, ad vitam: fructus autem impij, ad peccatum.*

**O**Mne iusti studium, omnisque eiusdem conatus & opus tendit ad vitam: iustus namque conatur & laborat, non vt habeat, quo vitium quodcumque foueat, aut peccatum designet; sed ne defit, quo se suosque alat, & in egenos liberalis existat: prouentus autem impij totus vertitur in materiam peccati. Nam quidquid ille suo labore suaque industriâ comparare potest, hoc totum refert ad fastum & ponipam, ad luxuriam, & aliorum oppressionem, vel alia id genus vitia & flagitia. Impius itaque ex labore suo venatur mortem. neque enim aliud est querere peccatum, quàm querere mortem, iustus autem suâ industriâ querit suam aliorumque vitam.

17. *Via visa, custodienti disciplinam, qui autem increpationes relinquit, errat.*

**Q**ui custodit disciplinam & increpationem; illi aperta est via, quæ ducit ad vitam; qui autem increpationes non admittit, sed contemnit audireque respuit, is à tramite vitæ, veræque sapientiæ aberrat, adeoque per viam, quæ ducit ad mortem & stultitiam, ambulat. Nam vt duplex existat semita ad sapientiam & vitam, nimirum observatio disciplinæ, & oberrata admissa admissio reprehensionis, ita duplex quoque est via, quæ ducit ad amentiam & mortem; videlicet nolle audire salutarem doctrinam, & iustas rursus increpationes nolle admittere.



18. *Abcondunt odium labia mendacia: qui profert contumeliam, insipiens est.*

**V**T gemina exstat caritas: latens vna, altera manifesta; ita duplex quoque exstat odium: vnum apertū, alterū tectum. Hoc propriū est astuti hominisque, vafri & mendacis; illud stolidi mentēque capti. Labia hominis mendacis & callidi odium, quod in pectore fouent, astu tegunt atque dissimulant, quo sic commodius incautum hostem opprimant; at verò labia stulti odium, quo intus ardent, statim per conuitia & maledicta in lucem efferunt. Vterque tamen improbus & nequam est, & qui labijs mendacibus odium tegit, & qui per verba contumeliosa illud prodit: deterior est tamen, qui tegit, quàm qui prodit. Est enim res tæterissima, & à Christiano candore alienissima, in pectore fouere inimicitiam, ore autem gestuque externo simulare amicitiam.

19. *In multiloquio non deerit peccatum: qui autem moderatur labia sua, prudentissimus est.*

**M**agnum sapientiæ argumentum est, linguam scitè moderari nosse: magnum rursus ad vitandum peccatum præsidium hominem paucorum esse verborum. Siquidem in multiloquio, quod est vitium loquacitatis prauâ consuetudine contractum, non fa il: cauetur peccatum. Etenim in prolixa & garrula oratione facili negotio interuenit aliquod mendacium, aut verbum aliquod ociosum, aut vanum aliquod & detractorium, aut aliquid aliud eiusmodi. Quare Christus quoque non modò à familiari sermone; sed ab ipsa etiam oratione multiloquium abesse voluit. Qui igitur multa vitare peccata desiderat, multorumque offensionem declinare, prudensque potius & intelligens, imo etiam perfectus haberi, (*Qui enim verbo non offendit, inquit Iacobus, hic vir perfectus est*) parci circumspectique sit sermonis necessum est, suaque labia ritè moderetur oportet.

20. *Argentum electum, lingua iusti: cur autem impiorum pro nihilo.*

**V**T autem inter iusti & impij linguam latum discrimen intercedit; ita quoque inter vtriusque cor. Siquidem verborum qualitas cordis constitutionem sapit & refert. Scriptum est enim: *Ex abundantia cordis os loquitur*. Igitur vt lingua, & verba iusti sunt veluti argentum electum, igneque purgatū & exploratum; (quia & tersa sunt, & gratum sonum reddunt)

dunt) ita cor quoque, unde illa procedunt & tersum & purum est. Contra verò ut impiorum cor nullius est pretij & quasi nihil (nam omnino nihil esse non potest) ita illorum quoque verba nihil habent utilitatis, nihil quod ullâ laude aut commendatione dignum existat; imo verò multo plus damni & detrimenti adferunt verba impij, quàm commodi.

21. *Labia iusticiæ, udiunt plurimos: qui autem indocti sunt, in cordis egestate moriuntur.*

**A**T non talia sunt labia iusti; nam præter alia, quorum antea meminimus, sunt quoque ad erudiendum, verboque cœlesti pascendum aptissime idonea; & quidem ad erudiendum & pascendum eò sunt aptiora, quò à peccatorum maculis sunt purgatoria. Quò enim quisque est purior, eò, ut alios doceat, est aptior. Eapropter Christi seruatoris lingua ad docendum & erudiendum verboque vitæ pascendum fuit aptissima: utpote purgatissima, & ab omni dolo & fraude alienissima; Verùm saxeum Iudeorum cor, neque emollire, neque penetrare potuit. Quare etiam, ut stulti, in cordis sui egestate extincti sunt. Sicut hoc ipso etiam tempore ob eandem cordis duritiam multa mortalium millia emoriuntur. At stulti & indocti ob cordis inopiam, sensusque hebetudinem & amentiam, neque se ipsos, neque alios pascere norunt, nec, quod peius est, ab alijs pasci volunt; quibus proinde aliud nihil reliquum est, quam ut fame secundum mentem pereant. Qui enim se ipsum alere non potest, neque ab alijs vult ali, quid aliud illi superest, quam mors & interitus.

22. *Benedictio Domini diuites facit, nec sociabitur eis afflictio.*

**M**ulta exstant, quæ opes augere nata sunt; nam & labor & industria, & fauor Principum, & multa id genus alia diuitias conferunt, & honorem pariunt; verùm benedictio & liberalitas Domini ea demum est, quæ solidè ditat, hominesque verè beat, idque citra ullam propemodum curam & molestiam, quæ sane benedictio multis partibus omnem fauorem & gratiam humanam excedit; neque enim mundus ullum omnino ditat citra laborem, dolorem, & afflictionem. Constat namque mundanas opes non comparari absque labore & molestia; neque possideri absque sollicitudine & cura; neque dispensari absque timore & animi anxietate. Verùm hæc Dei benedictio non obtingit omnibus, sed illis vel solis vel præcipue, qui totâ fiduciâ in illum reiectâ, primum omnium regnum cœlorum & iustitiam

tiam eius sollicitè quærunt, & ea, quæ largâ Dei benedictione obuenerunt, liberaliter in egenos dispertiunt.

23. *Quasi per risum stultus operatur scelus, sapientia autem est viro prudentia.*

**S**Tulti insaniq̃ue homines ita ferè sunt comparati, vt flagitium quodcumq̃ue committere pro nihilo ducant; imo verò pro ioco habeant. Enimvero scelere patrato adedò non dolent, vt gaudio quoque gestiant, & tanquam re feliciter gestâ effusè nonnumquam rideant & exultent, neque id tamen magnopere admirandum. Nam cum rerum diuinarum notitiâ sint planè destituti, & in humanis turpiter occæcati, fit, vt bonum & malum, iustum & iniquum, fas & nefas eodem loco habeant. Iustum vero & bonû virum sapientia prudentem efficit: confert enim illi sensum & intelligentiam, lucemq̃ue, vt liquidò cognoscat clarèq̃ue perspiciat, quàm grauis & execrabilis res sit, quodcumq̃ue facinus datâ operâ patrare; quâto rursus eum salutis periculo sit coniunctum, in quocumq̃ue mortali crimine viuere. Etenim prudenter expendere, quàm fœda & periculosa res sit peccatû, & ad quantam miseriam & calamitatem tandem perducatur, hoc demum magnè sapientiæ, illustriq̃ue prudentiæ est opus.

24. *Quod timet impius venit super eum, desiderium suum iustus dabitur.*

**V**ERùm licet stulti impiiq̃ue homines quamdam ex sceleribus suis voluptatem capiant; ea tamen voluptas, neque pura, neque diuturna est. Quandoquidem, vt primum facinus aliquod designarunt, statim conscientia stimulis acti, ne promeritas pœnas luant, formidant. Id quod re ipsâ quoque, nisi mentem mutauerint, ipsis vsu venire solet, non in præsentî hac vita, vt sæpe accidit, at certè in altera. Siquidem pœna non secus consequitur noxium atque vmbra corpus assolet, exemplum huius accipe: furto commissio veretur fur, ne crimine patefacto capiatur, & in crucem agatur, vel aliâ pœnâ afficiatur, & ecce patefit, & capite pœnas pendit. Idem statuatur de adulterio, homicidio, ceterisque similibus. Alius sciens volensq̃ue malè agit, ne suo desiderio frustretur, & ecce frustratur. Sic Iudæi infontem Iesum occiderunt, veriti ne venirent Romani, & tollerent locum & gentem illorum, & ecce vi magnâ venerunt, & vtrumq̃ue sustulerunt. At iustorum causa longè aliter habet. Nam quidquid illi iuste à Deo petunt, hoc semper impetrant, vel aliudsanè, quod petita re vtilius & salutaris

est, hic quidem secundum meritum semper, ibi verò euentu certo & infallibili.

25. *Quasi tempestas transiens non erit impius, iustus autem quasi fundamentum sempiternum.*

**I**mpius omnisque illius impietas & prosperitas momentaneæ tempestati similis est; nam ut sæua tempestas initio terribilis apparer, vento tamen impulsâ citò dilabatur, furereque desinit, sic impij quoque sceleratique homines. Nam licet tempestatis more terrorem nonnullis incutiant, non diu tamen subsistunt; sed instar turbinis aut procellæ è vita, vel è prosperitate, propter quàm sæui & insolentes erant, excidunt. Hodie videntur aliquid esse, cras in nihilum rediguntur. Verùm iusti instar validi fundamenti perpetuò sibi constât, semperque florent, scilicet innitentes basi firmæ & immotæ, nimirum virtuti. Adhæc obortâ aliquâ tempestate vel aduersitate non cedunt, neque franguntur; sed in utrâque fortuna immoti consistunt, cum impius interim minimâ re aduersâ maximè moueatur & consterneretur.

26. *Sicut acetum dentibus, & fumus oculis, sic piger his qui miserunt eam.*

**S**icut acetum ingratum & insalubre est dentibus, & fumus oculis: ita nuncius ignauus, piger, & infidelis gravis & molestus est illi, qui eum miserat. Est enim res molestissima auidè magnòque desiderio expectare, & post diuturnam expectationem spe suâ frustrari. Qui ergo ab ea molestia immunis esse voluerit, vel nulli negotia sua committat, vel tantum fidis & idoneis nunciis.

27. *Timor Domini apponet dies, & anni impiorum breuiabuntur.*

**Q**uod autem impij non diu feliciter viuant, sed turbinis vel tempestatis more citò transcant, non vna est causa, potissima tamen videtur, quòd timore Domini abiectò liberè impudenterque quæuis flagitia & scelerata designant. Complura namque inter ea reperiuntur, quæ bonæ valetudini, bonæque corporis constitutioni multum aduersantur. Ceterum timor Domini non auget vitæ annos ob id solum, quod absterret à libidine & intemperantia, aliisque id genus flagitijs, quæ morbos generant, adeoque disponit ad vitæ diuturnitatem, maximè propter conscientie pacem & tranquillitatem, verùm etiam quia habet certam Dei promissionem. Nam pietas,

pietas, quæ à timore Domini seiungi nequit, promissionem habet vitæ, quæ nunc est, & futuræ. Timor itaque Domini auget vitæ dies, anni autem impiorum propter causas iam expositas, & breues sunt plerumque, & multum calamitosi.

28. *Expectatio iustorum lætitia: spes autem impiorum peribis.*

**V**T omne omnino agens tendit ad verum aut apparens aliquod bonum, ita omnes omnino homines tam probi & iusti, quàm improbi & iniusti sperant & expectant aliquod bonum. Verum hoc inter iustos & iniustos intercedit, quod horum spes plurimum frustretur, illorum autem plerumque impleatur, propter quod hi merito gaudent & lætantur, illi contra lugent & contristantur. Causa discriminis est, quia spes iustorum nititur certo firmoque fundamento, iniustorum autem nullo. Iusti adhuc spe feruntur in bona futura, quæ sunt æterna; impij autem in bona præsentia, quæ sunt fluxa & caduca.

29. *Fortitudo simplicis, via Domini: & pavor his qui operantur malum.*

**V**ia & lex Domini, per quam iusti ambulant, de quæ virtute ad virtutem progredi debent; donec in virum perfectum euadant, homini recto & simplici confert spiritus robur, animique fortitudinem & confidentiam; ita ut de Deo eiusdemque fauore & præsidio bene speret, cunctaque bona de eiusdem gratia, sibi promittat; eadem rursùm viâ, quæ piè operanti est veluti arx, validumque propugnaculum, malè operanti est pavor, animique consternatio. Nam & perditè viuentibus poenas interminatur, & eorundem conscientiam propter supplicia, quæ peccatoribus iam olim irrogata commemorat, grauius extertet. Est autem via Domini duplex. vna, quâ ipse venit ad hominem per gratiam, aut per iustitiam, aut seueritatem; per hanc quidem, si pœnitentiæ remedium respuerit, per gratiam vero si peccatum deseruerit. Altera, quâ homo per fidem, spem, caritatem, per pœnitentiam rursùm aliaque bona opera tendit ad ipsum, sicut ergò ex bona honestaque conuersatione & actione, viro integro accedit animi fortitudo & spiritus robur; ita improbo ex turpi & inhonestâ vita accedit terror & formido.

30. *Iustus in æternum non commovebitur; impij autem non habitabunt super terram.*

**I**ustus neque aduersis, neque prosperis mouetur aut conturbatur; sed in vtraque fortuna immobilis consistit: utpote Dei timore & futurorum spe munitus, & spiritalis structuræ fundamento validè firmatus, adeoque à terra illa, quam Deus diligentibus se promissit, numquam exturbabitur: impij verò neque viuentium terram incolent, neque hanc quoque crassam & caliginosam pacatè diu obtinebunt: sed, ut palea per venti turbinem solet, è medio illius auferentur, nullà vnquam ætate quieto pacatòque animo potituri. Sunt enim tanquam mare feruens & æstuans, semper inquieti. Verum neque illi tantum è terra melle ac lacte fluente auferentur; sed illorum quoque posterì, ne vllum prorsus illorū vestigiū amplius exstet.

31. *Os iusti percurret sapientiam, lingua prauorum peribit.*

**O**s iusti non erit sterile, neque infructuosum, sed veluti arbor fertilis, bonum lætūmque fructum proferet, nempe sapientiam, quæ & dicenti & audienti profit. Nam & sapiens audiens sapientior euadit. At prauorum & virtute steriliū lingua, veluti truncus inutilis excindetur, planèque interibit, ut quæ nihil fundat, nisi malum, & stultum, & à sapientia alienum.

32. *Labia iusti considerant placita, & os impiorum peruersa.*

**N**eque ratio huius obscura est; nam corda & labia iusti ea considerant scècūmque versant & medicantur, quæ sunt honesta, Deoque & hominibus grata, dantque de industria operam, ut illa proponant in medium, palamque proferant, quæ & veritati, & honestati, & suæ quoque existimationi sint consentanea. Contra vero os impiorum studio depronit peruersa, & inuoluta, & perplexa, vel meras verius inuolutiones & perplexitates; ita ut non faciliè intelligas quid velit, aut quò tendat.

A D  
CAPVT DECIMVM  
SCHOLIVM

P A R A B O L A E S A L O M O N I S .

**N**Ouus hic titulus ea, quæ hinc sequuntur propriè Parabolas esse innuit, nec alium, quàm Salomonem auctorem habere, indicium facit: nam hæcenus proposita familiares quædã admonitiones & exhortationes magis sapiunt, quam gnomas, aut parabolas. Quare multo quoque maiorem connexionem inter se habent, quam quæ hinc sequuntur. Quibus hoc quoque peculiare est, quod singuli versus singulis ferè antithesibus cõstant. Subindè hîc namque stultus & sapiens, stultitia & sapientia, iustus & impius, impietas & iustitia, diues & pauper, diuitiæ & paupertas, mors & vita, odium & dilectio, aliæque eiusmodi complura opponuntur.

1. *Filius sapiens lætificat. &c.* Sunt hæc ijs affinia, quæ dudum ante in medium proposuit. Nam ut suprà frequenter hortatus est filios, ut parentibus obediant, eorundemque præcepta obseruent ita hîc eosdem admonet, ne suâ stultitiâ & inobedientiâ tristitiam illis aiferant; sed suâ potius sapientiâ & obedientiâ recreare illos studeant. Ceterum lætitia ob filij sapientiâ tribuitur patri, tamquam altiori & digniori, magisq. conscio; tristitia autem matri, tamquam causâ. Creditur enim primis annis nimis filio indulgisse, nimisq. indulgentiâ illum deprauasse. Augetur hoc malum quod domi stultum ob oculos versantem semper habeat; & ea, quæ foris designat, maioraque re ipsa sunt, apud se existimat.

2. *Non prouiderunt thesauri. &c.* Opponitur hoc versu iustitia iniustitiæ, impietas pietati. Statuitur hanc à morte liberare, illam mortem conciliare, nihilque tandem prodesse: Nam siue iniuste pares opes, siue iniquè detineas, siue malè dispenles semper peccas, malumque tibi confas.

3. *Non affliget. &c.* Hic versus completur rationem præcedentis. Poterat enim quispiam dicere: Non amo fraudem, sed propter receptam inter negociatores consuetudinem, cogor aut fraude uti, aut inediâ perire. Ad hæc autè Sapiens: non ita res se habet. Deus namq. iustū fame perire nūquā permittet.

permittet. Præterea opes eiusmodi non subsistere, adeoque frustra comparari. Quidquid enim per insidias vel fraudem comparatur, hoc totum Deus subuertit.

4. *Egestatem. &c.* Excitantur hic ignaui & desides ad honestum laborem, eò quod hic opes & honores; desidia verò inopiam & infamiam pariat: opponitur hoc autem loco non strenuus tantum ignaro, sed candidus quoque doloso. Nam & pigri dolis uti solent, ne fame pereant. Potest autem hic locus ad utramque vitam referri, siquidem æterna quoque vita, ut labore acquiritur, ita negligentia & ignavia amittitur.

*Qui nititur. &c.* Hunc versum contextus Hebræus & exemplaria Latina emendatiora non habent; neque magnam quoque connexionem cum præcedentibus & proximè sequentibus habere videtur. Dicitur autem *ventos pascere*, hoc est, frustra laborare, oleumque & operam perdere, qui mendacijs nititur. Conueniunt hæc maximè in hæreticos qui suis mendacijs aliud nihil lucrantur, quam odium & infernum omni que, vento veluti leues palex agitantur.

5. *Qui congregat. &c.* Prouerbum admonet laborem adhibendum, dum tempus inuitat, & occasio se offert, & vires sinunt. Nam in altera vita non est locus merendi, aut tempus vtiliter laborandi, aut pœnitendi: Sicut nec in senectute quoque tempus est discendi, nec in hieme tempus ferendi, & sic de reliquis.

6. *Benedictio super caput. &c.* Omnibus bene precatur & vult viriustus, & omnes vicissim illi: omnibus idem necessariis affluit. Benedictio porrò hic tribuitur capiti, tamquam membro principaliori, hoc est, menti vel rationi. Per iustum autem designatur hoc loco in egenos misericors & liberalis, quâ benedictione & gratiâ impij destituuntur: ut qui omni maledictione sunt pleni, eumque in modum exsaturati, ut os aperire nec valeant, nec audeant.

7. *Memoria iusti cum laude. &c.* Opponitur hic rursus iustus iniusto. Differunt hoc autem inter se, quod iusti nomen sit celebre, & diuturnum; impij autem obscurum, & momentaneum, & cum infamia, quam diu durat, coniunctum.

8. *Sapiens corde. &c.* Committitur hoc versu sapiens cum stulto. Hi autem præter cetera hoc inter se discrepant, quod sapiens sapientiæ præcepta audit & recipit, stultus autem contemnit & negligit, idemque suis se labijs



labiis cædit; vt qui multa temere effundat, propter quæ pœnas postea luit.

9. *Qui ambulat simpliciter. &c.* Idem est hoc loco *simpliciter ambulare*, quod innocenter viuere, aut in vitæ integritate ambulare. Integre autem ambulant, qui, quod peccatum est, simpliciter præstant. Tales autem ambulant confidenter, quia propter bonum conscientiae testimonium, nullum periculum aut pœnam metuunt, vt scelerati, ceterique omnes, qui per fraudem vias suas deprauant, metuere solent.

10. *Qui annuit oculis. &c.* Hic vitium vitio opponitur verius, quam virtuti. Committitur enim innuens oculo cum stulto. Nam vt oculorum niçtu ad fraudem, vel aliorum detrimentum abutens, si deprehenditur, pœnas pendit; ita etiam stultus labiis, hoc est, temere quiduis effundens, propter suam morologiam grauiter sæpe vapulat.

11. *Vena vitæ. &c.* Aperitur hoc Prouerbio quantum situm sit bonum in lingua, quamque arduum sit verbo non offendere. Inter cetera autem comparatur hic os iusti venæ, vel fonti viuo: nam vt fons vitæ aquam semper profundit dulcem & salutarem; ita os iusti salutarem semper eructat doctrinam.

12. *Odium suscitât rixas. &c.* Assignat hic discrimen inter odium & caritatem, hæc rixas & tempestates sedat; illud bella & dissidia excitat: Caritas rursus omnia candidè accipit; odium contra omnia in sinistram partem rapit. Vnde quod hoc tempore tot in mundo exoriuntur rixæ, & odia, tot sectæ, schismata, nulla alia est causa, quam caritatis è mundo exilium. Tegere autem peccata, aliud nihil est, quam ea condonare vel dissimulare.

13. *In labijs sapientis. &c.* Opponitur hic stultus & sapiens. In huius labijs inuenitur sapientia; in illius dorso virga: hunc sapientia exornat; illum stultitia deformat. Mysticè, corde carent Iudæi, pagani, & hæretici, qui omnes, si non in hoc sæculo, in altero certè terga flagellis præbeant.

14. *Sapientes abscondunt. &c.* Non paræ sapientiæ pars est, scire quando, vbi, & quomodo loquendum vel tacendum sit; sicut è diuerso apertum stultitiæ argumentum est, quiduis temere effundere; paritque hæc temeritas magnam sæpe auctori suo cladem & ignominiam. Hoc ergò inter stulti & sapientis orationem interest.

15. *Sub Cantia diuitis. &c.* Assignatur hic differentia inter pauperem & diuitem : paupertatem & diuitias ; perstringunturque , qui minus rectè de utroque genere sentiunt. Nam ut errant , qui summum bonum in diuitiis , & summum malum in egestate ponunt ; ita errant quoque , qui diuitias quasi per se malas condemnant ; & paupertatem quasi secundum se bonam laudibus euehant : quia utrobique à medio ad alterum extremum receditur . Ceterum scopus Prouerbij huius est excitare homines ad honestum laborem , à desidia verò & otio absterre ; vel quid inter pauperum & diuitum conditionem intercedat exponere : Vel accusare diuites , qui spem suam in diuitiis ponunt , & pauperes rursum , qui propter inopiam animo franguntur .

16. *Opus iusti. &c.* Committitur hic iustus cum impio vel iniusto , qui sic differunt , quod hic totum , quod labore conficit , confert ad peccatum ; ille verò ad vitam & salutis materiam : nempe ut habeat , unde uiuat , seseque & alios alat .

17. *Via vita. &c.* Confert hic inter se hominem disciplinam custodientem , & hominem rursum disciplinam , vel eruditionem repudiantem , & increpationem contemnentem : hic vero errat , & vitam amittit ; ille neque errat , neque vitæ iacturam facit .

18. *Abfcondit odium. &c.* Stolidus & callidus hoc præcipuè inter se discrepant , quod callidus per mendacia variaque commenta odium , quod in pectore fouet , dissimulet ; stolidus autem venenum , quod in corde gestat per conuitia statim eruat ; uterque tamen malus & stultus est ; quia omnis omnino peccans & malus & ignarus est : at prudentior secundum sæculum habetur , qui odium dissimulat , quia qui illud propalat , re ipsa est altero peior . Discimus hinc in eius lingua non hære veritatem , in cuius pectore non habitat caritas .

19. *In multiloquio. &c.* Crebrò Sapiens versatur circa linguæ vitia & peccata , quia difficile est multa , præsertim non necessaria effutire , neque tamen vniquam impingere ; atque hic illud docetur .

20. *Argentum electum. &c.* Perseuerat sapiens in iustæ linguæ commendatione , & peruersi cordis detestatione . Comparatur autem sermo iusti argento probato & explorato ; nam & à sordibus repurgatus est , & sonitum edit iucundum , auribusque gratum . Sermo autem , & cor impij modicum boni habere dicuntur , Nam integrè mala esse non possunt : alioqui se ipsa

se ipsa destrueret, modicum autem pro nihilo reputatur. Quare cor impij simpliciter malum vel nihilum dici potest.

21. *Labia iusti. &c.* Iterum iustorum linguam extollit, inter cetera autem bona pascendi, docendique munus illi tribuit. Verum ociosum hoc linguæ officium est, nisi adsint, qui doceri erudiri que velint. Indocti enim & stulti in cordis ariditate & egestate moriuntur, quia verbo Dei se pasci non sinunt.

22. *Benedictio Domini. &c.* Magna diuinæ benedictionis vis est, ut quæ pietati & misericordiæ operibus deditis omnia, quibus præbens hæc vita indiget, citra ullam curam aut molestiam statim subministrare queat & soleat; hoc autem nullus mundi huius fauor, aut benedictio valet.

23. *Quasi per risum. &c.* Prius huius loci membrum est clarum: significatur enim stultum scelus quoduis admittere pro nihilo ducere, imò vero lætari, posteaquam admisit. Posterius subobscurum est, videtur tamen innuere sapientiam viro iusto prudentiam, hoc est, sensum vel lumen asferre, ut cognoscat quàm periculosum & detrimentosum sit quodcumque scelus patrare.

24. *Quod timet impius. &c.* Hoc dictum multis exemplis probari posset, si opus esset; nec infirmat hunc timorem, quod stulti cum risu & voluptate peccare dicantur: quia licet tam ante factum, quàm in ipso etiam facto gestiant, postea tamen aliter sentiunt. Iusti tamen desiderio suo potiuntur, quando id salutis illorum expedit. Fit hic autem comparatio inter bonum & malum, iustum & iniustum: hic timet malum & euenit; ille cupit bonum, & accipit.

25. *Quasi tempestas. &c.* Comparat impium turbini, vel tempestati transeunti, quia plerumque non diu subsistunt; sed statim instar folij, quod vento rapitur, è medio tolluntur: & licet diu uiuant, & prosperè uiuant, attamen tota hæc vita vnum tantum momentum est. Iustos autem fundamento firmo assimilat, nam licet hic affligantur, postea tamen æternum viuunt. differunt hoc quoque, quod impij minimâ obortâ tempestate statim frangantur, iusti autem in omni fortuna immoti persistant.

26. *Sicut acetum. &c.* Docet pigros infidosque nuncios magnam molestiam ijs adferre, à quibus mittuntur, adeoque qui eâ molestiâ carere voluerit, fidos diligentesque nuncios mittere debere; missos rursus ne mittentes affligant, ad omnem diligentiam obligatos teneri. Aduertant hoc virorum Principum Legati vel Commissarii.

27. *Timor Domini. &c.* Docet qui Dominum timent vitam fortiri plenique longam; impios contra tempestive à medio tolli. Siquidem impietas & iniustitia non tantum spiritali vitæ obsunt, sed animali quoque & sensibili. Nam & animam turbant, & corpus sæpe vulnerant, & multas citæ mortis occasioneſ offerunt; quibus omnibus incommodis pij iustiq. viri carent. Quare & hic diuturnam sæpe, & ibi perpetuam ducunt vitam.

28. *Expectatio iustorum. &c.* Vt iusti omnes desiderio tendunt ad bonum, ita impij quoque. verum bifariam inter se discrepant: iusti namque semper feruntur ad verum bonum; iniusti vero non semper. Rapiuntur enim non raro ad bonum apparens, spes rursus vel expectatio iustorum non fallitur; impiorum autem sæpe fallitur, atque ita hi dolent, illi gaudent.

29. *Fortitudo simplicis. &c.* Per viam Domini intelligitur lex vel mandatum Domini: per hæc enim iustus gradiens crescit in virum perfectum, & assequitur spiritum robustum. Eadem lex vel via est pavor impiorum, quia legis transgressoribus supplicium interminatur.

30. *Iustus in æternum. &c.* Differunt rursus iustus & iniustus: quia huic nullus in terra est locus stabilis; nam tum etiam, cum firmiter consistere videtur, animo nutat & fluctuat; ille autem in vtraque fortuna semper est firmus, & constans.

31. *Osiusti. &c.* Iterum ad linguam eiusdemque munus regressus, sapientes peculiarem linguæ curam habere docet. Curent namque, ut ea tantum loquantur, quæ sapientiam augment, veræque sapientiæ magistrum arguant. At lingua pravorum, quod futilis sit, tandem interit & evanescit.

## PARAPHRASTICA

### CAPITIS VNDECIMI EXPLANATIO.

1. *Statera dolosa abominatio est apud Deum, & pondus æquum voluntas eius.*

**M**ultæ fraudum & imposturarum sunt species, multa iniquitatum & iniuriarum genera, quæ omnia Deo summopere displicent; verum inter cetera ea maximè execratur, quæ sub iustitiæ specie designantur; qualia sunt, quæ committuntur in pondere & mensura. Nec iniuriâ,

injuriam, siquidem vnum hoc peccatum cedit in magnam pauperum totiusque populi iniuriam.

2. *Vbi fuerit superbia, ibi erit & contumelia: vbi autem est humilitas, ibi & sapientia.*

**N**on eiusdem est rationis diuina & humana sapientia, hæc enim superbia & arrogantiam adiunctam habet; illa ab humilitate numquam seiungitur. Superbus quocumque se vertit, alios præ se despicit; indicat enim eò, quod supercilium erigit, se parem non habere: sapiens autem cum humilibus & mansuetis lubenter & familiariter agit. Verè enim sapiens expendit, quàm nihil sit totum, quod adest, si cum eo conferatur, quod deest; atque ita submissè de se sentit, neque vllum contemnit. Quia ergò superbus omnes contemnit & despicit, iusto Dei iudicio fit, ut ab omnibus vicissim contemnatur. Proinde ut superbia numquam est absque contumelia, ita humilitas numquam est absque sapientia & vice versa.

3. *Simplicitas iustorum dirigit eos, & supplantatio peruersorum vastabit illos.*

**S**implicitas & candor dirigunt iustos, & quidem eà felicitate, ut & improborum insidias inoffensè euadant, & suos conatus ad prosperum exitum deducant. At impiorum peruersitas (quà nimirum alios euertere & supplantare conantur) ipsoismet euertit & destruit. Cadunt namque in foueam, quam aliis aperuerant, capiunturque suismet ipsorum retribus & laqueis.

4. *Non proderunt diuitiæ in die ultionis: iustitia autem liberabit à morte.*

**Q**ui in ultionis vel indignationis die à morte & condemnatione liber esse desiderat, ille dolosam stateram, omnemque prorsus iniustitiæ & iniquitatis viam & rationem prorsus abiiciat; iustitiam autem veram, & æquitatem in omnibus, & cum omnibus exerceat. Quandoquidem diuitiæ malis artibus, & cum pauperum & ciuium iniuria partem in die ultionis sacculoque futuro nihil proderunt, nec à morte te liberabunt; imò vero iustæ damnationis tuæ testes & causæ erunt. Abiecta proinde & explosæque omni iniquitatis specie, stude iustitiæ & æquitati: ea enim vna est, quæ liberat, ab anima & corporis morte. Nec illius tantum iustitiæ cultui incumbere, quæ versatur circa contractus, sed illius præcipuè, quæ circa debitum egenorum

sub-

subsidium & alimentum iuxta illud : *Facite vobis amicos de mammona iniquitatis.*

5. *Iustitia simplicis dirigit viam eius : & in impietate sua corruet impius.*

**Q**uemadmodum simplicis perfectique viri iustitia & probitas, viam eius omnesque vitæ illius actiones ad eum modum dirigit, ut ab omni malo & incommodo tutus prosperè ubique fortunatèque in omnibus procedat ; ita impietas de vno peccato impium præcipitat in aliud, de vno rursus periculo & infortunio in aliud trahit, ita ut numquam cadendi finem faciat, donec tandem omnino pereat. Atque hoc totum quotidianæ experientiæ fides aptè confirmat.

6. *Iustitia rectorum liberabit eos : & in insidijs suis capiuntur iniqui.*

**V**t ille qui iustè perfectèque incedit citra terrorem & offensionem per vitæ huius viam deducitur, vitæque præsentis periodo absolutâ, ab æterna morte liber, ad cælestem patriam transferitur, ita iniqui insidijs, quas alijs machinantur, capiuntur, captique ad sempiterni ignis supplicium abripiuntur. Rursus, ut illi, qui opes iustè comparant, iustèque comparatas liberaliter in egentes erogant, à morte liberantur : ita iniqui propter legis prævaricationem mortis retribus inuoluuntur.

7. *Mortuo homine impio nulla erit : vltimâ spes, & expectatio sollicitorum peribit.*

**Q**uemadmodum homini impio per mortem adimitur omnis spes gratiæ & gloriæ, voluptatumque, & reliquorum omnium, in quibus ante confidebat, aut quæ falso sibi promittebat, ita etiam in morte, & per mortem sollicitorum, hoc est, hominum avarorum, interit omnis illorum spes & expectatio. Nam ut ipsæ opes, quas tantâ sollicitudine & labore parauerant, tantâque tenacitate & anxietate asseruauerant, ipsos tunc deserunt, vel ab ipsis veriùs avaris tunc deferuntur, ita quoque totum commodum totumque præsidium, quod ex opibus illis vanè expectauerant, stultèque sibi polliciti fuerant, ijs intercipitur. Miseri proinde, & ter infelices, qui in opum copia spem suam collocant, aut auarè, usque ad vitæ finem illas asseruant. Si igitur impij & avari sapiunt, sibi que bene consultum volunt, tempestiuè resipiscant ; quia post mortem neque vitæ, neque veniæ spes vlla reliqua erit.

8. *Iustus de angustia liberatus est, & tradetur impius pro eo.*

**M**ultæ sanè iustorum in hac vita sunt cruces, multæ vexationes & afflictiones; propterea omnes, qui piè volunt vivere, variis miseriis & cladibus subiici solent: verùm tandem aliquando, cum nimirum per famem, pestem, morbos, aliaque eiusmodi incommoda, quantum sat est, expiati & exerciti fuerint, ab omnibus angustis & crucibus liberati, læti hinc in æternam illam requiem, pacemque & tranquillitatem transferentur, sempiternam ibi cum Deo vitam acturi. Contra verò impij in bonis plerumque varijsque delicijs & voluptatibus transigunt dies suos, & in puncto ad inferos descendunt, extremam miseriam & calamitatem in omne ævum istic perpassuri. Iusti itaque tristitia sortiuntur exordia, sed exitum lætum: impij contra & peccatores læta & iucunda habent initia, sed infelices planèque infausi fines. atque ita rectè hic dicitur impium tradi pro iusto; quia dum uterque ad finem pergit, iustus liberatur à dolore & angustia, impium autem dolores & angustia excipiunt; eaque ratione alter alteri videtur succedere. Impius enim succedit iusto in cruciatu & afflictione, iustus vero impio in gaudio & oblectatione. Succedunt alià quoque ratione impij iustis, siquidem in mala, quæ alijs intentant, ipsi frequenter incidunt.

9. *Simulator ore decipit amicum suum, iusti autem liberabuntur scientiâ.*

**Q**ui quietam pacatamque vitam ducere instituunt, non ab illorum solùm consortio & consuetudine abstinere, seseque continere debent, qui apertè scelerati, aut aliàs imputi sunt: verùm ab ijs etiam, qui amicitia & sanctimonie speciem præ se ferunt, cum intrinsecus tamen sint hostes & imputi. Siquidem eiusmodi simulators blando ore adulatoriâque oratione incautos decipiunt, &, quod in illis est, funditus perdunt atque evertunt. Verùm iusti per scientiam, quàm divinitus acceperunt, vet ex sacris literis hauserunt, facili negotio ab eiusmodi adulatorum fraudibus & imposturis sese expediunt. Inter omnes autem hypocritas & simulatores omnium nequissimi & periculosissimi sunt hæretici. Quamobrem qui illorum dolos & laqueos evadere volunt, spiritu & Scripturarum scientiâ instructi sint oportet.

10. *In bonis iustorum exaltabitur ciuitas: & in perditione impiorum erit laudatio.*

**A**Equè perniciosum & periculosum est probos opprimere, & improbos exaltare, quapropter ciuitas legibus & moribus bene instituta, propter iustorum prosperitatem & exaltationem lætari, festumque & lætum diem agitare solet. exaltantur autem & florent cum ad honores & magistratus euehuntur; vel cum præmia suis virtutibus digna consequuntur. Pari modo cum impij sceleratique homines è medio tolluntur, vel iustis suppliciis afficiuntur, eadem ciuitas tamquam à communi peste liberata, gaudet atque exultat & vtrumque æquissimo iure.

11. *Benedictione iustorum exaltabitur ciuitas, & ore impiorum subuertetur.*

**N**Ecmirum sanè, cum probi integrique viri ad honores & magistratus euehuntur, impij verò exauctorentur, vel à ciuitate omnino profligantur, commune totà passim ciuitate gaudium exoriri. Quippe ob iustorum benedictionem & promotionem ciuitas crescit & floret, (boni namque quidquid à Deo acceperunt id totum in vsum & commodum ciuitatis conuertunt.) At peruerso impiorum ore peruertitur & cõturbatur, & tandem omnino perditur. Imo verò non solum ciuitates & familiæ impiorum & sceleratorum hominum dolis, insidiis, & seditionibus turbantur & euertuntur, sed integra interdum regna. Sane Ecclesia à nullo vmquam tyranno grauiora passa est, quam ab improbis hæreticorum dolis & seditionibus.

12. *Qui despicit amicum suum, indigens corde est: vir autem prudens tacebit.*

**M**VLtæ sunt veræ amicitiae partes, multa eiusdem officia, & munia; inter quæ principatum ferè tenet vitiorum, quæ in illis nonnumquam obseruantur, quibuscum familiariter viuimus, dissimulatio. Inciuile est namque nimis accuratè in amicorum mores inquirere; aut ob aliquod vitium casu in illis obseruatum, eos statim repudiare, vel contemnere. Quinimo veri amici, hominisque prudentis vocabulo indignus est prorsus, qui ob leuem aliquam noxam amicum statim despicit; prudentis est autem, siquid in amico animaduertitur, quod naturâ suâ stomachũ mouet, illud dissimulare, candideque  
inter-



interpretari, hoc est, cogitare eum qui lapsus est, hominem esse, te quoque, etiam si nunc stes, labi aliquando posse.

13. *Qui ambulat fraudulentè, reuelat arcana: qui autem fidelis est, celat amici commissà.*

**A**liud veri syncerique amici munus est, secretum ab amico commissum nulli temere manifestare; sed bonâ fide illud retinere & custodire. Quamobrem si quis alterius secretum, aut commissam patefacit, is delatorem & susurrionem agit verius, quàm amicum. Vt qui secundum veræ amicitie leges nequaquam ambulet; neque syncero, sed fraudulentò fictoq. animo cum amico versetur. Quare nec dignus quoque est, qui inter veros amicos habeatur. At qui rem secreto sibi commissam celat, ille demum fidelis & fidus amicus est, quæ igitur secreta manere volumus, non citra delectum cuius committamus, sed viris probis & fide dignis.

14. *Vbi non est gubernator, populus corrumpitur: salus autem, vbi multa consilia.*

**N**illum regnum, nulla respublica, nulla hominum multitudo diu salua consistere potest, si prudenti cordatoque consilio & duce destituitur: populus enim sine certò duce certisque legibus in officio contineri non potest; imò vero nisi plurimum consilio & auctoritate compescatur, domi forisque omnia turbat & miscet, vbi ergo nulli sunt gubernatores, nulla consilia, nullus ordinarius & legitimus magistratus, ibi populus necessario pessum vadit, & in summam miseriam præceps ruit. Contra vero vbi matura consilia vigent, vbi legitimus, & ordinarius habetur magistratus, cui populus ex animo obsequitur; ibi plebs vnà cum magistratu totaque respublica & ciuitas floret & viget, virisque & incrementa quotidie sumit.

15. *Affligetur malo, qui fidem facit pro extraneo: qui autem cauet laqueos securus eris.*

**Q**ui vitam pacatam & à curis vacuam ducere desiderat, is temerè pro alieno ne spondeat. Nam qui pro altero spondet, aut fidem suam pro altero quocumque temerè obligat, is afflictione affligetur, hoc est, magnâ molestiam & curam experietur, rerumque suarum magnam sæpe iacturam patietur, experimenta sunt in promptu. Nam si periculosum, &

stultum est pro quocumque spondere, quanto magis pro ignoto & peregrino. Qui igitur à sponfionis laqueo aut fideiussionis vinculo sibi cauet, is à multis periculis, curis & incommodis se liberat, vitamque multo quietiorem & pacatiorem, quam si fideiussisset, transigit. Quod si pro debito pecuniario nemo tutò spondet, multo minus pro aliena salute tutò quispiam se obligat.

16. *Mulier gratiosa inueniet gloriam, & robusti habebunt diuitias.*

**V**ir mulier venusta virtutibusque ornata meritò in precio & honore apud omnes habetur: ita viri strenui & in labore impigri, magnas haud difficulter consequuntur opes; & per hæc publicos honores & magistratus: siquidem honor perinde ferè comitatur diuitias, atque umbræ crassiora corpora. Vt honores comitantur opes, ita laborem & industriam consequuntur opes. Qui ergo forti infractoque, & laborum patienti sunt pectore, illi facili negotio ad opes & honores pertingunt. Est autem hic sermo de opibus iusto labore partis; nam quæ per vim vel fraudem comparantur, ignominiam & cladem adferunt frequentius quàm honorem.

17. *Benefacit animæ suæ vir misericors: qui autem crudelis est, etiam propinquos abiicit.*

**C**auendum est proinde ne propter incensum opum desiderium aliquid committamus, quod oblit animæ. Nam qui sibi crudelis est, quomodo in alios misericors & benignus erit? Nihil sanè iniquius, nihil stultius, nihil crudelius, aut à ratione alienius, quam quocumque scelere aut iniquitate animam suam perdere, & proprium nihilominus corpus grauitè offendere. Qui ergo secundum se iustus, & in egenos misericors & benignus est, is non tam alijs, quàm animæ suæ benignè facit. Qui autem crudelis, hoc est, propter inexplebilem habendi sitim, omnem humanitatem exuit, etiam propriam carnem negligit, nedum alienam: vel quia propriū genium propter avaritiā defraudat, vel quia avaritiā prorsus occæcatus & induratus, proprijs quoque amicis & cognatis debitum eleemosynarū præsidium denegat. Benignus itaque & animæ, & corpori benignè facit, crudelis autem neutri; imò animam & corpus ex æquo vexat, hoc quidem per famem, illam verò per nimiam sollicitudinem mortalisque peccati plagam.

18. *Impius*

18. *Impius facit opus instabile: seminanti autem iustitiam merces fidelis.*

**I**mpius & legis prævaricator facit opus mendax, & vanum, & instabile: quippe quod finem & scopum, in quem tendebat, non assequatur. At viro, qui iustitiam seminat, merces certa & firma olim obtinget. Neque enim aliud metere potest, qui seminat in spiritu, quàm vitam æternam: sicut è diuerso qui aliud non seminat, quàm carnè carnisq. illecebras, aliud metere non solet, quam carnis corruptionē. Pari modo, qui bonam & sanam doctrinam seminat, gloriæ palmam pijs Doctoribus promissam certò adipiscetur, qui autem adulterinam & spuriam, promeritam dependet pœnam. Idem statuatur de alijs operibus ex bono vel malo fonte ortis.

19. *Clementia preparat vitam: & sectatio malorum mortem.*

20. *Abominabile Domino cor prauum, & voluntas eius in ijs qui simpliciter ambulant.*

**E**tenim clementia, iustitia, vitæ integritas, aliæque eiusmodi homini sternunt viam ad vitam æternam. Contra verò nequitia, vitæque improbitas, & malitiæ studium aditum ad mortem aperiunt. Nam vt ille, qui studiosè sectatur iustitiam, rectè tendit ad vitam; ita ille qui datâ operâ prosequitur malitiam vel iniustitiam, mortem sibi accersit vltionem; quam Deus certò illi illaturus est, qui peruerso corde incedit, improbitatēque de industria sectatur. Siquidem nihil exstat, quod æquè ille excretur, atque cor prauum & peruersum; eiusmodi illud rectè dici potest, quod non ex inscitia, aut infirmitate peccat, sed ex malitia. Sicut è diuerso præ ceteris illos diligit atque complectitur, qui perfectè & simplici corde per viam mandatorum incedunt, ipsique sincero animo seruiunt. Nam vt omnis simulatio & hypocrisis ipsi summopere displicet; ita vice versâ animi candor & sinceritas apprimè illi grata est, & placet.

21. *Manus in manu non eris inuicem malus: semen animam iustorum saluabitur.*

**E**t si autem improbi inter se contra iustum conspirent, datisque dexteris mutuam operam contra iustī salutem sibi inuicem polliceantur, iusto tamen eiusdemque semini nullum prorsus detrimentum adferent, & ipsi interim iniquam illam contra infontem conspirationem, impune non ferent, quippe qui apud Deum graues suo tempore pœnas luent.

22. *Circulus aureus in naribus suis, mulier pulchra & fatua.*

**Q**UOD circulus aureus est naribus suis, hoc pulchritudo aut formæ venustas est fatuæ mulieri. Neutri enim cōuenit ille ornatus, quia neuter eo rectè uti nouit. Nam vterque turpi cœno illum maculat. Sus quidem materiali, mulier verò spiritali, fœdis nimirum vitiis atque flagitijs. Siquidem elegantia formæ in causa est, ut à multis lasciuis ad concubitum expetatur, cum ipsa autem mente careat, nullo ferè negotio expugnatur, & in libidinis cœnum præceps agitur.

23. *Desiderium iustorum omne bonum est: præstolatio impiorum furor.*

**O**MNE iustorum desiderium fertur in bonum, maximè vero in Deum in quo summatim continetur omne bonum. Nam quidquid absolute desiderant, hoc totum ad Dei honorem, suamque salutem expressè vel tacitè referunt; at verò impiorum studium totum intentum est ad maleficium. Nihil enim què desiderant, atque aliquam malefaciendi ansam sibi offerri, suâque spe frustrati incenduntur, & furunt. Quamobrem nihil expectandum illis restat, quàm iræ diuinæ indignatio & pœna. Nam ut iusti propter bona opera, piâque desideria meritò expectant præmium & mercedem; ita illi propter sua maleficia, improbâque voluntatem, iure aliud nihil expectare possunt, quàm iram & vindictam, maximè eo die, quo viuentium & mortuorum Iudex dicturus est, *Discedite à me maledicti.*

24. *Alij diuidunt propria, & ditiores fiunt: alij rapiunt non sua, & semper in egestate sunt.*

**S**UNT qui propria liberaliter in egenos distribuunt, & ditiores euadunt: Siquidem qui benè pieque dispensat, dignus est qui alia & alia subinde, quæ in miseros erogat, à Deo accipiat. Sunt è diuerso qui rapiunt aliena siue id faciunt per vim vel rapinam, ut fures & latrones; siue per fraudem & imposturam, ut auari mercatores; siue aliâ quâcumque iniquâ viâ & ratione, & semper cum egestate & penuria conflitantur. Quandoquidem malè parta malè plerumque dilabuntur,

25. *Anima qua benedixit, impinguabitur: & qui inebriat, ipse quoque inebriabitur.*

**Q**ui omnibus bene precatur, de quibus bene mereri conatur, varijs Dei donis & gratiis cumulabitur: siquidem anima benedictionis, hoc est, liberalis, & in pauperes benigna impinguari, diuinis quæ donis & beneficiis angeri & dilatarì solet. Pari modo qui alios inebriat vel exsatiat, siue id faciat salubri potu & escà, siue salutari doctrinà. (Vtroque enim modo fieri potest) vicissim satiabitur & cœlestis gratiæ rore irrigabitur.

26. *Qui abscondit frumenta maledicetur in populis, benedictio autem super caput vendentium.*

**N**on modo in dando & retinendo misericordia & crudelitas locum habent; verum etiam in vendendo & non vendendo, quando illud opus est. Quamobrem ut illi, qui famis tempore frumenta vel alia quæcumque, quorum inopiâ publicè laboratur, ne miseria pauperes opprimat, promptè alacriterque vendunt, veluti benigni & misericordes benè apud omnes audiunt, largamque Dei benedictionem consequuntur; ita è diverso, qui publicâ inediâ grassante frumenta, vel alia vitæ huius præsidia abscondunt, neque iusto precio vendere volunt, veluti crudeles & inhumani in grauem Dei indignationem, communemque hominum maledictionem incurrunt, & merito. Tântum namque absunt ab ea caritate & beneficentia, quâ illa, quæ nobis ad vitæ necessaria non sunt, necessitatis tempore gratis in egenos erogare obligamur, gratis erogent, ut ne precio quidem iusto vendere animum inducant, sed in aliorum damnum & detrimentum mordicus apud se retineant. Imò comperiuntur interdum, qui corrumpi malunt, quàm communi precio vendere.

27. *Bene consurgit diluculo qui quærit bona: qui autem inuestigator malorum est, opprimitur ab eis.*

**Q**ui bonum quærit, bonisque operibus insistere pergit, idque non tepidè & oscitanter, sed feruidè & ex animo, eaque de causa summo diluculo exsurgit, illud quærit quod suo postea tempore magno ipsi vsui erit, plurimumque placebit; qui autem sectatur malitiam & improbitatē, malum

malum quod sectatur, tandem inueniet; sed maximo suo incommodo; At neque suum tantum commodum querit, qui mane quærit bonum, sed simul quoque Dei fauorem & beneplacitum; à quo proinde amplissimam olim mercedem est recepturus. Sunt enim Deo gratissimi, qui in bonis operibus maximè verò misericordiæ & caritatis officiis strenuè sese exercent.

28. *Qui confidit in diuitijs suis corruet, iusti autem quasi virens folium germinant.*

Cum diuitiæ res sint naturâ suâ fluxæ & instabiles, præ ceteris autem illæ, quæ malis artibus, aut per iniusticiam parantur, aut nimis quoque sordide & auarè detinentur; quicumque spem suam in illis collocat, magnæ utique ruinæ sese exponit: adeoque nisi consilium mutet, certò tandem corruet; iusti autem veluti folium semper virens, perpetuo germinant; ut qui operibus misericordiæ, alijsque pietatis officiis semper intenti sint: neque tamen in hisce operibus spem suam ponunt, sed in sola Dei misericordia. Comparantur autem iusti folijs virentibus, & non folijs simpliciter, quia impij quoque assimilantur foliis, sed aridis & deciduis, quos ventus abripit.

29. *Qui conturbat domum suam, perisolebit ventos; & qui seruatus est seruiet sapienti.*

UT autem magna amentia est, diuitias nimis ardentè amare, aut spem suam in illis collocare: ita insignis quoque fatuitas est, opes, ceteraque, quibus familia seruat, & augetur, temere dissipare, aut nullam prorsus rei familiaris curam habere. Neque enim aliud illi reliquum fiet, qui rem suam studio dissipat, aut stultitiâ suâ domum conturbat, quàm ut vento se pascat, remque nullius momenti heredit: nec non viri sapientis (cuiusmodi est, qui sapientiam suam stolidè non iactat, neque ostentat, sed prudenter dissimulat) seruitutem tandem subeat.

30. *Fructus iusti lignum vitæ: & qui suscipit animas, sapiens est.*

FRUCTUS iusti est veluti arbor vel lignum vitæ; quia palato non modo suauis, & gustui gratus est, sed immortalitatis quoque dator atque largitor est; offert autem eam suauitatem non ipsi iusto tantum, sed reliquis quoque, qui ex fructu illo vel arbore illa vitæ degustant. Nam sapiens (qualis omnis omnino iustus haberi potest, non sibi tantum prodest; sed ijs quoque, quorum animas suâ sapientiâ bonæque vitæ exemplo Christo lucratur. Quamobrem, qui eiusmodi est, iure optimo sapiens appellatur.

Siquidem

Siquidem animas amanter suscipere, deque iis, quæ ad salutem necessaria sunt, commodè instituere, magna citra omnem controuersiam est sapientia. Nam qui sic eruditur, ex viro iusto & sapiente, tamquam ex ligno vitæ, veræ vitæ fructum accipit.

31. *Si iustus in terra recipit, quanto magis impius & peccator?*

**S**i iustus, qui legis mandatum numquam præuincatur, propter leues quosdam lapsus, citra quos ferè non uiuitur, multas in hac vita cruces & calamitates experitur; proque lapsuum ratione & qualitate supplicium in terra dependit; quanto iustius vir impius & peccator istiusmodi incommoda in hac vita patietur? Quo vel hac ratione ab improbitate resipiscat, vel si resipiscere nolit, æternas pœnas hic prægustare incipiat; Si, inquam iustus simpliciter, secundum quid autem iniustus, ob leuia quædam errata grauitur hic sæpe punitur, quanto magis iniustus & impius simpliciter, propter nefaria peccata punitur? Vel iuxta Lxx. editione: *Si is qui iustus putatur, citra crucem non saluatur, impius tandem & peccator ubi manebunt?*

## A D

## CAPVT VNDECIMVM

## S C H O L I V M.

1. **S***Tatera dolosa. &c.* Hoc capite varij iustitiæ modi & species, vitiæque eisdem opposita proponuntur & exponuntur; ante omnia autem eam iniquitatē grauitur perstringit, quæ sub iustitiæ specie committitur in pondere & mensura.

2. *Vbierit superbia. &c.* Opponuntur hic superbia & humilitas, sapientia idē & contumelia: tum humana quoq. & diuina sapientia: hæc enim humilitatē, illa arrogantiam adiunctam habet: superbus autem quod alios omnes præ se contemnat, ab omnibus vicissim contemnitur. Est enim superbia Deo hominibusque exosa, & ingrata: cum humilibus autem & mansuetis nemo non libenter conuersatur.

3. *Simplicitas iustorum. &c.* Proponit hic præmia iustorum, & supplicia peruersorum. improbum horum conatum Dominus subuertit; illorum autem candorem & integritatem prosperè dirigit, ipsosque ab omni aduersitate custodit.

4. *Non proderunt. &c.* Hæc pertinent ad iustum & iniquum pondus, de quo paulò ante dictum est. Nam iniusto pondere fraudem faciens, aliud nihil inde reportat, quàm condemnationis materiam & causam; potestq. hic locus non modò ad opes iniquè partas referri, verum etiam ad diuitias retentas, neque, ut oportuit, in egenos erogatas.

5. *Iustitia simplicis. &c.* Hæc sententia sensu congruit cum capitis huius tertia. Vtrobique enim iustis & integris promittitur securitas, & à malo immunitas, felixque in negotiis successus, impiis autem clades & calamitas.

6. *Iustitia rectorum. &c.* Et hæc quoque cum præcedentibus summam affinitatem habet; significat enim iustos (quales sunt, qui opes iustè comparant, liberaliterque in egenos erogant, & vitæ perfectionem pro viribus sectantur) hic quidem à clade, ibi verò à morte æterna fore liberos; eos autem, qui alijs dolum machinantur, vel insidias moliantur, suis laqueis captum iri.

7. *Mortuus impio. &c.* Quod vox Heb. *Onim* plura significet, locus hic non eodem modo exponitur ab omnibus. Alij enim reddunt, *spes*, vel *expectatio diuicium*; alijs, *diuitiarum*; alijs, *iniquorum*; alijs, *hominum mendacium*: alijs *spes hominum in diuitijs confidentium peribit eosque sallet*: alijs alio modo. Quo autem modo Lxx. hunc locum legant, id patet ex præcedentibus. Hebræa sonant: *Hominis impij spes perit in morte; expectatio autem iniquorum frustrabitur*. sensus est, impio à morte nulla fit spes reliqua: quia tunc non potest amplius redire ad pœnitentiam, neque illis delictis, aut diuitiis amplius frui, quibus ante fruebatur.

9. *Simulator ore. &c.* Exponitur hîc simulatæ sanctimonix vis, & iustæ scientiæ facultas.

10. *In bonis iustorum. &c.* Sensus horum est, cum magistratus & officia publica iustis & bonis viris demādantur in repub. bene constituta commune exoritur gaudium: cum autem malis, communis emergit luctus & tristitia. Ad eundem modum cum mali è medio tolluntur, vel exauctorantur, probi & boni exultant omnes: cum verò boni iniuste tolluntur, probi & boni dolent, & gemunt.

11. *Benedictione Iustorum. &c.* Hoc versu præcedentis versiculi redditur ratio, quæ paucis in eo posita est, quod ex iustorum exaltatione ciuitas floreat; in impiorum autem promotione langueat & sordeat, causæ autem huius non sunt obscuræ.



12. *Qui despicit amicum. &c.* Locus hic docet, familiares amicos neque facile contemnendos, neque temere quoque obiurgandos esse, etiam siquid designauerint, quod minùs alioqui probetur. Id quod mente capti non seruant, hi namque non solùm amicos flocci faciunt, sed omnes quoque homines præ se spernunt, vel quod se meliores illis censeant, vel quod aliquid vitij in alijs obseruarint, vel certè quod ipsi ab alijs prius offensi sint, quæ omnia vir prudens dissimulat & tacet.

13. *Qui ambulat. &c.* Ostendit hic quid intersit inter fidum & fraudulentum amicum. hic secretum patefacit, ille tegit; hic rursùm curiosè obseruat, vt deferat & notet: ille vt amicè admoneat & sanet. videndum est ergo cui secretum committatur, hoc est, curandum est ne cui temere committatur; condemnatur hic quoque intempestiua garrulitas, & commendatur prudens taciturnitas.

14. *Vbi non est gubernator. &c.* Docemur hic rempublicam ex confusa populi multitudine diu incolumen consistere non posse, sed opus esse prudenti, sapientique ductore & Principe idque non solum domi & in pace; verum etiam militiæ, & in bello. Habet autem, quod hic traditur, non tantùm in repub. vel regno locum, verùm in priuata quoque familia, præsertim si sit numerosa, discimus hic quoque populum cùm de bonis gubernatoribus, tum de bonis quoque Consultoribus vel Senatoribus sibi prospicere debere.

15. *Affligitur malo. &c.* Dissuadet fideiusionem tamquàm rem molestam & periculosam, at non omnem tamen, sed temerariam tantùm, eamque præcipuè, quæ fit pro extero vel ignoto. Qui ergo ab eiusmodi laqueis obligationis tutus viuere exoptat, pro altero non facile spondeat.

16. *Mulier gratiofa. &c.* Versus hic insinuat in mulieribus quidem formæ venustatem, morumque integritatem requiri; in viris vero laborem & industriam; adeoque mulieres deformes malèque moratas, viros rursùm ignauos viribusque parcentes parum ubique gratos & acceptos esse.

17. *Benefacit animæ suæ. &c.* Commendantur hic, qui operibus misericordiæ dediti opes ob id studiosè quærunr, ne desit, quod in egenos expendant; tum illi quoque, qui suo corpori & animo necessaria subministrant. Contra vero condemnantur tamquam crudeles, qui sibi vel alijs necessaria subtrahunt, quique propter se vel alios opes iniuste conquirunt.

18. *Impius facit opus. &c.* Versiculo proximè exposito eos præcipuè commendabat, qui sibi suæque animæ & corpori misericordiam impendunt; hic autem eos, qui in alios misericordes & liberales existunt. Committitur hic autem veritas cum mendacio, & seminans iustitiam cum seminante mendacium & vanitatem. Est autem idem, Merces veritatis, quod merces certa & firma; & opus falsitatis, quod opus fallax, suæque fine frustratum, id quod rectè hic vocatur *Opus instabile*.

19. *Clementia præparat. &c.* Opponuntur hic, qui studio sectantur iustitiam & clementiâ & misericordiam, aliâsque virtutes & qui de industria sectantur iniustitiam, omnemque aliam improbitatem. Inter quos hoc intercedit, quod hi rectâ tendant ad mortem, illi per planam viam progrediuntur ad vitam. Per *Clementiam* autem designatur omne genus virtutem, sicut per *Seditionē malitiæ*, omne genus vitij. Possent hæc quoque comparatiue exponi, ad hunc modum; Vt ille qui sectatur mala, tendit ad mortem, ita ille, qui sectatur clementiam, tendit ad vitam.

20. *Abominabile Domino. &c.* Committuntur hic inter se cor prauum & animus simplex & integer. Hunc Deus diligit, illud detestatur; quia est illi dissimile, cum ipse sit rectus, & omnis recti & æqui auctor. Odit autem non modò omnem iniquitatem; sed omnem quoque iniquum; sicut è diuerso non diligit tantum omnem integritatem & simplicitatem, sed omnem quoque integrum & simplicem.

21. *Manus in manu.* Confertur hic grex gregi, & cætus cætui, hoc est, semen iustorum manipulo vel factioni improborum. Hæc non euadet impunis, illud periculum & insidias in se comparatas euadet, Deo illud singulari curâ protegente. Potest ad hunc quoque modum exponi hic locus: licet mali inter se paciscantur de propulsanda à se inuicem iniuria, adhuc tamen promeritas pœnas non subterfugient. Aut, malus statim, vt scelus patrauerit, pœnas pendit. per *Manum* enim *in manu* acceleratio designatur. Vel, etiamsi plagam ad plagam addas, adhuc malus non emendabitur. Vel, qui manum manui iungit, hoc est, totâ die otiaur, non erit innocens. Alij aliò modo exponunt, quia phrasis illa multos admittit sensus, nam vox quoque Hebræa multas recipit notiones.

22. *Circulus aureus. &c.* Componit Sapiens mulierem pulcrâ & fatuam cum porco aureo cultu ornato. Vt enim porco aurum non conuenit, quia illud contaminat; ita nec mulieri fatuæ formæ venustas: quia cedit illi in peccatum potius quàm in meritum, hoc ipsum tamen propter suam fatuitatem

fatuitatem: siquidem forma per se non est res mala, sed media.

23. *Desiderium iustorum. &c.* Conferuntur denuo iusti cum impiis, illorum desiderium & studium totum fertur in bonum & honestum; horum autem totum in malum & peccatum, & quidem in plura & maiora sæpe quàm patrare possunt; atque hinc nascitur in illis furor & indignatio.

24. *Alij diuidunt propria. &c.* Commendatur hic in pauperes liberalitas & misericordia; & condemnatur furtum & rapina. Fures & iniusti subinde miserabiliores & calamitosiores euadunt; misericordes autem & in egenos liberales ditiores & fortunatiores. Rapacium autem nomine non solum fures comprehenduntur, sed iniusti quoque, & ij præterea, qui quæ pauperibus debentur, iniuste detinent.

25. *Anima, quæ benedicit. &c.* Hic versus scopo & sensu conuenit cum præcedenti. Nihil enim aliud est anima benedicens, quàm anima liberaliter erogans, aut fideliter docens, suæque bona & dona cum aliis communicans.

26. *Qui abscondit frumenta. &c.* Ostenditur hic reperiri quosdam, qui ab omni misericordia & beneficentia usque ad eum alieni sunt, ut ne iusto quidem precio ea, quæ sibi ad vitam necessaria non sunt, aliis qui indigent, vendere animum inducant; qui proinde iustam Dei communisque populi maledictionem & execrationem incurrunt. Sicut è diuerso apud omnes bene audiunt, qui frumenta aliæque ad humanæ vitæ sustentationem necessaria, necessitatis tempore alacriter distrahunt.

27. *Bene confurgit. &c.* Committit hic iterum bonos & malos; iustos & iniustos; hi malum quod sectabantur, tandem inueniunt, illi contra bonum, quod diluculo confurgentes magno studio quærebant, ad finem obtinent. Textus Hebraeus sonat: *Qui diluculo surgit ad bonum, in quærit beneplacitum*: nempe illud, quod & Deo placet, & sibi quoque olim placiturum est, quia nimirum pactam mercedem recipiet, qui autem quærit malum, veniet super illum.

28. *Qui confidit. &c.* Docetur hic, propter diuitias auidè nimis expetitas, multa passim mala contingere. Diuites enim diuitijs inflati, multa praua & superba designant, propter quæ tandem in interitum ruunt. Iusti autem, quod spem suam non in opibus, neque in suis quoque operibus, sed in Deo constituent, instar viuentium arborum perpetuo florent.

29. *Qui conturbat. &c.* Hic locus contra eos agit, qui temerè dissipant opes, ceteraque, quæ ad familiæ statum, & usum sunt necessaria. Sunt enim

hi non minùs mali & stolidi, quàm illi, qui sua nimis sordidè & auarè detinent; rediguntur namque tandem eò, vt ventos possideant, hoc est, vt nihil quo se alant, reliquum habeant. Quare ad finem alijs prudentioribus magisque frugi hominibus seruire compelluntur; nec ipsi solùm, sed ipsorum quoque liberi.

30. *Fructus iusti. &c.* Comparat hic fructum iusti ligno vitæ: siquidem hic fructus non solum gratus & suavis est, sed immortalitatè quoque confert iusto; nec ipsi tantum iusto pròdest, sed alijs etiam, qui illum degustant; atque hoc apertè confirmat membrum, quod mox subiungitur.

31. *Si iustus in terra. &c.* Sensus loci huius est. Si iusti, qui legem non præuaricantur, tam multa incommoda & cruces sustinent in terra, de impijs & iniustis quid tandem fiet? Si non hic, in altero certè seculo. Lxx. legunt: *Si iustus vix saluabitur, impius & peccator ubi apparebit?* & ita quoque allegat hunc locum Apostolus Petrus.

## PARAPHRASTICA

### CAPITIS DVODECIMI EXPLANATIO.

1. *Qui diligit disciplinam, diligit scientiam: qui autem odit increpationes, insipiens est.*

**O**Mnes & quidem naturaliter scientiam desiderant; at non omnes ad scientiæ arcem pertingunt; quia non omnes media & vias, quibus ad scientiam peruenitur, complectuntur. Stultus enim & insipiens disciplinam & castigationē, quæ ad veram scientiam viam muniunt, auersatur, odioque prosequitur. Quod si scientiam verè diligeret, eandemque ex animo expeteret, disciplinam vtique non contemneret, sed amaret; habetque hoc locum non in pueris & iuuenibus tantum, verum in omni propemodum ætate. Nam vt pueri, si virgæ & ferulæ cessant, parum aut nihil proficiunt; neque vmquam fere ad magnam aliquam scientiam assurgunt; ita adulti quoque in rerum diuinarum noticia morumque disciplina parum proficiunt; nisi admonitiones & flagella, quæ Deus interdum immittit, grato patientique animo, & sine murmuratione admittant.

2. *Qui bonus est, hauriet gratiam à Domino: qui autem confidit in cogitationibus suis, impiè agit.*

**Q**ui bonus, & disciplinæ amans est, is gratiam, & voluntatem suam haurit à Domino, hoc est, quidquid vult & desiderat, ab illo impetrat, adeoque ut ex bono efficiatur beatus. Siquidem ille beatus censeretur, qui habet quidquid vult, & nihil perperam, aut præposterè vult. Rursum is rectè bonus haberi potest, qui opere id præstat, quod Domino placet, eiusdemque voluntati acceptum est. Cum enim ille omnis bonitatis fons origo & sit, non potest non bonus euadere, qui familiariter cū eo versatur, & voluntatem illius facit. Contra vero qui in malignis & improbis cogitationibus suis fidit, neque Dei gratiam & fauorem umquam ambit; imò vero apertè illa contemnit, maiori atque grauiori impietati quotidie sese obstringit; neque prius finem faciet, quàm Deus illum tamquam prorsus impium summeque scelestum condemnet. Quem autem ille condemnat, is demum absolutè malus est; sicut è diuerso ille quoque verè iustus est, quem ille iustum pronunciat; quippe cū eius iudicium sit iustum & sanctum: hominum iudicium fallere possumus, Dei autem non possumus.

3. *Non roborabitur homo ex impietate, & radix iustorum non commouebitur.*

**A**t quamuis impij, malorumque operum & cogitationum viri ad tempus florere videantur, & interdum vsque adeò scelesti deploratiq; euadant, ut nec Deum metuant, nec hominem timeant, nec vllas leges vereantur, aut obseruent; attamen si in impietate sua porrò perrexerint, neque ipsi, neque illorum posteritas diuturna in terra erit; siquidem per diuinam prouidentiam & sapientiam fiet, ut citò è medio tollantur; ne pauperes diutius, quàm par est, vexent, aut simplices falsà doctrinā inficiant. At verò iusti stabiles vsque firmique persistunt, neque vllà facili aut aduersitatis tempestate, aut falsæ doctrinæ contagione mouebuntur; neque ipsi soli stabiles & diuturni erunt, sed illorum quoque radix & semen, hoc est, illorum posterius eiusmodi quoque erunt. Nec mirum sanè iniustum instabilem & temporarium, iustum autem stabilem & diuturnum videri, quia hic nititur iustitiâ, quæ in quodam æqualitatis temperamento consistit, ille iniustiâ & impietate, quæ aspra, scabrosa, & inæqualis est.

4. *Mulier diligens, corona est viro suo: & putredo in ossibus eius quæ confusione res dignas gerit.*

**M**ulier studiosa & diligens, animique robore prædita, & virtutibus ornata, sedula itidem & impigra (cuiusmodi ea dici potest, quæ rem familiarem studiosè providèque administrat, familiam prudenter gubernat, liberos procreat, pièque educat, omnem sinistra opinionis suspicionem vitat, & reliqua denique, quæ honestæ matronæ propria sunt, sedulo præstat) marito est instar coronæ, vel diadematis, hoc est, summum apud alios honorem illi conciliat, summâque animi lætitiâ adfert. At verò mulier, quæ res pudore dignas gerit, qualis est, quæ sectatur studia ab honestæ matronæ vita prorsus aliena, viro suo est instar putredinis vel fænicis carnibus vel ossibus eius malè inhærenti: siquidem continuò mœrore & molestiâ maritum ita excruciat, ut non tantum carnem & sanguinem illius absumat, sed ipsa quoque eiusdè ossa exhaustiat. (Spiritus enim tristis exsiccat ossa.) Ingens proinde onus & pondus, magnâque miseria est mala vxor sicut è diuerso magnum viro est solatium vxor proba & sedula.

5. *Cogitationes iustorum, iudicia & consilia impiorum fraudulenta.*

**M**ultum per omnem modum intercedit inter studia & cogitationes iustorum, & impiorum consilia & conatus. Siquidem iusti omnesque illorum cogitatus tendunt ad iudicium & æquitatem; hoc est, ad hoc, ut unicuique ius suum administretur omnesque in pace & tranquillitate viuant, ac prosperè agant; contra verò omnia impiorum consilia & machinæ tendunt ad fraudem & imposturam, ad insontium oppressiōem, ad iuris & æquitatis euerisionem, sed & studia inter se, & erga se inuicem sunt admodum dissimilia. Nam iusti toti in hoc sunt, ut impios ad iustitiam & æquitatem addueant, & ab impietate abducant; impij autem circa vnum hoc occupantur, & solliciti sunt vel maximè, quò iustos per vim vel fraudem opprimant, & è medio tollant, quia iustis superstitibus liberè grassari non possunt.

6. *Verba impiorum insidiantur sanguini: os iustorum liberabit eos.*

**E**t quemadmodum aliò tendunt cogitata iustorum, aliò impiorum; ita aliò quoque spectant horum, aliò illorū verba. Verba enim & sermones impiorum tendunt ad insontium cædem & sanguinem; tractant enim  
& con-

& conferunt inter se impij de retribus innoxio sanguini tendendis. Modus autem insidiandi per verba est varius. Alij enim insidiantur vitæ alienæ per falsa testimonia; alij per simulatam amicitiam; alij per mutuam in malum alterius conspirationem, alij alio modo. Ceterum si illi mali sunt, qui per verba vel alia media insidiantur bonis alienis, quid de illorum nequitia statuendum est, qui insidiantur infontum vitæ? At verò iustorum os & oratio tota huc fertur, vt infontes è mortis periculo, quod ab impiis illis impendet, eripiantur, siue hoc faciant, quod coram iudice illos defendant, eorūque innocentiam propugnent; siue quod blandis verbis insidiatores ab incæpto abducant; siue alios, qui iustos defendunt, suâ oratione subornent & excitent, siue tandem, quod illos, quorum vitæ periculum imminet, vt ab insidiatorum verbis & studijs sibi caueant, prudenter admoneant.

7. *Verte impios, & non erunt: domus autem iustorum permanebit.*

**E** Medio tolle, ô Deus, impios, ne infontium sanguini amplius insidientur, eorumdemque fortunas, quibus freti temerè grassantur, euertere, penitusque disijce, statim veluti fumus euanescent, cessabuntque adeò querelæ illorum qui propter illorum felicitatem nonnumquã indignantur, Deoq. obloquuntur, Deus itaque, si ita illi visum fuerit, vel tēporis puncto impios cum omni glōria opumque copia, & prosperitate sua funditus euerteret, ita vt nihil amplius illorum reliquum fiat. At iustorum verò familiam, & domum, & posteritatem firmabit in sæculum; vt quæ solido fundamento sit nixa: exempla vtriusque sortis extant innumera.

8. *Doctrina sua noscitur vir, qui autem vanus & excors est, parabis contempui.*

**V** Nusquisque ex sua doctrina & intelligentia cognoscitur, & secundum eius qualitatem commendatur, aut vituperatur. Verum qui peruerso sunt corde, sapientiamque, quam non habent, vanè stultæque iactant, eumque tandem in modum comparati sunt, vt nihil nisi vanum, & stultum, & subdolum loquantur, ij apud omnes contempui habentur. Vecordia enim ore declarata, naturaliter parit despicientiam; sicut sapientia ore, cum opus id est, in medium prolata, generat laudem & admirationem.

Y

9. *Melior*

9. *Melior est pauper & sufficiens sibi, quàm gloriosus & indigens pane.*

**M**elior præstantiorque & sapientior est pauper & ignobilis, qui honestis laboribus sese sustentat, vitæque necessaria per industriam comparat, quàm gloriosus ostentator, qui nobilitatem suam iactat, & ne eam contaminare videatur, laborem detrectat, cum interim miseriâ & inedia domi tabescat, quod sanè commune est stultæ nobilitatis vitium. Multi enim passim comperiuntur, qui malunt nobiles haberi, & cum rerum necessariorum penuriâ conflictari, quàm honesto aliquo opere victum quaerere. Et sicut vilis abiectæque sortis homo præstantior est, qui opere & industriâ rem auget, & familiam locupletat, servosque & alios, qui ad opus quotidianum necessarij videntur, comparat, quàm iactabundus & otiosus nobilis; qui inopiâ calcatus & pænè oppressus genus suum venditat, ita rudis & idiota, qui legem Dei servat, melior est superbo Phariseo, qui legis scientiam iactat, neque legem tamen obseruat.

10. *Novit insens iumentorum suorum animas: viscera autem impiorum crudelia.*

**T**Oto, quod aiunt, cælo impij iniustique, & avari omnes à iustorum caritate, misericordia, & liberalitate distant. Etenim iusti misericordiâ Dei, qui solem suum super iustos & iniustos oriri sinit, pascitque omnia, liberaliter inuitati, curam suam non ad sibi domesticos & peregrinos, ceterosque cuiusvis generis & status homines extendunt tantum; verum ad ipsa etiam iumenta, de omnibus namque viventibus benè mereri contendunt. At impiorum viscera sunt planè cornea, eorumdemque miserationes sunt nullæ, aut planè crudeles; nam vel nihil omnino dant egenis, vel ex alienis dant, & suam interea animam crudeliter maculant. Imò tantum abest ut egentibus beneficiû aliquod præstent, ut omnes, quoscumque, possunt, lædere quoque studeant. verum ut ipsi crudeles misericordiam omnino nullam exercuerunt, ita crudelem vicissim, hoc est, nullam prorsus consequentur; sed gravissimè apud inferos punientur. Iustitia enim sine misericordia illi, qui non fecit misericordiam: iusti verò, qui misericordiâ fecerunt, misericordiam consequentur.

11. *Qui*



11. *Qui operatur terram suam, satiabitur panibus, qui autem sectatur otium, stultissimus est.*

**Q**ui terram suam, hoc est, agros & prædia sua diligenter excolit, & studiosè exercet, ille saturatur panibus, rebusque omnibus necessariis affluit. *Panis* enim nomine ea omnia cōplexa sunt, quæ ad corporis curam sunt necessaria, iuxta illud; *Panem nostrum quotidianum da nobis hodie*: & ut *panis* vocabulo significatur quidquid ad vitæ usum est utile vel necessariū, ita per agrorum culturam omnis honestus labor & manuum exercitium designatur. Fit autem peculiaris agriculturæ mentio, quia nullum est artis genus innocentius, nullum naturalius, nullum à peccati labe tutius, nullum antiquius, nullum ad vitæ sustentationem necessarium magis. Cōtra vero qui ignaum otium, aut ociosos vanarum artium magistros sectatur; non solum rerum, sed mentis quoque & cordis inops, planèque stultus & fatuus est censendus.

12. *Qui suavis est in vini moderationibus, in suis munitionibus relinquit contumeliam.*

**V**t ocio deditus mentis inops, & miser, panèque quo vescitur, indignus est; ita qui dies suos in epulis & conpotationibus suauiter traducit, magnæ ruinæ & ignominie discrimini expositus est; non enim potest talis ad extremam miseriam & inopiam tandem non redigi; adeoque sese totamque familiam non magno dedecore & probro afficere. Neque enim parua nota est, ex magnis opibus suâ culpâ ad paupertatem summam redactum esse.

12. *Desiderium impij munimentum est pessimorum, radix autem iustorum proficiet.*

**Q**uo liberius peccare, citiusque ditescere queant impij, nihil æquè considerant atque malorum hominum artes & imposturas sibi familiares habere: nihil, inquam æquè optant & student, atque cum pessimis quibusque fraudes & dolos texere, perque fas & nefas rem familiarem augere. Contra verò iustus tamquam radix quædam fructifera, quotidie in pietate progressus facit, deque virtute ad virtutem procedit, ac tantum abest ut aliena cum impijs illis vi aut dolo rapiat; ut sua quoque egentibus liberaliter impertiri soleat. Sed & eatenus quoque impij

malorum munimentum expetunt, quatenus vires suas aliorum viribus atque potentiâ firmare contendunt; quo sic instructi liberius tutiusque grassari valeant. Sed desiderio suo frustrabuntur: sola enim iustorum radix proficiet, fructumque fundet suo tempore. Quod si pro *Munimento* legeris *Monumentum*, ut quædam exemplaria legunt, significatur impium, nihil eo ardore desiderare, quo pessimorum quorumque exempla & monumenta imitari, opereque ipso exprimere desiderat.

13. *Propter peccata labiorum ruina proximat malo: effugit autem iustus de angustia.*

**A**lia impij proponunt, alia ipsis plerumque eueniunt; proponunt enim, & quantâ vi possunt, iustorum exitium moliantur: quo hoc autem consequantur, varias struunt insidias, varios tendunt laqueos, & nectunt dolos; verum iusto Dei iudicio fit, ut suis ipsi insidiis in hac quoque mortali vita sæpe capiantur (nam in altera Dei iudicium euadere non possunt) iusti autem ab onini miseria, cruce, & angustia tandem liberantur: si non in hoc sæculo semper, in altero tamen semper, iuxta illud: *Multe tribulationes iustorum, & de his omnibus liberabit eos Dominus*. Igitur propter peccata, quæ impius linguâ vel labiis contra iustum committit, suis ipselaequeis & retibus sæpe irretitur & capitur; iustus autem de angustia onniq̃ue miseria Deo auctore ad finem eripitur.

14. *De fructu oris sui unusquisque replebitur bonis, & iuxta opera manuum suarum retribuetur ei.*

**N**on solum propter bona opera Deus iustam soluit mercedem; & propter mala iustam infert pœnam, verum propter bona quoque vel mala verba pendit præmium, vel irrogat supplicium. Nam, ut hic traditur, *de fructu oris sui unusquisque replebitur*, hoc est, quantum per bonum & legitimum linguæ vsum promeritus est, tantum mercedis ipsi persoluetur. Mirum videri potest propter bonum aliquod verbum certam mercedem reddi, verum si spectemus Dei liberalitatem, bonique vsus linguæ difficultatem, desinet admiratio. Siquidem linguam ritè moderari res est tantæ difficultatis, ut is demum perfectus vir habeatur, qui verbo non offendit. Quilibet proinde non modò iuxta manuum suarum opera satiabitur bonis vel malis, verum etiam iuxta bonum & malum oris sui vsum, notandum est enim

est enim illud Christi: *Ex verbis tuis iustificaberis, & ex verbis tuis condemnaberis.*

15. *Via stulti recta in oculis eius: qui autem sapiens est audit consilia.*

**I**Nter stultum & sapientem plurimum intercedit: etenim stultus in omnibus maximè sibi placet, se solū sapere existimat, ceteros omnes præ se contemnit, nullum consilium petit aut admittit, totūque quod facit aut tentat, id optimè factū censet, id quod est stultissimum, corpori quæ & animo periculossimum, & à verè sapientum usu prorsus alienum. Nam qui verè sapiens est, ille aliorum consilia libenter audit; nec solū audit, sed rectè quoque monentibus obtemperat; imo nihil graue citra consiliū aggreditur. Nouit enim scriptum esse: *Audiens sapiēs sapientior erit.* Multum itaque inter hunc & illum interest.

16. *Fatuus statim indicat iram suam: qui autem dissimulat iniuriam, callidus est.*

**N**Eque solum hoc differt sapiens à stulto, quod hic omnia temere sine consilio agat, ille callidus omnia magna cum deliberatione & consultatione aggrediatur; verum hoc etiam, quod fatuus iram, quam animo concepit, statim prodat: nam ut leui de causa irascitur, ita iram conceptam dissimulare, aut comprimere non valet, verum clamoribus, conuiitijs, comminationibus, aliisque cuiusmodi furiis illam è vestigio euomit. At vir callidus & prudens dissimulat, & tegit iniuriam sibi illatam, iramque indè conceptam; ne si importunius erumpat, aliquam ignominie labem sibi adferat: tum etiam quò opportuno tempore de iniuria sibi illata, commodius se vindicet. Hæc tamen causa mundanam potius prudentiam sapit, quam Christianam caritatem.

17. *Qui quod nouit loquitur, iudex iustitiæ est: qui autem mentitur, testis est fraudulentus.*

**Q**ui ea tantū loquitur, quæ exploratè nouit certoque comperta habet, is demum sanus veritatis iudex, & iustitiæ vindex est; ut qui tamquam verax iusta & vera nūquam non loquatur, veraque loqui ab ineunte ætate semper consueuerit. Qui autem mendax est mendaci quæ à primis annis innutritus est, is dolosus & iniustus testis est. Nam ut veritas iustitiā tuetur & promouet; ita mendacium, fraudes, dolos, & imposturas alit. Est

autem libido illa & consuetudo mentiendi res periculosissima, cum in rebus profanis & secularibus, tum etiam in sacris; imò vero perniciosior in sacris: neque enim minus peccant, aut minus quoque nocent, qui Scripturas per inscitiam vel malitiam falsè interpretantur, quàm qui in iudicio mentiuntur. Homo itaque vel testis verax loquitur veritatem, & iudicat iustitiam; testis autem mendax & dolosus dolum & mendacium loquitur.

18. *Et qui promittit, & quasi gladio pungitur conscientia: lingua autem sapientum sanitas est.*

Sunt qui per verba, quæ temerè effundunt suam aliorumque animam & conscientiam non secus vulnerant & lædunt, quàm corpora per gladios lædi offendi que solent; neque enim exiguum vulnus animæ infligunt, qui prauâ doctrinâ eam imbuunt; aut obscenis colloquiis contaminant, aut pravis consiliis ad hoc vel illud flagitium impellunt; verùm sapientum lingua non vulnerat, sed vulnera per aliorum linguas inflicta, per sanam doctrinam, prudentesque admonitiones suauiter sanat. Et ut verbis temerè fufis multorum conscientiaë fauciantur, ita temerariis quoque promissionibus; qui enim inconsultè aliquid promittit, postea penitentia ductus, temeraria suâ promissione vehementer animo discruciat & fauciatur; nec solum se ipsos offendunt temerarij sponsores; sed alios quoque, quibus promissa non seruant,

19. *Labium veritatis firmum erit in perpetuum: qui autem testis est repentinus, concinnat linguam mendacij.*

Labium verax (cuiusmodi est, quod compertam veritatem numquam non loquitur) & firmum & constans est, eritque in perpetuum: neque enim modo hoc, modo illud asserit, sed vnum idemque de eodem semper, prout semper constans, semperque sibi simile est. At verò testis præceps, qualis est, qui nullâ adhibitâ deliberatione, nullâ præmissâ meditatione, statim ad testificandum vel affirmandû proruit, ad momentum tantum sibi constat, idemque linguam suam ad mendacium & falsitatem præparat & aptat. Cogitur namque quod temerè semel astruxit, varijs modis & artibus colorare, defendere, & palliare, rationesque inire & inuenire varias, quibus illud defendat. Nam etsi dolus, fraus, mendacium, impostura, hypocrisis ad tempus subsistant, tantisper nimirum, dum latent, postea tamen in lucem

lucem prodeunt, statimque euanescent & euertuntur, veritas autem, quod Deum parentem habeat, manet in æternum. Atque hoc manifestum est ex hæresibus & erroribus omnibus, quæ iam inde ab initio huc usque extiterunt. Nullus enim hæcenus perpetuum regnum obtinuit, aut diu quoque sibi similis permanfit.

20. *Dolus in corde cogitatum mala, qui autem pacis inuenit consilia, sequi ut eos gaudium.*

**I**N corde illorum, qui mala animo versant, toti que in hoc sunt. Vt aliquid in aliorum perniciem excogitent, versatur dolus, & fraus, & omne peruersum & nequam consilium: At vero in illorum pectore & voluntate, qui ea considerant & tractant, quæ sunt pacis communisque utilitatis, inuenitur gaudium & lætitia. Siquidem ex ea consideratione ipsimet hauriunt lætitiæ & conscientie tranquillitatem, eaque aliis suggerunt & consulunt, quæ suam naturam lætitiæ conciliare nata sunt & hoc quoque quotidianæ experientie fide compertum est, & natura rei hoc exigit.

21. *Non contristabit iustum quidquid ei acciderit: impij autem replebuntur malo.*

**P**ORRò autem licet mali & improbi homines multa contra iustum exco- gitent & machinentur; attamen peculiari Dei gratia & fauore illum prosequente & defendente, nihil tam graue, aut molestum illi accidit, quod eum euertat. Nam quæcumque, siue bona ea fuerint, siue mala, ipsi euenerint, omnia per Dei prouidentiam conuertuntur illi in salutem. Etenim si ab iniquis affligitur, retinet patientiam; pari modo si à Deo ipso propter lapsus quosdam seuerius flagellatur non impatientiam frangitur. Si labitur cito Dei gratia excitatus resurgit, & cautius deinceps ambulat, communiter tamen istiusmodi à grauioribus lapsibus præseruatur; prout grauiores quoque lapsus illius statui non conueniunt. Sic si bonis affluit, animo non effertur; denique quæcumque illi occurrunt, omnia illi vertuntur in bonum; sicut è diuerso impiis omnia cedunt in malum & damnationem. Quare replentur non tantum malis poenæ, sed malis etiam culpæ, & multis præterea magnisque vulneribus conscientie.

22. *Abominatio est Domino labia mendacia: qui autem fideliter agunt placent ei.*

**L**abia veracia, ut paullo ante expositum est, firmantur: labia autem mendacia, aut non subsistunt, aut ad momentum tantum subsistunt. Quandoquidem eiusmodi mendacia apud Dominum mera sunt abominatio: nam cum ipse sit per se subsistens veritas, non potest omnem, & doctrinæ, & vitæ, & linguæ falsitatem non auersari; & è diuerso omnem veritatem & fidelitatem non complecti. Inter mendaces autem præcipue odit testes falsos: sicut inter veraces peculiari studio eos prosequitur iudices, qui veritate diligenter examinata, id, quod æquum & iustum est, decernunt. Qui quo Deo placere studeant, corde, ore, & opere veraces fidelesque sint oportet.

23. *Homo versutus celat scientiam: & cor insipientium prouocat stultitiam.*

**V**ir prudens non temere profundit verba, neque doctrinam suam apud omnes promiscue depromit, sed sæpe scientiam suam dissimulat, planeque celat, facit autem hoc, vel ut alij sententiâ suam liberius exponant, vel quod auditores idonei non existant, vel certè quò omnem iactantiæ opinionem fugiat. At vero stultorum cor statim se effundit, suamque stultitiam ineptâ garrulitate & loquacitate prodit; nihil enim ille magis odit quàm silentium & taciturnitatem. Multum ergò inter stultum & sapientem interest; hic enim suam celat sapientiam, ille propriam stultitiam promulgat & prædicat.

24. *Manus fortium dominabitur: quæ autem remissa est tributis seruicium.*

**M**anus fortium impigreque laborantium negotiantur, & ad imperiū, opesque Principe viro dignas tandem ascendunt. At verò ignaui, & in opere remissi, qui nimirum honestum laborem subterfugiunt, & interim per dolum & fraudem ditescere volunt, ad inopiam & seruitutem rediguntur; & si ante liberierant, vectigales & tributarij fiunt. Id quod in bonis fortunæ est ordinarium; in animæ vero diuitiis perpetuū. Qui enim impigri hic sunt, diuites euadunt, regnūque contra carnem, Diabolum, & mundum consequuntur: qui vero desides, miseri & inopes manent, carnisque & Diaboli seruituti mancipantur.

25. *Moror in corde viri humiliabit illum & sermone bono latificabitur.*

**M**oror & cura, anxietasque cordis sollicitudo deiciunt illud, atque prosternunt: at verbum bonum & consolatorium prostratum deiecitumque in meliorem speciem, denuo subrigit. Magna proinde vis est mororis & anxietatis; magna rursus sapientis orationis, iucundique sermonis est energia. Interim non omnis tristitia est mala, nec omnis rursus lætitia est bona. Bona est tristitia, quæ operatur poenitentiam; mala est quæ desperatorem. Bona lætitia, quæ est secundum Deum, mala quæ est secundum sensum mundi.

26. *Qui negligit damnum propter amicum, iustus est: iter autem impiorum decipiet eos.*

**M**agnæ caritatis certæque amicitiae argumentum est, priuatim damnū cōtemnere propter amici commodum; neque enim vulgaris amicus censendus est ille, qui ut amici necessitati obuiam eat, propriam quæstum negligit, & certam rerum suarum iacturam subit. Quinimo talis non modo pro sincero amico, sed pro viro quoque iusto habendus est. Qui proinde licet nihil prorsus haberet, quo amico opem ferre posset, quouis adhuc iniusto præstantior & opulentior censendus esset. Nullæ enim opes, nulla potentia, nulli honores cum iustitia conferri possunt. At impiorum via decipit eos. Quærunt hi, exempli causâ & consecantur honores, & decidunt in publicam ignominiam; opes, & cadunt in paupertatem; longam beatamque vitam, & in ætatis flore è medio tolluntur. Et quamuis id non habeat locum secundum euentum in hoc sæculo, habet tamen semper secundum meritum.

27. *Non inueniet fraudulentus lucrum: & substantia hominis erit auri pretium.*

**V**ir dolosus & fraudulentus, non inueniet lucrum; et siquam prædam venatu ceperit, eam non assabit, neque in cibum conuertet; siquidem opes dolo vel fraude partæ, sunt veluti aues captæ, quarum alæ non aduruntur, nec acciduntur. Nam ut hæ facili negotio auolant, & venatoris vel aucupis spem fallunt, ita istæ quoque non sunt stabiles neque vertuntur in vsum occupantis. Iusto autem labore & sollicitudine comparatæ durant, & perinde atque aurum optimum caræ haberi solent. Substantia enim &

res familiaris, quæ sensum, & iustè, & magno cum labore comparatur, multò consuevit esse gravior, quàm quæ vltro obtruditur, aut per vim aut fraudem occupatur. Inter ceteras autem opes illæ magno in precio haberi debent, quæ per manus pauperum in celestes thesauros transmissæ sunt. Erit enim summus illis honos, qui olim à Christo audituri sunt: *Venite benedicti &c.*

28. *In semita iustitiæ vita: iter autem deuium ducit ad mortem.*

**S**emita iustitiæ, hoc est, via vel vita, quàm sectantur iusti, ea ducit ad vitam æternam & non ad mortem; at iter impiorum (quod à recto tramite ad deuia declinet) non ducit ad gratiæ vel gloriæ vitam, sed ad mortem æternam, animæque & corporis interitum.

## AD

## CAPVT DVODECIMVM

### SCHOLIUM.

1. **Q***ui diligit. &c.* Distinguit hoc capite stultos & sapientes, bonos & malos, iustos & iniustos, probas & improbas mulieres, quorum omnium discrimen pater ex litteræ contextu.

*Qui diligit. &c.* Sapientes & stulti hoc inter se discrepant, quod illi disciplinam & correptionem diligunt, hi autem vtrumque edio habent, atque contemnunt; adeoque cum media illa, quibus ad sapientiam peruenitur, negligent, ad veram sapientiam vitæque frugem & emendationem non facile perueniunt.

2. *Qui bonus. &c.* Assignatur hic discrimen inter bonum & malum, sicut proximè inter sapientem & insipientem. Vox autem Hebræa *Raisôn* sonat *Voluntatem*, vel id, quod placet, potestque hoc loco simul ad bonum vel Deum referri, ut sit sensus: qui bonus & benignus est, ille hauriet à Domino quidquid voluerit, qui autem improbis cogitationibus & machinationibus deditus est, in iisque spem suam ponit, à Domino condemnatus malè peribit. Opponuntur hic enim haurire gratiâ vel beneuolentiam à Domino, & condemnari vel puniri à Domino: Bonus rursus vel benignus, & vir improbarum cogitationum. Vox *Raschag* apud Hebræos non modo impiè agere significat, quomodo reddidit noster interpres, sed etiam punire,



nire, vel condemnare, præsertim in tertia coniugatione.

3. *Non roborabitur homo. &c.* Cohæret hic verlus cum præcedente, sensus enim est; etsi impij ad tempus dominantur & floridi habeantur; attamen flos ille non diu durabit. Siquidem tam ipsi, quàm illorum semen ne iustos opprimant, tempestinè exstinguentur. Contra verò iusti licèt hic planè iacere & sordescere videantur, numquam tamen interibunt: quin potiùs tam ipsi, quàm illorum rami contra omnes insultus se erigent atque consistent.

4. *Mulier diligens. &c.* Quandoquidem posteritatis spes & diuturnitas magna ex parte dependet ex pia & sedula institutione, viro iusto adiungit hic uxorem probam, benèque moratam: facitque inter bonam & malam comparisonem; siquidem improba est viro instar putredinis vel tabis osfium, proba autem loco coronæ & diadematis. Nam vt illa maritum grauiter affligit, magnâque ignominia afficit, ita hæc suum virum summo honore colit, & honorabilem apud alios reddit, & summâ rursus lætitiâ perfundit.

5. *Cogitationes iustorum. &c.* Comparantur hic inter se cogitationes intimæque sensa iustorum & iniustorum; horum namque consilia & cogitata sunt fraudulenta & bono publico aduersa. Nihil enim æquè student atque illos fraude circumuenire, quos vi opprimere nequeunt; illorum autem cogitationes sunt iudicia, hoc est æquæ & rectæ, totæque ad hoc intentæ, vt vnicuique, quod suum est, tribuatur, nemòque iniuste lædatur. Iusti rursus solliciti sunt, vt impij conuertantur & viuant; impij autem omnia studia sua huc conferunt, vt iusti percant.

6. *Verba impiorum. &c.* Vt versu proximo ostēderat aliò tendere iustorū, aliò cogitata impiorum; ita hic docetur aliò tendere horum verba & opera, alio rursus illorum studia & dicta, verba enim & secreta consilia impiorum tendunt ad infantis sanguinis effusionem, & iustorum oppressiōnem; iustorum autem ad infantium defensionem.

7. *Verbe impios. &c.* Confert hic denuo impios cum iustis, qui hoc dicunt, quod horum domus sit stabilis & perpetua; illorum autem mansio momentanea: siquidem Deo illos percutiente statim è medio & hominum memoria euanescent, ita vt nihil illorū restet amplius. Potest autem verbum *Hapboche*, quod imperatiui alioqui modi est, Heterosi Hebræis vsitatâ, per futurum verti, vt sit sensus: *Euertes impios*, vel illorum fortunas, & hoc membrum subsequens efflagitare videtur.

8. *Doctrinâ suâ. &c.* Admonet vanitatem vel amentiam oratione patefactam generare contemptum, sapientiam autem suo loco prolatam parere honorem & celebritatem. Atque ita sapientes hoc loco utique ad docendum inuitat, insipientes autem, & rudes ab eo munere absterret.

9. *Melior est pauper. &c.* Docemur hic sapientiores esse maiorisque meritò faciendos, qui honesto labore sese sustentant, quàm qui nobilitatem suam in otio iactant, & interim panem, quo vescuntur, non habent; id quod multis commune est valde.

10. *Prouit iustus. &c.* Commendat iustorum misericordiam & detestatur auarorum & impiorum hominum crudelitatem, hi ne hominibus quidem fame pereuntibus opem ferunt, illi iumentorum quoque suorum compati & misereri norunt. Insinuatur autem per hæc non modò subditorum animas, sed illorum quoque corpora benè honestæque habenda esse, neque grauiora onera illis imponenda, quàm commodè ferre possint. Impiorum porro crudelitas per hoc quoque conspicua est, quod ne sui quidem misereantur, nam & animas suas perdunt, & corpora sua duriter sæpe affligunt, atque ita crudelia in altero & in hoc sæculo luunt supplicia.

11. *Qui operatur terram. &c.* Commendantur hic, qui terram suam excolunt; & condemnantur, qui otio tempus transigunt. Hi stultitiâ & ignitiâ suâ pereunt; illi pane & ceteris omnibus necessarijs saturantur. Obliquè autem commendatur hic agricultura, proprijque corporis & cordis cura & exercitatio, ne contra spiritum insoleat.

12. *Qui suauis est. &c.* Hic versus ex Lxx. editione petitus est; siquidem in codicibus Hebræis & emendationibus Latinis non exstat. Sensus autem illius clarus est. Monet namque qui crapulæ & ebrietati dant operam, eos suis familiis & habitaculis certam ignominiam & egestatem asciscere, quod quotidiana experientia confirmat.

12. *Desiderium impij. &c.* Condemnantur impietatis hic illi, qui de industria viris iustis cladem, vel interitum, vel aliud incommodum machinantur; quod illi solent, qui otio vacant, nullamque honestam artem tractant; designat autem Sapiens eam machinationem *Venationis* nomine.

13. *Propter peccata. &c.* Docetur hic impiorum laqueos numquam esse irritos. Nam si iustos, quibus parati erant, non capiunt, ut sæpe non capiunt, semper tamen capiunt suos auctores, & ipsosmet impios.

14. *De fructu oris. &c.* Prouerbiū admonet vnumquemque non solum de bonis vel malis operibus rationem redditurum, præmiumque vel  
suppli-

supplicium accepturum; verum etiam de bonis & malis verbis, imo etiam de bonis & malis cogitationibus, ut ante expositum est: videat ergo unusquisque non tantum quid, quantum, vel quomodo operetur, verum etiam quid & quomodo loquatur. Aduersatur autem hæc doctrina vehementer illorum opinioni, qui omne meritum è medio tollunt.

15. *Via stulti recta. &c.* Hic denuo, ut alibi crebro, Salomon exponit, quid inter stultum & sapientem intersit: discrimen autem ex Paraphrasi & literæ contextu est manifestum, inde petatur.

16. *Fatuus statim. &c.* Aliud hic inter stultum & sapientem discrimen assignatur. Stultus enim iræ impatiens, animique impotens statim prorumpit in conuitia & furias, morbumque adeo suum omnibus mox patefacit; at sapiens licet interius commoueatur, id tamen dissimulat, iræque conceptum motum comprimit, ne quid dicat, aut faciat, quod cum sapientia pugnet, aut Dei iudicium antevertat.

17. *Qui nouit. &c.* Commendatur hic studium veritatis, & vituperat mendacium, præsertim in iudicio, quia veritas iustitiam promouet & conseruat, mendacium autem dolis & fraudibus eandem euertit.

18. *Et qui promittit. &c.* Agit hic contra eos, qui temere quiduis effutunt, nullam veritatis, nulla honoris proxiimi, aut propriæ quoque existimationis habitam ratione. Nam & suam conscientiam, & aliorum famam istiusmodi grauitè sæpe vulnerant, & ipsam quoque vitam in periculum interdum adducunt, quin eandem quoque animi conscientiaque vulnerationem parit temeraria promissio. His tamen omnibus medicamen adhibet sapientum lingua, si modo illi obtemperetur.

19. *Labium veritatis. &c.* Committit inter se labium verax & mendax; hoc instabile & momentaneum est, omnis enim falsitas tandem manifestatur; illud stabile & firmum, utpote à veritate illa, quæ manet in æternum, ortum. Vtriusque exemplum ex orthodoxa fide & hæresi peti potest.

20. *Dolus in corde. &c.* Opponuntur hic qui & corde & ore agitant pacis consilia iis, qui corde suo machinantur mala. Hi enim & sibi & aliis dolorem pariunt, illi gaudium; malorum rursus architecti in corde versant dolum, pacis autem conciliatores consilia bona & salutaria, taliaque quæ gaudium ex se progignere sunt nata.

21. *Non contristabit. &c.* Hoc loco denuo inter se committuntur iustus & impius vel iniustus: hic repletur malis culpæ & pænæ, ille ab utroque immunis viuit, Nam etsi in hac vita nonnumquam affligatur, semper

tamen in Domino lætus agit; hic quoque licet interdum labatur, statim tamen cum maiori fervore exsurgit. Ceterum quod vox Hebræa *Veuneh* late pateat, sunt qui hunc locum reddunt, ut noster interpres: Alij, *Non accides vel, Non eris doloris causa iusto vlla iniquitas*, vel, *vlla pena, quæ illi ab impio inferri possit*. Alii, *Non parit dolorem iusto vlla iniquitas*, quia videlicet in nulla grauiora crimina cadet. Alij. *Non decet iustum, vel non erit grata iusto vlla iniquitas*, & sic Lxx. reddiderunt.

22. *Abominatio est Domino. &c.* Conuenit hic locus satis cum versiculo ab hoc tertio. Redditur enim causa cur labium verax firmetur, mendax autem non subsistat; quia nimirum Dominus tamquam veritas prima illud execratur, è diuerso autem labia fidelia probat; quia cum natura illius faciunt. Potest vtrumque ad iudices, & testes, & ad verbi quoque ministros referri.

23. *Homo versusus. &c.* Commendatur hoc loco opportuna taciturnitas, tamquam certum viri prudentis argumentum, damnatur autem insulsa loquacitas, veluti manifestum stultitiæ indicium. Prudens ergo est, qui non temerè profundit verba; sed quando, & quomodo, & coram quibus oportet. Stulti autem nihil celant, numquam tacent, numquam non se iactant. Quamuis nomen hoc *Versusus* in malam sæpe partem accipitur, hic tamen accipitur in bonam.

24. *Manus fortium. &c.* Hortatur iterum ad honestum laborem, & detestatur ignauiam & pigritiam, per *Manus* autem *fortium* designat homines diligentes, magnæque curæ ad, eaque ad vitam necessaria sunt, comparanda intentos; eiusmodi enim ad Satraparum opes peruenire dicit. Contra verò ignauos, aut per fraudem & dolos tantum ad opes contentes, ad seruitutem summamque inopiam delabi prædicat. Opponitur autem hic manus fortis, manui remissæ; diligentia, ignauiæ; opes, paupertati; libertas, seruituti; habetque quod hic dicit locum in spiritalibus semper; in externis autem rebus frequenter.

25. *Mæror in corde. &c.* Exponitur hic interni mæroris, sapientisque orationis vis. hæc enim erigit & solatur; ille cor totumque adeo hominem deijcit, & vtrumque quotidiana ostendit experientia.

26. *Qui negligit. &c.* Hic locus secundum Vulgatam editionem admonet proprium commodum propter commodum amici nonnumquam negligendum: & ut amici necessitati opem feras, priuatum quandoque spernendum, maximè verò vbi fides, aut Dei honor periclitatur. Viam autem  
vitam.

vitamque impiorum frequenter illos decipere, Hebræa autem sonant, iustum præstantiorem esse proximo suo iniusto, & quocūq. opulento & honorato, & hoc verum est, nihil enim iustitiâ præstantius exstat.

27. *Non inueni: t fraudulenti lucrum. &c.* Ostenditur hic opes fraude partas non esse stabiles, vt stabiles esse solent, quæ iusto labore parantur, adeoque ex iustis laboribus viuendum, non ex rapinis. Hebræa in eundem sensum tendunt, verba tamen sunt diuersa. sonant enim: *Non adures fraus*, hoc est, homo fraudulentus, *prædam suam, pret: osæ diuitiæ hominis sollicitudo*, sensus est, vir fraudulentus non habiturus est quod edat, iustus autem iucundam vitam ducet, cunctisq. necessariis affluet.

28. *In sem: ra. &c.* Commendat viam vitamque iustorum, quod ducat ad vitam æternam; contra verò impiorum viam damnat, quia rectâ ducit ad mortem.

## PARAPHRASTICA.

### CAPITIS DECIMI TERTII EXPLANATIO.

1. *Filius sapiens, doctrinæ patris: qui autem illusor est, non audit cùm arguitur.*

**F**RUCTUS paternæ doctrinæ & institutionis est filius sapiens: neque enim filius melius aliunde sapientiam haurire potest, quam ex paternâ institutione & eruditione, filius ergo qui paternam doctrinam sedulo audit, sapiens est, qui autem patris doctrinam & incitationem audire contemnit; neque, vt illi obtemperet, animū inducit, illusor euadit, suæque insipientiæ vitam finit. Quod autem homo adulus salutaria monita auertatur, vel etiam ludibrio habet, hoc inde præcipuè prouenit, quod in minori ætate constitutus parentibus bene monentibus obsequi noluit, aut quod ob parentum secordiam & ignauiam nihil boni audiuit; aut didicit.

2. *De fructu oris sui homo satiabitur bonis, autem per auaricorum iniqua.*

**V**NUSQUISQUE de fructu oris sui hauriet bonum, anima autem præuicatorum suâ pascetur iniquitate. Nam vt boni probique viri ob legitimum linguæ vsum consequuntur præmium, ita mali & improbi ob præposterum eiusdem membri vsum, promerentur supplicium

Per

Per bonum autem oris fructum, sanam parentum vel Pastorum doctrinam accipe; per malum vero prauam corruptamque Sectariorum, vel improborum alioqui hominum institutionem, vel quæcumque etiam improba, aut blasphema dicta, de quibus proximâ sententiâ denuo agitur.

3. *Qui custodit os suum, custodit animam suam: qui autem inconsideratus est ad loquendum sentiet mala.*

**N**Eque rem leuem esse existimes liberâ linguæ habenas permitttere, aut nullam prorsus illius rationem habere; est enim res illa momenti longè maximi. Quandoquidem qui custodit os suum, custodit animam suam, qui ergo animam pacatam, & à peccatorum sordibus immunem vult obtinere, ille bonam linguæ suæ curam habeat; contra verò qui temerè labia sua in orationem laxat, & quiduis indiscriminatim oblatrat, ille & seipsum & alios quoque in magnas sæpe difficultates coniicit, & in magna sæpe mala propter eiusmodi iniuriam incurrit.

4. *Vult & non vult piger: anima autem operantium impinguabitur.*

**V**ult & non vult ignauus; nam quod modo illi placet, hoc paullò post eidem displicet, aut vult hoc, & non vult illud, quod sano tamen iudicio præditus velle omnino debebat; exempli causâ, vult saluus fieri, nec vult tamen Dei præcepta obseruare, desiderat doctrinam, aut virtutem, aut rerum copiam, vel aliud quodcumque eiusmodi, neque vult tamen laborem subire, ceteraque media, quæ ad bona optata obtinenda sunt necessaria, adhibere: multa ergo incassum desiderat anima pigri; quia quod desiderat, non consequitur, adeoque incertis desideriis perpetuo fertur & agitur. At anima hominis sedulo sollicitéque operantis, bonis omnibus cumulatè repletur, diuinæque gratiæ dulcedine impinguatur. Nam quod de pigri ignauia & inconstantia, & seduli labore & industria hoc loco dicitur, id non minus locum habet in æternis, quàm in caducis & temporariis. Nihil enim sinè labore constat mortalibus.

5. *Verbum mendax iustus detestabitur, impius autem confundit, & confundetur.*

**V**T ij qui malè agunt, oderunt lucem tamquam prauis illorum operibus aduersam; ita iusti, qui lucis appellantur filij, oderunt omnes omnino peccatorum tenebras, maximè verò mendacium tam in rebus quàm in verbis, & in ceteris omnibus; atque ita detestantur omnem hæresin & idololatriam, omnemque aliam doctrinam falsam vanumque sermonem. Porro autem impij ea subinde designant & perpetrant; quæ & ipsos, & alios quoque confundunt, pudoreque afficiunt, & propter quæ nihilo secius insigniter olim confundentur & erubescant.

6. *Iustitia custodit innocentis viam: impietas autem peccatorem supplantat.*

**I**ustitia custodit perfectum viam, nempe vitæ genere & conuersatione integrum, custodit autem variis modis, & à variis malis: prout homo variis viis & modis impugnari solet. Custodit enim illum à carnis illecebris, à dæmonis insidiis, à mundi vanitatibus, ab hominum imposturis, aliisque similibus. At verò impietas peccatorem euertit, vt cetera desint, quæ illum impugnant, trahitur enim impius suâ impietate ad omne vitium, & peccatum; neque est, quò huic impetui obstitat, nisi impietatem deferat.

7. *Et quasi diues cum nihil habeat, & est quasi pauper, cum in multis diuitijs sit.*

**C**um diuitiæ & paupertas non tam ex re, quàm ex animo spectentur, sunt nonnulli, qui opulentiam præ se ferunt, seseque quasi diuites ostendant, cum re ipsâ tamen nihil habeant: siue quod eâ opinione se ipsos pascere, siue quod aliis fucum facere velint. Sunt rursus qui se pauperes prædicant & simulant, & tamen multas opes possident; siue hoc faciant, quod calumniam metuant, siue quod sumptibus parcere studeant. At quidquid sit de externis opibus, ille demum verè diues censendus est, qui iustus & sapiens est, quique suâ sorte contentus est, ille contra verè miser est, qui virtute & sapientiâ destitutus est, cuique id, quod habet, numquam satis est, sed animo plane inexsaturabili est, quod avarorum proprium est.

8. *Redemptio animæ viri, diuitiæ suæ, qui autem pauper est, increpationem non sustinet.*

**Q**UOD sicut diuitiæ adfunt, ad hoc inter cetera profunt, ut se suamque vitam in aliquo casu vel periculo constitutam redimant; nam diues qui propter flagitium aliquod designatum de vita periclitatur, potest iudices vel testes pecuniâ corrumpere; potest rursum potentes patronos comparare, quorum industriâ causam obtineat; potest denique cum paribus transigere, quorum nihil potest pauper. Quare citra aliam reprehensionem aut examinationem, si quid morte dignum admisit, in crucem statim agitur, vel alio mortis genere plectitur: vel certè pauper ob id nullam audit increpationem, nec ullam sustinet calumniam, quia cum nulla sit spes lucri, nemo illi litem aut calumniam intentat; diuites autem, quia habent quod dent, à multis impetuntur, & sæpenumero calumniam patiuntur; & leui de causa grauius nonnumquam multantur.

9. *Lux iustorum lætificat, lucerna autem impiorum exstinguetur.*

**L**UX iustorum, hoc est, felix lætusque illorum successus atque prosperitas (quod sua natura iucunda sit) recreat, atque exhilarat, multiplicaturque subinde & crescit. At *Lucerna*, siue prosperitas impiorum, tametsi diuturnitatem aliquam promittere videatur, statim tamen veluti candela exstinguitur, & è medio facessit. Neque solum iustorum prosperitas lætificat, sed sancta quoque illorum vita, & sana eorundem doctrina, mirè quoque animos bene comparatos afficit. Ut enim sol ortu suo mundum exhilarat, sic integra iustorum vita sanos mortalium oculos mirificè recreat, & sana orthodoxaque illorum doctrina mundi tenebras & errores discentit. Hæreticorum autem & hypocritarum & paganorum lucerna, hoc est, vita atque doctrina, nil nisi fœtores & errores exhalat & fundit.

10. *Inter superbos semper iurgia sunt: qui autem agunt omnia cum consilio, reguntur sapientia.*

**I**NTER superbos semper sunt lites, nec secus ferè fieri potest. Nam ubi nullus alteri vult cedere, ubi vnus alterum mordet & contemnit, ubi vnusquisque vult esse primus, nemo autem secundus aut vltimus, quomodo vera pax animorumque consensus & concordia ibi constare potest? Vbi



Vbi autem pax nulla, animorum consensus nullus est, ibi lites & discordiæ sint necessum est. Quamobrem qui cum superbis versatur, nihil aliud quam rixari, aliosque contemnere discit: sicut è diverso qui versatur cum sapientibus, quales sunt inter ceteros, qui nihil temerè, nihil præcipiti impetu aggrediuntur, aut agunt; sed omnia cum consilio & deliberatè, prudentes evadunt, matureque & cum consilio operari discunt.

11. *Substantia festinata minuetur, quæ autem paulatim colligitur manu, multiplicabitur.*

**D**ivitiarum festinata, hoc est, festinatè & celeriter comparata, quales sunt, quæ per fraudem, vel imposturam, vel alias malas artes corraduntur, sensim diminuuntur, & tandem in nihilum rediguntur: neque enim malè parva diuturna esse solèt. At verò, quæ paulatim manuum labore & industriâ comparantur, non solum stabiles sunt, sed subinde quoque augentur & crescunt. Eapropter viro prudenti non tam spectandum est, quantum acquirat, quam quibus viis, modis, & artibus acquirat. Iniuste enim & inhonestè paratæ non manent; iuste verò & paulatim paratæ durant, & quod de opibus hic dicitur, hoc de honoribus, titulis, aliisque similibus dictum accipiat, est enim par omnium ratio.

12. *Spes qua defertur, affligit animam: lignum vitæ desiderium veniens.*

**S**pes aut res verius sperata plus nimio dilata vel prorogata affligit & excruciat animum, eumque præ incenso desiderio infirmum & languidum reddit; è diverso res iam dudum ante desiderata, & tandem aliquando feliciter obtenta, deiectum desiderioque prostratum animum recreat, & veluti lignum vitæ vivificat. Qui igitur aliquid alicui promissit, statim si adest facultas solvat, ne vanâ spe expectantis animum lætet, eaque ratione promissum beneficium in maleficium convertat. Quædam sunt tamen, quæ maiori animi gustu & suavitate suscipiuntur; si non cito obveniant, sed diu ante & quidem avidè expectata fuerant, eiusmodi sunt ferè bona cælestia & spiritalia,

13. *Qui detr. hit alicui rei, ipse se in futurum obligat qui autem timet præceptum, in pace versabitur.*

**Q**ui rebus à Deo ordinatis, vel à maioribus piè religioseque institutis maledictà linguà detrahit, resque eiusmodi in contemptum adducere contendit, futuris suppliciis obnoxium se reddit. Pari modo qui Dei mandatum præuaricatus, proximo obloquitur, suaque detractione pacem inter coniunctos dissolvit, pœnæ reatu lese obstringit. Qui autem Dei præceptum veritus pacem cum Deo & proximo servat, pace utrobique, hoc est, hic & in altera vita potietur. Idem illi obtinget, qui ut Dei præceptum servet, rem interitui obnoxiam aspernatur: hunc sensum nostra editio offert. Hebræa sonant. Qui Dei verbum vel præceptum contemnit, quamvis in præsentī hac vita nihil inde incommodi præcipiat: eiusmodi tamen contemptus tandem in interitum illi cedit. Contra verò qui Deum timet & præceptum illius servat, ampla mercede donabitur æternæque pace perfruetur.

*Filio doloſo nullum eris bonum, ſervulo autem ſapientiſi proſpera erunt operationes, & dirigentur viæ eius.*

**E**tsi in politicis & humanis magnum inter filium & servum interval- lum interiectum sit, apud Deum tamen, apud quem non spectatur ortus, sed virtus, probus servus malo præstat filio. Quamobrem filio doloſo & improbo nihil obueniet boni, nihil succedet prosperè. Contra vero seruo iusto & sapienti omnia ex animi sententia succedent, omnesque viæ & actiones eius felici cursu ad finem tendent.

14. *Lex sapientis fons vitæ, ut declinet à ruina mortis.*

**L**ex, institutio, & disciplina virorum sapientum sunt veluti fons vitæ: Nam ut è fonte dimanant aquæ, ad multos humanæ vitæ vsus necessariæ, ita ex sapientum pectore prodeunt salutaria vitæ morumque præcepta; & eius generis documenta, per quæ homo, si diligenter ea observaverit, mortis ruinam & pericula euadit. Nam si in humanæ sapientiæ præceptis instituti, facile vitæ huius pericula declinant, quanto magis discrimina vitæ subterfugere poterunt, qui diuinæ legis præceptis imbuti sunt: eiusmodi autem præ cæteris legis Evangelicæ sunt præcepta. Christi enim lex, est vera illa aquarum viventium vena, ex qua qui hauriunt, & carnis incen-

incendiam exstingunt, & per vana mundi huius desideria in perditionis foueam non trahuntur.

15. *Doctrina bona dabit gratiam, in icinere contemptorum vorago.*

**D**Octrina bona, qualem pij homines ex lege Christi, & sapientum monumentis hauriunt, impertitur gratiam cum apud Deum, tum etiam apud homines; nihil est enim quod apud Deum & homines ita nos commendat, atque intelligentia, fides recta, & vita integra. Qui enim præditus est ingenio bono, sapientiæque præceptis imbutus prudenter in omnibus se gerit, omnibusque accommodare se nouit, ille omnem gratiam facili negotio sibi adiungit: porro via vitæque contemptorum, orthodoxæque veritatis derisorum non tam aspera, dura, & spinosa est, quam mera quædam vorago, quippe quæ omnes, qui per illam gradiuntur, miserè tandem absorbeat, sædæque morte obruat.

16. *Asinus omnia agit cum consilio: qui autem fatuus est aperit stultitiam.*

**Q**uisquis prudens est, omnia operatur cum prudentia & consilio, certaque deliberatione, aut omnino nihil, eaque ratione suam prudentiam & sapientia ostendit, omnemque, quam habet stultitiam, tegit, at stulti & fatui homines dictisque & factis temerarij, stultitiam & fatuitatem suam omnibus patefaciunt.

17. *Nuntius impij cadet in malum: legatus autem fidelis, sanitas.*

**N**untius impius, hoc est, falsus & infidelis, qui legationis provinciam mala fide obit, corrueat in malum, nempe in interitum & perditionem. Idem continget legato impij hominis, qualis est qui impia vel improba mandata alicui committit. Verum legatus verax & fidelis fideli suâ legatione sanitatem adfert, vel quia per delationes falsas abalienatos conciliat, vel quia candidè omnia, ut se habent, exponens, errores & ambiguitates è medio tollit. Conuenit hic locus præcipuè in veros falsosque diuini verbi ministros.

18. *Egestas & ignominia ei qui desit disciplinam: qui autem acquiescit arguenti, glorificabitur.*

**Q**ui disciplinam & increpationem aspernantur, euadunt inopes, & contumelia operiuntur, contra verò qui æquo animo hæc admittunt,

honorem & gloriam cum in hac, tum in altera quoque vita consequuntur. Iam si egestate & ignominia digni sunt illi, qui sapientū monitis nō acquiescunt, quanto magis illi, qui Dei legi, & increpationi, quas crebro in Scripturis proponit, obstitunt.

19. *Desiderium si compleatur, deleat animam: detestantur & culti eos qui fugiunt mala.*

**R** Es diu avidè desiderata, tandem obtenta obleat animam, spiritumq̃. qui præ desiderio ante languebat, refocillat: & hoc quidem in honestis est licitum, rationique consentaneum, secus in turpibus. At stulti ( vt qui ea tantum, quæ ante pedes sunt, considerant ) à voluptate, quæ obligit, recedere non volunt; imò execrantur eos, qui à carnis illecebris, aliisque quæ vel dulcia vel vtilia iudicant, abducere illos contendunt, vel inde quoque poenitudine ducti decedunt. Cupiunt enim omnes sibi similes habere, vel sanè stultis omnibus hoc commune est, vt à scelere vitæque turpitudine recedere detrectent, eosque ægre admodum ferant, qui vel verbo, vel exemplo ad eiusmodi recessum incitant.

20. *Qui cum sapientibus graditur, sapiens erit: amicus stultorum similis efficietur.*

**T** Alis ferè vnusquilibet temporis lapsu euadit, quales sunt illi, quibus cum familiariter diu multumque agit. Quamobrem si quis cum sapientibus graditur, familiaremque consuetudinem cum illis habuerit, euadet ipse quoque sapiens. Quod si verò cum stultis familiarem vsum habuerit, non modo stultitiæ labem ab illis cōtrahet; sed magnum quoque aliquod incommodum incurreret, grauesque suæ stultitiæ pœnas aliquando lueret.

21. *Peccatores persequitur malum: & iustis retribuentur bona.*

**P**eccatores excipient mala, hoc est, cruciatus & tormenta; quippe cum per diuinam iustitiam ita comparatum sit, vt nullum omnino peccatum maneat impunitum, neque vllum rursus bonum irremuneratum. Quare mox subditur: Iustis autem pro iustitiæ suæ qualitate & quantitate, retribuentur æternæ vitæ præmia. Obseruent hunc locum qui potentiâ suâ freti quiduis audent, sibi que impunè licere putant; tum illi quoque, qui nullam prorsus pœnam peccatis deberi sacrilegè oblateralant. Concipiant hinc quoque animum iusti, qui ita quandoque hic torquentur & affliguntur, quasi Deus illorum sit omnino oblitus.

22. *Bonus relinquit heredes filios & nepotes : & custoditur in isto substantiâ peccatoris.*

**T**anta bonitatis & iustitiæ vis est , vt inter iustorum limites non consistat, sed energiam suam in illorum quoque posteritatem exserat, iniustorumque censum, malis præsertim artibus comparatum, ad se rapiat. Vir namque bonus & iustus, non suas tantum opes ad filios & nepotes, totamque posteritatem transmittit, & suas itidem virtutes animique & corporis dotes, verum impiorum quoque diuitias, veluti legitimus illarum hæres tandem adit. Nam cum penes impios ipsos non consistant, nec in illorum posteros ordinariè transeant, diuinâ providentiâ fit, vt ab ipsis tamquam iniustis hæredibus auferuntur, & in iustorum vsum conuertuntur, hæc tamen iniquorum pœna ad meritum potius referenda est, quàm ad ordinarium reieuentum.

23. *Multi cibi in noualibus patrum : & alij congregantur absque iudicio.*

**M**vlus prouentus multaque annona & ciborum copia noualibus *Raschium* hoc est, magnatû vel pauperum (vtrumque enim sonat vox Hebræa) inuenitur. Nam cum magnabus pecuniæ suppetant, facultatem habent conducendi operas, ceteraque omnia, quæ ad agrorum culturam censentur necessaria. Sunt rursus qui inediâ consumuntur, vel quod colendorum agrorum leges non teneant, vel quod ob nimiam inopiam præsidia ad noualium culturam necessaria comparare non valeant. Si autem vocē *Raschium* ad pauperes referas, sensus est: Pauperum noualia, quæ prius inculta iacebant, multo illorum labore, multaque culturâ & industria ad eam fertilitatem paulatim adducuntur, vt copiosum fructum fundant. Interim sunt nonnulli inter illos, qui ob id pereunt, quod iudicio careant, partisque vti nesciant. Nam etsi labor plurimum omni iure valeat maximè verò in agricultura: attamen nisi adsit iudicium & industria, non sat sunt ad vindicandum hominem à famis periculo. Quod si vocabulum *Raschium* cû nostro interprete *Patrum* exponas, significatur filios ex patrû maiorumque noualibus ciborum affluentiam percipere, potissimum si illorum vestigiis insistant, laborumque eorundem exempla æmulentur. Si quidem cibus ita comparatus diuinâ benedictione augetur, & conseruatur. Verùm annona, quæ à nonnullis iniuste paratur, quod debito cum iudicio, iustoque modo parata non sit, cito perit, neque stabilis consistit.

24. *Qui*

24. *Qui parci virgæ, odit filium suum, qui autem diligit illum, instanter erudit.*

**E**T si nimia parentum in filios seueritas non commendanda sit, attamen magis obest illis nimia indulgentia, quam nimia seueritas: imò nimia indulgentia innumeros perdit. Quamobrem si parentes filios ad officium compellere verbis non possint, verbera adhibeant oportet. Qui enim virgæ parci, cum ea vtendum est, non amat filium, sed odit, imò vero qui paterno animo filium prosequitur, non semel aut iterum illum erudit & castigat, sed instanter, hoc est crebrò & tempestiue illud facit.

25. *Iustus comedit, & replet animam suam: venter autem impiorum insaturabilis.*

**I**ustus vsque ad animæ satietatem comedit, quia nihil prorsus illi deest, quod ad honestam vitæ sustentationem sit necessarium, affluit enim necessariis omnibus. Impius contra rebus omnibus necessariis destitutus, nihil habet reliquū, nisi vt egregiè esuriat, inediâq. tabescat. Nō accidit sanè secundum rei euentum hoc semper, imo sæpe oppositum vsu venit, iusti enim sæpenuerò esuriunt, & impii affluunt, verum secundum meritum, & in altero sæculo semper, sed & avaritia quoque ad impietatem accedens, vt sæpe illi adiuncta est, impium insatiabilem efficit. Tam enim deest, auaro quod habet, quam quod non habet, iustus autem sua sorte etiam si tenuis admodum sit, contentus viuit, & Deo gratias agit. Ast impij venter eatenus quoque insatiabilis, quatenus gula illius numquam expletur, sed desiderio semper in hoc & illud, & iterum in aliud & aliud escæ genus fertur.

## A D

# CAPVT DECIMVM TERTIVM SCHOLIVM.

1. **F**ilius sapiens. &c. Opponuntur hic filij sapientes filiis illuforibus, simulque officij admonentur filij & parentes, hi vt filios peccantes castigent, rudesque diligenter instituant: isti vt fideliter obediant, effectus paternæ institutionis est filius sapiens, inobedientiæ autem fructus, est filius illufor.

2. *De fructu oris. &c.* Sensus loci huius est idem prorsus cum sententia vers. xiv. Capituli xij. nempe vnumquemque premium vel supplicium accepturum, prout lingua sua bene maleve usus fuerit, hoc est, bene vel male docuerit vel dixerit.

3. *Qui custodit. &c.* Hæc est elegans & saluberrima doctrina, qua admonemur tanta mala per linguam in animam egredi & ingredi; ut is demum animam suam ab omni malo custodire valeat, qui linguam suam custodit ab omni vitio, & verborum superfluitate: rursus non posse in graua mala non incidere, qui quiduis temere non dubitat effutire.

4. *Vult, & non vult piger. &c.* Hic versus ostendit hominem industriū laborēque assiduū multum posse, otium autem & pigritiam multorū malorum & miseriarum causam esse, idque non solum in temporalibus, verum etiam in spiritualibus. Ceterum quod nos legimus, *Vult & non vult piger*, Hebræi legunt: *Desiderat anima pigri & non est*: hoc est, non sit voti compos, adeoque perpetuo fluctuat; vult sanè, aut, ut rectius dicam, vellent sanè, scientiam, iustitiam, vel quamcumque aliam virtutem, verum cum considerat hæc sine labore constare non posse; iterum non vult, quia non vult cum isto onere, & sic simpliciter non vult.

5. *Verbum mendax. &c.* Vnusquisque id amare solet, quod suæ naturæ vel statui, vel conditioni est consentaneum; & odit oppositum. Quia ergo iustus ut talis, verax est, odio habet mendacium & falsitatem tam in verbis, quam in ceteris omnibus, impius autem se suosque sectatores confundit, pudorēque afficit & ut quosuis confundat, sæpè contendit. Verum ipse quoque confusionis exsors non erit; si non in hac vita, in altera certè.

6. *Iustitiam custodit. &c.* Docet iustitiam insontis perfectæque vitæ hominem ab omni incommodo liberare, impietatem autem impiū ipsum euertere ut cetera desint, quæ ipsum oppugnent.

7. *Est quasi diues. &c.* Insinuat opum quantitatem magis pendere ex diuitis animo, quàm ex rei natura. Insinuat æquè quorundam diuitum & avarorum miseriam: sunt hi enim perinde famelici, ac si nihil prorsus haberent; vel opum quoque inconstantiam. Qui enim hodie diues est, cras sæpè mendicus est, & vice versâ.

8. *Redemptio anime viri. &c.* Opponit diuitem & pauperem, copiam rursus & inopiam commoda & incommoda. Diues calamitate aliquâ externâ pressus facile se inde expedit; pauper autem ne auditur quidem, si causam suam agere velit; neque vllum facile inuenit Patronum.

9. *Lux iustorum, &c.* Lucis nomine varia designantur. Nam & iusti doctrina, & posteritas, & prosperitas, & multa potentia aliaque eiusmodi *Lux* dicitur, quæ omnia in hunc locum quadrant, eadem latitudine patet nomen *Lucerna*. Lux proinde & prosperitas iustorum & impiorum differunt, horum enim ad tempus tantum lucet & floret, deinde extinguitur; illorum vero magis magisque semper emicat & splendet. Per lucem quoque accipere possumus hoc loco sanam iustorum doctrinam, per lucernam autem fœdam hæreticorum hypocrisis, contaminatamque eorundem doctrinam.

10. *Inter superbos, &c.* Opponitur hic superbia consilio, & superbus viro prudenti consilio utenti. Vocat enim illum prudentem, qui omnia agit cum consilio & maturè; superbum autem qui temerè & indeliberatè (quasi ceteris omnibus rectius sentiat) quidvis aggreditur. Inter superbos autem ob id semper pugna & lis est, quia nemo alteri vult cedere.

11. *Substantia festinata, &c.* Significatur per hæc diuitias per fraudem & malas artes, vel cum aliorum iniuria partas instabiles esse, citòque dilabi: contra vero quæ manuum opere & iustè comparantur & stabiles esse & subindè incrementum accipere.

12. *Spes quæ differtur, &c.* Per spem & desiderium significatur hic res, quæ speratur, vel desideratur ea: enim est, quæ quidem cruciat, si cito non obuenit, recreat autem si tandem aliquando obtenta fuerit. Opponuntur hic enim *Cruciatio*, & *recreare cur*. Monemur hic quod promissum est, cito præstandum, si facultas adsit.

13. *Qui detrahie, &c.* Habent hæc nonnihil obscuritatis propter voces Hebræas ambiguas; hæ autem offerunt eiusmodi sensum: Qui verbum Dei eiusdémque mandatum pro nihilo ducit, interitus causam propter contemptum sibi adsciscit, contra verò qui Deum timet, mandatæque eiusdem seruat, mercedem accipiet, pacæque æternâ perfructur. Vulgata autem editio innuit pœnæ obnoxium futurum, qui res sacras à Deo vel Ecclesia institutas contemnit, vel iis detrahitis; aut Dei legem prætergressus proximo obloquitur, vel pacem inter amicos soluit, eum futuris suppliciis sese obligare. Contra vero qui cum Deo & proximo pacem seruat, mercede, verâque pace potiturum.



*Filio doloso, &c.* Versus hic in Contextu Hebræo & omēdatis Codicibus Latinis non habetur. Opponit autem filium improbum & dolosum seruo sapienti & frugi: significatur per hunc autem ingenuis suam ingenuitatem & nobilitatem nihil prodesse si improbi fuerint; seruo autem prudenti seruilem conditionem nihil obesse.

14. *Lex sapientis, &c.* Per sapientis legem non humanam sed cœlestem sapientiam accipit, quàm rectè appellat vitæ fontem, quia ex ea vita proficatur (sicut ex fonte aqua) obseruata probeque exulta liberat à morte & omni malo.

15. *Doctrina bona, &c.* Exponit quid inter bonam & malam doctrinā intersit; inter eos rursus, qui bonam & malam doctrinam sectantur. Etenim bona apud Deum & hominem promeretur gratiam & fauorem, prodestque tam docenti quàm discenti. Mala autem parit mortem, præcipitatque in interitus voraginem. Hebræa eodem tendunt, verbis tamē non nihil differunt; sonant enim: intelligentia indolesque bona conciliat gratiam; via autem præuaricatorum est dura.

16. *Assuetus omnia agit, &c.* Similia iam ante exposita sunt non semel. Monemur per hæc autem prudentes omnia agere cum consilio, fatuos autem nihil non temere, adeoque stultitiam suam nusquam non prodere.

17. *Nuncius impius, &c.* Committitur hic legatus fidelis, cum infideli, fidus cum perfido, hic propter suam infidelitatem corrui in mortem & interitum; vt qui aliis mortis vel interitus causa exstiterit; ille autem & sibi & aliis adfert sanitatem, salutaremque medicinam. Si legatur *Nuncius impij*, Vt quædam exemplaria habent; significat in mortem ruiturum, suâque spe frustratum iri illum, qui impiamandat, vel ab impio ad aliquid præstandum mandatur. Monemur per hæc autem legationes non quibusvis citra delectum mandandas esse, neque quosvis ad secreta consilia admitte-  
tendos, sed fidos & idoneos tantum.

18. *Egestas & ignauia, &c.* Committitur hic disciplinæ desertor vel contemptor, cum sedulo disciplinæ sectatore; quâ de re plura iam ante sunt dicta. Desertores euadunt pauperes & dedecorosi; sectatores autem disciplinæ apud Deum & homines gloriosi, & in bonis spiritualibus opulenti.

19. *Desiderium fi. &c.* Loci huius posterius membrum cum priori non satis videtur coherere, nisi in hunc modum exponas. Res desiderata si obtingat, oblectat animam. Quare stulti qui carnis illecebris & voluptatibus oblectantur; si illis forte potiantur, nolunt deferere, imo detestantur tam eos, qui inde recedunt tamquam sibi dissimiles, quàm eos quoque, qui ad recessum impellunt. Verum quod vox *Hauah* inter cetera *frangi* quoque significet, & non tantum *ferri*, potest ad hunc quoque modum exponi: sapiens gaudet, non cum prauum eius desiderium fit, sed cum illud frangitur vel impeditur: stulti autem à malo opere vel desiderio recedere detestabile ducunt, quia sua desideria frangi nolunt.

20. *Qui cum sapientibus. &c.* Docetur hic paucis talem vnumquemlibet esse solere sensimque euadere, qualis is est, cum quo consuetudinem habet. Quare qui cum sapientibus versatur, sapiens, & qui cū stultis, stultus efficitur, adeoque cum stultis punietur & conteretur. Habet hoc autem in spiritalibus locum præcipuè.

21. *Peccatores persequetur. &c.* Docetur hic nullum malum manere impunitum, vel vllum rursus bonum irremuneratum. Nam licet peccata in neutra vita punirentur, ut in alterutra perpetuò puniuntur, attamen conscientiam vulnerant semper; per malum autem designatur hic malū poenæ præcipuè, per bonum autem præmium virtutibus debitum.

22. *Bonus relinquit. &c.* Hæc promissio ad vetus Testamentum potissimum spectat; ibi enim vigeat diuturna vita, seraque posteritas; & vetus ille populus Cananæorum terram occupabat, sicut hoc tempore Christiani spiritalia Iudæorum bona. Docetur hic quoque iustitiam iusti non ipsi solum prodesse, sed suæ quoque posteritati, diuersumque bonos & malos exitum sortiri; quia horum posteritas cito exstinguitur, illorum continuâ successione immortalis redditur; horum rursus opes parum diu subsistunt, vel enim pereunt, vel ad iustos transeunt: illorum porro stabiles manent, & de generatione in generationem transfunduntur, idque cum augmento.

23. *Multi cibi. &c.* Locus hic subobscurus est ob vocis *Raschijm* ambiguitatem: hæc enim significat pauperes, magnates, & patres. Quare alij reddunt; *Multius cibus*, vel magna rerum copia est in agro pauperum: alij, *In prædijs magnatum*; alij, *In nonalibus patrum*. Sequens membrum æquè obscurum est, ad verbum sonat. *Et est qui perit, vel consumitur*, eò quod ipsi non consistit agricolandi ius vel lex, agricolendi peritia. Iuxta hunc igitur sensum agricultura hic commèdatur & labor rusticanus, & reliquæ honestæ artes. Chaldaea  
sonant

sonât: *Est qui præter ius vel citra iudiciû mortem appetat.* Porro autem siue primum membrum veritas: *Multis cibi sunt in noualibus patrum vel principum,* siue in agris pauperum parum refert, nam & pauperes labore & industriâ agros incultos & steriles reddunt vberes cultosque; & filij rursus vel posterij, si patrum vel maiorum vestigiis insistant, multum cibi ex agris ab illis relictis colligunt. Quod ad secundum membrum; quidam ita reddunt: *Sunt qui pereant frustra que colligant, eò quod sine iudicio colligant; vel iniuste colligant, vel qui ex bonis noualibus nihil percipiant, quod agriculturam ignorent.* Sêsu mystico: Multos salutes cibos & fructus ex Patrum operibus & monumentis capiunt, qui cum iudicio, & delectu illa legunt, mortem contra & venenum inde hauriunt, qui sine iudicio legunt.

24. *Qui parci: virga. &c.* Admonentur hoc versu officij sui parentes, etiam si verba, cum quibus primò rem tentare debent, ad filiorum insolentiam coercendam sat non sunt, verbera verbis addant necessum est. Est enim istud non odij, sed caritatis argumentum, debentque non semel aut iterum illud facere, sed assiduo & instanter.

25. *Iustus comedit. &c.* Confert hic ventrem iusti, cum impij ventre, hûc insaturabilem pronunciat, illum facile explebilem; quia iustus bonorum copiâ abundat, impius autem inops, quo se satiet non habet. Insinuat hic quoque auaros numquam expleri, iustos autem suâ sorte contentos esse, etiam si modica sit, per ventrẽ autem significatur hic appetitus, qui in malis infinitus est.

## PARAPHRASTICA.

### CAPITIS DECIMIQUARTI EXPLANATIO.

v. *Sapiens mulier ædificat domum suam: insipiens exstructam quoque manibus destruet.*

**N**On modo viris patribusque familias sapientia est necessaria, quo munere suo ritè fungantur, verum etiam mulieribus matribusque familias. Nam vt sapiens & cordata mulier domum ædificat, hoc est, totam familiam magnâ industriâ & prouidentia gubernat, cunctaque quæ ad rei familiaris curam & procuracionem pertinet, prudenter ordinat; &

nihil tandem ex iis omnibus, quæ ad honestæ & sedulæ matrisfamilias officium spectant, prætermittit; ita e diuerso mulier fatua & insipiens domum exstructam manibus suis, hoc est, prauis operibus pessimisq. vitæ exemplis euertit & destruit. Nam dum opes nec auget nec conseruat, nec vllam omnino rei familiaris curam habet; imo verò luxuriosè illam dilapidat, aliud nihil facere videtur, quam propriis manibus illam euertere.

2. *Ambulans recto itinere, & timens Deum, despicitur ab eo qui infami graditur via.*

**Q**UI Deum & Dominum timet, eiusdemque mandata & legem seruat is recto itinere ambulat, rectumque & iustum vitæ institutum tenet non declinans, neque ad dexteram, neque ad sinistram. Contra verò qui obliquè tortuosèque graditur, viasque suas peruertit, is Dominum despicit eiusque mandata pro nihilo ducit; neque vllam omnino honestæ vitæ rationem habet; neque Dominum tantum eiusmodi homo contemnit, sed eos etiam qui illum timent, colunt & reuerentur.

3. *In ore stulti virga superbiæ: labia autem sapientum custodiunt eos.*

**I**N ore stulti est virga superbiæ, lingua nimirum procax, arrogans, & superba: cuiusmodi præ ceteris est illa, quæ magna & superba loquitur, contraque omnes se erigit, maximè verò contra eos, quos odio prosequitur. Et quamuis improbus vel impius quispiam viribus imbecillis sit; attamen lingua veluti baculo sese defendit, aliosque conuitiis impetit; imò se ipsum quoque nonnumquā illā ferit. Nam cum multa stultè & superbe effutiat, fit vt pœnarum meritum sæpe sibi adsciscat. Verum sapientum labia contra stultorum linguam se rursus muniunt, seque & alios ab illorum insolentia fortiter defendunt, dântque operam sedulam ne quid dicant, quod à vera sapientia dissideat, aut de quo Deo rationem reddere non queant.

4. *Vbi non sunt boues, præsepia vacuum est: vbi autem plurima segetes, ibi manifesta est fortitudo bouis.*

**V**BI non sunt boues, vbi horrea & præsepia sunt vacua, triticoque & hordeo destituta. Nam vbi defunt validi boues, ibi ægri pro dignitate coli non possunt; vbi autem agrorum cultura deest, ibi parum aut nihil provenit

prouenit, quo horrea vel præsepia impleri queant; atque ita manet vacua & quasi scopis mundata: vbi autem plurimæ sunt segetes, magnusque fructuum & frugum omnis generis prouentus, ibi manifesta est bouis fortitudo. Siquidem frugum copia à bouum robore & fortitudine prouenit. quod de bobus hic dicitur, hoc totum ad illud referri protest, quod sine certo ministerio constare nequit. Quid enim esset Ecclesia sine idoneis pastores: Respublica sine magistratibus, iudicibus, assessoribus: scholæ sine eruditis magistris & doctoribus? & sic de reliquis.

5. *Testis fidelis non mentietur: profert autem mendacium dolosus testis.*

**T**estis fidelis, qui ab incunabilis veritati astipulari consuevit, neque in paruis, neque in magnis, neque in sacris neque in profanis, neque in suum, neque aliorum commodum vmquam mentitur. Siquidem qui in paruis, vel profanis, vel propter suum emolumentum mentiri didicit, ille in magnis & sacris quoque fidem non seruabit; verum qui mentiri, tametsi in leuibus, aut fraudem facere solitus est, is leui de causa mendacium profert, adeoque non satis idoneus est, cui vlla fides habeatur etiam in grauib, aut in magni alioqui momenti rebus. Qui ergo testis fidelis esse & haberi desiderat, numquam mentiatu caueat. Ceterum cum mendacium omnibus in rebus sit detestandum, tum in publicis concionibus & iudiciis maximè, nam in iis mentiri grauissimum est.

6. *Querit derisor sapientiam, & non inuenit: doctrina prudentium facilis.*

**Q**uerit veritatis contemptor, veræque sapientiæ derisor (qualis est omnis omnino hæreticus, Iudæus, Paganus, tum reliqui omnes, qui vitam à sapientia Christiana alienam ducunt, semperque iam inde à prima ætate duxerunt) Dei sapientiam, non inuenit; tum quia illa indignum se reddidit, tum maxime quia ibi illam querit vbi inueniri omnino non potest; nempe extra Dei Ecclesiam cætumque fidelium, & sapientum scholam. At verò prudenti & intelligenti, cuiusmodi est qui à teneris annis scientiæ & sapientiæ animum addictum habuit, vitiæque & nugas à sapientia alienas studiosè vitauit, sapientiæ doctrina inuentu perfacilis est; siquidem pii commodè à piis doctoribus propositam & traditam facili labore hauriunt.

7. *Vade contra virum stultum, & nescit labia prudentiæ.*

**A**bscede procul à viro stulto, neque umquam accesseris ad illum; neque cum eo familiaritatem ullam habueris; & procul rursus ab omni homine te seiunge, quem neque scientiæ, neque sapientiæ labia habere; sed sensu, mente, & ore stolidum esse cognoueris: siquidem aliud nihil nisi ineptiam, & stultitiam ab illo disces. Nam ut ex spinis non colliguntur ficus; ita ex stultis qui Deum ignorant, Dei scientia, recteque viuendi ratio non hauritur. Quod si de quopiam stultusne sit an sapiens dubitaueris, dissimula sapientiam & comprime labia prudentiæ, hoc est, te nihil scire simula & statim cognosces quis stultus sit: tuo namque silentio loquendi ansum illi offeres; ex sermone autem illius facile qualis sit deprehendes,

8. *Sapientia callidi est intelligere viam suam & imprudentia stultorum errās.*

**V**iri prudentis & callidi est cognoscere vias suas, viteque suæ rationes bene exploratas habere. Siquidem probè se ipsum nosse, viteque mores rite componere, & omnes vitæ actiones in legitimum finem dirigere, non vulgaris sapientiæ argumentum est. Ceterum ut is sapiens meritò habetur, qui vitæ suæ rationes prudenter nouit moderari & instituire, ita iure stultus ille censetur, qui totum conatum, omnemque prudentiam, si quam habet, huc conuertit, ut alios decipiat, doloque circumueniat, & in errorem abducatur. Quod studium sectariorum est proprium; sed apprimè insanum & stultum. Quid enim stultius quàm se ipsum perdere, ut alios perimas?

9. *Stultus illudet peccatum, & inter iustos morabitur gratia.*

**S**tultus (qui idem est apud Salomonē cum impio & iniquo) ridet peccatum suum, gaudent enim impij cum malè fecerint, neque suum tantum peccatum pro nihilo habet stultus, sed alterius quoque subsannat. etenim si quem in delictum aliquod cecidisse animaduertit, statim in vulgus illud diffeminat, mireque exaggerat; nec prius finem facit, quam alium si potest, infamem reddit. Verum inter iustos non moratur ea nocendi libido, aut insanum illud delationis studium, sed gratia, & caritas, & beneuolentia. Quamobrem si qui sunt, qui in peccatum vel erratum aliquod inciderint, iusti studiosè illud regunt, benigneque interpretantur; pro-

prudentes benèque affecti omnia in partem bonam trahunt, quæ apertè mala non sunt; contra stulti & iniqui omnia in malam transferunt.

10. *Cor quod novit amaritudinem animæ suæ, in gaudio eius non miscebitur extraneus.*

Vniuscuiusque cor, vt solum secreti sui doloris & ægritudinis conscius est, ( siquidem externa iudicia ad internum animi statum certò dignoscendum sat non sunt; nam & mæsti interdum se lætos fingunt, & læti rursus nonnumquam se mæstos simulant ) ita solum quoque interni sui gaudij gnarum, verèque particeps est; neque extraneus vllus quidquàm cum interna illius lætitia commune habet. Pari modo si animus interno mærore verè saucius est, nullis solatijs, quæ extrinsecus adferuntur, sanari facile potest. Dolor namque altum cordi infixus, externis blandimentis non temere mitigatur; externa enim infirmiora sunt, quam vt interna animi vulnera profigare queant.

11. *Domus impiorum delebitur, tabernacula iustorum germinabunt.*

Domus impiorum eorundemque posteritas non diu incolumes subsistunt, sed cito è terra hominumque memoria tolluntur. Quandoquidem cum tam ipsi quàm tota illorum familia nullum habeant virtutum præsidium, nec aliquid laude dignum designent vniquam, fit vt post mortem nihil reliquum illis fiat, in quo aliquatenus viuant; at iustorum tabernacula semper germinant. Moriuntur sane ipsi etiam iusti; verum non delentur, sed hinc ad meliorem vitam transferuntur: interea autem temporis bonis operibus semper florent & germinant. Quin post mortem quoque in sua adhuc posteritate florent & virent, quorum omnium nihil contingit impijs.

12. *Est via, quæ videtur homini iusta, nouissima autem eius deducunt ad mortem.*

EST quoddam vitæ genus, quod homini videtur rectum & sanum, quia aliquem virtutis & honestatis splendorem præ se fert; & tamen sua natura neque sanum, neque rectum est; siquidem exitus illius ducit ad animi & corporis mortem. In eiusmodi vitæ genere constituti sunt miseri & occæcati Iudæi & hæretici: nam cum certo persuasum habeant se rectè tendere ad superos, rectà feruntur ad inferos: tum omnes illi presertim,

C c

qui

qui laborant vitiis cum veris virtutibus aliquam cognationē habentibus. Manifesta enim peccata nulli videntur recta. Sic vita omnibus delitiis & diuitiis affluens multis videtur recta, quia est iucunda & curis vacua; & tamen non est eiusmodi. Multi enim in bonis ducunt dies suos, & in puncto ad inferos descendunt. Vna recta & certa est via, nempe observatio mandatorum Dei ad finem vsque vitæ perducta.

13. *Risus dolore miscebitur, & extrema gaudii luctus occupat.*

**N**E effusius, quam par est, læteris; sed risus tuus, tuæque lætitiæ impendentium malorum & ægritudinum metui & dolore temperetur. Siquidem nullum sæculi huius gaudium est solidum, nullum purum; semper enim aliquid ægritudinis admixtum habet; nullum diuturnum, nullum certum. Quæ hodie fausta lætæque videntur, cras vertuntur in luctum, imò extrema gaudii luctus plerumque excipit, nempe mors, & ea, quæ cum morte sunt connexa, quod maximè ij homines observare deberent, qui totam pœne vitam in carnis delitiis, comestationibus, ebrietatibus, voluptatibus, aliisque similibus sine vlla pœnitentiæ cogitatione transigunt. Cor itaque, etiam dum ridet, doleat, & nouissima recolat.

14. *Vis suis replebitur stultus, & super eum erit vir bonus.*

**S**TULTUS, qui cor suum à via recta auertit; & ad eam quæ sibi recta videtur, cum tamen obliqua sit, conuertit, aliquando viis suis, hoc est, studiis, quæ perperam sectatus erat, vsque ad tædium & nauseam saturabitur; quando nimirum risus & gaudium illius vertentur in luctum. Quod tum demum futurum est, cum pro meritorum suorum ratione sempiterni ignis supplicii iustè mancipabitur. At vir bonus & iustus plus illo recepturus est. Siquidem corona iustitiæ iniustam vindictam excedere plerumque solet. Deus namque pro sua clementia plectit fontes infra meritum; coronat autem iusto: supra illorum meritum: vt iustus à stulto in altera vita segregatur, ita in hac quoque vita ab illius via & consuetudine se auertit, & auertere meritò debet; ne illius consortio polluetur, & communi tandem supplicio cum eo inuoluatur.

15. *Innocens credit omni verbo, astutus considerat gressus suos.*

**H**OMO rudis, simplex, & indoctus temerè credit omni verbo, quod vtiq; & stultum, & admodum quoque periculosum est. Nam vt peruerſi



peruerſi obſtinatique animi eſt compertæ veritati ſtudioſè reſiſtere; ita nimiz ſimplicitatis & temeritatis eſt, quibuſlibet fabulis vel rumoribus, aut quorum libet hominum dictis fidem habere. Nimia credulitas parit actionum & conſiliorum inconstantiam, quippe cum de eadem proruſ re diuerſa ſæpe exponantur. Verum vir prudens & callidus prudenter conſiderat motus animi, grefſuſque ſuos, neque omni ſtatim verbo credit; ſed quid cum Dei lege rectæ ratione cõſentiat, quid ruſum ab illis diſſideat, prudenter expendit adeoquẽ in omnibus actionibus ſuis maturè procedit, prudenterque ſe gerit.

16. *Sapiens timet, & declinat à malo: ſtultus tranſiit & confidit.*

**C**V M omnia plena ſint periculis & inſidiis, ſapiens necubi impingat, aut irretiat, timet. Intelligit enim non tantum magna doctrina & experientia opus eſſe; vt quis malum omne, quod hinc inde imminet, euadat, ſed magna quoque cautione & timore. Nam qui timoris expers viuít, à malo non recedit, adeoquẽ facili negotio de vno incommodo, in aliud incidit. Sapiens itaque timet & peccandi occaſiones vitat, ſtultus contra temere quiduis adoritur, ægrèque fert, & quaſi incenditur, ſi quis illius temeritati aduerſatur, aut ab incepto eum auertere conatur. Sui enim iudicio ſuiſque viribus ſiſus, exiſtinat quiduis feliciter conficere ſe poſſe, nullumque ex opere ſuo incommodum conſecuturum eſſe.

17. *Impatiens operabitur ſtultitiam: & vir verſutus odioſus eſt.*

**I**M PATIENS & ad frangendam iram impotens, multa ſtulta & inſana deſignat, quorum, vbi ad ſanam ſedatamque mentem denuo redierit, miſerè iplum pœnitet; atque hoc cum per quotidiana experimenta certò conſtet, alia probatione non indiget: credi enim vix poteſt ad quanta mala incenſa ira multos impulerit, quantoquẽ dolore & incommodo auctores ſuos ſæpe affecerit. Vir autem verſutus & cogitabundus (cuiuſmodi eſt ille, qui ſemper cogitat & deliberat, neque ſeriò aliquid tentatum ille ruſum, qui animo ſemper verſat, quo modo proximo damnum inferat, iræque diſſimulat à lædendi opportunitatem aſiduo captat) iure meritoquẽ exoſus habetur: nam etſi vterque malus ſit, & qui citò irasſcitur, & qui iram callidè diſſimulat, vt acrius poſtea puniat, hic tamen illo multò pernicioſior eſt: hic enim peccat ex mera malitia; ille ex infirmitate. Ira enim adimit iudicium.

18. *Possidebunt paruuli stultitiam, & expectabunt astuti scientiam.*

**S**ensu paruuli, rudes itidem & imperiti stultitiam, veluti hæreditario iure sibi debitam possident: quia mordicus illi adhærent; neque cogitationem aliquam de ea dimittenda suscipiunt, cum aliud tamen nihil inde, nisi probum & dedecus reportent. Prudentes autem & astuti nihil æquè avidè complectuntur atque scientiam: norunt enim illam verum & solidum hominis bonum esse; in quâ proinde magnum illius ornamentum & præsidium est positum. Nec enim secus scientia hominem totum exornat, atque corona caput. Est autem de Dei rerumque cœlestium notitia verius hic sermo, quàm de rerum naturalium scientia, quàmuis hæc quoque sua ornamenta adferat.

19. *Iacebunt mali ante bonos: & impii ante portas iustorum.*

**M**ali & improbi suò tempore ante bonos prostrati iacebunt hominesque impii ante iustorum portas sese abiicient & opem illorum expetent. Fiet hoc autem quando iusti stabunt in magna constantia aduersus eos, qui se angustiauerunt; nisi forsan ante mortem ad sanam mentem reuersi, impietatem & superbiam suam agnouerint, agnitique detestati, & iniuriam, quam iustis intulerant deprecari fuerint. Improbi enim & superbi iustos opprimere, variisque iniuriis afficere solent, sed Dei prouidentia fit, vt tales nonnumquamque ita humilientur, vt ad eorum quoque auxilium implorandū ire compellantur, quòs ante deriserant, & tantum non oppresserant.

20. *Etiā proximo suo pauper odiosus erit: amici vero diuitum multi.*

**G**raue sanè onus est paupertas, duræque pauperum conditio; vt quæ vix ullos in hac vita fidos patronos inueniant, ab omnibus autem negligantur & contemnantur, & ab amicis & sanguine iunctis; diuites contra ab omnibus honorantur, magnique fiunt etiam ab exteris: multosque vbique amicos, & affectas, & laudatores numerant, verum hæc disparitas non prouenit ex natura rei, sed ex præpostero hominum iudicio. Hi enim sunt, qui magis spectant rerum copiam & abundantiam, quàm naturam humanam; fortunam quàm virtutem; opulentiam quàm scientiam.

21. *Qui despiciit proximum suum, peccat: qui autem miseretur pauperis, beatus erit.*

**V**erum quicumque proximum propter paupertatem aspernantur, aut in necessitate deferunt, aut qualicumque iniuria afficiunt, non impune illud ferent. Nam qui fratrem ob inopiam, aut aliam miseriam despiciit, citra controuersiam in caritatis legem committit, sui que peccati poenas quandoque luet. Proximi autem nomine eos omnes hic accipe, de quibus bene mereri possumus, aut à quo beneficium aliquod accipere ualemus. Sunt enim varij tituli propinquitatis, Proximique vocabulum patet latissimè. Contra verò qui pauperis miseretur beatus est, quia Deus vicissim miserebitur illius. *Beati enim misericordes, quia ipsi misericordiam consequentur.* Neque enim exiguum caritatis opus est eum, qui ab omnibus contemnitur, & quasi caleatur, etiam a propriis amicis, iuuare & subleuare.

22. *Errant qui operantur malum: misericordia & veritas præparant bona.*

**E**rrant qui studio machinantur quodcumque malum. Siquidem in malum vel peccatum aliquod incidere, hoc humanæ est fragilitatis, verum de industria malum patrare, vel alicui inferre, id demum apertæ est nequitie. Quare sæpe eiusmodi mala in illorum capita recidunt, neque misericordiam facile consequuntur. At vero qui veritati & operibus misericordie student, illis ea præparantur bona, quæ nec oculus vidit, nec auris audiuit, nec in cor hominis ascenderunt. Vehementer proinde errant, qui datâ operâ peccatis sunt addicti, quod omnibus tamen iis est peculiare,

23. *In omni opere bono erit abundantia: ubi autem verba sunt plurima, ibi frequenter egestas.*

**N**ON qui dicunt, sed qui faciunt: neque enim garrulitate comparantur opes, sed labore & industria. Quæuis namque ars honesta iuste seduloque exercita, victui necessaria subministrare nata est, habetque studium hoc non solum in rebus caducis & temporariis locum, verum in cælestibus & spiritualibus quoque: *Non omnis, inquit, erat Christus, qui dicit mihi domine, domine, intrabit in regnum celorum; sed qui facit voluntatem patris mei, qui est in celis.*

24. *Corona sapientum, diuitiæ eorum: fatuitas stultorum imprudentia.*

**D**iuitiæ si prudenter illis vtaris, legitimæque pares, non sunt malæ; sed bonæ, & ad multas res salutares; imò sunt magnum virorum sapientum ornamentum, & ad magna quædam præstanda perutile instrumentum. Siquidem sapientia in homine abiectio & paupere non ita est conspicua, sicut in diuite; nam in viro potente & opulento tamquam in digno possessore admirationi est; in pannofo autem & inope contemni sæpe solet. Verum cum stultorum stultitia longe aliter res habet: stulti enim externis opibus non ornantur, sed grauantur (quippe qui eò euadunt stultiores quo pluribus affluunt) quandoquidem habent maiorem ostentandi & manifestandi suam stultitiã & fatuitatem facultatem; maxima autem stultorum stultitia est, in præsentia tantum oculum defixum habere, de futuris autem nullam cogitationem suscipere.

25. *Liberat animas testis fidelis: & profert mendacia versipellis.*

**T**estis verax & fidelis suo fideli veracique testimonio liberat à periculo vitæ; testis autem versipellis & mendax mendaci linguâ infantes occidit, & in varia incommoda coniicit. Quam multi falsis testimoniis oppressi vitâ priuantur? quam multi eâdem fraude circumuenti, omnibus fortunis exuuntur? quam multi indelebilem infamix notam hinc passim incurrunt? Habet autem ea falsitas, & quæ inde nascitur, perniciēs locum non tantum in politicis, verum etiam in spiritualibus. Verè falsi testes sunt hæretici & omnes pseudodidascali: contra autem verè fideles & veraces testes sunt orthodoxi & Catholici Pastores. hi enim saluant animas; illi vero perimunt & perdunt.

26. *In timore Domini fiducia fortitudinis, & filius eius eris spes.*

**V**T diuitiæ cum timore Domini multum possunt, citra illum autem parum præliidii adferunt: ita fortitudo quoque & potentia si timorem Domini comitem habuerint, multum valent, sine illo autem nihil aut parum præstant. Robustus enim vt maximè viribus valeat, multo plus tamen spei & fiduciæ collocare debet in timore & auxilio Domini, quam in viribus suis. Nec solum fortibus ipsis timor Domini est munimentum, certæque fiduciæ firmamentum, sed ipsorum quoque posteritati. Nam parentum quoque merita in filios & nepotes, vt ex vtroque Testamento manifestum est, sæpe redundant.

27. *Timor Domini fons vitæ, ut declinet à ruina mortis.*

**T**Imor itaque Domini est fortitudinis parens & quasi radix; neque hoc solum est, sed veræ quodque vitæ fons & origo: vnus hic quoque in causa est, ut homo mortis laqueos, hoc est, peccata & occasiones, quæ in peccatum trahunt, declinet. Timor enim supplicia peccatoribus præparata ob oculos ponit. Formido autem poenarum multos à scelere absterret, iuxta illud: *Od-runt peccare mali formidine poenæ.*

28. *In multitudine populi dignitas regis: & in paucitate plebis i. nomina principis.*

**P**ræcipua Regum maiestas, eorumdémque decus & ornamentum non est situm in magnis opibus, aut munitionibus, aut propugnaculis, sed in multitudine subiecti benèque erga ipsos affecti populi. Contra vero non vulgare illorum probum, terror atque contritio est subditorum paucitas, maleuolentia, & abalienatio; nihil enim facilius est quàm Principem expugnare, si subditos habuerit à se auersos. Debent proinde Reges & Principes magis studere comitati, beneuolentiæ, mansuetudini, & liberalitati, quam seueritati, tyrannidi aut iniustitiæ. Per hæc enim coniuncti alienantur, per illa autem alienati conciliantur, & alliciuntur.

29. *Qui paciens est, multa gubernatur prudentia: qui autem impatiens est, exaltat stulticiam suam.*

**P**ER patientiam & animi lenitatem cognoscitur sapiens; per impatientiam autem & furorem stultus. Qui enim paciens est, in omnibus prudenter se gerit, magnaq. in omnibus rebus moderatione vtitur. Qui autem impatiens est, multa insana & stulta propter iram committit. Est autem hæc patientiæ & longanimitatis virtus præ ceteris Regibus, Iudicibus, & Magistratibus necessaria. Siquidem animo ira turbato neque veritatem cernere, neque rectè vllam omnino controuersiam iudicare possunt.

30. *Vita carniū, sanitas cordis: putredo ossium, inuidia.*

**N**ON solum impotentior ira bonæ animi corporisque constitutioni plurimum obest, verum etiam liuor & inuidia. Etenim ut cordis sanitas, hoc est, pacatus tranquillûsque mentis status non modò ingenium ad veritatis inuestigationem, & rerum sublimium contemplationem

*multum*

multum iuuat, sed vitam quoque carniū, hoc est, corporis incolumitatem conseruat & promouet: ita inuidia non tantum corporis vires absumit, sed ipsa etiam ossa exhaurit & tabefacit.

31. *Qui calumniatur egentem, exprobrat factori eius: honorat autem eum, qui miseretur pauperis.*

**I**ngenti cum salutis periculo coniunctum est, pauperibus vim inferre, aut maledicere, aut calumniam struere, aut quouis modo illos opprimere. Contra verò maximi apud Deum meriti est bene de illis mereri, eosque pro viribus iuuare, tueri, ac defendere. Nam qui calumniatur vel opprimit pauperem, quod in se est, factorem eius iniuria afficit; e diuerso vero qui pauperis miseretur & eum pascit, eiusdem creatorem honore afficit & pascit. At quid sanctius, quid præstantius, aut quæstuosius dici vel cogitari potest, quam Deum pascere & honorare? quid rursus grauius aut periculosius, quam probis aut calumniis eundem afficere?

32. *In malitia sua expelletur impius: sperat autem iustus in morte sua.*

**I**mpius propter malitiam suam & à cœlesti patria proscribitur, & ab omni cuiusvis boni spe omnino excluditur, & multis præterea terroribus & miseriis inuoluitur. Etenim vt iustus in morte, quam naturaliter omnes metuunt, timore non frangitur, neque impatientiâ vincitur, sed spe bonâ munitus liberatoris sui aduentum læto animo exspectat, ita impius in morte vehementer consternatur, & angitur; neque omnibus tantū voluptatibus & carnis illecebris, quibus ante potiebatur, priuatur, verum ab omni quoque bonorum spe & exspectatione prorsus depellitur.

33. *In corde prudentis requiescit sapientia, & indoctos quosque erudiet.*

**I**n corde viri prudentis & intelligentis requiescit sapientia: in cœtu autem stultorum sapientia non agnoscitur. Nam licet sapiens stultos & indoctos erudire, suamque sapientiam iisdem impertiri maximè studeat; attamen veritas & sapientia in pectore stulti locum non inueniunt, sed tantum in corde intelligentis. Hi enim sunt, qui auidè illam hauriunt, semelque haustam constanter retinent, & opere ipso oblatâ occasione exercent. Stulti autem & iuuenes præsertim, licet sapientiam quandoque differentem audiant, eius tamen doctrinam & monita non retinent, sed statim obliuioni tradunt. Quin alio quoque modo sapientia residet in sapientis

sapientis pectore; quia nimirum illam arroganter non iactat, verum modestè dissimulat; stultus autem siquid nouit, id celare non potest, verum statim effundit, & arroganter venditat.

34. *Iustitia eleuat gentem: miseros autem facit populos peccatum.*

**I**ustitia in quacunque tandem gente, loco, vel regione locum obtinuerit, illum clarum, celebrem, fortunatumque reddit. Peccatum contra, nisi per poenitentiam deleatur, in causa frequenter est, ut populus magnis cladibus, pestibus, & calamitatibus afficiatur, & radicitus nonnumquam extirpetur. Quod Magistratus, & Principes animaduertentes toti in hoc esse meritò deberent, ut regna & prouincias suas à publicis præsertim peccatis quàm maximè repurgatas tenerent. Nam ut iustitia & æquitas populum extollit: ita peccatum eundem deprimit, publicæque ignominia & miseria afficit.

35. *Acceptus est regi minister intelligens: iracundiam eius inutilis sustinebit.*

**E**t si sapientia in viris magnis & potentibus sit illustrior, magisque conspicua, quam in vilibus & abiectis mancipiis; in quibuscunque tamen inuenitur, mirificè illos commendat, gratosque & acceptos reddit. Quamobrem minister regis eò Domino suo est gratioꝝ & utilior, quò est sapientior & intelligentior. Contra vero quo est rudior, & ad quoduis munus vel ministerium propter stultitiam suam obeundum ineptior, eò omnibus est exosior; & qui principem suum ad iram prouocer, publicèq. confundat, instructior. Quin ipse quoque Christus non stultos, sed prudentes, & vigiles seruos ad suum seruitium requirit.

## A D

## CAPVT DECIMVM QVARTVM

## SCHOLIVM

1. **S**apientis mulier. &c. Committitur hic frugi, & industria materfamilias cum ignaua & stulta: hæc quasi propriis manibus euerit domum, illa ædificat & extruit, simulque ostenditur sapientiam non modo viris esse necessariam, verum etiam sæminis familiarique matribus. Siquidem illius partes sunt familiam gubernare; hoc autem absque prudentia facere non potest.

2. *Ambulans recto, &c.* Confertur inter se recto & obliquo itinere incedentes; hi Deum aspernantur, illi Deum timent, eiusdemque præcepta servant.

3. *In ore stulti, &c.* Committitur hic os stulti cum labiis sapientis, designat autem os vel linguam stulti nomine *Virgæ*; quia ut virgâ consuevimus percutere, ita stulti, quos alio modo lædere non possunt, procaci linguâ feriunt. Per hoc autem quod stultos Virgam vel baculum in ore ferre docet, significat paratos esse semper ad hoc vel illo modo lædendû. Contra verò sapientum labia ita comparata sunt, ut & suos auctores & alios quoque custodiant atque defendant:

4. *Vbi non sunt boues, &c.* Significatur hic agricolas, qui ex agris suis copiosum proventum referre volunt, de omnibus rebus ad agriculturam necessariis sibi prospicere debere. Tum omnes, qui rem facere volunt in quacumque re vel arte otium veluti pestem fugere oportere. Mysticè verò rempublicam, quæ florere desiderat, de bonis prudentibusque magistratibus aliisque ministris sibi prospicere dedere, Ecclesiam autem de bonis pastoribus, omnem alioqui conatum vacuum & sterilem futurum. Nomen *Esum* non modò prælepe, sed horreum quoque significat, quod magis ad rem facit, sic vox sequens quoque non modo vacuum, sed triticum quoque denotat, quod huic rursus loco magis conuenit. Sensus enim est: vbi non sunt boues ibi non est triticum vel frumentum in horreo.

5. *Testis fidelis, &c.* Confertur hic testis verax & fidelis cum mendaci & infideli: hic mentitur, ille veritatem loquitur, quia ab initio veritatem proferre assuevit, sicut ille mendacium; atque ita ex prima institutione coniectura facienda est, sitne quispiam futurus verax an mendax in adultiori ætate, hæc autem veritas maximè requiritur in iudicibus, testibus, concionatoribus, sacrorumque mysteriorum interpretibus.

6. *Quærit derisor sapientiam, &c.* Hic locus à prima statim ætate scientiæ & sapientiæ animum adiungendum admonet. Qui enim in iuuentute illa contemnit, in senectute frustra quæret.

7. *Vade contra virum stultum, &c.* Hic versus in nostro Contextu subobscurus est, in Hebræo est facilior. Tradit autem summatim cum stultis hominibus nullum prorsus commercium habendum esse. Nostra editio eiusmodi sensum offerre videtur: *Si in stultum forte incideris, finge te nihil scire, tuoque silentio illius stulticiam facile elicies. Vel aliter & forsan melius:*

*Si cre-*



*Si crebro cum stultis egeris, nescies tandem labia sapientia, hoc est, doctè eruditèque loqui haud scies.*

8. *Sapientia callidi, &c.* Locus hic, ut alij complures, indicat, sapientiam in actione potius consistere, quam in nuda contemplatione: siquidem per *Viam vite* ratio morumque compositio designatur. Ut autem rectè is sapiens appellatur, qui vitæ suæ rationes ad eum modum instituit, ut de virtute in virtutem semper progrediatur, ita stultus iure habetur, qui de vitio ad vitium usque oberrat, aliosque & alios in errorè inducere laborat; id quod hæretici impigrè contendunt. Convenit versus appositè in bonos malosque doctores.

9. *Stultus illudet, &c.* Opponitur hic stultus vel iniustus iusto. Hic alios gratiâ & benevolentia complectitur, eorumdemque lapsus tegit & dissimulat; ille proximi peccatum deridet, & ubicumque potest diuulgat, quin proprium quoque peccatum risu excipere solet.

10. *Cor quod novit, &c.* Docetur hic interiorem hominis statum, eiusdemque qualitatem ipsi soli certo comperta esse, iudicia autem externa incerta esse omnia, propterea quod homo pro voluntatis suæ libertate, qui dvis fingere & comminisci potest. Quare qui errare non vult, ex solis externis de interiori hominis statu ne facile pronunciet, aut iudicet.

11. *Domus impiorum, &c.* Per iustorum & impiorum domum & tabernaculum vtrorumque studia & opes designantur. Inter quæ hoc interest: quod res impiorum sint caducæ & inconstantes, iustorum autem stabiles, & in quodam incremento positæ. Rectè quoque iustis tribuitur tabernaculum, quod est hominum in motu existentium, contendunt enim iusti ad aliam vitam & regionem; impiis autem domus, quæ est sedes fixè manentium. vellent hi enim perpetuo in terra hædere, si per Deum liceret. Mysticè, tynagoga deletur, Ecclesia firma consistit.

12. *Est via qua, &c.* In via, quæ videtur iusta & non est, quia ducit ad mortem æternam, constituti sunt non modo Iudæi, hæretici, Paganæ, luxuriosi, ambitiosi, & alii id genus complures, sed ij quoque, quibus hic omnia ex animi sententia succedunt, nihilque umquam aduersitatis patiuntur, cum tamen offendant, & impingant æquè atque alii.

13. *Risus dolore, &c.* Monet hic locus gaudium non debere esse nimis effusum, sed moderatâ tristitiâ temperandum: tum nullum in hoc mundo gaudium esse solidum; quippe quod omne omninò gaudium aliquid semper amaritudinis habeat admixtum, id quod in fine præcipue animaduertitur.

14. *Vivis suis, &c.* Versus hic docet rerum omnium mundanarum esse satietatem & fastidium; hinc tam bonis quam malis operibus suam repositam esse mercedem. Virum stultum Hebræi vocant hoc loco, qui corde à via recta aversus est; qui proinde studiis & viis suis tum demum replebitur, cum ex vita hac voluptuosa ad æternum supplicium amandabitur. Superat autem talem vir bonus, quia ex vitæ huius miseriis ad cæli gaudia transfertur. Contextus Hebræus hunc quoque sensum admittit. *Stultus satiatur viis suis, ita vir bonus & sapiens impletur* Miderachau id est *foliis vel fructibus suis*, hoc est, unusquisque referet, pro ut gessit: aut bonus saturabitur præ illo, vel plus illo.

15. *Innocens credit, &c.* Scopus loci huius est. Non omni verbo credendum esse, sed cautè ambulandum, expendendumque quid dicatur, & à quo dicatur. Innocentis autem vocabulum usurpatur hic pro indocto & simplici, sicut astuti, pro prudenti & sagaci.

16. *Sapiens timet, &c.* Monemur hæc sententiâ magno propter pericula in hac vita occurrentia opus esse iudicio & cautione, nihilque temere aggrediendum. In quibus omnibus stultus errat, neque enim timet quemquam, neque deliberat quidquam; sed temerè tentat quidvis, agrèque fert si quis temeritati illius obnititur.

17. *Impatiens operatur, &c.* Et hæc quoque sententia nos admonet, ne quid unquam per iram, aut dolum malum adoriatur; tum ut id esse conemur per gratiam, quod Deus est per naturam, mansuetus nimirum & longanimis. Virum autem versutum odiosum dicit, quia omne illius studium tendit ad malum & proximi detrimentum.

18. *Possidebunt parvuli, &c.* Comparantur hic simplices cum astutis; illis adhæret, & quali congenita est stultitia, multa que probra, quæ inde nasci sunt solita; hi autem studio & desiderio tendunt ad scienciam, ex qua dimanat decus & gloria, estque bonum præ ceteris nobile & stabile.

19. *Iacebunt mali, &c.* Admonentur hic iniqui, ut tempestivè resipiscant, veniamque ab iis perant, quos iniuste afflixerunt, & iniuria affecerunt.

20. *Etiâ proximo, &c.* Docetur hic quam gravis in hoc sæculo miseraque conditio sit pauperum; ut qui ab omnibus contemnantur & deserantur etiam a sanguine iunioris: divites contra ab omnibus honorantur & observantur, verum hoc iudicium est mundi, & sæculi huius, apud Deum namque ille est carior, qui virtutibus est auctor.

21. *Qui despiciat proximum, &c.* Hic locus pertinet ad proximè expositum;

tum; monet enim grauitè illos in Deum peccare, qui pauperes propter inopiam cõtemnunt, vt contra vero certâ iam spe beatos esse, qui illorum curam suscipiunt, opemque iisdem ferunt.

22. *Errant qui operantur, &c.* Docetur hic in grauissimo errore salutisq; discrimine eos versari; qui de industria peccât. Contra vero magna præmia apud Deum illos sibi præparare, qui iustitiam & veritatẽ præstant, cogitantq; quomodo inopi opem ferre commodè valeant.

23. *In omni opere, &c.* Commendatur hoc versu sedulitas, & condemnatur insulsa garrulitas.

24. *Corona sapientiam, &c.* Ostenditur hoc loco sapientiam non modo animæ & corporis bonis ornamentum adferre, verum etiam fortunæ commodis. Opes namque sapientibus egregium ad omnem virtutem sunt organum. Per sapientum autẽ opes, sapientiæ copiam, vel perfectam quoque sapientiam accipere licet. At stulti diuitiarum copiã ex stultis stultissimi euadunt.

25. *Liberat animas, &c.* Docetur hic testem veracem à mortẽ & periculis quæ mortem adferunt, & aliis itidem incommodis animam liberare; testem autem mendacem mentiriue solitum contrarium præstare, hoc est, animæ, & corpori, & famæ & fortunæ bonis, imo etiam salutis ipsi detrimentum adferre.

26. *In timore Domini, &c.* Sensus est, vt opes sine timore Dei parum profunt; ita animi quoque robur & corporis fortitudo sine Dei timore languent. Est autem aliud nihil Fiducia fortitudinis, quam fiducia firma, tuta, & valida, quæ vtique non tam in brachio, quàm in Deo collocada est.

27. *Timor Domini, &c.* Hæc alio titulo timorem Domini commendant. Ostendunt enim non solum esse initium sapientiæ fontemq; fortitudinis, vt ante dictum est, verum etiam fontem vitæ: nam & vitam præstat, & à mortis ruina & laqueo liberat: laquei autem mortis sunt laquei diaboli, & omne illud præterea, quod insidiatur animæ vel corporis vitæ.

28. *In multitudine populi, &c.* Admonentur hic Principes maiestatem & dignitatem regiam non tam consistere in magnis opibus, aut validis munitioribus, quàm in multitudine morigeri benèq; affecti & constituti populi: sicut e diuerso in paucitate plebis positam esse illius ignominiam & dedecus, adeoque Principes omnes comitate & beneuolentia potius vti debere, quàm seueritate. Monentur per eadem quoque qui lacris præstant, vt Christo regi quam plurimos lucrifacere contendant.

29. *Qui patiens est, &c.* Opponuntur hic patientia & impatientia, sapiens itidem & stultus; hic cognoscitur ex impatientia, ille ex patientia: præ ceteris autem patientia Regibus, & Iudicibus, & Magistratibus, ratione officii magnopere est necessaria. Porro *Exaltare stultitiam*, aliud nihil est, quam apertis indiçiiis eam proderè, cum ante latuisset, aut aperta non satis fuisset.

30. *Vita carniùm, &c.* Hic locus dehortatur ab invidia, sicut præcedens ab ira & impatientia: etenim cor invidia laucium, aut alio animi morbo læsum exsiccatur & consumit ossa ipsa; sicut cordis sanitas, animique integritas & ingenuitas toti corpori vitam & sanitatem præstat. licet autem hæc omnia ad animi vires transferre.

31. *Qui calumniatur egenum, &c.* Docetur hic quanti periculi res sit pauperibus vim inferre, aut quouis modo illos diuexare; quanti rursus meriti bene de illis mereri. Nam, ut disertè hoc versu exponitur, quidquid boni vel mali pauperibus confertur vel infertur, id totum Deo confertur vel infertur. Eadem est sententia Christi, Matth. xxv.

32. *In malitia sua, &c.* Significatur hic impius, nihil exanimi sententia succedere; iusto contra omnia prosperè euenire. Repellitur enim impius ab omnibus bonis, ad quæ vel in hac vita anhelabat, vel quæ in altera sperabat; iustus autem sperat in morte, quia tum liberatur ab omni miseria & molestia: sperat quoque in morte impii, quia tum eripitur ab omni iniusta vexatione, & oppressione.

33. *In corde prudentis, &c.* Duplici nomine prudentem hic locus commendat. Nam & in corde illius residet & quiescit sapientia; & aptus est, qui indoctis illam impertiat. Potest quidem veritas à stulto nonnumquam deprehendi, verum in corde illius fixam sedem non habet.

34. *Iustitia eleuat, &c.* Quod hic traditur, hoc quotidiana experientia confirmant: nempe iustitiam populum florentem reddere; peccatum autem eundem illum calamitosum, pauperem, & miserum efficere. Hebræa duplicem sensum recipiunt; alter est: *Mis recorda populorum, est quasi sacrificium pro peccato.* Alter est: *ignominia est populo peccatum.*

35. *Acceptus est Regi, &c.* Ostenditur hic sapientiam omnibus necessariam, etiam vilibus mancipiis; quippe quæ dominis suis sunt grata, si sapiunt; ingrata autem, si prudentia destituuntur. Quin ipse quoque Christus prudentem fidelemque servitutem ab omnibus exigit,

# PARAPHRASTICA

## CAPITIS QVINCTI DECIMI

### EXPLANATIO.

#### 1. *Responsio mollis frangit iram: sermo durus suscitatur furorem.*

**R**esponsio mollis & humana frangit iram, incensique animi furorem lenit; Contra verò sermo durus & aculeatus iracundiam suscitatur; habet hoc autem locum non in humanis solum, ut quotidiana experimenta probant, (videmus namque grauissimè incensos leni humanaque oratione mitigari, contra violentè commotos, dura hostilique oratione grauiter incendi) verum etiam in diuinis. Qui enim culpam agnoscit, veniamque deprecatur, & miseriam suam deplorat, Deum alioqui iratum, & punire paratum facile placat; qui vero virtutes suas iactat, & aduersus Deum, quasi iniuste puniatur, murmurat, grauiter illum inflamat, & ante sedatum contra se armat & excitat.

#### 2. *Lingua sapientum ornat scientiam: es fatuorum ebullit stultitiam.*

**S**apientum lingua exornat scientiam. Nam cum debito modo, loco, & tempore eam proponit, efficit, ut iis appareat venusta, pulchra, & facilis quibus ante videbatur aspera & spinosa. Atque hoc quotidie ex doctis & eruditis orthodoxorum concionibus & lectionibus obseruare licet. Porro os stultorum, quod iudicio careat, neque modum vllum seruet, nihil aliud eructat quam meram stultitiam & insaniam; atque hoc ex sectariorum spermologiis & descriptionibus luce meridianâ clarius patet. Pulchra est itaque eloquentia cum sapientia coniuncta; at vero loquacitas sine iudicio & sapientia, aliud nihil est, quam mera stultitia.

#### 3. *In omni loco oculi Domini conuolantur bonos & malos.*

**I**nterim nulla sapientia est tanta, quæ oculos Domini fallere; nulla eloquentia tanta, quæ oculatissimo illius iudicio tenebras offundere; nulla tandem astutia tanta quæ aliquid, quod ipsos lateat, abscondere possit nam oculi Domini sunt in omni loco, omniaque sunt illis aperta & nuda.

Idem

Iidem illi oculi contemplantur bona & mala, bonos rursus & malos, iustos denique & iniustos, omniumque opera & studia accuratissime observant, ne quis existimet impunè se laturum, siquid mali occultè designet; aut mercede cariturum, siquid boni faciat, aut mali propter Christum vel iustitiam ferat.

4. *Lingua placabilis, lignum vite: quæ autem immoderata est, conteret spiritum.*

**L**ingua sana, pacisquæ studiosa, & lenis, est veluti arbor vitæ: nam cum sit sana, nullisquæ praviæ linguæ vitiis obnoxia, nulli nocet, nulli detrimentum adfert; imò vero ægros malèquæ affectos sanat, debilisquæ confortat, cæcos illuminat, claudos dirigit, & mortuos tandem ad vitam reuocat; quæ omnia in Catholici Pastoris piique doctoris lingua sunt manifesta, atque ita arbori vitæ rectè comparatur. At lingua peruersa & immoderata spiritum conterit, grauiterquæ eundem affligit siquidem suâ furiâ illum conturbat, bonumquæ illius statum falsâ doctrinâ euertit. Dicitur autem immoderata, quia nullum in reprehendendo, aut increpando seruat modum, veritatisquæ & modestiæ limites excedit, & infans clamoribus, aut importunis conuitiis omnia incendit, adeoque deiectos magis deprimit, quam erigit, magisquæ incensos exulcerat, quam placat.

5. *Stultus irridet disciplinam patris sui: qui autem custodit increpationes, astutior fiet.*

**Q**VI parentum maiorumquæ monita pro nihilo ducunt, eorundemque disciplinam & eruditionem dispiciunt, ludibrioquæ habent & stulti sunt, & factò ipso se stultos ostendunt, Nec illi tantum ad stultorum nauim spectant, sed illi quoque qui rectæ rationis iudicio se opponunt, mediâquæ stultitiæ exuendæ & deponendæ contemnunt. Sicut enim ægri, qui salutarem potionem, aut sanum medici consilium aspernantur, sanari non possunt, & si moriuntur, suâ culpâ moriuntur: ita rudes & imperiti, si monentibus & increpantibus non obsequuntur, ab inscitæ suæquæ stultitiæ morbo liberari nequeunt; verum qui maiorum consilia & instituta grato animo suscipiunt, facillè prudentes cautiquæ euadunt; etiamsi antè hoc ipsum non erant, si autem prudentes iam antè erant, obsequendo & optemperando prudentiores subinde fiunt; quippe cum nemo sit tam sapiens, qui sapientior fieri non possit.

5. *In abundanti iustitia virtus maxima est: cogitationes autem impiorum eradicabuntur.*

**M**agna in copiosa iustitia vis, magnum robur & fortitudo sita est. Qui ergo hostes omnes, omnéque tentationes feliciter vult superare, iustitiæ incumbat. Nam quo quis est iustior & sanctior, eo hostibus & tentationibus omnibus superandis est potentior. Impiorum verò consilia & cogitatus è terra funditus eradicabuntur, & in nihilum redigentur. Putabant altas se in terra radices egisse, verum in morte illorum planum fit, quam infirmum erat fundamentum, quo nitcebantur.

6. *Domus iusti plurima fortitudo: & in fructibus impii conturbatio.*

**I**N domo itaque iusti magna latet virtus, magna contra aduersa omnia fortitudo, magnus in ea iacet thesaurus reconditus, non solum virtutum donorumq. celestium, verum etiam opum iusto labore partarum, quæ diu sæpe in familia perscuerant, & de genere in genus transmigrant. Verum prouentus & opes, quas per vim, rapinam, & fraudem colligit impius, adeo nepotibus & posteris non profunt, vt magnas sæpe turbas & seditiones in familia excitent; sed neque sibi ipsi quoque hæc profunt, nisi ad maiorem condemnationem & animi conturbationem. Siquidem ubi maiores sunt opes, ibi maior peccati seges. Nam vt opes iusti sunt instrumentum virtutis, ita iniustis sunt materia peccati.

7. *Labia sapientum disseminabunt scientiam, cor stultorum dissimile erit.*

**L**Abia sapientum sapientiam in pectore reconditam non tenent; sed disseminant aliisque communicant; pro vt bonum se alteri communicare solet; at vero stultorum cor non est ita comparatum: nam neque sapientiam habet, quam disseminare possit; neque siquam haberet, vt iliter quoque & salubriter eam cum aliis communicare valeret; vt quod nihil nisi ineptiam & stultitiam depromere didicerit. Est autem stultorum cor dissimile non modo cordi sapientum, sed sibi ipsi quoque, vtpote semper varium & inconstans. Inter ceteros porrò sapientes, qui sapientiam, quam à Deo hauserant, vt iliter & liberaliter disseminarunt, insignes exstiterunt Apostoli. Hi enim terrarum orbem suâ doctrinâ impleuerunt.

8. *Victima impiorum abominabiles Domino, vota iustorum placabilia.*

**V**ictimæ & sacrificia impiorum, cuiusmodi sunt quæ impuro impioque animo, vel ex rebus malè partis offeruntur, execrabilia sunt apud Deum; quippe qui immolantium corda & conscientias magis spectare solet, quàm externa opera & sacrificia. At iustorum vota & desideria sunt illi accepta, etiamsi externum opus desit, maximè si per impotentiam desit. Ea propter si quis opera misericordiæ exercere ex animo vellet, si posset, sed propter inopiam non valet, non solum apud Deum à peccato excusatur, verum propter bonam illam & promptam voluntatem præmium quoque meretur.

9. *Abominatio est Domino via impii: qui sequitur iustitiam diligitur ab eo.*

**I**deo autem Deus impiorum sacrificia execratur, quia detestatur illorum viam, infamemque viuendi ritum & consuetudinem; sicut è diuerso iustorum vota precèsque & desideria complectitur; quia diligit iustitiam, quam ipsi sectantur. Quamuis autem Deus, quod pius & clemens, nostræque infirmitatis conscius sit, peccatorum mortem non velit; attamen cum quis ita peccandi consuetudini immerfus iacer, vt nihil amplius de Deo, suæque salute cogitet, omnesque Dei admonitiones & inspirationes reiiciat, tunc demum incipit eiusmodi obstinatum hominem execrari. Sicut quoque non quosuis iustos ex æquo complectitur, sed eos præcipuè qui iustitiam ex animo & strenuè consecretantur. Cuiusmodi sunt qui suâ iustitiâ non contenti alios quoque ad iustitiam pertrahere contendunt.

10. *Doctrina m's'a desertium viam vitæ, qui increpationes odit, morietur.*

**D**octrina & disciplina iis est molesta & exosa, qui veritatis virtutūque viam deserunt; censent enim viam latam, (eam nimirum, quæ circa carnis illecebras & voluptates occupatur) suauiore & expeditiore esse, verum non impunè istud ferent. Nam quotquot voluptatum semitam ingressi, increpationes oderunt, mortem intempestiuam per iustitiam humanam, vel per diuinam ultionem opperent, ipsamque adeo damnationem non euadent. Quia simpliciter quoque illorum doctrina, qui viam veritatis deseruerunt, vt sectarij omnes, mala & noxia est.



11. *Infernus & perditio coram Domino : quanto magis corda filiorum hominum?*

**N**emo existimet Deum ea tantum explorata habere, quæ in terra superficie committuntur vel opere tantū perpetrantur, verum ea etiam quæ intra terræ viscera, aut intra cor hominis designantur. Nam & infernum & perditionem, hoc est, non solum viventium, sed mortuorum quoque statum compertum habet, Quod si res illas subterraneas, quæ omnem aspectum humanum fugiunt, solaque fide tenentur, exploratè nouit, quanto magis humani cordis cogitatus, omnesque internos hominis actus cognosceret? Multò enim difficilius est oculo penetrare molem terræ vsque ad centrum, quàm humani cordis cogitatus, qui multis sæpe externis indiciis patefieri solent.

12. *Non amat pestilens eum qui se corripit, nec ad sapientes graditur.*

**H**omo pestilens & veritatis derisor ( cuiusmodi est qui sacra omnia & subfannare consuevit, eumque in modum viuit & se gerit ac si ea omnia, quæ de altera vita traduntur & creduntur, merè essent fabulæ & nugæ ) tantum abest vt correptionem amet, aut sapientes consilij causâ adeat, vt se omnibus quoque sapientiore iudicet, omniumque adeo admonitiones palàm derideat. Quapropter nullum videtur operæ pretium talium correctioni operosè insistere. Siquidem eiusmodi homines officij commonefacere, aliud ferè nihil est, quàm operam perdere, & odium sibi adfiscere & margaritas ante porcos proijcere.

13. *Cor gaudens exultat faciem : in mærore animi deijcitur spiritus.*

**C**OR lætum & gaudens exultat vultum, serenumque & venustum reddit; at cor hominis in mærore & anxietate constitutum vitæ spiritum frangit & deijcit, vultumque subtristem & turbidum efficit. Natura enim ita comparatum est, vt interna animi constitutio & affectio in corpus ipsum redundet; præsertim vero in vultum, vbi sedes est sensuum, & quidem eo euidentius in vultum redundat, quò animi affectio & perturbatio fuerit vehementior. Qui igitur vtiliter vult philosophari, sit animo læto & tranquillo, & à curis nihilominus & sollicitudinibus vacuo. Nam molestia & curæ grauiores veritatis inuestigationem & inuentionem vehementer impediunt.

E c 2

14. *Cor*

14. *Cor sapientis querit doctrinam: & os stultorum pascitur imperitiis.*

**C**OR sapientis avidè querit & consecratur sapientiam, neque ullis parcit laboribus aut molestiis ut eam consequatur os autem stultorum pascitur stultitiâ; nam & ea semper depromit, quæ alunt & arguunt stultitiam; & non secus nugis & fabulis oblectatur, quàm dulci escâ; & corde denique & ore stulta semper & fatua versat. Stultum ad doctas conciones vel eruditas lectiones vix compelles; ad cœtus autem vanorum hominum nullo inuitante extemplo fertur.

15. *Omnes dies pauperis mali, securâ mens quasi iuge conuiuium.*

**O**MNES dies pauperis, vulgi præsertim opinione, sunt mali & miseri, verum sapientes & oculi Domini aliud sæpè iudicant. Intelligunt namque multos pauperes multis diuitibus melioris sortis esse. Sunt enim plerumque pauperes animo multis partibus quietiore, pacatiore, & tranquilliore quàm sunt diuites. Atqui mens tranquilla, pacata, sibi quæ benè conscia, est quasi iuge conuiuium. Qualis utique mens & cor illud non est, quod variis curis torquetur, quod magnâ subinde formidine agitur quod dies noctesque quomodo malum alteri inferat, aut ab aliis intentatum euadat, meditatur. Sed & verè quoque dies hominis scientiâ & virtute pauperis sunt mali & miseri. Est enim magna miseria & calamitas, nihil scire, nullâque virtute ornatum esse.

16. *Melius est parum cum timore Domini, quàm thesauri magni & insatiabiles.*

**H**OMINIS felicitas non tam est posita in magna rerum copia, ampliusve diuitiis quàm in animo forte sua contento, Deumque timente & in oculis semper ferente. Et quamuis stultus mundus oppositū censeat, totisquæ velis & remis in diuersum tendat, eosque qui parum aut nihil habent, contemnat; attamen suo iudicio non parum fallitur. Multo namque satius est, parum habere cum iustitia & timore Domini, quàm ingentes thesauros cum turba & tumultu cordisque afflictione. Notum est enim illud Psalmistæ: *Melius est modicum iusto, super diuitias peccatorum multas.* Nam etiam pecunia, quasi malis venenis imbuta, avari animum

sum-

numquam explet, & ingentes curas adiunctas habet, & continuis sollicitudinibus & terroribus possessorem suum exercet, & alios præterea multos malos comites habet.

17. *Melius est vocari ad oleracum caritate: quam ad vitulum saginatum cum odio.*

**E**T vt melius est parum cum timore Domini & iustitia partum, quam magnæ opes per vim, fraudem, vel rapinam comparatæ; ita satius quoque est vocari ad olera, hoc est, ad tenue conuiuium caritate conditum, quam ad vitulum saginatum, epulumque splendidum odio infectum aut liuore contaminatum. Etenim vt mensa in qua regnat pax, concordia, amicitia, aliaque eiusmodi, non potest non esse iucunda, etiam si parum magnificè sit instructa, ita conuiuium in quo feruent rixæ, lites, pugnæ, non potest homini prudenti & pacis studio non esse permolestum, etiam si secundum se sit splendidum, apparatuque magnificentum.

18. *Vir iracundus prouocat rixas: qui patiens est, mitigat suscitatas.*

**I**Nterim eiusmodi rixæ & contentiones propriè non proueniunt ex cibo vel potu, quæ in mensa proponuntur, etsi vinum copiosius sumptum anam non raro offerat; sed ex praua quorundam hominum consuetudine, vel naturæ quoque conditione. Sunt enim homines quidam biliosi, rixosi, impatientes, qui minimâ oblatâ occasione statim incenduntur & furunt, aliosque ad iram & sæpe quoque ad pugnam prouocant. Alij contra sunt ingenij vsque adeo mitis & placidi, vt non modo non incenduntur, etiam si aliqua iræ, furoris, vel indignationis ansa offeratur, verum vt alios quoque furentes ad quietum animæ statum reducant, & eiusmodi homines ad mensam sunt adhibendi, non iracundi & ad rixas quodammodo nati.

19. *Iter pigrorum quasi sepes spinarum: via iustorum absque offendicûlo.*

**I**TER pigrorum vitæque institutum improborum hominum est quasi sepes spinosa, spinisue & sentibus obsita, hoc est, aspera calcatuque difficilis, etsi illi istud non sentiunt. Incredibile est namque dictu quantum auari patiantur, vt pecunias coaceruent; luxuriæ dediti, vt voti compotes

E c 3

euadant,

evadant; idemque statuatur de ceteris peculiari aliquo vitio laborantibus, verum improbi & scelerati homines illam difficultatem non percipiunt, siquidem errore carnisque delitiis occæcati viam virtutis asperimam, difficillimam, tetricissimamque iudicant; viam autem vitiorum amœnam, iucundam, & quasi floribus stratam. Iudicant hi enim res non ex sua natura, sed ex suo perverso appetitu & desiderio; quod si recto iudicio præditi essent, censerent quod res ipsa est, nempe viam virtutum planam, nullisque offendiculis obnoxiam esse: sicut revera plana est, viam autem flagitiorum, spinis, sentibus, vepribus, vrticis, scrupulis, aliisqueiusmodi impedimentis vbique refertam esse.

20. *Filius sapiens lætificat patrem: & stultus homo despicit matrem suam.*

**F**ilius sapiens sapienterque domi forisque sese gerens, nec non parentibus eorumque doctrinæ & admonitioni fideliter obsequens lætificat patrem, magnamque animi voluptatem & consolationem illi adfert: at homo stultus filiusque improbus & refractarius matrem, eiusque admonitiones despicit & negligit; atque ideo magnam iusti mæroris causam illi adfert. Nam licet bona & mala, virtutes & vitia filiorum ad utrumque parentem ex æquo quodammodo pertineant; attamen quia matres primos filiorum annos moderantur, filiorum improbitas & stultitia illarum indulgentiæ & negligentia præcipuè adscribitur, & sic dolor ex improbitate filiorum ortus magis quodammodo pertinet ad matres, quàm ad patres.

21. *Stultitia gaudium stulto: & vir prudens dirigit gressus suos.*

**I**nter stultum hominemque corde ( quod sedes est sapientiæ ) destitutum & sapientem hoc quoque intercedit, quod stultus rebus vanis stultisque deditus ex iis, quæ stultè committit, voluptatem capit: sapiens autem & cordatus totus in hoc est, ut gressus viamque suam ita dirigat & instituat, ut neque ad dextram neque ad sinistram deflectat. Ut autem ita fiat, id maiorem partem ex prima parentum institutione dependet. Nam qui parentum disciplinam & eruditionem complectitur, is totâ ferè vitâ rectè ambulat; qui eam autem negligit vel contemnit, stultus evadit, gaudiumque & lætitiâ ex sua stultitia, iisque vitiis & flagitiis, quæ stultè & improbè facit, aucupatur.

22. *Disſipantur cogitationes, ubi non eſt conſilium: ubi verò plures conſiliarij, confirmantur.*

**A**T quamvis quis ſapiens ſit, ſux tamen ſapientiæ non nimium debet fidere, neque plus, quam par eſt, illi inniti: verum in rebus præſertim graubus & arduis alios quoque audire, eorundemque conſilia expetere oportet. Nam ubi nullum adhibetur conſilium, aut iudicium, ibi cogitationes bonæ, bonique conceptus citra vllum fructum tacitè abeunt, & in nihilum rediguntur: aſt ubi multi ſunt conſiliarij, ibi firmantur, & ratiſcantur, & felicem exitum fortiuntur. Nam vt eorum conatus rarò ſuccedunt, qui ſine conſilio agunt; ita qui maturū conſilium adhibent, & cum prudentibus, quæ aggredi inſtituunt, deliberant, proſpeiè in omnibus procedunt.

23. *Lætatur homo in ſententia crîs ſui, & ſermo opportunus eſt optimus,*

**E**T vt prudenter conſultèque agit, qui viros prudentes in conſilium adhibet; ita vir prudens, qui bonum conſilium ſuggeſſit, lætatur internòque gaudio perfunditur, cùm conſilia ſua rem feciſſe, fauſtumque exitum fortita eſſe animaduertit. Sermo enim opportunus, hoc eſt, verbum opportuno tempore prolatum, perquam vtile & ſalutare eſt illi, qui conſilium periuerat; ſed & honorificum eſt illi quoque, qui dederat. Qui enim de re quapiam dubia ſententiam interrogatus commodè reſponderet, & interroganti prodeſt, & ſibi honorem parit.

24. *Semita vitæ ſuper eruditum, vt declines de inferno noiſſimo.*

**S**emita vitæ ( quæ vtique virtutum ac præceptorum Dei via eſt ) virum intelligentem, & diuina edoctum deducit ſurſum ad ſuperna; efficitque vt declinet ab inferno, qui deorſum ad centrum nimirum terræ eſt ſitus. Vitæ autem ſemita ſurſum ducere aſſeritur, quia mentem à terrenis, quæ ad inferos tendunt, ad cœleſtia erigit. Quin eadem quoque via, prudentem & eruditum non modo ſurſum ad cœleſtia trahit, verum etiam ad honores, magiſtratus, & gradum ſublimiorem euehit. Et quamvis hoc non ſit perpetuum, frequenter tamen accidit, & ſecundum meritum ſemper ita ſit. Siquidem qui per vitæ ſemitam graditur dignus eſt, qui in vtraque vita exalteretur.

25. *Domum superborum demolietur Dominus, & firmos faciet  
terminos viduæ.*

**D**ominus hominum superborum potentumque, qui viribus suis confili infantes opprimunt, viduâque & imbecilles, qui resistere non possunt, suis bonis spoliant, domum, hoc est fortunas, familiam, ipsumque adeo dominum euerteret & funditus eradicabit; contra verò viduarum, pauperum, & pupillorum fines & agros; omnesque illorum possessiones defendet; & ne per potentum vim ab alieno domino occupentur, efficiet. Metuant sibi proinde Tyranni & innocentum oppressores; bene rursus de Dei benignitate fidant viduæ & pauperes, non enim deferet illos usque in finem.

26. *Abominatio Domini cogitationes malæ, & purus sermo  
pulcherrimus firmabitur ab eo.*

**V**B I prauæ fœdæque locum habent cogitationes, ibi neque honesta adest vita, neque honesta adsunt verba, neque facta quoque laudabilia, quia qualis quisque est, talia & cogitat, & loquitur, & operatur. Quam ob rem homines mali & immundi malas & immundas habent cogitationes, & verba promunt obscena. Cogitatus tanquam primariæ turpium verborum factorumque causæ opera tandem edunt fœda & turpia, quæ omnia Deus execratur, maxime vero fœdas & obscenas cogitationes tanquam ceterorum origines. Contra vero mundi & casti verba fundunt casta & munda; nam ex casto & puro fonte, nihil solet procedere, nisi purum & castum; qui proinde magni apud Deum fiunt: nam qui ab obscenorum operum studio, omni que vitiorum turpitudine tantum abest, ut ne nominari quidem turpia ferat, ille utique magnâ præditus est puritate; adeoque certâ apud Deum spe iam beatus est.

27. *Conturbat domum suam qui sectatur auariciam, qui autem  
odit munera, viuet.*

**A**Varus qui per fas & nefas ad opes contendit, vel partis iam nimis auide incubat, vel nimis sordide eas conseruat, ille totam domum, totamque familiam suam conturbat; quia multas in illa contentiones & turbas excitat, conqueritur de familiæ ignauia, rixatur de sumptuum magnitudine, lamentatur de mala administratorum fide; neque desunt quoque  
externæ

externæ vexationes, quæ illum cruciant & exercent. At qui munerâ, per quæ æquum iudicium eueritur, odio habet, serîoquæ auersatur, & omnem auaritiâ detestatur, ille vitâ vivit, prosperèquæ in omnibus procedit; nequæ à Deo iudicatus, nequæ ab hominibus infestatus.

27. *Per misericordiam & fidem purgantur peccata: per timorem autem Domini declinat omnis à malo.*

**P**ER misericordiam & eleemosynam, ceteraque caritatis opera, nec non per fidem veramque religionem peccata per humanæ naturæ imbecillitatem ante contracta expiantur; per timorem autem Domini homo declinat à peccatis, ne videlicet illa committat. Siquidem per fidem de Dei potentia & iustitia, deque pœnis & supplicijs peccatoribus præparatis eruditur. Harum autem consideratio generat timorem, timor autem gehennæ absterret hominem à peccato peccandique voluntate,

28. *Mens iusti meditabitur sapientiam: os impiorum redundat malis.*

**M**ENS & cor iusti meditatur sapientiam, hoc est, cordatam & prudentem responsionem. Iustus enim de re quapiam interrogatus, non temere statim se effundit, suamue stulticiam depromit, sed meditatur & cogitat maturè & deliberatè, ne quid dicat, quod sit contra Deum, aut legem, aut rectam rationem, aut quod aliis scandalum, aut laqueum generet: eiusdem quoque os humilem meditatur obedientiam. Nam citra illam, vera iustitia constare nequit. Impiorum vero os exundat maledictis, & instar fontis eructat iurgia & conuitia: statim enim erumpit, eaque profundit, quibus cor abundat. Stultus enim neque tacere nouit, neque commodè tamen loqui didicit.

29. *Longè est Dominus ab impiis: & orationes iustorum exaudiet.*

**E**TSI Dominus ubique sit præsens (est enim intra cuncta & extra cuncta, & supra cuncta, & infra cuncta) attamen communi Scripturarum vsu longè ab impiis abesse fertur, quia non adest illis per gratiam, neque per singularem aliquam beneuolentiam, aut fauorem, neque illorum preces audit, ut iustorum solet, etiamsi in aliqua calamitate constituti illum inuocent, quia non rectè orant. Quin procul quoque abest ab illorum cordibus: raro enim de Deo cogitant impij. Est denique procul ab

F f

illis

illis, quia maxima inter hunc & illos intercedit dissimilitudo. Verum iustis, qui sincère eum inuocant, propinquus est, aut certè non procul ab illis abest.

30. *Lux oculorum lætificat animam : fama bona impinguat ossa.*

**L**VX quæ oculis hauritur lætificat cor & animam, torumque aded hominem: at fama vel nuncius bonus, vndecumque allatus saginat & impinguat ossa. Iam si ea vis inest illis, quæ incurrunt in externum visionis vel auditionis sensum; quantum poterunt interiorum virium obiecta, maximè verò lux illa, quæ illuminat omnem hominem venientem in hunc mundum, & tandem aliquando illis illuxit, qui in tenebris & umbra mortis sedebat? Nempe Christus Dominus, qui optimum quoque attulit nuncium, nempe peccatorum remissionem, cælique olim clausi patefactionem, & inferni euerfionem, aliaque eiusmodi.

31. *Auris quæ audit increpationes vitæ, in medio sapientum commorabitur.*

**A**VRIS quæ vitæ increpationes, hoc est, viuificas & salutare admonitiones (cuiusmodi sunt, quæ vitam à nœvis repurgant, & viam ad cœlestem patriam commonstrant,) patienter audit, in cœtu sapientum versabitur. Quin antè quoque hîc se versatam esse satis apertè ostendit. Nam qui dicto est obsequens, iam ante cum sapientibus negotium sibi fuisse minimè obscurè declarat.

32. *Qui abiicit disciplinam, despicit animam suam, qui autem acquiescit increpationibus, possessor est cordis.*

**Q**VI maiorum disciplinam & correctionem abiicit, vel etiam spernit; non solum admonitori iniuriam facit, sed suæ quoque animæ salutem despicit, & à vera sapientia se alienissimum esse ostendit; ut qui nihil cordis veræque intelligentiæ possideat, omnique timore Domini, qui initium est sapientiæ, careat. Verum qui salutaribus admonitionibus acquiescit morèque gerit, is possessor est cordis, verèque cordatus & sapiens censendus est. Siquidem non ille solum inter sapientes habetur, qui per se sapit, verum ille quoque, qui recta monentibus parere didicit; sicut & è diuerso extremè stultus est, qui neque per se sapit, neque alteri bene suadenti obtemperare animum inducit.



33. *Timor Domini, disciplina sapientiæ : & gloriam præcedit humilitas.*

**T**Imor Domini salutari quâdam disciplinâ & increpatione constat. Hæc enim sapientiam & intelligentiam generant, qui autem ad veram gloriam aspirat, is prius se humiliet opus. Siquidem per modestiâ sui que abiectionem, cum apud Deum, tum apud homines quoque gloria paratur. Notum est illud Christi : *Omnes qui se exaltat, humiliabitur, & qui se humiliat, exaltabitur.*

## A D

## CAPVT DECIMVM QVINTVM

## S C H O L I V M.

1. **R***esponso mollis, &c.* Cum huius sententiæ veritas ex quotidiana experientia certò constet, ampliori explicatione nullâ indiget.

2. *Lingua sapientum, &c.* Et hic rursus versus, ut proxime antecedens ad bonum & malum linguæ vsum pertinet. Inter fatui autem & sapientis linguam hoc intercedit, quod hæc scientiam eructet; illa stultitiam.

3. *In omni loco, &c.* Docetur hic nihil non oculis Domini apertum esse : facit hoc autem non modò ad consolationem bonorum qui multa mala occultè patiuntur, terrorèque malorum, qui de occultis impunitatem sibi promittunt : verum ad eorum quoque confusionem, qui diuinam prouidentiam negant.

4. *Lingua placabilis, &c.* Opponit hic linguam sanam & moderatam, linguæ perueriæ & immoderatiæ : hæc affligit spiritum & animum; ista instar ligri vitæ vtrumque recreat. Vocatur autem sana vel placida ab effectu, placat enim & sanat & ad concordiam reuocat, sicut immoderata clamoribus atque convitiis omnia turbat.

5. *Stultus i ridet, &c.* Ostendit hic versus quomodo lingua sapientiam conferat; nempe per admonitionem & correptionem, si, ut par est, admittantur: nam qui aspernatur, ut stulti solent, adeo nihil proficit, ut stultior quoque efficiatur.

*In abundanti iniuria, &c.* Hic versus ex Lxx. editione petitus est, nam in Hebræis & emendatis Latinis non habetur, sensus autem est, co-

piosam iustitiam per amplum robur subministrare: quantitas namque roboris sequitur quantitatem iustitiæ. Impios autem qui perpetuas sibi sedes in terra promittebant, funditus olim è terra eradicandos esse.

6. *Domus iusti, &c.* Hic versus à iam exposito non multum discrepat, quare probabile fit hunc ex illo, vel illum ex hoc petitum esse. Innuitur autem iustorum opes non sibi tantum prodesse, sed etiam posteris; iniustorum autem lites tantum & turbas excitare. Mystice *Domus iusti*, est illius conscientia, opes autem eiusdem, sunt virtutes, at in conscientia impij nihil reperitur nisi turba.

7. *Labia sapientum, &c.* Hic iterum stultorum & sapientum lingua inter se committuntur. hæc spargit scientiam; illa eructat stultitiam, neque si velit, aliud quoque quàm ineptias disseminare valet: siquidè ex abundantia cordis os loquitur.

8. *Victimæ impiorum, &c.* Scopus loci huius est, Deum magis spectare corda & conscientias quàm munera. Quod multum consolari debet pauperes, qui elemosynam libenter darent, si possent, & confundere Iudeos, qui suis inanibus victimis Deum magis irritant quam placant; quia cor illorum est peruersum, & à Deo alienum,

9. *Abominatio est Domino, &c.* Committitur hic iterum, ut alibi sæpissimè, iustus cum impio. Hunc eiusdemq. studia & mores Deus execratur illum eiusdemque virtutes & studiosas actiones diligit.

10. *Doctrina mala, &c.* Locus hic apertè docet, eorum doctrinam noxiam esse, qui viam veritatis deseruerunt, quod in hæreticis manifestius est, quàm ut probari debeat. Admittit alium quoque sensum, nempe correctionem, & disciplinam iis molestam & exosam esse, qui iustitiæ viam deseruerunt, & ad carnis voluptates se transulerunt.

11. *Infernus & perditio, &c.* Sententia hæc iustum timorem iis incutit, qui vias Domini deserunt, oculos Dei fallere se posse rati, vel Deum ea solùm cognoscere arbitrantur, quæ fiunt in terræ superficie, aut foris ab homine.

12. *Non amat pestilens, &c.* Perstringuntur hoc loco, qui sacra profanæque omnia derident, falsò persuasi se solos sapere, nulliusque adeò consilio egere, versantur hi autem in extremo salutis periculo; quippe qui neque per se sapiant, neque alios audire, vel adire animum inducant.

13. *Cor gaudens, &c.* Hoc versiculo admonemur sapientiæ studiosum animo tranquillo & pacato esse debere non mæsto, non turbato, de rebus caducis

caducis & perituris non nimis auxio. Siquidem hæc omnia sapientiæ vsum atque progressum impediunt: ad quam stulti non facile attingunt.

14. *Cor sapientis, &c.* Opponitur hic cor sapientis ori stulti. Hoc alit stultitiam, stultitiâque pascitur; illud quærit & inuestigat doctrinam, nulumque eius rei causa laborem aut molestiam detrectat.

15. *Omnes dies pauperis mali, &c.* Pendent hæc à quibusdam iam ante expositis. Significatur per hæc enim inopem non tam pecuniâ quam scientiâ vitam miseram & tristem ducere, quod verum est. Interim multi pauperes multis diuitibus feliciores sunt; nam qui spe sunt pauperes in perpetua quadam lætitia animique incunditate viuunt, iuxta quod sequitur: *Secura mens quasi iuge conuiuium.* Mens verò impij in perpetuis curarum fluctibus, crucibus, & perturbationibus versatur.

16. *Melius est parum, &c.* Hinc patet quæ de miseria & malitia paupertatis proximè dicta sunt, non tam ad facultatum inopiam, quam ad virtutum & scientiæ necessariæ paupertatem pertinere. Siquidem magnitudo census, iniusti præsertim, magis turbat & vexat, quam beet & recreet.

17. *Melius est vocari, &c.* Affinis est hic locus præcedenti. Nam vt ibi tenuitas opum iustè partarum anteferebatur magnis opibus iniquè comparatis; ita hic tenue frugalèque conuiuium cum caritate & beneuolentia exhibitum præfertur lauto ab invito vel odio habente præstito.

18. *Vir iracundus, &c.* Hanc sententiam confirmant quotidiana experientia. Est autem cognata primæ capitis huius gnomæ. Ideo namque vir iracundus excitat rixas, quia sermo durus excitat furorem, sicut sermo placidus suscitatas extinguit. Monemur per hæc autem non modò iracundiam comprimendam, sed iracundorum quoque consortium studiosè vitandum esse, præsertim in epulis publicisque conuiuiis, de quibus actum est proximè, & in quibus rixæ & lites frequentius nasci solent.

19. *Iter pigrorum, &c.* Opponitur hic viæ pigrorum & improborum via iustorum. Hæc plana, & lænis, & ab offendiculis immunis est; illa contra quasi vepribus obsita, aut spinis strata, aspera est. Hæc rursus est vitiorum & scelerum; illa virtutum & gratiarum: hæc tandem ducit ad vitam; illa ad mortem. Prouerbiū significat ignauos ad omne honestum opus inutiles esse neque vllam aut incolumitatis corporis, aut salutis animæ rationem habere.

20. *Filius sapiens, &c.* Similis sententia exstat Cap. x. versu primo, solum hoc differunt, quod ibi docet filium stultum matri tristitiam adfer-

re; hic verò matrem despicere, sed in idem redit. Nam ex despectu & stultitia nascitur tristitia: dicitur autem matrè aspernari, quia eius monita nihili facit; vel quia non studet eam recreare.

21. *Stultitia gaudium stulto. &c.* Exponit discrimen inter stultum & prudentem. Stultus rebus vanis & stultis videndis, audiendis, & tractandis delectatur; prudens autem gressuum & operum suorum rationem habet: atque ita parentù monita, quæ stultus studiosè aspernatur, complectitur.

22. *Dissipantur cogitationes, &c.* Monemur hic neminem sibi satis sapere, adeoque qui rectè ambulare volunt, peritiores subinde consulere debere. Cogitationes namque & conatus, qui prudentum consilio non nituntur, facili negotio evanescent, aut exitus tam infelices fortiuntur, ut melius fuerit, initio statim evanuisse.

23. *Latur homo, &c.* Pendet hic locus a proximo. Monuerat ibi omnia cum consilio agenda esse; hic porro docet prudentibus consiliariis in magnum gaudium cedere, quando consilium, quod dederat, prosperè cessisse intelligunt. Est autem gaudium illud iustum. Nam & proximo profunt, & prudenti consilio fauorem & laudem sibi promerentur.

24. *Semita vitæ, &c.* Locus hic subobscurus est, sensus autem videtur, via vitæ sapientem vel eruditum ad superna trahit, adeoque ab ea abducit, quæ tendit ad ima. Paucis, via vitæ, quæ utique est virtutum & diuinorum præceptorum, mentem a terrenis erigit ad cælestia.

25. *Domum superborum, &c.* Quæ hic proponuntur eiusmodi sunt, ut magnum superbis & pauperum oppressoribus terrorem incutere; & magnam rursus oppressis omnibus & afflictis consolationem adferre meritò debeant. Mysticè per domum superborum designantur hæreticorum conuenticula, quæ Dominus demolietur, firmabit autem domum viduæ, nempe Ecclesiæ, quæ sponsum suum aspectabili specie præsentem non habet.

26. *Abominatio Domino, &c.* Monemur hic, ubi prauæ & obscenæ exstant cogitationes, ibi nulla honesta exstare verba neque facta, neque consilia. Quare Dominus meritò impuras execratur cogitationes; quippe ex quibus nihil nisi impurum oriatur. Potest autem totus hic locus ad bonos & malos Doctores referri. Discimus hinc quoque non solum de verbis & factis reddendam esse rationem, verum etiam de cogitatis.

27. *Conturbat domum suam, &c.* Hunc locum quotidianus vsus probat. Siquidem in avarorum domibus innumeræ exstant turbæ, & seditiones, & rixæ

& rixæ. Nihil enim fit, quod illis satis faciat. Et sicut illi totam familiam infestant, ita vicissim infestantur ab exteris. At illis, qui ab avaritia & munerum aucupio alieni sunt, omnia prosperè & ex animi sententia succedunt. Conuenit hic locus optimè in auaros & sordidos animarum pastores & liberales rursus & ingenuos Ecclesiæ curatores & Doctores.

*Per misericordiam, &c.* Hic versus ex Lxx. editione petitus est, in Contextu Hebræo, & Chaldæo, & emendatis exemplaribus Latinis non habetur, continet nihilominus sententiam piam & veram & alibi in Scripturis plurimum decantatam.

28. *Mens iusti, &c.* Commendatur hic cordata modestaque iustorum oratio. Iusti enim interrogati dant operam, ne quid præposterè, aut temere, aut præposterè respondeant. Noster Contextus habet: *Mens iusti meditat-ur obedientiam.* Siquidem verbum *Quah* non modo *Respondere* significat verum etiam *Obedire*, & *se humiliare*, alteri autem obedire humilitatis opus esse nemo nescit.

29. *Longè est Dominus, &c.* Docet impios & iustos hoc inter se differre, quod Deus his propinquus sit, precèsque eorum audiat, ab illis autem procul absit, neque illorum vota exaudiat.

30. *Lux oculorum, &c.* Monet hic locus magni referre, quid audiamus & videamus. Quæ enim per hos sensus hauriuntur, magnum ad virtutes & vitia momentum adferunt. Oculi autem, qui vident bona, & aures, quæ hauriunt salutaria, eaque quæ sunt bonæ famæ, lætificant animam, & ossa impingunt.

31. *Auris quæ audit, &c.* Docetur hic medium ad comparandam sapientiam perefficax, scilicet audire vitales & salutes increpationes.

32. *Qui abiicit disciplinam, &c.* Confert inter se auditores & contemptores disciplinæ. etenim qui disciplinam & increpationem despicit, despicit animam, salutemque suam: qui autem recipit, virum cordatum prudentemque sese ostendit.

33. *Timor Domini, &c.* Insinuatur hic timorem Domini salutarem castigationem includere causamque esse ut quis sapiens euadat, tum modestiam quoque & humilitatem viam ad gloriam munire.

# PARAPHRASTICA

## CAPITIS SEXTI DECIMI

### EXPLANATIO.

1. *Hominis est animam præparare, & Domini gubernare linguam.*

**H**ominis diuinâ gratiâ excitati, est præparare cor & animum, meditarique & cogitare quid, quomodo, quatenusue loqui conueniat, vel expediat; at cogitata commodè efferre, id opus est Dei. Deus itaque & bona consilia suggerit, & auxilium, vt quæ animo concepisti, in communem vsum commodè efferas, subministrat. Nam vt millies quis cogitet, quomodo conuenienter dicat, attamen numquam conatus feliciter succedet, nisi Dominus linguam & reliqua locutionis & actionis organa moderetur. Qui proinde humiliter orandus est cum ab aliis, tum maximè ab iis, qui publicas conciones ad populum habituri sunt.

2. *Omnes viæ hominis patent oculis eius: spirituum ponderator est Dominus.*

**O**mnes viæ viri omniâque eiusdem opera & cogitata manifestà sunt in oculis Dei, quippe cum nihil exstet, quod eum lateat, aut latere queat. Quare non tantum rerum crassarum & corporatarum ponderator est, sed omnium quoque spirituum & motuû cordis. Sunt sanè non pauci qui sibi mundi videntur, deque sua munditia gloriantur, quos tamen Deus, qui intima hominis sensa penetrat, immundos iudicat, & veluti impuros condemnat. Interim viæ viri verè mundi in oculis illius, qui disponit spiritus, vt propositum finem consequantur, semper sunt gratæ atque acceptæ.

3. *Reuela Domino opera tua, & dirigentur cogitationes tue.*

**C**um igitur res ita se habeat, caue aliquid operum tuorum Deum celare constituas; quin potius omnia illi sincerâ confessione patefacias; maximè verò illa, quæ conspectum illius horrent, vt sunt peccata. Siquidem nihil æque illum placat, atque humilis erratorum confessio, sed & bona omnia, quæ habes integrè ad ipsum deuoluas, ipsique accepta feras. Paucis totus quantus es ab ipso pendeas. Quod si feceris, omnes cogitationes, omniâque conatus tui prosperè cedent, ritèque stabilientur.

4. *Vniuersa*

4. *Uniuersa propter semetipsum operatus est Dominus : impium quoque ad diem malum.*

**O**Mnia propter se ipsum, suamque bonitatem & gloriam operatur, & iam olim operatus est Dominus; neque enim ab ullo compulsus est, sicut nec compelli quoque potuit, ut cælum vel terram crearet, ut hoc vel illud opus ederet vel pararet. Nec iustum tantum ad misericordiæ suæ ostensionem condidit, sed impium quoque ad diem malum & ultionis reservauit. Non condidit sanè impium Deus, cum nullius peccati ipse sit auctor, verum ad ostendendam iustitiam suam, hominem à se creatum in impietatem prolabi & interire per misit, subindèque permittit: sponte autem prolapsos, nisi resipiscant, in diem malum & vindictæ ordinat & asseruat: sed & iustos quoque in hac vita per iniustos sæpe exercet & expiat; ut hac quoque ratione corpori Ecclesiæ mali sint utiles.

5. *Abominatio Domini est omnis arrogans, etiamsi manus ad manum fuerit non est innocens.*

**O**Mnis arrogans cordèque elatus, execrabilis est apud Dominum. Quare suo tempore & quidem citò pœnam factis suis dignam luet; etiamsi plures in suam societatem adsciuerit, iunctisque dexteris mutue defensionis fœdus cum iis iniuerit. Nemo proinde existimet, se ob id coram Deo infontem impunem futurum, quod multos suæ factionis colligant socios. Dei enim manus nullâ potentiâ potest coerceri aut cohiberi, quò minus in fontes & peccatores, quando illi visum fuerit, scuiat, & maximè in superbos & arrogantes, quos præ ceteris odio habet. Vel certè arrogans manus ad manum non erit innocens, quia subito citràque ullam moram punietur.

6. *Initium viæ bonæ, facere iustitiam: accepta est autem apud Deum magis, quam immolare hostias.*

**I**nitium & quasi caput bonæ vitæ est, facere iustitiam, studere iustitiæ, sectari æquitatem, unicuique, quod suum est, tribuere, neminem lædere. Eiusmodi enim actiones magis placent Deo, quam quæcumque victimæ & sacrificia citra iustitiam oblata.

6. *Misericordia & veritate redimitur iniquitas: & in timore Domini  
declinatur à malo.*

**F**lli, si Deum per superbiam, vel aliud quodcumque peccatum offendi-  
sti, animum ne despondeas; verum ad opera misericordiæ & caritatis  
officia ex animo te conuertas. Siquidem per opera misericordiæ, quæ ex  
vera fide & caritate oriuntur, expiatur omnis iniquitas, omnéque pecca-  
tum & delictum. Qui enim misericordiam studiosè & religiosè exercent  
misericordiam consequentur, nec cum impiis ad diem malum venient.  
Quod si nullius grauioris sceleris tibi conscius es, metuis tamen ne, quæ  
humanæ naturæ fragilitas est, in aliquod forte incidās, Dei timorem eius-  
demque iudicia ob oculos continuò pone, & facili negotio peccatum  
euades. Timor namque Domini suapte naturà prudentes saltem absterret  
à peccato.

7. *Cum placuerint Domino via hominis, inimicos quoque eius  
conuerter ad pacem.*

**S**I cum hominibus pacem & amicitiam inire, initamque constanter re-  
stinere & conseruare desideras, cum Deo pacem habeas oportet. Ete-  
nim cum homo vitæ suæ rationes ita instituit, vt Deo sint gratæ & placitæ,  
illius fauore & gratia id consequitur, vt nullus hostis facile ipsi nocere  
queat. Cum enim mortalium omnium corda in manu & arbitrio Dei sint  
posita, illorum peçtora, qui cultoribus eius aduersari, perniciemque iisdem  
moliri videbantur, conuertit ad pacem & amicitiam, efficitque ne amici  
sui à quopiam externo, vel interno hoste facile lædantur. Exempla huius  
rei Scriptura suppeditat plurima.

8. *Melius est parum cum iustitia, quàm multi fructus cum iniquitate.*

**V**T satius est exiguâ ornatum esse scientiâ, vel alio quocumque natu-  
rali vel gratuito dono, cum vera virtute & animi submissione, quàm  
magnâ affluere istiusmodi rerum supellectile cum superbia & arrogantia:  
ita melius quoque est modicas opes obtinere cum iustitia & æquitate,  
quàm magnas diuitias per vim & iniquitatem extortas, nullóque iusto ti-  
tulo occupatas.



9. *Cor hominis disponit viam suam, sed Domini est dirigere gressus eius.*

**V**T hominis est de rebus ad vitæ statum salutemque vtilibus & opportunis, quod in seest, cogitare & deliberare, & vt eas consequatur, conatum in medium asferre; ita Dei est eiusdem conatum promouere, opusque quod solius naturæ viribus explere non poterat, per suam gratiam ad finem perducere. quamuis enim bonum velle & perficere, Dei opus haberi dicique soleat, non est tamen illius solius, sed Dei & hominis simul. Nam vt homo saluus fiat, non sat est Deum illud velle, sed opus est præterea vt ipse quoque velit, modò tamen eius ætatis & status sit, vt velle possit.

10. *Diuinitio in labiis regis, in iudicio non errabit os eius.*

**S**Tandum omnino & obsequendum est Regum & Iudicum sententiæ; quippe quorum dicta sunt veluti diuina quædam oracula, eumque in modum comparati sunt illi, vt in legitimo iudicio errare non facile soleant. Nam etsi extra iudicium interdum hallucinentur & impingant, vel impingere certè queant, in iudicio tamen, si diligentiam adhibent, æquum & iustum, propter peculiarem Dei synergiam & assistentiam plerumque pronunciant.

11. *Pondus & statera iudicia Domini sunt: & opera eius omnes lapides sæculi.*

**N**Eque solum legitimiis Regum & Iudicum sententiis parèdum est, sed iusta quoque mensura & pondere vtendum est; nam vt Deus à Regibus & Iudicibus exigit iudicij candorem & æquitatem; ita à ceteris omnibus tam in actibus quàm in contractibus iustitiam & æquitatē. Neque enim alia de causa prudentibus hominibus stateræ reliquorumque ponderum & mensurarum vsum suggessit, quam ne alter alterum in quarumcumque rerum distractione, aut permutatione circumueniret. Quidem iustæ stateræ & pondera non solum à Deo sunt præcepta, verum ab eodem quoque ad nos deriuata; Omnes namque lapides crumenæ, hoc est, omnes mensuræ & pondera illius sunt opus & beneficium.

12. *Abominabiles regi qui agunt impiè: quoniam iustitia firmatur solium.*

**N**Eque iniquum pondus, omnemque aliam iniquitatem, & impietatem Deo tantum exosam esse existimes, verum etiam Regi & Principi;

cipi; vt qui Dei vice in terris fungatur. Dei enim minister est, à quo proinde, & gladium, & omnem aliam potestatem accipit. Eapropter omnes impietates, omnesque qui impietatem operantur meritò apud Regem execrabiles sunt; non ob id solum, quod Dei personam sustineat, adeoque Domino suo conformare sese debeat, verum etiam quia per iustitiam & pietatem, aliàque eiusmodi regni solum firmatur; per iniustitiam vero & impietatem funditus euertitur.

13. *Voluntas regum labia iusta: qui recta loquitur, dirigitur.*

Porro autem vt probi Reges execrantur impietatem ósque dolosum, & linguam mendacem; ita è diuerso labia fidelia & iusta diligunt & amplectuntur, omnesque qui iusta & recta loquuntur. Nam cum populum iustè gubernare, controuersiásque, quæ in illo subinde oriuntur, per se vel alios diiudicare ac dirimere debeant; nihil æque est illis necessarium atque iusta & fidelia ministrorum & subditorum labia. Siquidem per adulationes falsasque delationes omnia dissipantur & euertuntur.

14. *Indignatio regis, nuntij mortis: & vir sapiens placabit eam.*

NON est autem res parua Regem per impietatem, aut vanam dolosamque linguam aut per quamcumque aliam vitæ labem ad iustam iram & indignationem prouocare. Siquidem Regum indignatio & furor est instar nuntij mortis. Nam cum penes illos vitæ mortisque potestas existat, & ira illorum impotentior esse soleat, periculum est non leue, ne statim indictâ causâ in vindictam prorumpant. Interim licet Regum indignatio grauis & periculosa sit: attamen blandâ prudentique oratione placari atque restingui potest, idque quotidianæ experientiz fides probat, & Scriptura non vno exemplo confirmat.

15. *In hilaritate vultus regis, vita & clementia eius quasi imber serotinus.*

QVemadmodum autem Regis indignatio est instar mortis & exterminatoris; ita versâ vice vultus illius hilaritas, lux, atque serenitas est instar vitæ. Quos enim Reges læto vultu intuentur, blandèque & familiariter alloquuntur, si ante in luctu & mœrore iacebant, tantâ mox animi lætitiâ & voluptate perfunduntur, vt certâ quâdam ratione è morte ad vitam reuocati videri queant. Eorundem rursus clementia, fauor, & gratia, est quasi imber serotinus, aut nubes grauida tempestiuam pluuiam effundens.

effundens. Vt enim eiusmodi imber lætificat & vegetat terram, agricolasq. mirificè recreat; ita Principum beneuolentia omnem ex animo mœrorem dispellit, ingensque gaudium animo malè affecto conciliat, & magnorum sæpe donorum & beneficiorum causæ existit. Iam si terrenorum Regum indignatio & fauor tantum potest, quid non poterit Regis Regum Christi?

16. *Posside sapientiam, quia auro melior est: & acquire prudentiam, quia pretiosior est argento.*

**A**Nte omnia, filii, compara sapientiam; siquidem multò satius est possidere sapientiam; quàm quodcumque aurum & longè rursùm præstabilius est acquirere prudentiam & intelligentiam, quàm possidere electum argentum, quandoquidem sapientia hominis animum verè beat & ditat, quod pecunia nulla potest, nec per furta aut vim auferri potest, vt fortunæ bona solent, neque possessorem suum grauat, aut anxium vel sollicitum reddit, vt diuitiæ assolent; sed subleuat & recreat, & tutum vbique efficit, etiam inter medios hostes & arma. Nam & Regum iram placat, quod pecuniæ vel non queunt, vel ægré admodum.

17. *Semita iustorum declinat mala, custos animæ suæ seruat viam suam.*

**V**I A iustorum, hoc est, studium vitæque institutum, cui iusti & recti de industria incumbunt, est declinare à malo, omnèque peccatum, quoad eius fieri potest, euitare: siquidem prima iustitiæ pars & quasi fons est, recedere à malo. Neque viri iusti difficile id consequuntur. nam consuetudo bonè agendi firmumque proposuim rectum vitæ iter tenendi, quod difficile alioqui videbatur, facile reddunt; neque rem parui momenti esse putes vitæ viam rectè (ne videlicet ad dexteram vel sinistram deflectatur) tenere, constantèrque & accuratè obseruare. Qui enim custodit viam suam, custodit animam suam; qui autem animam à peccato custodit, salutem & vitam æternam certò consequitur.

18. *Conuersionem præcedit superbia, & ante ruinam exaltatur spiritus.*

**O**Mnis ruinæ omnisque calamitatis & perditionis causæ est superbia mentisque elatio. Nam etsi Deus ad aliorum exemplum, vel ad illorum quoque meritum & probationem iustos nonnumquam puniat, iniustos tamen & peccatores ante peccatum patratum pupire non solet. At-

qui prima omnis peccati radix est superbia mentisq̃ue elatio ( neque enim ullus vñquam peccaret, nisi suam voluptatem, aut voluntatem maioris faceret, quàm Dei legem & voluntatem ) Ast magna citra controuersiam superbia & arrogantia est Dei legi & voluntati submittere sese non velle, suamq̃ue voluntatem Dei voluntati anteferre.

19. *Melius est humiliari cum mitibus, quàm diuidere spolia cum superbis.*

**C**VM igitur superbia certam ruinam, animiq̃ue perditionem adferat, satius est spiritu totòque animi sensu cum mansuetis & humilibus se ipsi demittere & humiliare, quàm cum superbis elatisq̃ue hominibus spolia, quæ per vim aut fraudem mitibus adempta sunt, non absque exultatione & gloriatione æquâ portione diuidere. Etenim iniuriam iniustò illatam patienti animo ferre, res est quæ certam parat gloriam vitæque beatam; inferre autem graue semper est peccatum certæque damnationi obnoxium.

20. *Eruditus in verbo reperiet bona: & qui sperat in Domino, beatus est.*

**Q**VI vnâquâlibet rem iuxta naturam & qualitatem suam prudenter expendit; adeòque interiora animi bona, cuiusmodi sunt humilitas, mansuetudo, aliæque virtutes, maioris facit, quàm quæcumque externa fortunæque ludibrio exposita commoda, neque quidquam temerè aggreditur, sed omnia cum certa & matura deliberatione, ille inueniet bonum nimirum hic gratiam, & illic vitam æternam, certumque sui conatus fructum. Interim prudentior & beator censendus est, qui spem suam collocat in Domino, quàm qui propriâ virtute aut prudentiâ, aut quocunque priuato conatu vel industria nititur. Nam ad felicem cuiusvis rei effectum non sat est prudens consilium, aut matura deliberatio, sed opus est præterea peculiari Dei ope & auxilio.

21. *Qui sapiens est corde, appellabitur prudens: & qui dulcis eloquio, maiora reperiet.*

**Q**VI sapiens est corde, Catholicæque fidei doctrinam, quam semel hausit, illibatam in corde custodit, prudentis nomen meritò sortitur. Quod si verò eloquentiam, sermonisq̃ue gratiam & venustatem sapientiæ addiderit, aliòsque quæ ipse didicerat, fideliter docuerit, & suam ipsius doctrinam augebit, & ampliorem apud Deum mercedem cõsequetur. Idem  
contin.

continger illi, qui diuinæ sapientiæ humanam adiunxerit, operæque, quod animo tenet, expresse sit. Siquidem cognitio citra actionem est mutila & imperfecta; sicut diuinorum quoque scientia, absque vlla prorsus prudentia humana; maximè si quis diuina publicè est docturus.

22. *Fons vitæ eruditio possidentis: doctrina stultorum, fatuitas.*

**E**Ruditio & sapientia viro sapienti & erudito (si modo commodè & opportunè iis utatur) est instar fontis vitæ perennisque scaturiginis. Nam ut fons sibi ipsi, & aliis quoque aquam subministrat, (neque enim defluxu sui que communicatione exhauritur, sed auctior limpidiorque redditur) ita sapientia quoque & eruditio ea erudito & sapienti præstant, ut & ipsi studiosè viuant, & aliis nihilominus, per doctrinam spiritalem vitam subministrent. At verò doctrina stultorum, quæ se gubernant, deque agendis & credendis tractant, aliud nihil est quàm mera fatuitas; neque enim aliud effundere potest homo, quàm illud quod in corde fouet. Cum ergo ex abundantia cordis os loquatur, sit ut stultus stulta, sapiens contra sana veræque sapientiæ consentanea loquatur. Quamobrem rectè subiungitur

23. *Cor sapientes erudit os eius, & labiis eius addet gratiam.*

**C**OR sapientis erudit os eius prudensque & cautum illud efficit. Eiusmodi enim cor suggerit illi quid, quando, quomodo, & quatenus loqui debeat. Idemque labiis eius gratiam & doctrinam, hoc est, eruditum cultumque sermonem suggerit. Qui enim solidè doctus, rectamque Scripturarum intelligentiam nactus est, eruditum exprimit sermonem, & iuxta reconditam animo sapientiam, verba pia & erudita depromit, quotidieque maiora sapientiæ præfidia acquirit. Scientia enim vlti, familiarique sui communicatione crescit.

24. *Fauus mellis composita verba, dulcedo animæ sanitas ossium.*

**V**ERBA venusta ornatæque composita sunt instar faui mellis: nam ut fauus mellis suavis est palato, corporique salubris, ita ornata eruditi doctoris vel concionatoris verba auditorum auribus apprime sunt grata, animæque comprimis salutaria. Atqui huc spectat, quod eiusmodi compositam orationem animæ dulcedinem, ossiumque sanitatem appellet; (per ossa autem duriores corporis partes, aut vegetiores certè animæ vires

vires designantur) aut *verba composita* ob id *anima dulcedinem ossiumque sanitatem* vocat, quia & animam recreant, & audientium corpus non fatigant.

25. *Est via quæ videtur homini recta, & nouissima eius ducunt ad mortem.*

**E**ST via, hoc est, viuendi quædam ratio, quæ homini videtur recta & salutaris, & tamen non est; quia nouissima illius ducunt ad mortem. Hoc autem falsum præposterumque iudicium procedit ex praua animi affectione, aut ex deprauata viuendi consuetudine: nam vt quisque affectus est; ita de rebus iudicare solitus est. Quamobrem qui hoc incommodum incidere non vult, aut prauos animi morbos exuat oportet, aut viros certè doctos, & sapientes consulat necessum est.

29. *Anima laborantis laborat sibi, quia compulit eum os suum.*

**A**NIMA laborantis, hoc est, homo externo labori incumbens, manuūque labore vitam tolerans, in rem suam laborat, & necessitate quâdam adactus laborat. Nam præterquam quod scriptum existat: *In sudore vultus tui vesceris pane tuo*, & alio loco: *Qui non laborat, non manducet*, etiam os illius escam suppliciter expetens, eum ad laborem quodammodo compellit. Et quemadmodum qui honesto labori insudat, in rem suam insudat; ita quoque qui improbè & iniquè agit, in suum vulnus & liuorem iniquè agit. Siquidem vnusquisque onus suum portabit & quod in corpore seminauerit, hoc & metet.

27. *Vir impius fodit malum, & in labiis eius ignis ardescit.*

**V**IR impius deque industria improbitati deditus, studiose inquit & versat malum: neque minus laborat vt improbum aliquod facinus excogitet, ipsoque opere exprimat, quàm illi solent, qui aurum fodiunt laboriosèque perquirunt. Idem maledicentiam veluti ignem omnia latè inflammantem & incendientem labiis circumfert, hoc est, totus in hoc est, vt falsâ delatione iniquaque criminatione & suffuratione lites atque discordias inter coniunctos & fratres disseminet, quod genus hominum est teterrimum, reipublicæque longè perniciosissimum.

28. *Homo peruersus suscitât lites, & verbosus separat Principes.*

**V**IR peruersus ( cuiusmodi est, qui studio omnia etiam optimè dicta vel facta peruerit, & in deteriorem partem rapit ) suscitât dissidia & lites.



& lites. Est enim ex illorum grege, qui ignem ardentem, discordiarumque fomitem in lingua insidentem habent, de quibus proxime dictum est. Est idem impudens nugator & garrulus, improbique delator & fustro; paucis, est talis, qui venenatâ linguâ non modò homines priuatos à se inuicem diuellit, & in alienationem coniicit, verum etiam principes viros separat, & contra se inuicem armat. Idque ingenti populi malo & incommodo.

29. *Vir iniquus laetatur amicum suum, & ducit eum per viam non bonam.*

**D**Enique vir iniquus & improbus non est contentus ignem labiis circumferre, inter amicos discordias serere, Principes falsis defationibus & commentis contra se inuicem inflammare, verum etiam amicum per fraudem circumuenire, & à recta virtutum via ad vias non bonas abducere contendit. Gaudet enim impij & scelerati homines cum multos nacti sunt sui similes. Contingit autem seductio illa non solum verbis, verum etiam nutibus, promissis, multisque aliis modis. Estque malum hoc eò grauius, quò cadit non in hostem, sed in amicum.

30. *Qui attonitis oculis cogitat praua, mordens labia sua perficit malum.*

**Q**VI oculis clausis, & quasi attonitis mala animo versat, labiaque inter meditando mordet mouetque, hunc tu cauero. Siquidem scelus, quod meditatur primâ oblatâ occasione perficiet. Quamuis enim externa eiusmodi signa & gestus non sunt certa & euidentia interioris hominis indicia, sunt tamen probabilia. Rarò enim qui labia mordent, & meditantur & quasi attoniti sedet, boni aliquid in animo habent. Quamobrem cauendi sunt potius, quàm familiariter habendi.

31. *Corona dignitatis senectus qua in viis iustitiæ reperitur.*

**S**enectus capitisque canicies non quæuis, sed quæ iustitiâ, prudentiâ, salisque virtutibus & donis ornata est, ea demum est corona dignitatis, hoc est, seni summum adfert ornamentum, decus, & gloriam. At stolidæ flagitiisque contaminata, probum potius conciliat quàm ornamentum. Ceterum vt iustitia senectutem commendat & ornat, ita eandem quoque ferè generat. Rarò namque improbi & scelerati homines ad seniles annos perueniunt.

32. *Melior est Patiens viro forti: & qui dominatur animo suo, expugnatore urbium.*

**E**T si bellica fortitudo magni fiat, & inter corporis virtutes primas ferè obtineat. Magni enim vbique sunt, qui potentem hostem in triumphum ducunt, aut validam hostium aciem viribus perfringunt; attamen multo fortior multoque illustrior censendus est; qui inconcinnos animi motus moderari, & expugnare nouit, quàm qui hostem debellat, aut ciuitates expugnat; quippe cum multo difficilius sit animi impetus sistere & coërcere, quàm hostium aciem perrumpere. Hac autem fortitudinis laude non caret prudens & iusta canicies, tametsi corporis viribus destituatur. Est autem hic sermo non de hac vel illa animi perturbatione, sed de quauis promiscuè.

33. *Sortes mittuntur in sinum, sed à Domino temperantur.*

**V**erum enim vero licèt maius quiddam sit coërcere propriam iram; aliàsque animi perturbationes moderari, quàm vrbes expugnare, vtrumque tamen Dei donum est; quippe cum absque illius nutu & dispensatione in humanis nihil geratur, nec vllæ omnino sortes præter illius voluntatem & beneplacitum prosperè cadant. Quamuis enim fortuna in multis dominari videatur, nec vlla reddi possit ratio, cur hoc vel illud hoc vel illo modo eueniat, nihil tamen sit citra diuinum iudicium; Dominus enim occultâ quâdam vi & æquitate moderatur omnia. Quare rectè hic legitur: *Sortes, in sinum mittuntur sed à Domino temperantur.*

## A D

## CAPVT DECIMVM SEXTVM

## S C H O L I V M.

1. **H**ominis est Animam, &c. Ex hoc loco falsò quidam collegerunt, hominem sine gratia Dei præparare se posse ad gratiam, & bona quæuis inchoare, sed non perficere: quæ interpretatio aduersatur illi Saluatoris: *Sine me nihil potestis facere*, Ioan. xv. & illi Paulli II. Cor. III. *Non sumus sufficientes cogitare aliquid à nobis quasi ex nobis.* Homo ergo se præparat, sed gratia Dei præuentus & excitatus. Vtrobique ergo



ergo opus est gratia Dei, & in præparando vel cogitando, quid dicendum vel agendum sit, & in perficiendo. Sed interim liberum arbitrium non est otiosum, verum simul cum Christi gratia operatur. Discimus hinc quoque difficile esse salutarem & vtilem ad populum concionem habere, nisi Deus linguam mouerit & direxerit.

2. *Omnes via, &c.* Secundum Editionem nostram docetur hic Deum nullas hominum cogitationes ignorare, verum omnia ipsi nuda & aperta esse, id quod alibi quoque traditur. At secundum Hebræum Contextum, qui ita habet: *Omnes via viri munde sunt in oculis eius*, ambiguus est sensus; vel enim innuitur cuius homini sua opera suasque cogitationes placere, nec non in oculis suis munda haberi, cum tamen in oculis illius, qui ponderat, Spiritus sæpe non sunt munda: vel certè vias viri mundi & innocentis acceptas esse in oculis illius, qui præparat & disponit, Spiritus.

3. *Revela Domino, &c.* Monemur hic ut ea cogitemus, & dicamus, & faciamus, quæ diuinum conspectum vel notitiam non vereantur: tum si in quod forte peccatum inciderimus, ut illud coram Deo humiliter confiteamur, veniamque precemur. Quod si cum Hebræis legamus: *Deuolue opera tua ad Dominum*, admonemur, ut toti à Deo pendeamus, cunctaque bona quæ fecimus, illi accepta feramus, nec non ad illius honorem referamus.

4. *Vniuersa propter se ipsum, &c.* Docetur hic Deum omnia facere, & operari, non propter nostra merita, sed propter suam ipsius gloriam & bonitatem, hoc est, propter se ipsum tanquam ultimum omnium finem. Quidam exponunt, Omnia operatus est propter ipsum, nempe iustum, etiam impium, quem reservat in diem malum. Nam dum impius virum iustum affligit à peccatis illum expiat.

5. *Abominatio Domini, &c.* Similis locus exstat Cap. II. Vers. xxi. Significatur autem Dominum execrari omnem superbum & corde elatum; interim hominem arrogantem & superbum non fore impunem, utcumque multos socios in consortium alciuerit, sed tempestivè pœnas promeritas daturum.

*Initium via bonæ, &c.* Hic locus petitus est ex Lxx. Editione, nam in Contextu Hebræo non habetur, neque in vetustioribus quoque Codicibus Latinis. Docet autem initium bonæ vitæ esse facere iustitiam, hoc est, dare elemosynam, illudque apud Deum acceptius esse, quàm offerre victimas.

6. *Miser cordia & veritate redimuntur iniquitas, &c.* Non multum discrepat hic locus à proximè exposito. Significat enim per opera misericordiarum & pietatis officia expiari peccata, iuxta illud: *Beati misericordes, quia ipsi misericordiam consequentur.* Quemadmodum autem peccata facta per opera caritatis redimuntur, ita per timorem Dei, ne fiant, impediuntur. Timor enim Dei efficit, ut homo declinet à peccato & culpæ malo.

7. *Cum placuerint, &c.* Docetur hic optimum ad pacem cum omnibus habendam compendium esse bonam vitam. Siquidem qui Deo ex animo seruiunt, eidemque grati sunt, Deo auctore cum omnibus pacem obtinent, etiam cum hostibus & inimicis. Tum bonum pacis ex Dei nutu & voluntate potius pendere, quàm ex hominis conatu & studio. Ipse enim est qui quocumque voluerit temporis momento in pacem & amicitiam conuertere potest.

8. *Melius est parum, &c.* Hæc sententia clara & iam ante exposita est. Mystice significatur satius esse habere modicam scientiam cum vera humilitate, quàm magnam cum superbia & arrogantia. Redditur autem hoc versu aliqualis ratio versus præcedentis. Ideo namque inter homines versantur discordiæ & lites, quia plerique sorte suâ non contenti, per vim vel iniquitatem opprimunt & spoliunt alios: hinc iam lites & contentiones.

9. *Cor hominis disponit, &c.* Hæc sententia haud multum dissidet à primo Capitis huius versiculo. Nam & hic quoque significatur hominem posse quidem de rebus suis cogitare: attamen Domini esse opus conceptum ad finem perducere, etsi interim utilis quoque & salutaris cogitatio sine Deo non concipiatur. Admonemur hic autem de duobus, nempe de voluntatis nostræ libertate, & diuinæ gratiæ necessitate.

10. *Dirinatio in labijs, &c.* Monet hic locus Regibus & Iudicibus obsequendum, maxime quod & publicâ auctoritate fungantur, & in publico & legitimo iudicio facile errare soleant.

11. *Pondus & statera, &c.* Ut Deus a Regibus & Magistratibus exigit iustum iudicium, ita à priuatis omnibus iustum pondus æquàmque mensuram. Sedulus autem est, pondus & statera iusta sunt Domini, vel à Domino: ipse enim ea fieri iussit, eorundemque vsus homini suggessit. Denique omnia opera Domini sunt pondus & mensura, hoc est, iustissima & æquissima.

12. *Abominabiles Regi, &c.* Subiunguntur hic quattuor ordine documenta, quæ pertinent ad Regem. Horum primū docet, quid illi displiceat, secundum

secundum quid placeat : tertium quid illius ira possit : quartum quid eiusdem gratia & beneuolentia valeat. Primò igitur Rex iustus execratur omnem impietatem, & omnem itidem impium, eoque odio regnum suum admirabiliter confirmat.

13. *Voluntas Regum, &c.* Admonet Regibus bonis & iustis verba vera & labia iusta inter cetera maximè placere, nec iniuriâ. Siquidem illa sunt ijs admodum necessaria. Nihil enim æquè nocet Regi & regno atque adulatores, mendacesque & varij consiliarij. Qui igitur bonorum Principum fauorem querit, ferat labia iusta, & loquatur recta, & omnem caueat impietatem, & adulationem.

14. *Indignatio Regis, &c.* Nequis partii faciat Reges offendere, docet hic quàm terribile sit principem virum ad iustam iram & indignationem prouocasse. Neque enim aliud est grauis Regis ira & indignatio, quàm certæ mortis interuincia. Interim sapientis oratio earum est virium, vt incensos Reges mitigare queat.

15. *In hilaritate vultus, &c.* Explicatur hic vis gratiæ & beneuolentiæ Regis indicij externis declarate. Etenim vt in Regis indignatione posita est mors : ita in illius hilaritate vultusque eiusdem serenitate vita. Est autem perelegans, & ad rem peropportuna similitudo de imbre serotino, & pluuia diu multumque propter terræ siccitatem expectata.

16. *Posside sapientiam, &c.* Docuit paulò ante sapientiam Regum iram placare posse, & tæpe quoque placare : hic autem illam omnibus rebus potiorem tradit, eamque adeo & prudentiam omni auro & argento anteferendam. Tum quod per hæc fiat, quod per nullas pecunias fieri poterat, tum maximè quod solæ diuitem beatumque reddunt.

17. *Semita iustorum, &c.* Docetur hic rectos (cuiusmodi sunt qui animum ad bene beatæque viuendum ritè componunt) à malo, quod iustitiæ principium est, declinare solere. Ceterum vox *Mesillas* non quamvis viam significat, sed stratum, sublatam, benèque tutam & planam.

18. *Contritionem præcedit, &c.* Docet superbiam contritionem antecedere, hoc est, neminè prius à Deo contecti, aut omnino eueri, quàm per iniquam elationem id promeritus fuerit. Omnis enim ruinæ, cladis, & calamitatis causa est superbia, vna hæc demonem & ipsum quoque Adam euerit.

19. *Melius est humiliari, &c.* Hic locus rationem reddit versiculi proximo præcedentis, Certum est enim, si mentis elatio est causa ruinæ & per-

ditionis, vtilius esse se humiliare cum mitibus, quàm spolia partiri cum superbis. Bene autem committit mites cum superbis spolia diuidentibus, quia mites & humiles sua sibi iniuste auferri patienter ferunt: superbi autem mites per vim & iniustitiam saepe spoliant.

20. *Eruditus in verbo, &c.* Qui interna animi bona maioris facit, quàm quaecumque bona externa; vel qui mauult humiliari cum mitibus, quàm spolia diuidere cum superbis, ille inueniet bona, nempe viuentium terram. Idem obtinget illi, qui rem, quam aggredi vult, maturo consilio benè ante expendit. Interim melius est semper spem suam in Dominum coniicere, quàm suæ prudentiæ suisue viribus nimium fidere.

21. *Qui sapiens est corde, &c.* Monet hic prudentem intelligentemque haberi, qui sapientiam cum eloquentia coniunctam habet. Siquidem sapientia sine eloquentia parum potest, sicut è diuerso quoque eloquentia sine vera sapientia saepe magis obest, quàm prodest. Ceterum sapientiam alij referunt ad notitiam, prudentiam ad praxim; alij sapientiam ad rerum diuinarum cogitationem, prudentiam autem ad literas humanitus traditas. Nam hæ quoque futuro Theologo apprime sunt necessariae.

22. *Fons vitæ, &c.* Committitur hic eruditio & doctrina sapientum cum eruditione & doctrina stultorum. Horum scientia & sapientia aliud nihil est, quàm mera fatuitas, illorum sapientia est instar fontis vitæ, non ipsis tantum sed aliis quoque.

23. *Cor sapientis, &c.* Commendat eruditi cordis officia & munia. Nam suggerit sapienti quid, quando, quantum, quomodo, & coram quibus loqui debeat, & miris modis orationem illius exornat, concinnamque reddit.

24. *Fauus mellis, &c.* Comparantur hic verba dulcia & commoda fauo mellis, id quod per familiare est in Scripturis.

25. *Est via qua videtur recta, &c.* Hæc sententia explicata est iam ante, Cap. nimirum xiv. Vers. xi. reperitur hic autem, quò fixius hæreat. Siquidem philautiæ morbus quàm plurimos transuersos agit. Conuenit in hæreticos & in omnes qui specie virtutis se ipsos deludunt.

26. *Animal laborantis, &c.* Hic locus propter ancipitem verbi Hebræi *Ngamal* notionem geminum sensum admittit. Primus est: Quicumque laborant, seseque fatigant, victus proprii que questus causa laborant; siquidem os vel venter cibum postulans compellit ad laborem. Alter est: quicumque

cumque iniquè agit, onus suum est portaturus, próque meritorum suorum ratione supplicium accepturus.

27. *Vir impius, &c.* Vt versiculis proximè antecedentibus egit de fructibus labiorum viri iusti & sapientis, ita hoc & sequètibz nonnullis disserit de incommodis, damnis, & pestibus, quæ impiorum labia inferunt. Docet ergo impios studio ad mala rapi ignémque labiis suis circumferre, quo non minus vrunt & offendunt, quàm ignis flamma solet.

28. *Homo peruersus, &c.* Cognatus est hic locus proximè exposito. Tradit autem hominem mentis linguæque peruersæ iras suscitare, rixas mouere, inter Principes discordias disseminare, paucis, omnia, quæ videt vel audit, pervertere, & in malam partem transferre. Quadrat hæc sententia, vt proximè præcedens quoque, exactè in hæreticos & Apostatas. Nam & pacem Ecclesiæ turbant, & Principes a se inuicem alienant, & priuatas quoque familias lacerant.

29. *Vir iniquus laelat amicum suum, &c.* Aliud hic linguæ vitium exponitur, nempe blandis magnisque promissionibus, adulatoriisque verbis amicum in fraudem & perniciem abducere, & à via virtutis ad vitiorum deuia abripere.

30. *Qui attonitis oculis, &c.* Monet hic locus candidè cum homine amico agendum esse, non dolosè, non fucatè, maximè quod dolosi fucum suum ita colorare non possint, quin indiciis, si non omnino certis, probabilibus certè tandem deprehendatur. Siquidem oculos claudere, labia mordere, aut comprimere, capite innuere, aliæque eiusmodi semper aliquid portentunt. Potest autem, quod hic docetur, ad vnum vel duo membra referri. Ad duo, ad hunc modum: Qui clausis & attonitis oculis sedet, is cogitat mala; rursus: Qui mordet labia accinctus est vt patret mala. Ad vnum ita: Qui malum aliquod patrare conatur, primū clausis oculis meditatur, mox mordet labia, quasi iam ad patrandum scelus paratus.

31. *Corona dignitatis, &c.* Commendat canam senectutem iustitia & ceterarum virtutum ornamentis exornatam. Eiusmodi enim meritò vocatur *Corona dignitatis*: siquidem non ipsi tantum seni, sed toti quoque reipubl. ornamentum & decus adfert.

32. *Melior est pateriens, &c.* Inter virtutes, quæ magis ad corpus quàm ad animam spectant, primatum obtinet fortitudo. Interim fortior est qui vincit, inordinatos animi motus, quàm qui hostem in triumphum agit.

33. *Sortes mittuntur, &c.* Hæc sententia cum proximè exposita cognitionem habet. Significatur hac enim, licet maius quiddam sit spiritum domare, & se ipsum vincere, quàm civitates expugnare, utrumque tamen Dei donum esse, quippe cum in humanis nihil quidquam geratur absque illius nutu.

## PARAPHRASTICA CAPITIS SEPTIMI DECIMI EXPLANATIO.

1. *Melior est buccella sicca cum gaudio, quàm domus plena victimis cum iurgio.*

**M**elior est sicca buccella panis, hoc est, mensa frugalis & tenuis, cum pace, gaudio, & tranquillitate, quàm domus plena victimis lautisque dapibus cum iurgio & contentione. Quæ enim sumuntur cum pace & animi tranquillitate, ea omnia sapiunt, nutriunt, & recreant, quæ autem cum rixa & contentione, utcumque secundum se tanta sint, sano tamen palato grata non sunt. Sublimiori sensu, satius est guttam divinæ sapientiæ habere, quàm dolium prudentiæ mundanæ, tamen si hæc quoque, si rectè illa utaris, prosit.

2. *Servus sapiens dominabitur filiis stultis, & inter fratres hereditatem dividet.*

**M**agna est vis sapientiæ, ut quæ præter cetera servilis quoque conditionis homines in libertatem afferat; imò dominorum suorum dominos nonnumquam constituat. Nam, ut disertè hoc loco docetur, servus sapiens dominabitur filiis stultis, parentes maiorisque suos per improbitatem pudore afficientibus, idemque tanquam plenam domus administrationem sortitus, hæreditatem dividet inter fratres; vel ipse quoque tanquam bene meritis unà cum filiis hæreditatis partem capiet.

3. *Sicut igne probatur argentum, & aurum camino: ita corda probat Dominus.*

**Q**uod ignis vel confinatorium est auro, & fornax vel caminus argento, hoc Deus est humanis cordibus. Nam ut ignis non solum aurum & argen-



Argentum, ceteraque metalla explorat, verum etiam à sordibus & scoria repurgat & mundat; ita Deus per cruces & afflictiones, per externas & internas exhortationes, & per multas alias vias mortalium corda probat, & si quidem proba & obsequentia sunt, emundat & expiat.

4. *Malus obedit lingua iniqua: & fallax obtemperat labiis mendacibus.*

**V**Nusquibet iis rebus facile capitur, quæ cum illius moribus ingenioque conueniunt. Quamobrem homo peruersus & malus linguæque iniqua uti assuetus, facile fidem habet linguæ iniquæ & improbæ. Pari modo homo mendax & fallax facile obsequitur labiis mendacibus vanis, & iniurias ferere solitis: idem statuatur de ceteris vitiis atque flagitiis.

5. *Qui despicit pauperem, exprobrat factori eius: & qui ruina letatur alterius, non erit impunitus.*

**N**ON ille tantum apud Deum reus est, qui per dolum aut vim, vel aliâ quâcunque viâ vel ratione alium ad paupertatem redigit; sed ille quoque, qui pauperem propter paupertatem contemnit, aut ludibrio habet. Nam cum secreto Dei iudicio alij sint pauperes, alij diuites; qui pauperi insultat, Deum, qui illum fecit, & pauperem esse voluit, quod in se est, iniuriâ afficit. Sic quoque non is solum pœnas pendet, qui alteri ruinam parat, sed ille quoque, qui de alterius ruina gaudet. Plerumque enim eiusmodi in pœnam peccati in similem aliquam calamitatem incidere solent.

6. *Corona senum, filij filiorum: & gloria filiorum, patres eorum.*

**C**ORONA & ornamentum senum sunt filij filiorum, longæque & bene instituta posteritas, nec solum eiusmodi posteritas senibus sentatis est ornamento, sed magno quoque oblectamento & gaudio, nam per illam redduntur quodammodo immortales. Vivunt namque in illis & per illos, quos ex se genuerunt; quo bono priuantur, qui nullos neque liberos, neque nepotes post se relinquunt. Porro autem ut senum gloria & corona sunt eorum nepotes, ita vicissim patres longæui, maioreique virtutibus illustres sunt gloria & decus filiorum.

7. *Non decet stultum verba composita, nec principem labium mentiens.*

**N**ON decet hominem vesanum & abiectum de rebus grauib; & arduis, cuiusmodi sunt, quæ ad reipublicæ salutem faciunt, publicè verba facere;

facere; quia ob suam stultitiam & vilitatem orationi pondus adiungere non valet; aut se quoque de quacumque re aut virtute commendare. Multo verò minus decet virum principem aut in quacumque potestate constitutum labium vatum, futile, & mendax. Siquidem ut ante expositum est illius oratio debet esse instar oraculi, eiusdemque vita instar regulæ, secundum quam imperio subiecti vitam suam conformare & instituere solent.

8. *Gemina gratissima, expectatio præstolantis: quòcumque se vertit, prudenter intelligit*

**R**ES diu auide expectata, & tandem obtenta illi, qui dudum expectauerat, instar preciosæ geminæ est grata, datque operam quocumque tandem se vertat, ne per imprudentiam iacturam illius faciat. Hebræa alium sensum offerunt. Sonant enim: Munus in oculis Domini, hoc est, eius qui accipit, vel præstolatur, est veluti lapis preciosus: quoquo versum se verterit, prosperum successum fortietur. Converteret enim iudicum corda in quamcumque partem voluerit, hoc est, ad quemcumque diuerterit, infatuabit, vel excecabit eum. Munera enim occæcant homines & Deos ut canunt Poëtæ.

9. *Qui celat delictum, quarit amicitias: qui altero sermone repetit, separat fæderatos.*

**Q**VI secretum proximi delictum celat, aut si celare non potest, dexterè excusat, is utique illius quarit amicitiam; neque enim paruum beneficium prestat, qui alterius peccatum occultat vel excusat: beneficia autem suâ naturâ conciliant, amicitiam, & benevolentiam. Contra verò qui alterius delictum repetit, hoc est, iterum iterumque illud profeminat atque inculcat, amicitiam antè conflata[m] separat, ducemque frequenter à duce, & Principem a Principe sciungit, imo totam Rempub. vehementer sæpe conturbat, ut cum illius peccatum manifestat qui primas in ea locum obtinebat, proque bono & iusto viro habitus semper fuerat.

10. *Plus proficit correptio apud prudentem, quàm centum plagæ apud stultum.*

**M**ULTUM interest sapientemne admoneas, an stultum. Moderata enim increpatio plus proficit & potest apud intelligentem, altiusque in pectus illius descendit, quàm centum verbera apud stultum. Stultus namque quasi



quasi iudicio & sensu destitutus, nihil curat, sine verbis, siue verberibus cum eo agas. Atque hoc magnum non tantum stultitiæ, sed malitiæ quoque est signum: sicut è diuerso magnum quoque probitatis & sapientiæ est indicium, ad primam statim admonitionem ad sanam mentem redire.

11. *Semper iurgia quarit malus: Angelus autem crudelis mittetur contra eum.*

**H**omo sceleratus & contumax, qui nec verbis nec verberibus emendatur: aliud nihil querit, nisi rixas & contentiones. At non impune. Deus namque crudelem Angelum contra eum mittet, crudeliq; plagâ illum afficiet, & tandem ad impia Tartara detrudet. Angelus quoque crudelis est nuncius mortis, maximè verò æternæ. Etenim terribile illud summi Iudicis fulmen: *Discedite à me maledicti in ignem æternam*, durissimus est internuncius.

12. *Expediit magis vrsæ occurrere raptis satibus, quàm satuo confidenti sibi in stultitia sua.*

**S**atius est obuiam habere vrsam catulis orbatam, quàm hominem insanum & stultum vesaniæ spiritu iam agitatum. Siquidem vrsæ tametsi sæua corpus tantum lædere potest, stultus autem furore correptus, non corpus tantum, sed famam quoque, & conscientiam, & externa bona lædere natus est; neque enim furit ille ex impetu naturæ, vt vrsæ, sed datâ operâ, cum ratione furorem, quo laborat, compescere queat.

13. *Qui reddit mala pro bonis, non recedet malum de domo eius.*

**M**agnum flagitium est ingratitudo; inter omnes autem ingratos supremum gradum obtinent, qui reddunt malum pro bono. Quamobrem meritò eâ pœnâ plectuntur, vt malum, hoc est, crux atque calamitas à domibus illorum numquam recedat; si enim graue peccatum est malum pro malo reddere, quantum flagitium erit malum pro bono rependere?

14. *Qui dimittit aquam, caput est inferiorum: & antequam patiaturs consumeliâ, iudicium deserit.*

**V**t is qui aggere perrupto aquam dimittit, caput & causa est iurgiorum & damnorum omnium, quæ inde consequuntur, neque vt maximè velit, incommoda illa impedire potest; ita cuius litem inchoare per facile est, at verò exorsam componere, aut pro libitu abrumpere perdifficile.

ficile. Ne igitur liti occasionem dederis. Qui enim rei huic dat ansam, totius damni & iniuriæ, quæ indè consequitur, auctor habetur. Sicut qui aperit alveum, totius inundationis, quæ indè nascitur, causa censetur. Quod siquam forte litis, aut cuiuscumque controuersię occasionem dederis, antequam misceatur serioque incendatur, abrumpe & dimitte illam ne si eam persequaris, in damnum publicamque ignominiam incidas.

15. *Qui iustificat impium, & qui condemnat iustum, abominabilis est virque apud Deum.*

**Q**UI iustificat impium & iniustum, siue intra siue extra iudicium id faciat, (nam utrobique nonnumquam contingit) execrabilem apud Deum se reddit. Idem prorsus de illo statuas, qui condemnat iustum, ubi-  
cumque tandem, vel quocumque modo, via, aut ratione illud fiat. Siquidem utrobique læditur iustitia, & fouetur iniustitia, offerturque occasio efficax, ut iniustus ab iniustitia numquam respiscat, iustus autem iustitiam & æquitatem contemnere, aut minus certè facere incipiat. Merito proinde tales apud Deum sunt execrabiles.

16. *Quid prodest stulto habere diuitias, cum sapientiam emere non possit?*

**E**T si opes sapienti ad comparandam sapientiam & alia multa prodesse queant, multumque prodesse sæpe soleant, stulto tamen quod corde & mente destituatur, neque stultitiæ morbum per opes sanare valeat, ad sapientiam, vel aliam rem honestam parandam parum profunt, imò verò magis sæpenumerò illi obsunt, quàm profunt: quippe qui eas in luxum, in superbiam, in aliorum contemptum, & alias malas artes plerumq. conuertat. Multum itaque inter diuitias & sapientiam interest. Siquidem sapientia sine diuitiis constare & prodesse potest; diuitiæ verò sine sapientia plus sæpe damni & detrimenti, quàm emolumenti adferunt: opes rursus amitti possunt, & sæpe amittuntur, sapientia non potest: opes denique sui communicatione diminuuntur, & tandem omnino exhauriuntur; sapientia autem, quo liberalius communicatur, eò magis augetur. Mitto hic opes per sapientiam parari posse, sapientiam autem, à stulto præsertim per opes parari non posse.

*Qui altam facit domum suam, querit ruinam: & qui euitat  
discere, incidet in mala.*

**Q**VI altam facit domum suam, hoc est, qui per superbiam ad nimis sublimia & alta contendit, cuiusmodi sunt, quæ vel statum, vel mentis captum excedunt, ille ea contentione aliud nihil querit, quàm ruinam. *Siquidem omnis qui se exultat, humiliabitur.* Pari modo qui fastu inflatus ab aliis, quæ ignorat & scire debebat, discere non vult, in varias incidet clades atque calamitates, daturusque est pœnas superbia sua dignas.

17. *Omni tempore diligit qui amicus est, & frater in angustiis comprobatur.*

**Q**VI syncerus & ex animo amicus est, non prosperitatis tempore solum germanum amicum sese ostendit, verum etiam aduersitatis; imò tunc maximè, si verus amicus est, se prodit. Hoc enim fictus secernitur à vero, quod hic in angustiis aduersæ fortunæ fluctibus opem laturus alacriter occurrat; ille verò simulatæ amicitæ oblitus, amicum in necessitate deferat. Quamobrem hic non tam pro amico quàm pro improbro impostore habendus est; ille verò non tam pro familiari amico, quàm pro carissimo fratre.

18. *Stultus homo plaudet manibus, cum sponderit pro amico suo.*

**Q**visquis posteaquam pro amico suo stipulatà manu spondit, tanquam re bene gestà manibus exultabundus plaudit, is homo verè stultus cordèque destitutus est: quippe cum pro fide aliena stipulari res sit periculosissima, multorumque damnorum & molestiarum causa. Innumeri enim propter temerarias sponfiones ad extremam miseriam redacti sunt, quod si periculosum est pro pecunia spondere, quanto cum discrimine coniunctum erit pro alterius salute fidem suam obligare. Quod si pastores & Episcopi id eo, quo par est, sensu perpenderent, Episcopatus utique vel recusarent, vel minus certè studiosè ambirent.

19. *Qui meditatur discordias, diligit rixas: & qui exultat os suum, querit ruinam.*

**Q**VI amat prauaricationem omnibusque aduersatur, ac sese opponit, is facto ipso rixas & contentiones sese diligere ostendit, rem sane prauam & homine prorsus indignam, sic quoque qui ostium domus suæ,

vel ipsam verius domum altius, quàm fundamenta ferant, vel status illius patiat, elouat, quo ea ratione alios excedat, aliud nihil quærit nisi ruinam & contritionem. Idem de illo statuas, qui vel nimis magna de se iactat, vel illa pollicetur, quæ præstare non valet.

20. *Qui peruersi cordis est, non inueniet bonum: & qui vertit linguam, incidit in malum.*

**V**Terque & qui peruersi cordis, & qui peruersæ linguæ est, infelix & execrabilis est. Nam vt peruersi cordis homo bonum, quod quærebat, non inuenit (maxime verò bonum illud, quod appetunt omnes, neque satiantur, donec ad illud pertigerint ita) peruersa lingua in malum, quod aliis machinabatur, incidet; adeoque infelicior est quodammodo peruersi cordis homine. Siquidem grauius est incidere in malum, quàm bono desiderio frustrari. Peruersus corde omnia sinistrè interpretatur aliisque malum machinatur; peruersam autem vel inuersam linguam nactus, aliud cogitat, aliud loquitur, aliud in præsentia, aliud in absentia proximi effutit. Maximè autem ille peruersa lingua instructus est, qui praua & erronea pro veris profiteretur.

21. *Natus est stultus in ignominiam suam: sed nec pater in fatuo letabitur.*

**E**T stultum natum esse, & prauis perditisque moribus stultum euasisse miserum est planè atque calamitosum. Nam stultum natum esse, & ipsi stulto cedit in probrum & ignominiam; & parenti, qui genuit, in maximum animi marorem & molestiam. Nam etsi parentes naturaliter gaudent se generasse, prolesque habere; attamen cum se fatuum genuisse deprehendunt, adeò non gaudent vt vehementer quoque contristentur. Quod si prauâ educatione, aut suâ ipsorum malitiâ & improbitate stulti euaserint, maior hinc & ad natos, & parentes redundat dolor & ignominia; quippe cum non naturæ morbo, sed suâ culpâ & vitio in malum illud inciderint.

22. *Animus gaudens ætatem floridam facit: spiritus tristis exsiccat ossa.*

**A**Nimus latus floridam incundamque reddit ætatem, neque secus atque salubris quædam medicina totum corpus sanum vegetumque efficit; at verò spiritus tristis & consternatus, vel affectu aliquo intenso vehementius perturbatus, desiccatur & exhaurit ossa, totumque adeo corpus

pus absument. Nam si intensior molestia ipsa etiam ossa consumit, multò magis reliquas molliores & teneriores corporis partes.

23. *Munera de sinu impius accipit, vt peruertat semitas iudicij.*

**I**udex, testis, vel advocatus, qui vt iudicij rationem peruertat, accipit munus è sinu, hoc est, clanculū ab alterutra litigantium parte sibi oblatum, impius est; vt qui ob priuatum commodum, cum non paruo alterius damno, & manifesto reipublicæ detrimento, iustitiam euertat: neque ille solum qui accipit impius censendus est; sed ille quoque qui obtrudit. Quod si impiorum loco & numero habentur, qui pro munere peruertit leges iustitiæ, vbi de rebus istis fluxis & caducis quæstio est, quid de illis æstimandum est, qui in rebus Ecclesiasticis & foro conscientie propter pecunias æquitatem deserunt?

24. *In facie prudentis lucet sapientia: oculi stultorum in finibus terre.*

**S**apientia quæ insipientis pectore laet; numquam ita latet vt certis quandoque iudiciis sese non prodatur, sicut e diuerso stultitia fatuorum quam intus fouent, ita numquam dissimulatur & occultatur, vt interdum in apertum non exeat. Nam vt aliud nihil sit, quod morbum hunc manifestet; habent stulti plerumque omnes oculos vagos & instabiles, qui huc illucque sese inflectunt, & vsque ad terræ extrema circumferuntur. Siquidem stulti terrena semper sapiunt & quærunt: neque vmquā tamen satiantur aut explentur; sed plura semper & plura appetunt. Cum contra sapientes secundum sapientiæ præscriptum omnia dirigant, & instituant. Nihil enim habere volunt illi, quod a sapientiæ legibus alienum sit, vel ipsi sapientiæ sit contrarium.

25. *Ira patris filius stultus, & dolor matris quæ genuit eum.*

**I**R A & indignatio patris est filius stultus & improbus; siue stultus natus sit, siue per turpem incontinentemque vitam stultus effectus sit; idem quoque est mæror matris. Matrum est enim potius mærere quam vlcersci; hoc enim virorum est potius, quam mulierum: est autem vtrumque casualiter non formaliter. Siquidem fatuitas & improbitas filiorum generat parentibus summum dolorem & indignationem. Frustrantur enim sua spe, nam pro consolatione, quam ex filio expectant, accipiunt amaritudinem; pro gloria rursus & laude, probum & ignominiam, Malè enim  
audiunt

audiunt parentes, qui stultos & improbos habent filios. Siquidem vitia hæc imputantur malæ educationi, quamvis sæpe extra noxam sint.

26. *Non est bonum damnum inferre iusto, nec percutere principem qui recta iudicat.*

**V**Trumque malum & iniquum est, nempe damnum inferre iusto; siue id fiat per corruptum iudicium, siue alio quocumque modo: & Principes rursus vel Iudices, qui ex æquo & iusto iudicant, concutere. Sunt enim peruersi quidam homines, qui omne studium ad hoc insunt, ut iustos damno afficiant. Quod si Iudices, (quos hic *Principes* vocat) eò inducere non possunt, ut iustum condemnât; terroribus & minis, & nonnumquam etiam verberibus eos adoriuntur, quod est flagitium iniquissimum, ut pote veræ iustitiæ maximè contrarium.

27. *Qui moderatur sermones suos, doctus & prudens est: & pretiosus spiritus vir eruditus.*

**N**ON is qui crebro & multa loquitur doctus & intelligens censendus est, sed is qui sermones suos moderatur, cuiusmodi est qui loquitur, quando, ubi, quomodo, quantum, & apud quos oportet. Neque is rursus qui totum spiritum suum simul effundit, pro erudito & prudente habendus est: sed qui preciosi, hoc est, parci moderatiq; spiritus est. Qualis est qui non velox ad iram; nec præceps ad locutionem; sed paucorum & maturorum verborum est.

28. *Stultus quoque si tacuerit, sapiens reputabitur: & si compresserit labia sua, intelligens.*

**I**Mò verò sermonis moderatio & taciturnitas suo loco adhibita usque adeò commendat sapientem & sapientiam, ut stulti quoque reputentur sapientes, si opportunè tacuerint, labiaque decenter compresserint, maximè verò apud eos, qui illos non norunt.

## A D

## CAPVT DECIMVM SEPTIMVM

## SCHOLIVM.

1. **M**elior est buccella, &c. Hoc versu commendatur pax, animique tranquillitas, præferturque omnibus diuitiis & deliciis, & meritò.

2. *Seruus sapiens, &c.* Hic rursus laudator vis sapientiæ, vt quæ ex seruis faciat dominos, ex vernis legitimis hæredes; seruus enim sapiens dominatur interdum liberis stultisque filiis. Sensu mystico: Qui peccato & dæmoni seruierat, per resipiscentiam inter filios locum accipit, vt gentes inter Iudeos.

3. *Sicut igne probatur, &c.* Confert ignem cum Deo, & corda hominum cum auro & argento. Vt enim ignis explorat & repurgat aurum & argentum, ita Deus corda hominum. Probat autem Deus multis modis, nimirum per ignem tribulationis, per vocem prædicatoris, aliisque compluribus viis & rationibus, verum multi ad hæc omnia obfuscescunt. Quamobrem improbum se aurum esse ostendunt.

4. *Malus obedit, &c.* Docetur hic vnumquemque facile iis credere qui secum faciunt, moribusque conspirant. Quare prauus facile fidem habet linguæ iniquæ, & fallax labiis mendacibus. Idem statuatur de ceteris vitijs & vitiosis.

5. *Qui despiciit pauperem, &c.* Prior loci huius pars habetur Cap. xiv. Vers. xxx. huius libri. Secunda nullam habet difficultatem. Significat enim qui alterius ruinæ vel calamitati insultat, ruinæ aliquando affinem futurum, cuius rei multa exempla in medium adferre liceret.

6. *Corona senum, &c.* Horratur hic locus parentes, vt filios piè & religiosè educant; & filios vicissim, vt parentes in magno honore & reuerentia habeant. Siquidem, vt filij & nepotes bene educati cedunt in magnum ornatum senibus, sic è diuerso prudentes piique & longzui parentes in magnam gloriam & honorem filiis & nepotibus.

7. *Non decent, &c.* Hic locus monet verba personæ qualitati consentanea esse debere. Quare vt stulto non conueniunt verba grauiæ & sapiente digna; ita neque Principi mendacia, aut vana vel leuia dicta. Monentur

hic quoque concionatores, quæ & qualia pro concione proponere & tractare debeant, nimirum graua & ponderosa & cathedra Doctorali digna.

8. *Gemma gratissima, &c.* Secundum nostram Editionem docetur hic rem diu desideratam, & tandem obtentam instar vnionis gratam esse illi, cui obuenit, adeoq. omnem curam & diligentiam adhibere debere, nequando iacturam illius faciet. Hebræa sonant: *Manus in oculis domini*, illius nimirum qui recipit, *est instar gemmæ*, vel preciosi lapidis, quocumque sese verterit vel inclinauerit. Manus illa autem quæ largitur, successum sortietur. Faciet enim accipientem intelligere, quo largitor tendat, vel quid velit, vel ad quemcūque deuenierit, infatuabit eum. Hæc omnia significantur vna voce *Schacal*.

9. *Qui celat delictum, &c.* Ostenditur hic caritatis esse amicorum delicta celare, vel commodè, si celari non possint, interpretari, vnamque hanc viam expeditissimam esse ad conciliandam & retinendam amicitiam; sicut è diuerso eadem propalare vel exaggerare est via ad dissoluendam ante conflitam; tum etiam ad ferendam inter Principes & amicos discordiam aptissima & ab amicitia legibus prorsus aliena.

10. *Plus proficit, &c.* Assignat aliud inter stultum & sapientem discrimen. Apud hunc plus valent verba & salutaria monita, quàm apud illum plagæ & verbera. Insinuat idem hic locus prudentes, qui morigeri & grati sint, si quando labantur, secretò admonendos esse; stultos autem, quod omnes admonitiones pro nihilo ducant, publicè acriter obiurgandos. Plagas autem non eas solum accipe, quas infert homo, sed eas quoque, quas infert Deus.

11. *Semper iurgia, &c.* Exprimatur hic quorundam insigniter improborum ingenium. Sunt enim quidam ita deprauati, vt neque verbis, neque verberibus emendari queant; cumque in modum comparati, vt nihil nisi iurgia, & lites, & dissidia quærant & serant: quibus proinde nihil aliud expectandum restat, quàm Angelus crudelis, qui illos ex hac vita ad æterna supplicia abripiat.

12. *Expedi magis, &c.* Docetur hic quàm periculosa res sit habere negotium cum homine stulto & furente; quippe cuius occurfus æquè metuendus sit atque vrsæ catulis orbatæ.

13. *Qui reddit male, &c.* Hic locus turpitudinis ingrati animi nos admonet. Inter omnes autem ingratitudinis species pessima est ea, quæ  
rependit



rependit malum pro bono. In hoc crimen inciderunt Iudæi. Hi enim Christo pro summis beneficiis mortem intulerunt. Quare malum quoque poenæ numquam à misera illa & calamitosa gente decedet.

14. *Qui dimittit aquam, &c.* Monet hæc sententia vt lis prius prematur & confopiat, quàm vtrique pars litigantium incalescat; nam seriò semel inchoata difficulter componuntur. Sicut aqua etiam cum aggerem oppositum semel perfregerit, difficulter sistitur. Admonet idem hic locus quoque, vt cuicumque malo aut periculo tempestiuè obuiam eatur.

15. *Qui iustificat impium, &c.* Damnantur hic qui iustificat impium & condemnant iustum. Vtrumque autem contingit bifariam, nempe in iudicio, & extra iudicium; & vtrumque malum est graue peccatum; peius tamen quod fit in iudicio; quia vtròque iustitia læditur, & proximus grauiter offenditur. Extra iudicium contingit ea condemnatio & iustificatio, cum quis ob iniquitatem laudatur, vel ob pietatem vituperatur, quod multis admodum familiare est.

16. *Quid prodest stulto, &c.* Docetur hoc loco diuitias stulto magis obesse, quàm prodesse; & tum etiam cum profunt, parum prodesse, quippe cum pecunia sapientiam, quæ sibi deest, parare non queat. Obsunt autem illi, quia cum legitimum illarum vsum ignoret, cōuertit in materiam peccati.

*Qui altam facit, &c.* Hæc sententia ex Lxx. Editione petita est, in Latinis & Hebræis codicibus nihil huiusmodi exstat. Significatur per hanc autem superbiam comitari ruinam, eumque qui propter fastum ab aliis doceri non vult, in multas subinde miseras & calamitatis incidere.

17. *Omni tempore, &c.* Describitur hic primaria sinceri amici conditio, quæ est constantia in amicitia, tam in aduersis quàm in prosperis. Etenim qui aduersitatis tempore vltro statim, vt opem ferat, accurrit, ille pro germano amico habendus est; qui autem tum deserit, fucatus est plane. Dicitur autē amicus necessitate urgente nasci, quia ex insperato in medium prodit, cum ante latuisset.

18. *Stultus homo, &c.* Ante ostensum est quanto cum discrimine coniunctum sit pro aliena fide stipulari. Merito proinde inter stolidos censendus est, qui in re adeo molesta & periculosa lætabundus viuunt quasi prædam aliquam opimam nactus esset & iubilat.

19. *Qui meditatur discordias, &c.* Condemnatur hic iterum superbix malum, vt quod multarum rixarum, multarumque ruinarum sit causa.

Nam & superbè loqui, & superbè rursus ædificare, ad ruinam & contritionem viam pandit.

20. *Qui peruersi cordis est, &c.* Pendet hic locus à proximè exposito: siquidem studio meditari rixas atque discordias munus est hominis peruersi deprauatque cordis & animi. Quamobrem iuste in illud incommodum corrui, vt verum bonum, etiamsi illud quærere videatur, non inueniat. Viri autem boni nomine continetur Deus, & quidquid ad Deum viam munit.

21. *Natus est stultus in ignominiam, &c.* Natum quandoque fuisse ipsi quidem stulto cedit in dedecus & ignominiam; parentibus autem eius in mærorem & tristitiam. Contextus Hebræus vtrumque refert ad generantem. Significat enim generasse stultum, ipse cedere ad tristitiam, non ad lætiam; ad ignominiam rursus, non ad gloriam.

22. *Animus gaudens, &c.* Sententia huic similis legitur Capite xv. Vers. xiv. Exponit hic autem lætix & tristitiæ vim: animus enim lætus etatem florentem, corpusque vegetum reddit, spiritus verò mæstus exhaurit ossa.

23. *Munera de sinu, &c.* Indicatur hic non leuè peccatum esse propter munera iudiciū pervertere, sed magnæ impietatis scelus. Quod si verò impij sunt, qui iudiciū propter mercedem in temporarijs pervertunt, quāto crimine se obstringunt, qui in spiritualibus & Ecclesiasticis id faciunt.

24. *In facie prudentis, &c.* Iterum hic prudens stulto opponitur. In facie prudentis lucet sapientia, stultorum autem oculi tam mentis quàm corporis semper sunt vagi, & inconstantes, quæruntque sapientiam, & non inueniunt.

25. *Ira patris, &c.* Hæc sententia conuenit cum multis alijs ante expositis. Significat autem stultum filium non solum mærorem parentibus eiere, sed iram quoque & indignationem. Repetit autem eandem sententiam crebrius, quia hic morbus est frequentissimus, conaturque filios inducere Sapiens, vt parentibus obediant, eaque ratione lætitiæ causam illis adferant, quia hoc est primum tabulæ secundæ præceptum.

26. *Non est bonum, &c.* Perstringuntur hic illi, qui vnicum hoc studium habent, vt iustos vexent, illisque damnum & detrimentum inferant. Quod si æquos Iudices eo inducere nequeant, vt iustos iniuste condemnent, minis & terroribus & nonnumquam etiam verberibus illos adoriuntur.

27. *Qui moderatur sermones, &c.* Docetur hic ut maximè quis prudens sit, artemque loquendi teneat, non semper loquendum esse, sed suo quoque tempore tacendum; imo non maioris artis est scire tacere, quando silentio opus est, quàm scire loqui; sed & magnum semper eruditionis & sapientiæ argumentum est habitum, spiritum suum non totum simul effundere, sed parcè loqui, nisi forsàn necessitas, aut vtilitas aliud postulet.
28. *Stultus quoque, &c.* Hæc mirè commendant taciturnitatem, quæ si vlli alteri, stulto sanè parùmque prudenti admodum est necessaria. Nullà alià re stultus magis suam prodit stultitiam, quàm linguà.

## PARAPHRASTICA

### CAPITIS OCTAVI DECIMI

#### EXPLANATIO.

1. *Occasiones quarit qui vult recedere ab amico, omni tempore erit exprobrabilis.*

**Q**VI amicum vult deferere, si iustam deferendi causam non habet, quarit quamlibet occasionem, quo tandem deferat. Quæ res turpissima, & apud omnes rectè sentientes probrosissima est; utpote à veræ amicitie legibus prorsus aliena.

2. *Non recipit stultus verba prudentia, nisi ea dixeris quæ versantur in corde eius.*

**N**ON delectatur stultus verbis sapientiæ, quia ab iis, quæ in corde volutat, nempe à stultis & fatuis illius cogitationibus dissentiant. Nam qualia quisque animo versat, talia libenter & ipse loquitur, & ab aliis proponi libenter audit, rursus cum sapientiæ non studeat, aut ad vanam tantum ostentationem, auerfatur omne illud, quod veram sapientiam sapit.

3. *Impius cum in profundum venerit peccatorum, contemnit: sed sequitur eum ignominia & opprobrium.*

**I**mpius malis improbisque factis diu iam multùmque assuetus, non modò salutaria aliorum consilia & monita contemnit, sed propriæ quoque conscientiæ stimulos negligit; nec solum Dei præcepta, & aliorum con-

filia, & conscientia stimulos aspernatur: sed quoscumque alios quoque præ se despicit, contumeliaque & iniuria afficit. Quocumque ingreditur, numquam solus ingreditur, semper enim comitatur cum contemptus, superbia, & arrogantia. Verum ut ipse omnes & omnia contemnit; ita olim vicissim ab omnibus contemnetur. Ut autem impiū comitatur contemptus; ita ignominiosum ignominia, & probrosum probum. Quare si quis eiusmodi recipit, non consequitur honorem, sed incurrit ignominia.

4. *Aqua profunda verba ex ore viri: & torrens redundans fons sapientia.*

**V**erba virorum sapientum sunt instar aquæ profundæ. Nam ut hæc non facile exhauritur, lenique agmine fluit; ita sapientibus quoque non facile verba defunt; neque in ore illorum, & quasi ex tempore nascuntur; sed bene ante trutinata & deliberata ex imo pectore procedunt. Rursum ut aquæ profundæ oculorum acie non facile penetrantur; ita sapientum dicta non quibusvis sunt obuia; denique ut aquæ abluunt & irrigant, æstuque aridos recreant; ita sapientum verba audientium mentes à sordibus expiant, aridaque corda irrigant, ne doctrinæ inopiam tabescant. Porro autem cor sapientis (quod est fons sapientiæ) est instar torrentis exundantis, quia copiosam doctrinam administrat.

5. *Accipere personam impij in iudicio non est bonum, ut declines à veritate iudicij.*

**A**ccipere personam impij, hoc est, impium iusto in iudicio præferre; causæque illius ob id favere, quia impius est, non est bonum, imo ab omni æquitate & ratione est prorsus alienum. Siquidem impij multo magis ad fraudem causamque suam defendendam sunt instructi, quam iusti. Hi enim rixarum plerumque sunt ignari, & litibus non assueri; illi autem ad aliud fere nihil vacant, quam ut probos bonis suis exuant, usque negotium facestant. Non est ergo bonum à iudicij veritate declinare propter impium, aut illius causa subvertere iustum.

6. *Labia stulti miscent rixas, & os eius iurgia provocat.*

**L**abia stulti miscent rixas, & os eius ad iurgia & pugnas provocat. Nam cum sint maledici & calumniatores, & quidvis temerè effutiant, fieri non potest quin multos sæpe offendant, & ad iram prouocent: ira autem accensa generat rixas, & pugnas, & alia id genus dissidiorum genera & incommoda.

7. *Os stulti contritio eius, & labia ipsius ruina anima eius.*

**Q**Uamobrem non fatum, sed os proprium conterit stultum & impium neque improborum retia, sed sua ipsius labia animam eius capiunt, & irretiunt, & in perditionem præcipitem agunt. Multa enim dicit, de quibus rationem reddere non potest, quibusque alios in perniciem suam prouocat.

8. *Verba bilinguis, quasi simplicia, & ipsa perueniunt usque ad interiora ventris.*

**V**erba hominis bilinguis & susurronis, tametsi blanda & simplicia videantur, pertingunt tamen usque ad interiora ventris, hoc est, infligunt vulnera planè letalia, & insanabilia. Excitant enim odia implacabilia, concitant sæpe familiam contra familiam, Regnum contra Regnum, Principem contra Principem, denique vix vlla inter coniunctos oritur discordia, cuius susurrones auctores non sint. Teterriam itaque susurronum & obtrektorum est vitium.

8. *Pigrum decit timor: anima autem effeminatorum esuriens.*

**T**imor laboris & molestiarum hominem ignaum frangit; & ne quod honestum, & ad vitæ usum necessarium opus aggrediatur, impedit: atque adeò mollem effematumque reddit; & tandem ad summam inopiam & paupertatem redigit.

9. *Qui mollis & dissolutus est in opere suo, frater est sua opera dissipantis.*

**Q**UI mollis & in opere inchoato ignauus est, frater est viri, hoc est, similis est illi, qui res suas sponte dissipat. Qui enim in opere, quod ipsi incumbit, cessat; neque illud, ut debet, promouet, non solum nihil acquirit, sed laborem quoque insumptum perdit: habetque, quod hic dicitur, æquè locum in spiritualibus & æternis, atque in temporariis & caducis, imò verò magis ibi, quam hic; prout hæc illis ad salutem minus sunt necessaria.

10. *Turris fortissima nomen Domini: ad ipsam currit iustus, & exaltabitur.*

**M**ultæ sunt tribulationes iustorum; nec enim solum impugnantur à diabolo, carne & mundo; verum etiam à mundi & dæmonis ministris, cuiusmodi sunt impij, & scelerati, & impuri omnes. At tantorum  
malorum

malorum vnicum remedium habent nomen Domini. Ad quod proinde qui tanquam ad validissimam arcem confugiunt, non modò à malis, quibus premebantur, liberantur, sed certà quâdam ratione exaltantur quoque & subleuantur. Per *Nomen* autem *Domini* accipimus Dei potentiam, Christumque ipsum. Est enim ille Dei virtus & Dei sapientia.

11. *Substantia diuitis vrbs roboris eius, & quasi murus validus circumdans eum.*

**V**erum licet res ita habeat, diuites tamen aliud quiddam imaginantur: siquidem amplas opes, quas possident, pro robusta ciuitate, & muro inexpugnabili, qui vndique circumuallatur, plerumque habent: verum suâ sese imaginatione sæpe fallunt. Quandoquidem opes multis periculis & casibus sunt expositæ; imò domino suò cladem & mortem nonnumquam adferunt, tantum abest vt inuictum salutis munimentum sint perpetuò: profunt tamen cum ritè administrantur, vel in pijs vsus erogantur.

12. *Antequam conteratur, exaltatur cor hominis: & antequam gl'ificetur; humiliatur.*

**C**OR humanum non prius deprimitur, atteritur, & humiliatur, quàm se ipsum per superbiam eleuauerit, nec prius rursus glorificatur & extollitur, quàm se humiliauerit. Stat enim firmum illud Christi Seruatoris oraculum: *Omniis, qui se exaltat, humiliabitur, & qui se humiliat, exaltabitur.*

13. *Qui prius respondet quàm audiat, stultum se esse demonstrat, & confusione dignum.*

**Q**VI prius respondet, quàm alterius sententiam planè perceperit, is stultum se demonstrat, omniq̃ue confusione dignum. Idem de illo statuas, qui prius sumit doctoris partes, quàm frugi discipulum præstiterit; aut sententiam inter controuertentes fert, alterâ tantum parte auditâ: aut temere de illo pronunciat, quod non satis compertum habet: quod grauissimum est in publicis iudiciis crimen & in sacris prorsus intolerabile.

14. *Spiritus viri sustentat imbecillitatem suam: spiritum verò ad irascendum faciem quis poterit sustinere?*

**S**PIRITUS viri animiq̃ue fortitudo in rebus aduersis æquanimiter tolerandis, maximè verò in morbis & ægritudinibus corporis sui imbecillitatem

tem sustentat, efficitque, ut malum illius minus sentiatur, minusque affligat, spiritum autem contritum & deiectum, & irā præterea incensum quis sustinere poterit? Multo enim facilius est corporis morbum perferre & sanare, quàm spiritus languorem. Mens enim læta corporis incommodum mitigat, Spiritus autem mœstitiā & deiectionem corpus, tametsi vegetum, sanare nequit.

15. *Cor prudens possidebit scientiam, & auris sapientum querit doctrinam.*

**N**ON modo ad bonam corporis constitutionem & sanitatem facit spiritus sedatus, & ab omni perturbatione immunis, verum etiam ad comparandam scientiam. Siquidem cor prudens & intelligens per assiduum in lege Dei meditationem, & consummatā sapientiæ desiderium possidet scientiam, & auris sapientum querit & inuenit scientiam & doctrinam. Quia animus prudens intelligit non solā priuatā meditatione comparari scientiam; sed opus esse præterea sapientes de sapientia differenter audire.

16. *Donum hominis dilatat viam eius, & auge principis spatium ei facit.*

**M**AGNA donorum & munerum vis est. Siquidem vix aliquid occurrit tam arduum, aut accessu adeo difficile, ad quē viam non aperiat. Nam ad Principum quoque aulas & familiaritatē aditum patefaciunt, eorumque fauorem & gratiam emerentur, ex vinculis aliisque periculis & angustis liberant, & innumeros amicos conciliant. Iam si munera ob rem fluxam donata tantum possunt, quid non poterunt largæ eleemosynæ propter Deum in pauperes erogatæ?

17. *Iustus prior est accusator sui: venit amicus eius, & inuestigabit eum.*

**V**IR iustus, si quid per infirmitatem reprehensione dignum admiserit, non defendit peccatum suum; neque expectat dum ab aliis, siue amicis, siue inimicis reprehendatur & accusetur; sed aliorum iudicium antevertens, se ipsum accusat atque condemnat. Quare si amicus postea accedens in lapsum eius inquit, eundemque compertum reprehendit, non incenditur, sed patienter sustinet, & gratias agit. Pari modo non prius in amicorum vel aliorum quorum libet vitam inuestigat, quàm in propriam inquisierit: & siquid in illa reprehensione dignum inuenerit, castigauerit & expiauerit. Admittit & hunc quoque sensum versus: Qui apud Iudicem

muneribus deprauatum, prius exponit controuersiam suam, is veluti iustus causam obtinet; nam etsi antagonista postea accedens causam discutiat, dictaque aduersarij examinet, attramen quia iudicis mens aliò iam inclinauit, actum agit. Vel: Æquus & iustus litigator (cuiusmodi est qui statim in ipso litis exordio ostendit se nihil nisi æquum & iustum petere, remque sincere exponit & proponit) non capitur, licet is quo cum litigat, postea accedat, & in rem, vel in personam grauius inquirat. At iudex interim non prius debet ferre sententiam, quàm vtramque partem audierit, & causæ vtriusque merita discusserit.

18. *Contradictiones comprimit fors, & inter potentes quoque diiudicat.*

**Q**UOD si causâ vtriusque accuratè bonæque fide trutinatâ, necdum clarè satis constat vtra sit æquior, maioribusve æquitatis fundamentis nitatur, restat vt adhibeantur sortes. Siquidem per has non modò inter priuatos, verum etiam inter viros potentes & Principes magnæ læpæ lites & controuersix dirimuntur & componuntur.

19. *Frater qui adiuuatur à fratre, quasi ciuitas firma: & iudicia quasi velles vrbium.*

**N**ULLUM validius, nullum firminus, aut certius aduersus hostes est munimentum, quàm ciuium inter se concordia, animorumque consensio. Etenim frater qui adiuuatur à fratre, hoc est, fratres & ciues mutua ope fulti, beneuolentiæque nixi, sunt veluti firma & inexpugnabilis arx, vel ciuitas; eorumdemque iudicia & decreta, quæ concordia animorum sensu atque consensu edunt, & tuentur, sunt quasi vrbium vel arcium velles. Habet autem, quod hic docetur, æquè vel magis quoque locum in Ecclesiasticis, quàm in ciuilibus. Nec enim alia res Ecclesiam æquè conseruat in fide & moribus integram, atque concordia; neque hæreticos & hæreses aliud æquè dissoluit, atque mutua inter se discordia. Porro autem vt fratrum & ciuium inter se amicitia & fœdera sunt firmissima, & ad quidvis faciendum potentissima; ita eorum discordiæ & inimicitix & iræ sunt pænè implacabiles & irreconciliabiles. Quare ciuilia & intestina bella non prius ferè desinunt, quàm totam ciuitatem euerterint. Atque hoc Cōtextus Hebræus hoc loco proponit. habet enim: *Frater a fratre læsus vel iniuriâ affectus, est durior fortè propugnaculo, hoc est, planè infractus & implacabilis.*



20. *De fructu oris viri replebitur venter eius, & genimina labiorum ipsius saturabunt eum.*

**D**E fructu oris sui vnus cuiusque venter implebitur, suorumque labiorum prouentu exsatiabitur, hoc est, vnusquisque pro verborum suorum ratione & qualitate mercede potietur. *Ex verbis tuis*, consentaneè ad præsentem hunc locum docet Christus, *iustificaberis, & ex verbis tuis condemnaberis*. Vt enim ex bona lingua multa bona proueniunt, cum ad ipsum loquentem, tum ad eos quoque, qui audiunt; ita multa mala ex mala lingua oriuntur, & tanta quandoque vt integra regna & respubl. commoueant.

21. *Mors & vita, in manu linguæ: qui diligunt eam, comedent fructus eius.*

**N**Eque enim bona vel mala fama tantum, aut fortunæ commoda aut incommoda solum posita sunt in manu & potestate linguæ ( siquidem per linguam hæc aliis adimuntur, aliis adempta restituntur ) verum etiam mors & vita, cum propria, tum etiam aliena. Certum est namque permultos veriusq. vitæ iacturam facere per abusum linguæ; multos contra per legitimum linguæ vsum æternam vitam promereri. Æquè certum est multos a lingua bona & sancta haurire vitam, alios contra à praua peruersaque lingua haurire mortem. Innumeros Apostoli ad salutis portum adduxerunt sanctâ suâ linguâ, hoc est, sanctâ suâ doctrinâ & prædicatione. Idem statuatur de aliis orthodoxis pastoribus & doctoribus. Contra Arius, Lutherus, Caluius & alij hæretici innumeros per maledicam linguam suam in mortem vtramque deiecerunt, & adhuc deijcere non desinunt. Proindè qui diligunt & consecretantur linguam bonam, bonos ex ea fructus consequuntur, nimirum vitam & salutem; & vice versâ, qui amant & audiunt linguam malam, malos inde fructus haurient, nempe mortem & condemnationem.

22. *Qui inuenit mulierem bonam, inuenit bonum, & hauriet iucunditatem à Domino.*

**Q**UI vxorem inuenit probam, sobriam, castam, & taciturnam, is thesaurum reperit non vulgarem; sed pretiosum admodum & rarum. Idemque singularem gloriam & fauorem à Domino consecutus est. Nihil enim sunt opes, nihil cetera omnia, quæ plerique, dum de vxore du-

cenda consilium capiunt, spectare solent, si cum iis conferantur, quæ honestam matronam verè commendant.

*Qui expellit mulierem bonam, expellit bonum: qui autem tenet adulteram, stultus est & insipiens.*

**E**Apropter qui eiusmodi probam honestamque mulierem expellit, suam felicitatem expellit, adeoque rei familiari, suæque famæ pessimè consulit. At verò qui mulierem adulteram apud se detinet, nisi certa fors emendationis spes affulgeat, non modo stultus & insipiens, verum etiam improbus & impius censendus est; quippe qui suâ ignaviâ & dissimulatione vxoris flagitia palam foueat.

23. *Cum obsecrationibus loquitur pauper, & diues effabitur rigidè.*

**P**AUPER quod aliorum præsidio sese egere non ignoret, humili submissaque oratione uti solet: maximè vero cum diuitis cuiuspiam & pecuniosi hominis opem implorat. Diues autè avarus, aut plus equo ad rem attentus, asperè eiusmodi pauperes excipere solet, tantum abest, ut petita concedat; sed & abortivâ controuersia quâpiam, eadem oris submissione utitur pauper. Quare etiam vel nullos inimicos habet, vel si quos habet facili negotio eos sibi conciliat. At diues superbus & arrogans clamoribus omnia implet, multosque aduersarios habet, ut qui præ superbia nulli cedere velit.

24. *Vir amabilis ad societatem, magis amicus erit, quàm frater.*

**V**IR qui ad seruandam amicitiam & benevolentiam excolendam ex animo deditus est, oblata occasione vel urgente necessitate, maiorem declarare solet amorem & benevolentiam, quàm frater ipse; atque hoc ad synceræ & solidæ amicitie rationem depasci videtur: nempe ut quis id præster amico, quod frater fratri, aut alias magna necessitate coniuncto præstare solet, vel iure certe præstare deberet.

## A D

## CAPVT DECIMVM OCTAVVM

## SCHOLIUM.

1. **O**ccasiones queris, &c. Hic locus secundum nostram editionem clarus est. Hebræa variè exponuntur, quidam ita reddunt: *Propter desiderium sapientiæ, sapiens secessum, & ab omnibus rebus & curis terrenis solutionem querit.* Alij: *Qui in omni re licibus se immiscet, adeoque nihil non canillantur & criminantur, ab omnium amicitia se iungere se velle ostendunt: neque cuiusquam benevolentiam vel tantillum facere.* Alij alio modo.

2. *Non recipit stultus, &c.* Docet stultos non curare prudentiam vel sapientiam, sed ea tantum, quæ agitant & versant in corde, nimirum nugas & ineptias.

3. *Impius cum, &c.* Ita ad verbum Lxx. Hebræa sonant: *Vna cum impio venit contemptus, & cum viro opprobriis coo perito, opprobrium & consumelia.*

4. *Aqua profunda, &c.* Non est hic sermo de quovis viro, sed de viro sapiente. Verba enim verè sapientum instar æquæ sunt profundæ, multo quæ plus semper in recessu habent, quam primâ fronte præ se gerunt. Neque deficiunt aliquando, sed more aquæ scaturientis sibi inuicem continuò succedunt. Videtur autem duplex sapientum verborum genus insinuare. Vnum planum quod intelligitur ab omnibus, alterum profundum, quod à doctis tantum; vtrumque genus deprompsit Christus.

5. *Accipere personam, &c.* Damnantur hic, qui in legitimo iudicio impios iustis anteferunt, & meritò: Vt qui bifariam peccent. Nam & maioris faciunt iniustum, quàm iustum; quod à ratione prorsus est alienum; & iustitiæ simul & iusto iniuriam faciunt.

6. *Labia stulti, &c.* Quos proximè appellauit impios, hic vocat stultos, quibus vnicum hoc studium est, miscere lites, & seminare iurgia.

7. *Os stulti, &c.* Ostendit stultos suâ stultitiâ & maledicentiâ nulli magis obesse, quàm sibi ipsis. Nam dum alios ad rixas vel pugnas prouocant, vel irritant, sibi ipsis perniciem mortisque laqueum accersunt.

8. *Verba bilinguis, &c.* Docetur hoc loco licet plurima mala proueniant ex improborum labiis, cum in iudiciis euertendis, tum in rixis quoque concitandis, multo tamen plura ex fufurronum sermonibus nasci in-

commoda. Hi enim infligunt plagas planè insanabiles. Dicuntur autem verba delatorum blanda vel simplicia, quia nullum apertum dolum præferunt.

*Pigrum delicit, &c.* Hic locus ex Lxx. desumptus est. Significat autem laborum molestiam & timorem inde natum multos ab opere absterrere, adeoque deijcere quosdam ignavos, ut in extremam tandem inopiam dilabantur.

9. *Qui mollis, &c.* Non multum hic versus discrepat à præcedenti. Significat enim in opere excepto ignavum similem esse illi, qui bona sua studio dissipat. Nam ut hic dissipat ante parva, ita ille quæ pariturus erat, si opus inchoatum prosequutus fuisset.

10. *Turris fortissima, &c.* Ostensum est ante frequenter iustum multis passim iniuriis expositum esse; hic docetur per solum nomen Domini liberum ab iis evadere posse; ad quos proinde imbecilli viribusque & opibus destituti tanquam ad firmam arcem recipere se solent.

11. *Substantia divitis, &c.* Ostenderat iusti robur & fortitudinem esse nomen Domini; hic autem exponitur, in quo dives robur suum collocet, nempe in suis divitiis & facultatibus. Interest autem inter hunc & illum, quod ille numquam fallatur; hic autem crebrò, quia divitiarum infirmo fundamento nituntur.

12. *Antequam conteratur, &c.* Idem traditur Cap. xv. & xvi. Vers. xii. Conflatur enim hic versus ex duobus. Repetuntur autem quædam in hoc libro crebrius tanquam sententiæ quædam communes vel quia ad alium & alium finem relationem habent.

13. *Qui prius respondet, &c.* Hoc morale & verborum est documentum, admonens eum, qui pro fatuo palam haberi non velit, non prius respondere, aut alterius orationem interrumpere debere, quàm alterius propositionem plenè audierit.

14. *Spiritus viri, &c.* Locus hic agit de tolerantia. Siquidem in adversis corporisque ægritudinibus æquabili animo tolerandis non parva patientiæ pars sita est: sapientiæ porro comes est animi fortitudo, quæ bonam molestiarum corporis partem absument. Spiritus ergo & fortitudo viri corporis, cum quo habitat, infirmitatem profert, spiritum autem afflictum atque prostratum tolerare perdifficile est. In nostra Editione pro nomen reciprocum *Suam*, relatiuè exponi debet. Rursum quod in secundo membro eiusdem Editionis refertur ad passionem *ix*, in Contextu

Hebræo generatim ponitur, generatimque ad omnem animi morbum referri potest. Posset ad hunc quoque modum exponi: Satis est conficiari cum corporis morbo, quam cum alterius iracundia.

15. *Cor prudens, &c.* Monuit ad corporis incolumitatem animi sanitatem necessariam esse; hic vero docet eandem sanitatem & tranquillitatem ad comparandam scientiam apprime quoque utilem & necessariam videri: animo namque quacumque passione turbato, frustra queritur scientia. Nam illa præter animi tranquillitatem, requirit quoque priuatam meditationem & studium, & sapientum præterea operam & auscultationem.

16. *Donum hominis, &c.* Describitur hic quanta munerum & donorum sit facultas. Siquidem muneribus omnia sunt peruia & patentia, etiam Regum palatia & atria, nedum priuatorum hominum domicilia.

17. *Iustus prior, &c.* Cohærent hæc cum præcedentibus. Significatur enim eum iustum centiari, litemque obtinere, qui primus causam suam apud iudicem exponit, vel qui in ipso statim litis exordio se nihil velle aliud nisi iustum & æquū declarat. Atque huc tendit nostra Editio, quæ altiori sensu nos admonet, ut seueri nostri ipsorum iudices & accusatores simus.

18. *Contradictiones, &c.* Et hæc quoque cum præcedentibus sunt connexa. Nam cum controuersię publico iudicio componi non possint, sortibus committi solent. Per has enim, ea quæ aliâ ratione componi non possunt, haud incommodè componi consueuerunt.

19. *Frater qui adiunatur, &c.* Primaloci huius pars ex Lxx. petita est, qua significatur validum esse munimentum fratrum inter se concordiam, eorundemque decreta & iudicia non facile infringi posse. Conuenit cum illo Sallustiano, *Concordia res parue crescit*. Contextus Hebræus aliud sonat. habet enim: *Frater à fratre laesus obstinatiores fortis ciuitate est*. Rursum: *Fratrum inter se contentiones, sunt veluti repagulum aut veltus palatii*. Hoc est, fratrum & coniunctorum inter sese dissidia difficillimè conspiciuntur, & componuntur, & hoc quotidiana experientia confirmat.

20. *De fructu, &c.* Similis sententia legitur Cap. XII. Vers. XV. & Cap. XIII. Vers. II. Docetur autem, vnumquemque mercedem accepturum pro ratione verborum. Posterius membrum clarius exprimitur Hebræi, & Lxx. Habent enim: *De fructu vel prouentu laborum suorum unusquisque liber satiabitur*. Vtroque autem membro idem significatur.

21. *Mors & vita, &c.* Hic denuo inculcat mortem & vitam in lingua positam

positam esso. Nam peruersi oris homines se ipsos perdunt & alios multos in vitæ discrimen sæpe adducunt; è diuerso qui lingua doctrinæque sana vtuntur, & suam & aliorum quoque salutem promouent. In lingua proinde summa sita est vtilitas, & summa rursus perniciēs. Qua de re copiosè Iacobus Apostolus Canonica suæ Cap. III.

22. *Qui inuenerit mulierem, &c.* Tò Bonam in Hebræo Contextu non exprimitur, attamen vel hoc, vel aliud simile necessariò subintelligitur. Neque enim is felix est, qui reperit mulierem, cum eiusmodi animalia passim sint obuia, sed qui reperit bonam & honestam, aliisque virtutibus ornatam. Videtur autem subintelligendum *Taciturnam*: nam & de linguæ vitiis paulò antè disseruit, & mulieres maiorem partem solent esse garrulæ & loquaces.

*Qui expellit, &c.* Hic versus à Lxx. desumptus est, Latina emendata non habent. Sensus autem planus est: Nam vt stultè & impiè facit, qui probam castamque reijcit; ita insipienter & improbè agit, qui improbam & adulteram in ædibus retinet, nisi forsancerta emendationis spes exstet.

23. *Cum obsecrationibus, &c.* Videtur hic locus ex instituto perstringere diuites avaros, qui pauperes suppliciter opem implorantes non modò non subleuant, sed cum indignatione quoque & obiurgatione repellunt. Patefit hic quoque via ad comparandam & retinendam amicitiam percommoda; nam qui precariò agunt, vt pauperes solent, facili negotio amicos inueniunt, & quos ante inimicos habebant, haud difficulter in gratiam reducunt: in diuitibus porro & superbis oppositum obtinet.

24. *Vir amabilis, &c.* Docetur hic virum ex animo amicum, non minus præstare posse & solere quoque, quàm frater germanus, adeoque eodem illum loco habendum, quò fratrem. Hebræa aliquantum discrepant, tendunt tamen in eundem scopum. Sonant autem: Virum amicitia ex animo deditum, firmitus constantiusque amare quàm fratrem.

PARAPHRASTICA  
CAPITIS DECIMI NONI  
EXPLANATIO.

1. *Melior est pauper qui ambulat in simplicitate sua, quàm diues torquens labia sua & insipiens.*

**P**AUPER qui integrè, syncerèque ambulat, vitæque perfectionem, quanto potest studio, consecratur, melior est illo, qui præ stultitia labia torquet, stultæque & à veritate aliena docet. Siquidem præstantior, publicòque citra controuersiam vtilior est bona & honesta vita absque magna eruditione, quàm iactantia & magna scientia, quæ cum stultitia & superbia est coniuncta: quandoquidem rarò aut etiam numquam eiusmodi ab erroribus est vacua. Inter cetera namque familiarissimum est hæreticis iactare Scripturarum & aliarum rerum scientiam, cum tamen nihil omnino solidæ eruditionis habeant.

2. *Vlta non est scientia animæ, non est bonum: & qui festinus est pedibus, offendet.*

**V**BI non adest sui ipsius, eorùmque quæ ad salutem vitæque statum cognitu sunt necessaria, notitia, ibi nullum adest solidum & constans bonum, sed temeritas, imprudentia, error, & lapsus. Quandoquidem homo necessaria scientia destitutus, omnia facit præproperè, & absq. deliberatione. Sequitur enim animi sui impetus, affectuumq. impulsus, adeòq. non potest non crebrò impingere. Quin vita quoque quæ nulla scientia exulta est, nihil ferè gratiæ nihil venustatis, nihil vera vita dignū obtinet.

3. *Stultitia hominis supplantat gressus eius: & contra Deum feruet animo suo.*

**Q**UOD homini sui conatus ex animi sententia sæpe non succedunt, vel sinistrè cadunt, hoc non est Deo, aut fato, aut astris imputandum, ve nonnulli vesani, & in Deum blasphemæ nugantur, sed suæ ipsius stultitiæ & improbitati. Ea enim potissima causa est, quæ hominis gressus supplantat, eiusdémque viam peruertit. Quare iniuste incenso animo contra Deum insurgit quasi illum à proposito fine impediuerit, aut in calamitatem, vel cladem coniecerit, vel peccati illius auctor existerit. Sic Adam peccatum suum reiecit in Euam, hæc in serpentem, alij item in alios vel alia.



4. *Diuitia addunt amicos plurimos: à paupere autem & hi quos habuit separantur.*

**E**T si veræ & solidæ amicitia fundamentum & quasi basis sit animi virtus, res tamen humanæ ita ferè sunt comparatæ, vt ij plerumque multos numerent amicos, qui multis magnisque valent opibus; ij contra amicis careant, qui carent diuitiis, etiam si viri alioqui sint probi, virtutibusque ornati: imò verò vt ab iis, quos habere, videbantur sæpe deserantur. Quæ tamen res non prouenit ex natura rei, sed ex præpostero hominum iudicio. Nam re ipsa melior est pauper submissus & integer, quàm diues labia torquens, & arrogans, vt modò dicebatur. Quod si diuitias in pauperes liberaliter erogarent, veros & stabiles in altera præsertim vita sibi amicos pararent. Sed istud plerique, vel non faciunt, aut nimis parcè faciunt.

5. *Testis falsus non erit impunitus: & qui mendacia loquitur, non effugiet.*

**V**ulgatum est malum, sed valdè graue, rei que publicæ apprimè noxium mendacium, maximè verò in publico iudicio prolatum; quippe in quod non modò pauperes frequenter incidunt ( siquidem egestate coacti ad furta, penuria, & falsa testimonia facile impelluntur) verum etiam auari diuites. Nam quo prædam, quam venantur, assequantur, & ipsi multa mendacia confingunt; & falsos testes subornant, & per illos ad litis victoriam contendunt. At quamuis homines fallant, pauperesque & impotentes hac ratione opprimant, Deum tamen non fallent; apud illum namque nullus testis mendax & falsus manet impunitus, nullusque qui mendaciis vtitur promeritum supplicium in illius foro euadit.

6. *Multi colunt personam potentis, & amici sunt dona tribuentis.*

**N**ON modò multorum amicitiam diuites, virique potentes & principes obtinent; sed magnis quoque honoribus passim afficiuntur: omnes namque certatim tales honorant, reuerentur, & observant, maximè verò si viri sunt munerum, hoc est, ingenui & liberales. Nam diuites auari, qui maioris faciunt pecuniã, quàm amicitiam, aut aliam quamcúmque gratiam, paucos plerumque candidos amicos numerant; imo illos ipsos, quos habent, nimia suã tenacitate facile ab se alienant.



7. *Fratres hominis pauperis oderunt eum, insuper & amici procul recesserunt ab eo.*

**V**erumenimverò cùm pauperibus aliter res se habet. Tantum enim abest ut homines exteri & ignoti illorum amicitiam vel familiaritatem affectent, aut amicè & familiariter cum iis agant, ut coniuncti & fratres illos odio prosequantur; sique, qui amici videbantur, procul ab iis recedant: vel quia pudet eos in tanta inopia constitutos videre; vel quia metuunt, nequid præsidij illis impertiri cogantur. Graue proinde onus est paupertas; verum qui suâ ignaviâ nullam illi causam dederunt, patienterque illud ferunt, non parum apud Deum promerentur.

8. *Qui tantum verba sectatur, nihil habebit: qui autem possessor est mentis, diligit animam suam, & custos prudentia inveniet bona.*

**Q**VI, siue discat, siue doceat, siue aliud quid agat, verba tantum verborumque ornatum sectatur & admiratur; neque alteri ferè ulli rei incumbit, quàm ut novi aliquid dicat, vel audiat, ille nullam rem faciet; neque ullum solidum fructum consequetur. At vero possessor mentis, hoc est, vir prudens & cordatus, non est contentus nudo verborum strepitu, verum reipsa animam suam diligit; adeoque quæ ad salutem illius faciunt, ut sunt divinæ legis meditatio & observatio, studiosè amplectitur, & consecratur: & quo æterna illa bona aliquando inveniatur tutoque possideat, præcepta prudentiæ legesque intelligentiæ diligenter observat. Paucis, nihil eorum omnium omittit, quæ ad salutem sunt utilia vel salutaria.

9. *Falsus testis non erit impuni: & qui loquitur mendacia, peribit.*

**N**ON inipune ferent, qui falsum testimonium ferunt, aut mendacium depromunt. Nam licet humanum iudicium fallant, divinum tamen, ut paulo ante exponebatur, fallere non possunt. Quamobrem tandem aliquando nisi resipuerint, in interitum ruent. Atque hoc quotidiana experientia disertè probant.

10. *Non decent stultum delicia, nec servum dominari principibus.*

**H**omini stulto & fatuo non conveniunt delitiæ; neque publici honores, neque aliquid aliud eiusmodi. Nam cum eiusmodi res sapientes quoque transverfos agere, & ad multas stultitias præcipitare nonnumquam

quam soleant, quanto magis stultos, qui nulla in re modum seruant? Et quemadmodum stulto non convenit saturitas panis, aut rerum copia; ita dominatus quoque inter viros principes non convenit seruo. Serui namque pro conditionis suae ratione est servire, non dominari. Etenim cum seipsum regere non queat, quomodo alterum reget? Ut ergo delitiae non conveniunt palato farui, ita nec sceptrum quoque manui stulti.

11. *Doctrina viri per patientiam noscitur, & gloria eius est iniqua praeferredi.*

**E**X doctoris patientia haud difficulter cognosci potest, cuiusmodi illius sit doctrina. Prudentum namque verèque sapientum est aliorum morbos & aegritudinem patienter ferre, iram moderari, ad vindictam tardum esse, à necessario docendi munere propter persecutionem non desistere. Apostoli namque mori malebant, quam veritatis praedicationem deferere. Doctrina proinde viri sapientis per patientiam dignoscitur, & gloria eius est iniquam aliorum praevaricationem praeterire, & dissimulare; eidemque facili negotio ignoscere, & sese, ne in aliquid simile quandoque incidat, diligenter custodire.

12. *Sicut fremitus leonis, ita & Regis ira: & sicut ros super herbam, ita & hilaritas eius.*

**Q**uemadmodum autem cavendum est, ne familiares aut vicinos, quibuscum frequens nobis intercedit usus, facile ad iram promoveamus; aut offensi gravius in illos insurgamus; ita summo pere quoque cavere oportet, ne Regibus, aut Principibus iustam offensionis causam offeramus. Est namque Regis ira instar fremitus leonis, hoc est, planè terribilis & implacabilis: sicut è diverso fauor eius, gratia, & benevolentia est instar roris. Nam & recreat, & fouet, & viuificat, & incrementum praestat. Quod hic de leonis fremitu traditur, hoc in leonem illum maximè conuenit, qui ortus est de tribu Iuda. Is enim ut in obstinatos peccatores est terribilis, ita in peccatores poenitentiam agentes est mitissimus.

13. *Dolor patris filius stultus: & testa iugiter perstillans, litigiosa mulier.*

**U**T ingens calamitas, afflictio, & dolor est patris filius stultus & improbus (quippe qui domi forisque nihil nisi ruborem, & molestiam illi adferat) ita mulier rixosa, garrula, & improba continua crux, & quasi perpetuum quoddam stillicidium est marito. Nam ut testum perstillans pluui-

pluviámque transmittens iuge negotium facessit inquilinis, eisdémque e domo quodammodo expellit; ita litigiosa mulier nullam requiem marito domi manenti concedit; efficitque adeo vt extra domum solatium quærat, idque cum magno familiæ detrimento & probro. Quamobrem diligentissimè curandum est, vt proba, taciturna, & commoda vxor ducatur.

14. *Domus & diuitiæ dantur à parentibus, à Domino autem propriè vxor prudens.*

**V**erum nulla est diligentia tanta, quæ ad beneficium hoc obtinendum per se sat sit; sed peculiari præterea Dei fauore, gratia, & beneuolentia est hic opus. Quamuis enim parentes domum, diuitias, suppellectilem, aliaque eiusmodi dare queant, & dare quoque soleant, prudentem tamen probamque vxorè non ita. Eiusmodi enim singulari Dei beneficio obuenit: ille igitur rogandus est, vt intelligentem castamque coniugem largiatur.

15. *Pigredo immittit soporem, & anima dissoluta esuriet,*

**P**igritia & otium multa mala pariunt. Nam & hominem ignauum, & desidem, & somnolentum, & ad omne honestum opus ineptum reddunt. Desidia namque adimit illi omnem rationis vigorem & animi agilitatem, efficitque veterinoso non abfimilem; & quod necessariò hinc consequitur, exponit illum manifesto inediæ periculo. Qui enim ab omni honesto labore abstinet, totòsque dies & noctes otiosè transigit, nisi aliunde habeat, vndè viuat; aut fame pereat, aut ostiatim mendicet, aut malas certè artes tractet necessarium est. Atqui res hæc est molestissima, & illi, qui citra mendicitatem viuere poterat, probrosissima neque tamen ad profligandam famem satis idonea. Nam quæ emendicantur, sunt incerta; quæ autem malè parantur, malè & citò quoque dilabuntur. Ea autem somnolentia & ignauia non minus est periculosa in spiritalibus, quàm in téporariis, imò verò multo periculosior & detrimentosior.

16. *Qui custodit mandatum, custodit animam suam: qui autem negligit viam suam, mortificabitur.*

**Q**uisquis legis mandatum, aut Regis statutum seruat, operèque explet, is animam suam à morte liberat; seruat eandem etiam à fame,

& turpitudine, & aliis præterea multis incommodis; at qui vias suas contemnit, neque in viis mandatorum Dei sollicitè incedit, morte morietur. Si enim, qui Dei mandata seruant, vitam consequuntur, efficitur necessarium, ut illi malè morituri, vitæque carituri sint, qui ea non seruant, vel malè seruant.

17. *Fœneratur Domino, qui miseretur pauperis, & vicissitudinem suam reddet ei.*

**Q**VI ex facultatibus suis iusto labore partis pauperi inopix illius miseratus subuenit, Domino fœneratur. Nam licet is pauperi liberè donet, quidquid donat, Dominus tamen in hoc vel altero sæculo non solum totum capitale in solidum illi reddet, verum etiam augmentum supra summam adiiciet. Nam ut is liberalis fuit in pauperem; ita Christus Dominus vicissim liberalis erit in illum, iuxta illud: *Qua mensura mensi fueritis, remetietur vobis.*

18. *Erud. filium tuum, ne desperes: ad interfectionem autem eius ne ponas animam tuam.*

**S**I filius stultus, improbus, vel rebellis tibi forsan obtigerit, castiga & erudi illum; neque si semel, aut iterum, aut crebrius quoque castigatus, mores non emendauerit, animum statim despondeas verum iterum iterumque castiga & admone; neque ad clamorem illius ita aduertas, ut à iusta castigatione delistas; attamen ne eo insanix, aut crudelitatis progrediaris umquam, ut illum occidas, vel occidere animum inducas. Hoc enim ab omni sensu & sapientia esset alienissimum, etiamsi esset stultissimus & improbissimus.

19. *Qui impatiens est, sustinebit damnum: & cum rapuerit, aliud apponet.*

**Q**VI impatiens faciliisque ad iram est, tandem aliquando pœnam & damnum sustinebit. Nam etsi semel & iterum impune insaniuerit, ad finem tamen intercipietur, iustæque multa afficietur. Etenim cum iracundi per furorem multa mala & flagitiosa, quorum ipsos postea pœnitet, sæpe designent, fieri vix potest ut perpetuò impunes viuant. Quamvis, inquam, furiosus vnâ & alterâ vice propter immoderatam iram nihil incommodi pertulerit, aliquando tamen temeritatis suæ pœnas luet. Atque huc tendit, dum ait: *Cum raperis, vel pertuleris, nempe ob iram suam damnum aliud*

aliud adhuc & aliud adiciet, hoc est, varia incommoda propter iram incurret.

20. *Audi consilium, & suscipe disciplinam, ut sis sapiens in nouissimis tuis.*

**F**lli, audi consilium & suscipe disciplinā, non modò à parentibus, quorum monitis & institutis peculiari ratione morem gerere debes, verum ab omnibus qui te sunt sapientiores, ut si non in prima statim ætate, saltem in sera senectute sapientiæ laude præstes. Nam cum senectus viribus, & corporis robore destituatur, & multis plerumque morbis & incommodis inuoluatur, longè miserrima est, si prudentia quoque & sapientia caruerit. Audi itaque & discere, dum per ætatem licet, ab omnibus.

21. *Multa cogitationes in corde viri: voluntas autem Domini permanebit.*

**M**ultum inter diuinas & humanas cogitationes intercedit. Nam homo varia in corde suo versat, neque siquid deliberatum habet, constans in eò semper manet; subindè namque in aliud & aliud transferatur, prout res, vel tempora, vel alia, quæ rem circumstant, mutantur. At Dei consilia & decreta perstant in æternum fixa & firma; quare frustra quoque homo se illis opponit.

22. *Homo indigens misericors est: & melior est pauper, quàm vir mendax.*

**H**omo inops, qui, quanta miseria & calamitas sit cum inopia conflictari, expertus est, multaque frustra desiderare solitus est, misericors & ad alienum incommodum propulsandū promptus est, adeoque viro mendaci (cuiusmodi est qui fingit dare se cupere, sed præ inopia dare non posse) multis partibus melior est. Minus itaque malum est pauperem esse, quàm avarum. paupertas enim conciliat misericordiā & commiserationem; auaritia autem mendacium & crudelitatem, sed & multò quoque præstat pauperem esse, atque ita opere ipso beneficium esse non posse, quàm falsò de beneficentia gloriari, hoc est, suam, quàm quis non exercet, beneficentiam publicè prædicare.

23. *Timor Domini ad vitam: & in plenitudine commorabitur, absque visitatione pessimi.*

**T**imor Domini præstat, quæ ad felicitatem sunt necessaria, quæque homines mentis iudicio valentes præ ceteris expectere solent. Sunt autem hæc tria: nempe longa vita, rerum omnium abundantia, & summa virtusque

utriusque securitas. Vita per se tametsi longa, non sat est ad felicitatem, cum quidam semper vivant in summa miseria. Nec sat rursus est rerum omnium copia; cum hæc in hac præsertim vita adiunctas habeant multas curas & sollicitudines; verum tum demum vita & copia beant, cum adest securitas. At hæc nulli in hac vita obtingit, sed in altera tantum. Omnia autem hæc præstat timor Domini. Qui timet Dominum, ait hoc loco Sapiens, ad vitam procedet, & in plenitudine vel securitate morabitur & viuet absque vlla visitatione mali vel infortunii.

24. *Abcondit piger manum suam suam sub ascella, nec ad os suum applicat eam.*

**T**anta quorundam hominum est ignavia, & ab omni honesto labore auersio, ut ne fame quidem, aut aliâ magnâ necessitate urgente, aliquid agere in animum inducant, imò verò ut ad mensam paratam non absque tædio & nausea accedant, aut cibum capiant. Nam omni corporis curâ abiectâ, manum in sinum abscondunt, nec citra molestiam ad os illam admouent: quamvis is quoque qui præ pigritia manum in sinum abdit, indignus sit qui ori illam admoueat, hoc est, qui quod comedat, habeat.

25. *Pestilente flagellato stultus sapientior erit: si autem corripueris sapientem, intelligit disciplinam.*

**N**illum prorsus impune peccare pati convenit, non stultum, non sapientem, non pestilentem, non obstinate improbum, nullum denique eius generis alium; quia licet castigatio ipsi non profit, prodest tamen aliis, qui propter illius pœnam à peccatis absterrentur, vel parcius certè & cautius peccant. Non rursus sapientem, quia suauiter admonitus, vel acriter quoque obiurgatus, sapientior & cautior euadet: verumtamen si casu impegerit, non est statim pœnæ subiiciendus, sed modestè tantum admonendus. Plus enim apud ipsum valent verba, quàm apud stultum & improbum verbera. Non alium denique illum ne iustitia lædatur, aut ne prauis malèque feriatis liberius peccandi ansa offeratur.

26. *Qui affligit patrem, & fugit matrem, ignominiosus est & infelix.*

**Q**UI vexat, vel affligit Patrem, & fugat, domoque expellit matrem, sese suosque parentes ingenti pudore, clade, & ignominia afficit. Nam & parentes ad paupertatem summamque miseriam redigit, & apud omnes contemptibiles facit, & seipsum non modò in hac vita, verum in altera

altera quoque verè infelicem, æternoque opprobrio & supplicio dignum reddit. Est enim grauissimum peccatum præ pigritia nolle laborare; & interim ne desit, quod edas, parentes vi vel fraude expilare; & ut patriam deserant, suâ improbitate quodammodo compellere.

27. *Non cesses, fili, audire doctrinam, nec ignores sermones scientiæ.*

**N**umquã, fili, finem facias, quæ salutaria sunt audiendi atque discendi, daréque operam ne veræ scientiæ sermones ignores: verumtamen ab eorum sermonibus, doctrina, & disciplina, omni studio abstine, & te abstrahe, qui à vera scientia & sapientia in errorem, nec non à mandatorum Dei obseruatione ad luxum & impietatem abducunt. Eiusmodi verò est doctrina Philosophorum, hæreticorum, & Iudeorum, & aliorum ab orthodoxa fide verâque religione alienorum.

28. *Testis iniquus deridet iudicium: & os impiorum deuorat iniquitatem.*

**T**estis peruersus deridet iudicium, omnémque iustitiam & æquitatem aspernatur. Siquidem peruerso suò testimonio peruertit ius & æquũ, efficitque ut quod secundum se æquum & iustum erat, iniustum & iniquum habeatur & iudicetur. Os porro impiorum deuorat iniquitatem, quia citra delectum, magnâque auaritia velut gratam escam eam aucupatur, impudenterque citra ullum conscientiæ stimulum imbibit, nonnumquam tamen, quò facilius decipiat, callidè illam tegit.

29. *Parata sunt derisoribus iudicia: & mallei percutientes stultorum corporibus.*

**I**nterim non impune deridebunt iudicium iniqui testes, & ora quæcumque iniqua loquuntur, sed magno suo detrimento id faciant. Expectat, sanè Deus patienter ad prænitentiam peccatores, suæque salutis contemptores; verum ubi videt se nihil proficere, facit tandem iudicium & iustitiam. Quæ utique iudicia alia non sunt, quàm mallei, quibus ceduntur peccatorum dorsa, nempe ipsa inferni supplicia, quæ metaphoricè per malleos, verbera, vibices, contritiones, aliâque eiusmodi exprimuntur.

## A D

CAPVT DECIMVM NONVM  
SCHOLIVM.

1. **M**elior est pauper, &c. Quædam exemplaria secundum membrum ita legunt: *Quam diues torquens labia cum sit insipiens.* Comparatur hic autè pauper integræ synceræq. vitæ cum eo, qui præ stultitia vel superbia labia torquet, peruersâq. & à veritate aliena, docet. Sensus enim versiculi est: Melior est proba vita cum exigua doctrina, quàm vana ostentatio de magna doctrina, quæ per superbiam & stultitiam est contaminata.

2. *Vbi non est, &c.* Geminum hæc sensum offerunt, prout vox *Anima* ad præcedentia & sequentia referri potest. Alter est: Vbi non est scientia ad salutem necessaria, ibi nullum adest bonum. Alter est: Animæ illi nullum adest solidum bonum, cui deest prudentiâ, quæ homini est necessaria. Per *Festinum pedibus* insinuat hominem, qui affectibus & passionibus suis statim cedit & obsequitur.

3. *Stultitia hominis, &c.* Quod de stultitia hominis gressus subuertente hic asseritur, duplici nomine verum est. Nam & efficit vt via eius sit peruersa, eiusdémque actiones prauæ; & ex stultitia rursus provenit, vt hominis studia eiusdémque conatus suo fine frustrentur. Atque ita fit vt per iram contra Dominum insurgat, quasi ipse impediuerit conatû illius, & non eius stultitia & insipientia.

4. *Diuitiæ addunt, &c.* Exponit hæc sententia quod communiter accidere solet, non quod rei natura postulat. Melior est enim pauper integræ vitæ, quàm diues stultus fastuque tumens. Neque tamen in magnum aliquod pauperis detrimentum cedit hic contemptus. Nam dum ab hominibus deseritur vel contemnitur maiorem habet occasionem, vt se totum conuertat ad Deum, à quo numquam deferetur, nisi ipse prius Deum deferat. Ceterum amici, quos solæ opes comparant, non sunt stabiles, sed inconstantes & temporarij, sicut ipsæmet opes. Verum enim & solidum amicitia fundamentum est virtus & animi excellentia.

5. *Testis falsus, &c.* Multa passim & crebrò contra falsa testimonia & mendacia adfert Sapiens, quia vtrumque reipubl. & præximo est valdè noxium,



noxium, & Deo apprime exosum. Multi enim per falsa testimonia non solum bonorum fortunæ & famæ, sed vitæ quoque iacturam faciunt. Falsus ergo testis non erit impunitus, sed promeritis pœnas, si non in hac, in altera certè vita luet. Infestat autem hoc vitium non modò avaros diuites, verum nonnullos quoque pauperes, sed improbos,

6. *Multi colunt personam, &c.* Idem hic indicatur, quod versu quarto huius capitis & alibi rursus. Significatur autem opes parare amicos, non quidem avarè detentas, sed liberaliter distributas.

7. *Fratres hominis pauperis, &c.* Exponit hic quid inter diuitem & pauperem intercedat. Diues ab omnibus colitur & honoratur; pauper à proprijs quoque fratribus contemnitur atque deseritur, nedum ab alienis. Mysticè: Vir donorum & diues, est Christus, pauper autem in donis & bonis omnibus est populus Judaicus.

8. *Quitantum verba, &c.* Prima sententiæ huius pars in Contextu Hebræo cohæret sententiæ præcedenti. Sonat autem: Pauper sectatur verba, hoc est, promissâ sibi factâ, sed nihil assequitur. Vulgata autem Editio verborum sectatorem opponit possessori mentis & prudentiæ custodi. Sensus autem est: Qui tantum audire vel loqui studet, & nihil operari, nullum ille solidum fructum consequetur. Verum viri cordati & prudentes verbis non contenti ea præstant studentque iis quæ ad salutem animæ sunt necessaria. Adeoque consequuntur bona illa quæ Deum diligentibus in altera vita sunt promissa.

9. *Falsus testis, &c.* Hæc iam ante nimirum huius Capitis Versu V. sunt exposita. Solum hoc differunt, quod mendax hic dicitur periturus, ibi autem pœnam daturus.

10. *Non decent stultum, &c.* Ponuntur hic duo tanquam absurda planèq. præpostera, quæ postea Cap. xxx. dicuntur talia, ut terra sustinere ea non valeat. Sunt autem illa: voluptas, vel oblectatio stulti, & dominatus serui. sunt enim hæc ex natura rei indecora. Serui enim est seruire, non imperare, stultorum autem gregi magis conueniunt ergastula & verbera, quàm carnis delitiæ, & mundi oblectamenta. Mysticè: Stulto, hoc est, peccatori non conueniunt spirituales delitiæ, nequè peccato seruienti animarum regimen

11. *Doctrina viri, &c.* Docetur hic ex doctoris constantia & patientia cognosci posse cuiusmodi sit illius doctrina, tum verène doctus sit an indoctus. Adhuc ad gloriam eius facere, iniqua aliorum scilicet errata prætereire & dissimulare, neque curiosè illa obseruare, nulla denique iniqua com-

mittere; ita vt ad propria & aliena quoque peccata referatur, quod hic dicitur.

12. *Sicut fremitus leonis, &c.* Docet hic subditos erga Principem suum ita se gerere debere, ne in illius indignationem incurrant, aut gratiam amittant, propterea quod admodum periculosum sit Principes ad iustam iram prouocare; sicut è diuerso perutile simul & periuicundum est illorum gratiam obtinere.

13. *Dolor patris, &c.* Et hæc quoque iam ante maiorem partem sunt explicata. Monentur hic autem filij, & matres familias officij sui. Nam vt filij improbi & immorigeri maximam molestiam adferunt parentibus; ita improba & rixosa vxores grauissimè affligunt suos maritos. Benè autem improba & litigiosa vxor comparatur testo perstillanti, quia vtrumque continuam adfert molestiam, neque domi neque foris indulget requiem.

14. *Domus & diuitiæ, &c.* Docetur hic alia alios impetiri posse, bonam autem & probam vxorem à solo Deo prouenire. Interim homo, quod suarum est partium, non debet omittere. Sunt enim permulti qui magis spectant formam & opes, quàm mores; neque diuinæ gratiæ præsidium imploran atque ita non est mirum si infelicitè sæpe contrahant.

15. *Pigredo immittit, &c.* Sapiens subinde impetit ignauiam & otium, propterea quod multa mala inde proueniant, & quidem hoc loco duo incommoda, quæ ex desidia oriuntur, assignat. Nam & hominem somnolentum, bardumque & stupidum reddit, & famem rursus & inediam parit, adeoque hominem omnibus modis miserum efficit.

16. *Qui custodit, &c.* Commendat hic rursus diligentiam & præceptorum obseruationem; quod hæc vitam, opposita verò mortem pariant.

17. *Fæneratur Domino, &c.* Et hic rursus, vt ante frequenter, commendat eleemosynarum studium, id quod maximè fouetur per honestum laborem, ad quem paulo ante excitauerat, & remuneratur amplâ mercede in vtraque vita à Domino.

18. *Erudi filium, &c.* Admonentur hic parentes ne spem statim abijciant, si illis stultus & contumax filius obrigerit: verum vt verbis simul & verberibus rebellem ad officium compellant, id eâ tamen moderatione, vt neque occidant, neque grauius quoque lædant.

19. *Qui impatiens est, &c.* Hortatur ad patientiam & mansuetudinem, quod iracundi incident in varia incommoda & damna, & graues tandem iracundiæ suæ pœnas luant. Sunt qui hæc referant ad vericulum præcedentem,

dentem, quo parentes admonebantur, ne ita scirent in filios quantumlibet dissolutos, ut eos perimerent. Nam dum filius non occiditur, sed tantum punitur, licebit iterum iterumque illum à pœna eripere, & pœnæ rursus pro meritorum ratione subijcere, idque in infinitum.

20. *Audi consilium, &c.* Admonuit parentes ne filios castigare, & ab improbitate coercere negligant, hoc autem loco hortatur filios, ut paternæ disciplinæ sponte & libenter sese submittant, illorumque monitis & consilijs pareant, quo hac ratione in viros sapientes euadere aliquando valeant.

21. *Multæ cogitationes, &c.* Confertur hic hominis instabilitas & inconstantia cum Dei stabilitate. Hic enim non mutatur de consilio in consilium, aut de cogitatione in cogitationem, sed stat semper immotus suisque similis, homo autem instar rotæ mutatur in horas & transfertur de vno in alterum continuè.

22. *Homo indigens, &c.* Docetur hic inopes proniores esse ad benignè faciendum egentibus, quàm diuites; quia nimirum experti sunt quantum sit onus indigentia: pauper proinde misericors esse desiderat, sed reipsâ non potest; diues potest, sed non vult, quod malum est; peius tamen videri velle, cum non sit.

23. *Timor Domini, &c.* Timori Domini tria hic bona tribuuntur, quæ mortales omnes auidè desiderare solent, simulque iuncta perfectè beant. Sunt autem Vita, Rerum copia, & Securitas summa. Verum in hac mortali vita, nulli hæc tria simul obtingunt, neque obtingere possunt.

24. *Abscondit piger, &c.* Iterum incessat hic desidiâ & ignaviâ. Homini enim iuueni nihil æquè est noxium atque otium; neque aliquid ita à vera sapientia est alienum atque ignavia, sapientia enim requirit non quodvis studium, sed acre & assiduum. Vtitur autem hyperbolica locutione ad exprimendum extremam quorundam desidiâ. Nisi ita exponas: Piger omnem laborem detrectans, non habebit quod in os ingerat, adeoque fame interibit.

25. *Pestilente, &c.* Scopus loci huius est nullum peccatum aut peccantem impune esse dimittendum. Non sapientem; quoniam si illis daretur impunitas, ex sapientibus & iustis facile euaderent iniusti & insipientes, magnum ideo infirmis daretur ad improbitatem incitamentum, sapiens denique admonitus & castigatus sapientior fieri solet. Non pestilentem rursus vel sacrorum derisorem, quia licet castigatio tali parum præstat,

præstat tamen aliquid ijs, qui propter eiusmodi punitionem cautioreſ efficiuntur. Licet hinc diſcere quid ſtatuendum ſit de obſtinatis hæreticiſ, vt ferè omneſ eſſe conſueuerunt; nempe illud quod in ſcleratoſ fidei proditoreſ, religioniſque euerſoreſ ſtatui æquum eſt.

26. *Qui affligit patrem, &c.* Docemur hinc ſumma infelicitate, miſeria, & ignominia dignoſ, qui patrem affligunt, aut matrem ita tractant, vt fuga ſibi conſulere, aut ſolum vertere compellatur. Contingit hoc autem varijs modis: vel quia parenteſ clanculum expilant, vel quia omnia illorum bona luxurioſè abliguriunt, vel aliâ viâ parenteſ ad ſummam inopiam & ignominiam adducunt, ita vt præ inopia vel ignominia patria excedere compellantur. Senſu myſtico: Iudei Chriſtum Dei Filium in crucem agenteſ Deum Patrem, quod in ſe erat, grauiffimè afflixerunt, quoniâ fuit hoc ſummum piaculum, & matrem ſuam ſynagogam maxima ignominia aſſecerunt.

27. *Non ceſſeſ, &c.* In Contextu Hebræo leguntur hæc abſque vlla prorſus negatione. Habent enim: *Ceſſa, fili, audire diſciplinam*, vel institutionem, non omnem ſed eam quæ te à Dei mandatiſ ad errorem & impietatem abducit. Alij exponunt: Deſine, fili, documenta ſemper diſcere, & numquam ad veram ſapientiam peruenire; vulgata Editio eodem tenet, ſi legatur interrogatiuè, ad hunc modum: *Ceſſabiſne aliquando, fili, audire doctrinam quæ à verbis ſapientiæ abducit*. Vel ſimpliciter: *Ne ceſſeſ, fili, audire doctrinam ſapientum, neque ignoreſ ſermones ſcientiæ*.

28. *Teſtiſ iniquuſ, &c.* Iterum hic agit contra falſoſ iniquoſque teſteſ improborumque improbitatem & iniquitatem. Dicitur autem iniquuſ teſtiſ iudiciuſ deridere, quia iuſ & æquuſ peruerſit. Impiuſ autem deuorare iniquitatem, quia auidè illam deſiderat, & oblatâ occasione cum voluptate perpetrat. Hebræi legunt: *Oſ impiorum tegit, vel operuſ iniquitatem, qua laborat*.

29. *Parata ſunt, &c.* Pauciſ exponit hic pœnam quæ iudiciuſ deridentibuſ, & iniquitatem deuorantibuſ parata eſt, quo hinc intelligant ſe non impunè iudiciuſ deriſuroſ, aut iniquitatem tecturoſ. Illa autem iudicia aliud nihil ſunt, quàm mallei, quibuſ cæduntur peccatorum dorſa, hoc eſt, pœnæ & ſupplicia, quæ in alterutro ſæculo ſcleratiſ hominibuſ irrogantur.

# PARAPHRASTICA

## CAPITIS VIGESIMI

### EXPLANATIO.

1. *Luxuriosa res vinum, & tumultuosa ebrietas: quicumque his delectatur, non erit sapiens.*

**Q**uicumque inter sapientes locum vult obtinere, & à multis magnisque flagitijs & vitijs immunis vivere, ab immodico vini usu, eorumque, quæ remulentiam, vel immoderatam voluptatem ciere nata sunt, sese abstinere oportet. Siquidem vinum immoderate sumptum res est luxuriosa; & ebrietas vndecumque orta, res est admodum tumultuosa & seditiosa, adeoque à vera sapientia alienissima: & hæc ebrietatis mala per quotidianam experientiam sunt manifesta. Vinum enim quod non tantum concupiscentem animæ partem accendat, verum etiam irascentem inflammer, non minus ad cædes, rixas, lites, & contentiones excitat, quàm ad Venerem & lasciuiam.

2. *Sicut rugitus leonis, ita & terror Regis: qui prouocat eum, peccat in animam suam.*

**C**eterum tam ebrij, quàm ceteri omnes summopere cauèant ne vel dicto, vel facto, vel alio quouis modò, Reges viròsque principes ad iustam iram prouocent. Neque enim minus formidabilis est ira Regis, quàm rugitus sæuiantis leonis, sed neque minus quoque periculosa nam qui prouocat illum ad iram, peccat in animam suam, vt qui Deum offendat, & Regem iniuste irriter, & vitam suam mortis periculo exponat.

3. *Honor est homini qui separat se à contentionibus: omnes autem stulti miscntur contumeliis.*

**A**t non solum stultum, & à vera sapientia alienum est Regem ad iram prouocare, verum cum quouis quoque priuato homine rixari, atque contendere. Quia ergo turpè, & stultum est litibus vacare, sit vt summa laude & commendatione dignum sit, à rixis & concertationibus alienum esse; præsertim cum sit difficile ita vivere, vt neminem offendas, ita te gerere, vt cum omnibus pacem habeas. At verò de industria lites sectari nullaque

nullâque cogente causâ cōtrouersis se immiscere, id demum extremæ est vesaniæ. Nam præterquam quod res illa hominem apud omnes exosum reddat: parit quoque summam animi inquietudinem & perturbationem.

4. *Propter frigus piger arare noluit: mendicabit ergo æstate, & non dabitur illi.*

**Q**VI hieme vel tempore alioqui ad id commodo arare & ferere præ pigritia non vult, æstate, cum fructus colligi solent, nihil quod metat vel colligat inueniet, adeoque, nisi fame perire velit, mendicare compelletur; rursum quod non calu, sed culpa sua ad eam necessitatem adactus sit, in peccati pœnam mendicabit, & nihil ei dabitur. Ceterum ut ille, qui propter ignauiam opportuno tempore non seuit, æstate nihil colligit, sed ne mendicando quidem quidquam proficit; ita qui corporis & animæ suæ terram in hieme, hoc est, in hac mortali vita, quæ hiemi propter intellectus tenebras, & caritatis algorem, & alias misérias rectè comparatur, per veræ pœnitentiæ opera non excolit, in æstate, nempe in futura vita, nihil inueniet, atque ita cum fatuis virginibus frustra mendicabit.

5. *Sicut aqua profunda, sic consilium in corde viri: sed homo sapiens exhauriet illud.*

**Q**uemadmodum aqua profunda non facile exhauritur, nec facile turbatur, neque facile quoque extrahitur; ita sapientum consilia mentisquæ decreta, non facile quoque à quibusvis deprehenduntur, sed à sapientibus & callidis tantum; neque facile rursum exhauriuntur. Sapientia enim, quo magis communicatur, eo magis crescit, nec facili tandem momento turbatur. Quod si sapientum decreta, quæ abdita in pectore retinent, difficulter cognoscuntur, nec nisi à paucis admodum, ijsquæ sapientibus dignoscuntur, quid statuendum de diuinæ mentis decretis, ijsquæ præsertim, quæ Deus statuit de humana salute, medijsquæ ad eandem à se ordinatis?

6. *Multi homines misericordes vocantur: virum autem fidelem quis inueniet?*

**P**ermulti iactant misericordiam suamque in alios beneficentiam, verum hominem fidelem, qui nimirum re ipsa & ex animo id faciat, quis inueniet? Pauci enim comperiuntur, qui liberalitatem, de qua gloriantur, opere præstent. Pauciores qui syngere propter Deum istud faciant.

**Paucissimi**

Paucissimi qui dum hoc faciunt, nihil quod Deum aut hominem offendar, committunt, & ut plures comperiuntur, qui liberalitatem iactant, quàm præstant; ita plures quoque qui aliorum munificentiam prædicant, quàm opere compensant.

7. *Iustus qui ambulat in simplicitate sua, beatos post se filios derelinquet.*

**V**erum licet vere & ex animo liberales laude digni sint, & vulgò commendari soleant; meliores tamen & præstantiores sunt iusti, qui in vitæ perfectione, & integritate sincere ambulant, ut qui suam posteritatem post se becent; præsertim si maiorum suorum vestigijs insistant, illique nihil indignum committant.

8. *Rex qui sedet in folio iudicij, dissipat omne malum intuitu suo.*

**R**EX in legitimo iudicio præfidens, causasque & controuersias legitimè, & accuratè discutit, suâ præsentia & auctoritate è medio tollit quodvis malum. Neque enim mali, improbi, & scelerati homines Principum præsentiam ferre possunt. Magni proinde refert Regesne ipsi, vel alij viri principes iudicio præsent, an illorum ministri iudicesque mercenarii, ut enim oculus heri pascit equum, iuxta prouerbiū; ita oculus Regis è republ. & regno suo profligat omne malum. Nam licet os illius taceat, vultus tamen eius seueritas loquitur.

9. *Quis potest dicere, mundum est cor meum, purus sum à peccato?*

**V**erum enim verò etsi quispiam verè misericors & liberalis existat, & in vitæ perfectione & integritate ambulet, & in animæ suæ regno legitimū iudiciū exercent, adhuc tamen certò asseuerare non potest, cor suū a peccatis esse immune; quia nemo non in peccatis natus & conceptus est; nemo rursū tam cautè ambulat, ut interdum non impingat; nemo denique tam oculatus est ut aliquando non cæcutiat. Atque hoc iustam omnibus etiam ijs qui iusti alioqui videntur metus & submissionis causam ingerere merito debet. Omnibus enim opus est peculiari Dei gratiā; iustis quidem ne cadant, iniustis verò ut lapsi resurgant. Hæc autem an adsit certò non constat; neque citra diuinam reuelationem, quæ paucis obtingit certò constare potest. Est enim cor hominis abyssus multa.

10. *Pondus & pondus, mensura & mensura, utrumque abominabile est apud Deum.*

**A** Pud Deum execrabile est duplex mercatorum pondus, duplèxve mensura: una magna, quæ emunt; altera parva, quæ simplicibus vendunt; quia utrumque est contra omnem iustitiam & æquitatem, & reipubl. exitiosum ut quod maximè. Duplici quoque pondere mysticè utuntur, qui eadem de re vel persona aliter & aliter iudicant; tum qui sibi permittunt & indulgent, quod in alijs damnant vel reprehendunt.

11. *Ex studiis suis intelligitur puer, si munda & recta sint opera eius.*

**E**X pueri studiis moribus & operibus deprehendi utrumq. potest, non modò cuiusmodi sit, verù etiam cuiusmodi olim in altiori ætate futurus sit, probùsne videlicet an improbus. Etenim si in pueritia delectatur operibus mundis & castis, bona spes est in adultiori quoque ætate probitati & castimonie operam daturum. Contra verò si lasciviz, superbiz, vel alterius cuiusvis improbitatis certa indicia in illo apparuerint, meritò formidare licet in grandiori ætate flagitiosum, superbum, vel improbum futurum: etsi eiusmodi indicia nonnumquam fallant.

12. *Aurem audientem & oculum videntem, Dominus fecit utrumque.*

**Q**UOD auris audit & oculus videt, id non habent ex se, sed ex omnium conditore Domino: is enim fecit utrumque, quare vim quoque & opus utriusque accuratè cognoscit, ut cetera itidem omnia, notum est enim illud Prophetæ: *Qui plantavit aurem non audiet.* Fecit autem utriusq. ut pie rectèque iis utamur: aure quidem ad hauriendam ab alijs scientiam & doctrinam; oculo verò ad contemplandum opera Dei & venandum ex iis sapientiam. Ex creatura namque eiusdemque pulcritudine Dei virtus & Sapientia atque alia præterea multa deprehenduntur & cognoscuntur.

13. *Noli diligere somnum, ne te egestas opprimat: aperi oculos tuos, & saturare panibus.*

**N**ON plus quàm sat est diligere somnum. Siquidem somno regnum obtinente, nullus neque aurium, neque oculorù, neque aliarum virium corporis vel animæ est usus. Quod si legitimus horum usus te non movet,

moueat



moueat saltem necessitas : nisi enim somnolentiam , hoc est , ignatiam & pigritiam excusseris , & operi cuiquam honesto animū adieceris , futurum est vt egessis te opprimat. Tantisper itaque vigila , & labora , dum ad vitæ vsum necessaria paraueris. Aperi oculos & labora , vt sature pane : nisi enim vigilaueris & laboraueris in ediam euadere non poteris. Quod si somnolentia perniciosa est , in rebus externis & fluxis , quanto magis in spiritualibus & æternis ?

14. *Malum est, malum est, dicit omnis emptor: & cum recesserit, tunc gloriabitur.*

**V**T mercatores rem nondum emptam vituperant , valorēque eiusdem extenuant; afferunt namque quanti æstimatur tanti nequaquam valere, aliāque id genus complura; ita iam emptam , eiusdemque pretium & bonitatem extollunt, quò aliis carius illam distrahere valeāt. Sed & natura quoque ita comparatum videtur vt plerique omnes sua de meliori nota commendent, aliena autem vituperent, aut minus certè faciant. Tum vt illa, quæ citra laborem & molestiam non obtingunt, vt sunt, opes honores, scientia aliāque eiusmodi, initio quidem habeantur pro vilibus neque satis idoneis, propter quæ multum sudetur, ad finem verò, ubi iam per laborem comparata sunt, maximi fiant: habetque id locum in iis præcipuè laboribus & operibus, quibus comparatur scientia & vita æterna.

15. *Est aurum, & multitudo gemmarum: vas autem pretiosum labia scientiæ.*

**Q**UI sapientia & eloquentia ornatus est, linguamque disertam & eruditam nactus est, haud multum curat aurum, argentum, lapides pretiosos, gemmarumque vasa; nouit enim thesaurum se possidere his multo pretiosiores; neque ignorat quoque per scientiam, & eloquentiam qua pollet, hæc se parare facile posse. Atque ita prima iuuenum cura deberet esse non de mercatura, vel aliis artibus, quibus opes parantur, sed de sapientia & eloquentia; nam per hæc cetera omnia parari possunt: sed & cetera omnia quoque, si desit sapientia, parum prosunt, tametsi magni apud homines fiant.

16. *Tolle vestimentum eius qui fideiussor exsistit alieni, & pro extraneis aufer pignus ab eo.*

**R**ES periculi plena est, fidem suam pro aliis obstringere, maxime verò pro hominibus ignotis & extraneis. Quamobrè si quis pro extraneo fideiussit tolle vestimentum eius, ut hoc saltem in necessitate reliquum illi fiat. Siquidem futurum est ut propter temerariam sponsonem, ad extremam paupertatem redigatur; adeoque ut pignoris loco vestem quoque ab eo auferant creditores, si illam forte cōpererint; sed & ipsi creditores quoque hoc loco admonentur, ut tempestiuè sibi prospiciant, ne omnino fraudentur, monentur, inquam, ut ubi primum quis pro extraneo vel extranea sponponderit, ut fideiubentis vestimentū, vel aliud quidpiam eiusmodi statim in ipso contractu pignore accipiant: ut si principalis debitor non soluat, neque fideiussor soluere queat, aliquid saltem in debiti solutionem accipiant. Quod si vestis, vel aliud pignoris loco accipiendum est, cum notus spondet pro ignoto, multò magis fieri id debet, cum ignotus fideiubet pro noto vel ignoto.

17. *Suaui est homini panis mendacij, & postea implebitur os eius calculo.*

**S**Vaui est homini panis mendacij, hoc est, omne omnino lucrum per fraudem, vim, vel dolum partum, initio suaue videtur quia nullo aut exiguo labore constat; at postea eiusmodi panis in lapides mutatur. Siquidem in tantam amaritudinem, molestiam, atque perniciem tandem vertitur, ut homo pro pane lapides, pro farina arenam comedere videatur. Quandoquidem eiusmodi panis neque masticari, neque concoqui, neque in carnem & sanguinem conuertere potest. Inidè verò in magnam plerumque crucem, & interdum quoque in mortem vertitur. Habetque, quod de furto, vel fraude hic dicitur, locum in omni propemodum vitio & peccato. Initio namque suauiter illabitur, sed postea relinquit durissimos conscientiz aculeos.

18. *Cogitationes consiliis roborantur, & gubernaculis tractanda sunt bella.*

**C**VM mortalium cogitationes sint varix & inconstantes; nemo debet suis priuatis cogitationibus nimium fidere; aut secundum illas ad opus aliquod, quod non parui sit momenti, procedere; verum ne erret, oportet ut eas maturo sapientum consilio & deliberationi submittat, &

*cum*

cum illis accuratè expendat, conueniat, vel expediâtne hoc vel illud opus tentare, exempli causa bellum suscipere, aut aliquod aliud arduum negotium aggredi. Nam & Christus Dominus quoque alicubi monet bellum non prius tentandum esse, quàm se deliberatâ certò constiterit, ad finem ne perducì possit, an secus.

19. *Ei qui reuelat mysteria, & ambulat fraudulenter, & dilatat labia sua, ne commiscearis.*

**A**T licet graui omnia cum consilio & matura deliberatione sint tentanda, & absque consilio nihil, iterum tamen iterumque expendas necessum est, quo cum consilia tua communices, neque enim omnes sunt fidi, sed multi fraudulentì, & perniciosi secretorum indices. Caue itaque ne cum eo familiaritatem in eas, aut secreta tua consilia cum illo communices, qui secreta fidei lux commissâ reuelat; neque cum eo rursum, qui ambulat callidè & fraudulenter; neque cum eo denique, qui labiis suis blanditur & adulatur. Quò autem plura ex vitiis illis in vnum aliquem coierint, eo magis vitandus erit; possunt autem omnia in vnum conuenire, cum sint inter se cognata, & ex se inuicem quodâmodo nascantur.

20. *Qui maledicit patri suo & matri, exstinguetur lucerna eius in mediis tenebris.*

**Q**UI conuitiis & maledictis parentes insectatur, vel quouis alio modo illos dehonestat vel grauat, diuinæ gratiæ lumine, quo illustrabatur, extincto, in mediis ignorationis, calamitatis, orbitatis, & miseriarum omnium tenebris relinquetur. Indignus est enim cælesti lumine, imo verò vita ipsa, atque adeo omni honore & Dei beneficio, qui in parentes conuitiatur, aut qui secus illos tractat, quàm æquum est vitæ auctores tractare. Væ proinde hæreticis & sectariis, qui Ecclesiam orthodoxorum omnium matrem tot conuitiis & maledictis impetunt.

21. *Hæreditas ad quam festinatur in principio, in nouissima benedictione carebit.*

**H**Æreditas initio festinata, hoc est, præproperè, & malis artibus comparata, ad finem non prosperabitur, neque diuina benedictione potietur; sed decrescet, & in nihilum tandem redigetur, prout male parata male dilabi solent, maximè verò illa, quæ parentibus vi vel dolo extorquentur.

25. *Ruina est homini deuorare sanctos: & post, vota retrahere.*

**R** Vinam merumque laqueum sibi adsciscit, quisquis teinerè citraque vllam deliberationem Deo quidpiam sanctificat, vel deuouet; postea vero pœnitundine ductus illud ipsum, quod vouerat, retractat, vel certè possint quod promiserat, præstare denuo deliberat; debuisset namque ante istud perpendere, sed & illi quoque sancta deuorare, adeoque ruinam sibi accerere rectè dicuntur, qui Dei charismata in vanum accipiunt, hoc est, peccatorum remissione semel acceptà, ad vomitum denuo conuertuntur, iterumque atque iterum pro remissione vota precèscque faciunt.

26. *Dissipat impius Rex sapiens, & incuruat super eos fornicem.*

**N** Il. à æque perniciosum est regno atque impiorum cœtus certo fœdere inter se vnitus: verum Rex sapiens suâ viiute & sapientiâ dissipat eiusmodi impiorum factiõnem, ipsosque in triumphum actos merito supplicio alicit, atque è medio, ne bonis noceant, tollit. Hoc genus supplicij in impios ludgōs hætenus mirificè exercet Deus. Nam & per terrarum orbem sunt dispersi, & variis miserijs, cladibus, & damnis vbique sunt expositi.

27. *Lucerna Domini spiraculum hominis, quæ inuestigat omnia secreta ventris.*

**S**piritus hominis, quem Deus initio illi inspirauit, hoc est, hominis smens intimusque eiusdem sensus, qui omnibus internis animæ viribus lucem præbet, est Domino instar lucernæ: quia æquè clarè eum penetrat & rimatur atque lucem ipsam; vt qui omnia ventris mentisque secreta penetret & rimetur. Est idem rursus lux vel lucerna Domini, quia non aliunde quam à Domino haustus, siue lumen hoc referas ad lumen naturale homini inditum; siue ad lumen aliquod supernaturale siue ad aliud quodcumque eiusmodi, quod cordis secreta penetrare natum est. Interim anima per se non satis rectè dicitur lucerna Domini, nec gratiam rursus per se. Sed anima diuina gratia illustrata.

28. *Misericordia & veritas custodiunt regem, & roboratur clementia  
thronus eius.*

**E** T si regni status sine milite & exercitu, sine munitionibus & propugnaculis, sine tributis & vectigalibus diu incolumis consistere non queat:

queat: attamen nihil ita munir Regem totumque eiusdem regnum, atque misericordia & veritas, hoc est, iustitia & æquitas, quo videlicet unicuique pro meritorum suorum ratione præmia vel supplicia iuste decernere queat. Siquidem non minus obesset reipubl. fontes non punire, atque benemeritos non honorare, verumenimvero licet vis punitiva ad reipubl. tranquillitatem omnino necessaria sit, attamen misericordia & clementia valde decent Principē. Nihil enim exstat, quod regnum illius ita firmar, subditosque ita illi obtemperantes reddit, atque clementia.

29. *Exultatio iuuenum fortitudo eorum, & dignitas senum canities.*

**G**Loria iuuenum eorundemque ornamentum est corporis robur animique fortitudo nullis fœdis vitiis contaminata, operique honesto intenta. Siquidem pollere robore sine usu, vel cum prauo usu probum verius & dedecus adfert quàm laudem. At verò senum decus & ornamentum est prudens virtutibusque ornata canities, quàm ipsi etiam iuvenes honorare & obseruare debent, crebròque in rebus præsertim arduis consulere. Nam ut ante dicebatur robur sine prudentia, sæpe magis obest, quàm prodest; sed & prudentia quoque senum sine robore iuuenem rempublicam tueri & conseruare non potest. Debent proinde mutua ope niti, iuvenes senum prudentia, & senes iuuenum fortitudine, & hic est scopus huius loci.

30. *Liuior vulneris absterget mala, & plage in secretioribus ventris.*

**V**T vulnera & plagæ siue summæ cuti, siue viuæ carni inhæreant, sine dolore non sanantur, & eo maiori difficultate sanari solent, quò vulnus altius est infixum, aut plaga purulentior exstiterit; ita prauis & improbi homines, qui sunt quasi reipubl. sanies & pus, citra dolorem & vexationem, iustamque castigationem ad sanam mentem redigi nequeunt. Rursum ut sanies & purulentia ex toto corpore ad vnum locum deducta, ibidemque erumpens, sanitas est totius corporis; ita peccata, quæ mentis sunt vulnera, ad memoriam reducta, & veluti pus atque venenū odio habita, & per veram confessionem in medium deprompta, totam mox animam ab omni ægritudine absoluunt. Denique vulnera, & plagæ, & liuores & vibices vnica improbi hominis sunt medicina; neque vsquam hæc frequentius, quàm in improbis & sceleratis hominibus inueniuntur.

## A D

## CAPVT VIGESIMVM

## SCHOLIUM.

1. **L** *Vxuriſa res, &c.* Damnatur hoc verſu ebrietas & crapula, tanquam magnorum malorum & flagitiorum radices. Excitant enim rixas, cædes, & tumultus, ſuadentque omne genus vitiorum, aduerſantur ad hæc ſapientiæ & ſcientiæ omniſque prudentiæ vt quàm maximè.

2. *Sicut rugitus, &c.* Hæc ſententia iam ante bis propoſita & expoſita eſt, ſed aliis verbis. Repetitur autem hic quia per ebrietatem facile elabitur aliquid, quod regiam maieltatem offendat. Quod ſi terreni Regis ira eſt uſque adeo formidabilis, quid de ira Dei & Chriſti eſt ſtatuendum?

3. *Honor eſt hominis, &c.* Rurſum quod ex crapula & ebrietate oriuntur lites, & iurgia, & pugne, monet hoc verſu honorificum & ſalutare eſſe, ab omni prorsus contentione & rixa abſtinere.

4. *Propter frigus, &c.* Iterum deteſtatur & infeſtatur hic ignauiam, aſſignatque illi pro mercede panis inedia, rerumque omnium ſterilitatem. Inſinuatur autem, vt ille, qui tẽpore, quo oportet, & commoditas inuitat, non ſerit, in æſtate vel autumno nihil colligit, ita qui in iuuentute officium non facit, in ſenectute miſer & inops erit.

5. *Sicut aqua profunda, &c.* Conſilium & ſapientia, quæ eſt in corde ſapientis, comparatur aquæ profundæ. Cauſæ exponuntur in Paraphraſi.

6. *Multi homines, &c.* Duplicem ſenſum præſens locus offert. Alter eſt: Multi laudant benignos liberalẽſque datores, ſed quis inueniet aliquem qui pro acceptis beneficiis gratus exiſtat? Alter eſt: Multi ſuam in alios beneficentiam prædicant, ſed quis inueniet talem, qui reipſâ id præſtet, quod amplis verbis de ſeipſo iactat?

7. *Iuſtus qui, &c.* Docetur his paucis iuſtorum poſteritatem felicem fore. Ambulat is autem in perfectione, qui de virtute in virtutem progreditur.

8. *Rex qui ſedet, &c.* Deſcribitur hic, quantum regia præſentia poſſit in publico legitimoque iudicio, ad cõque pernecceſſariam illam eſſe ad bonam reipubl. & regni gubernationem.

9. *Quis potest dicere, &c.* Colligimus hinc quàm difficile sit internam hominis constitutionem cognoscere. Nam si homo suum ipsius statum certo cognoscere non possit quanto minus alterius? Compescitur hic omnis quoque gloriatio & iactantia de propria iustitia & munditia.

10. *Pondus & pondus, &c.* Admonentur & perstringuntur hoc loco, qui duplici mensura utuntur, id quod variis modis contingit, sed numquam absque peccato.

11. *Ex studiis intelligitur, &c.* Significatur ex puerilibus studiis cognosci posse, quis futurus sit adultior iam factus. Siquidem igniculi iuuentutis raro extinguuntur in grandiori ætate.

12. *Aurem audientem, &c.* Insinuat per hoc Deum videre, & cognoscere omnia, ut qui omnem aurem, omnemque alium sensum & intellectum condiderit. Et quia organa hæc ad honestum adeò usum facta sunt, monemur per eadem quoque ut rectè illis utamur.

13. *Noli diligere, &c.* Detestatur rursus somnolentiam & ignaviam; quia somnus præsertim immoderatus tollit rectum sensum viriumque omnium animæ & corporis usum, facitque de homine quodammodo pecudem & brutum. Non damnatur autem hic somnus simpliciter, sed somni superfluitas, vel nimia somnolentia.

14. *Malum est, malum est, &c.* Exponit quæ communiter inter emptores & venditores accidere solent. Qui enim empturus est, quantum potest, rei precium extenuat; postea verò quàm emit, se vili pretio emisisse gloriatur.

15. *Est aurum, &c.* Locus hic duplicem expositionem, admittit. Altera est: Vir disertus facili negotio sibi parat opes. Altera est: Eloquentia cum sapientia coniuncta præstat argento & auro, ceterisque omnibus prætiosis. Vel: Labia prudentia sunt homini loco auri & argenti, & cuiusvis pretiosæ supellestilis.

16. *Tolle vestimentum, &c.* Versus hic monet rem perniciosam, damnosam, & permolesam esse pro aliis fideiubere, maximè verò pro alienis & ignotis; atque ita aut non faciendum, aut non absque certa cautione & pignore faciendum. Mysticè: Qui pro aliena salute spondet, aut qui aliorum curam suscipit, debet esse paratus quidquid habet pro alio exponere.

17. *Suaavis est panis, &c.* Docetur hic iniquè parta, & quodvis alioqui peccatum, initio quidem sapere, suavèque videri, verum postea in amaritudinem, fabulosique panis duritiem conuerti.

18. *Copita-*

18. *Cogitationes consilii, &c.* Scopus loci huius est, neminem sat sibi esse, aut satis per se sapere, sed vnumquemque doctorum hominum consilio tam in pace, quam in bello egere, Sunt enim hominum cogitationes varix & inconstantes, quæ proinde prudenti consilio firmari & probari debent.

19. *Ei qui reuelat mysteria, &c.* Dependet hic locus à præcedente. Quamvis enim consilio opus sit, videndum est tamen, à quo consilium petas. Non enim illi in consilium sunt adhibendi, qui secreta reuelant; neque cum iis rursum est consultandum, qui fraudulentè & dolosè agunt neque cum iis tandem, qui labiis suis soliti sunt adulari. Hebræa constituunt duo membra ad hunc modum: Qui secreta reuelat, is ambulat fraudulentè: Cum eo rursum, qui labiis suis adulatur, ne te commisceas.

20. *Qui maledicit patri, &c.* Agit de pœna & maledictione eorum qui parentibus maledicunt, quæ est extinctio lucernæ & conuersio eiusdem in tetram obscuritatem. Siue per lucernam accipias mentem, siue vitam, siue posteritatem, siue Dei gratiam, siue honorem, vel famam, siue hæc omnia simul.

21. *Hæreditas, &c.* Similis locus exstat Cap. XIII. huius libri. Significatur autem facultates malis artibus partas non fore diuturnas, nedum perpetuas. Spectat in partem ad versum præcedentem, vbi actum est de improbis filiis intempestiue ad parentum hæreditatem festinantibus.

22. *Ne dicas reddam, &c.* Monentur hic omnes, ne malum pro malo reddant, aut vindicis partes priuatâ auctoritate sibi sumant; aut ne priuatim apud se meditentur, quomodo de illata iniuria sese vlcisci queant, sed omnem vindictam Deo relinquunt.

23. *Abominatio est, &c.* Repetit hic quod Versu X. huius Cap. proposuerat, non tamen importunè, quia nostra & aliorum peccata, non æquo pondere trutinamus. Iniquo pondere mysticè ille vititur, qui veniam à Deo petit, & accipit, quam ipse tamen alteri concedere renuit.

24. *A Domino, &c.* Docetur hic tamen si homo otiosus esse non debeat, actionum tamen illius felicem successum, à Deo diuinæque providentia maiorem partem dependere. Atque ita vtrumque hoc loco statuitur: nempe diuinæ gratiæ necessitas est nostræ voluntatis libertas.

25. *Ruina est homini, &c.* Hic locus nec vno modo legitur, nec vno rursum modò exponitur; posterius tamen membrum insinuare videtur *Deuorare* legendum esse, non *Deuorari*. Insinuat autem periculosum esse votum



edere, & editum non explere. Quid sit autem *Denotare sancta* in Paraphrasi exponitur.

26. *Dissipat impios, &c.* Exponit hic duo Regis aduersus impios munia: nam & à se inuicem illos dissipat; (vniti enim plus possunt) & illorum scelera iusta pœna pleat.

27. *Lucerna Domini, &c.* Indicatur hic hominis lucernam, potiorémve eiusdem partem esse spiraculum Domini. Vocat autem mentem lucernam, vel lucem, quia reliquis partibus lumen administrat. Exstat autem triplex lumen: naturæ, gratiæ, & gloriæ.

28. *Misericordia & veritas, &c.* Assignat hoc loco tria, quæ Regem & regnū valdè muniunt, nempe Misericordiam, Veritatem, & Clementiam, ad quæ tria reliquæ omnes virtutes Regi necessariæ reducuntur, per misericordiam pauperes & oppressos subleuat & adiuuat, per veritatem & iustitiam, vnicuique quod æquum est largitur, per clementiam iustitiæ seueritatem moderatur, & temperat.

29. *Exultatio iuuenum fortitudo, &c.* Ostendit iuuenum ornamentum esse robur & fortitudinem, nulla vitiorum labe contaminatam aut labefactam; sanum verò prudentem castamque & venerandam canitiem. Scopus est ad ciuitatis munimentum regnique præsidium opus esse senum prudentia, & iuuenum robore: alterum enim sine altero per se non est satis.

30. *Liuor vulneris, &c.* Videtur in metaphorica locutione indicare, idem esse sentiendum & obseruandum in vulneribus & plagis mentis & corporis. Vt ergo sanies corporis ex toto corpore ad vnum locum dilapsa, ibidemque exitum quærens & faciens, sanitas est corporis; ita peccata per pœnitentiam simul ad memoriam reuocata, ibidemque per odium & detestationem iugulara salus sunt mentis. Rursum: Vt vulnera corporis non sanantur sine dolore acriq̃ue medicina; ita neque mentis quoque, præsertim, quæ altius sunt infixæ. Scopus ergo est neque peccata neque homines peccatores sine plaga & dolore curari posse.

# PARAPHRASTICA

## CAPITIS VIGESIMI PRIMI

### EXPLANATIO.

1. *Sicut diuisiones aquarum, ita cor Regis in manu Domini: quocumque voluerit, inclinabit illud.*

**V**T riuuli aquarum sunt in manu & potestate hortulani vel coloni (deducit enim illos quocumque lubitum fuerit) & vt aque omnes sunt in manu & potestate Dei (diuisit namq. illas & digessit vt placuit) ita cor Regis est in manu Domini. Inclinat enim illud in quacumque partem voluerit: in commodum videlicet & incommodum subditorum, pro meritorum illorum ratione. Quod si cor ipsum Regis est in potestate Dei, multò magis reliqua omnia regis in illius manu erunt; si cor Regis, quanto magis corda priuatorum hominum? Sunt enim Reges multo liberiores priuatis hominibus, multoque plura dependent ab illorum motu & actione, quàm à reliquorum hominum studio.

2. *Omnis via iri recta sibi videtur: appendit autem corda Dominus.*

**V**Nicuique sua studia, suaque via & vita probatur tanquam recta legique & rationi consentanea. Sed nec vlla fere existat via tam distorta & obliqua, quæ aliquibus saltem tanquàm bona & recta non probetur; nam & hæresin, & idololatriam, & Iudaismum, & furtum, & adulterium multiam olim probarunt, & multi etiamnum probant. Interim non est id rectum, quod quisque pro suo appetitu rectum iudicat; sed quod Dominus, qui vniuscuiusque cor probat & exploratum habet, rectum iudicat.

3. *Facere misericordiam & iudicium magis placet Domino, quàm victimæ.*

**N**Eque Deus tantum secernit inter recta & obliqua corda, inter bona & mala opera, verùm etiam inter bona & sancta opera. Nam etsi sacrificare hostiasque offerre bonum & sanctum opus sit; attamen magis ille probat iudicium & iustitiam, quàm victimas; magis rursus misericordiam in egenos, quàm liberalitatem magnificentiamq. in sacrificiis & oblationibus, id quod argumentum est summæ caritatis Dei in homines: vt qui hominum commodum suo quodammodo honori præferre videatur.

tur: sacrificia enim cedunt in honorem & cultum Dei, eleemosyna autem, & iudicium, & iustitia in usum & commodum hominum: cedunt tamen etiam in sacrificium quia exercentur propter Deum.

4. *Exaltatio oculorum est dilatio cordis, lucerna impiorum peccatum.*

**E**xaltatio oculorum, vitæque superbia & arrogantia, cordis rursus dilatio, variæque & vana desideria, quæ sunt lucerna impiorum ( siquidem in his suam constituunt illi gloriam & felicitatem ) sunt peccatum; malum utique inter omnia, quæ malorum nomine veniunt, maximum. Multum proinde distat lucerna impiorum à lucerna Domini, de qua antè: imò ex diametro cum illa pugnat. Ea enim vel est cælestis gratia, vel non absque gratia est; hæc autem est peccatum, quod diuinæ gratiæ maximè aduersatur.

5. *Cogitationes robusti semper in abundantia: omnis autem piger semper in egestate est.*

**O**mnia strenui & robusti viri studia, omnèsque eiusdem cogitationes tendunt semper ad rerum copiam & abundantiam: quandoquidem labor & industria ad hanc deducere solent. Omnis contra ignauus & piger, omnis item præceps & temerarius tendit ad inopiam. Sicut enim pigritia parit penuriam, ita etiam præcipitatio & temeritas. Sed & antè quoque expositum est, opes festinatas non esse diuturnas.

6. *Qui congregat thesauros lingua mendacij, vanus & excors est, & impingetur ad laqueos mortis.*

**C**ongregare sibi pecuniarum thesauros, & omnis generis opes per linguam mendacem ( Ut solent falsi testes corrupti iudices, & aduocati, mercatores & institores auari omnes ) res est vana planèque vesana, quippe quæ rectè abducatur ad interitum & laqueos mortis; si non semper corporis, animæ tamen semper. Est autem ingens multitudo, vanitas, & amenitas id studiose & indefesse querere, quod certam perniciem & mortem adducit, magisque laborare ut perdas & pereas, quam ut serues & saluus fias, id quod hæreticorum est proprium,

7. *Rapina impiorum detrahent eos, quia noluerunt facere iudicium.*

**Q**VI legitimâ licitâque viuendi consuetudine relicta ex rapina & infontium sanguine vitam tolerare malunt, quàm ex iusto labore, graues suæ impietatis & iniquitatis pœnas aliquando luent, Domino peccatum hoc in caput illorum conuertente. Nam quod iudicium de se ipsis facere noluerint, rapinæ peccatum vsque ad iudicium & condemnationē eos comitabitur. Detrahentur enim à statu, in quo nunc viuunt, ad æternum vel temporarium supplicium; prout nimirum pœnitentes vel inpœnitentes vitam finiuerint.

8. *Perversa via viri, aliena est: qui autem mundus est, rectum opus eius.*

**V**IA viri peruersa, & ab hominis natura, & à lege diuina, & à recta ratione est prorsus aliena. At verò opus viri mundi est rectum, legiq. & rationi consentaneum adeoque Deo & hominibus gratum.

9. *Melius est sedere in angulo domatis, quàm cum muliere litigiosa, & in domo communi.*

**M**Agnum onus, magnaque molestia & calamitas est vxor rixosa, improba, & garrula. Etenim res hæc tantæ miserix est, vt satius sit habitare in domus angulo, vel hypæthra, vel quouis alio abiecto ædium loco, quàm cum muliere rixosa in domo communi & ampla, aut in frequenti numerosâque familia. In ducenda proinde vxore, magnus habendus est delectus, magna opus deliberatione & consultatione: potius spectandum est hic, quàm magnam habeat modestiam aut pietatem, quàm quantam habeat dotem, aut domum, aut quàm illustrem familiam.

10. *Anima impij desiderat malum, non miserebitur proximo suo.*

**M**Agnum per omnem modum inter impium & communem peccatorem intercedit interuallum. Siquidem vulgaris peccator ex inscitia vel infirmitate potius peccat & proximum lædit, quàm ex malitia & industria. Atqui impius studio datâque operâ obesse & offendere contendit, quare nullius misereatur, nec vlli parcat; sed omnibus insidiatur. Quod si voti compos euadat, exultat & tanquam re bene gestâ gloriatur.

14. *Munus absconditum exstinguit iras: donum in sinu indignationem maximam.*

**M**VNUS clanculum datum, Iudicis exstinguit iram; & donum rursus secretò in sinum coniectum, ingentem sedat furorem: multum enim apud omnes valet & potest liberalitas prudenter, suoque loco & tempore exercita. Iam si donum tantum potest apud homines, quantum poterit eleemosyna apud Deum ad eum modum, quem Christus præscripsit, erogata? nempe propter Deum, & ita secretò, ut manus sinistra non intelligat quid faciat dextra. Nam huc potius videtur præsens hic locus spectare, quàm ad munera, quæ offeruntur hominibus ne lædant, aut ut minus lædant.

15. *Gaudium iusto est facere iudicium: & pavor operantibus iniquitatem.*

**I**ustus magno cum gaudio & voluptate exercet iudicium, iustitiam, & æquitatem; nec parua rursus oblectatio indè in animum illius redundat. Contra verò qui operantur iniquitatem, paudent & trepidant, cum propter pœnam, quam metuunt, tum etiam propter stimulos, quibus conscientia stimulat. Etenim licet illi, qui propter munera iudicium pervertunt, aut iustitiam exercere intermittunt, propter turpem illum questum gaudere videantur, intus tamen æstuant & ardent, & ne peccatum in lucem veniat, vehementer formidant; habetque id locum in omni omnino pravo & scelerato opere. Sicut è diuerso gaudium, de quo modo dicebatur, hauritur ex quouis pio & sancto opere.

16. *Vir qui errauerit à via doctrinæ, in catu gigantum commorabitur.*

**V**IR qui de via doctrinæ & intelligentiæ, legisque diuinæ, hoc est, à vera Dei cognitione, præceptorumque eiusdem obseruatione aberrauerit, & viam carnis & sæculi huius ingressus fuerit, inter mortuos mediisque gigantes, nempe inter damnatos & demones æternum commorabitur, eandemque cum illis sortem fortietur.

17. *Qui diligit epulas, in egestate erit: qui amat vinum & pingua, non ditabitur.*

**V**IR qui diligit epulas, & alia id genus, quæ ad voluptatem & letitiam faciunt, ad egestatem & miseriam tandem redigetur. Pari modo qui sectatur symposia, vinæque generosa, & vnguenta, non facile ditabitur.

Siquidem isthæc non muniunt viam ad diuitias, sed ad paupertatem & egestatem, non modo rerum temporalium, verum etiam spiritualium. Raro namque voluptatibus & epulis doditi spiritu valent: est autem hic sermo non de simplici earum rerum usu, sed de abusu vel de immoderato usu.

18. *Pro infio dabitur impius: & pro rectis iniquus.*

**P**RO iusto eiusdemque redemptione vel expiatione traditur impius, similiter pro recto præuicator & iniustus. Nam in communibus claudibus, quæ ob populi peccata inferuntur, iusti sæpe liberantur, & mala, quæ iniusti iustis parant, in illorum caput sæpe conuertuntur. Denique dum iniusti iustos iniuste persequuntur, illos à peccatis, quæ per infirmitatem contraxerant, expiant: noxam verò pœnæque reatum, propter iniustam vexationem & persecutionem in sua ipsorum capita deriuant, atque ita pœnam pro iustis luere dicuntur.

19. *Melius est habitare in terra deserta, quàm cum muliere rixosa & iracunda.*

**S**ATIUS est habitare in solitudine, & versari inter medias feras & belluas, quàm viuere cum muliere rixosa & iracunda. Siquidem à belluis homo viribus vel arte se defendere, sibi quæ cauere potest, à litigiosa autem muliere non potest. Nam siue blandiaris, siue stomacheris semper est sibi similis, hoc est, rixosa & biliosa.

20. *Thesaurus desiderabilis, & oleum in habitaculo iusti: & imprudens homo dissipabit illud.*

**I**N domo iusti & sapientis viri inuenitur rerum omnium ad vitæ humanæ usum necessariorum thesaurus, nimirum oleum, frumentum, vestimentum, & quidquid demum vel ad vitæ usum, vel ad corporis cultum, vel familiæ ornamentum, est necessarium; verum stultus siquid habet, illud statim dissipat, & abligurit; ita vt necessitatis tempore nihil plane reliquum habeat, quo se vel aliis opem ferat. Alio modo: In sapientis habitaculo non modo inuenitur thesaurus, hoc est, earum rerum copiosa suppellex, quæ oculos oblectant, verum etiam vnguentum & oleum, hoc est, quidquid ad cibum & potum est necessarium.

21. *Qui sequitur iustitiam & misericordiam, inueniet vitam,  
iustitiam & gloriam.*

**Q**VI sectatur iustitiam tribuens unicuique quod suum est, & misericordiam exercens liberaliter id, quod superest, in egenos impendens, ille inueniet vitam, hoc est, gratiam in hoc sæculo, & gloriam in altero, & iustitiam, secundum quam Deus reddet unicuique pro meritorum suorum ratione, & gloriam siue misericordiam, hoc est, æternam illam felicitatem. Siquidem gloria est summus diuinę misericordię effectus.

22. *Ciuitatem fortium ascendit sapiens, destruxitque robur fiducię eius.*

**M**ultum in omni re valet robur, maximè verò in rebus bellicis; at multo plus potest prudentia, reique militaris pentia. Siquidem vnus sæpe sapiens inuadit & occupat ciuitatem, quam multi viri fortes propugnabant, adeoque plus valet & potest vnus sapiens, quàm multi robusti. Imò plus aliquando efficit bono consilio sapiens, quàm totus exercitus viribus. Neque solum ascendit & inuadit ciuitatem, verum totum quoque robur & munimentum, in quo hostis fidebat, euertit, detrahit, & destruit.

23. *Qui custodit os suum, & linguam suam, custodit ab angustiis  
animam suam.*

**Q**UI custodit os suum & linguam suam, à multis angustiis, miseriis, & cladibus custodit animam suam, constat namque innumeros oboris linguęque temeritatem, in extrema vitę, famę, fortunarumque omnium pericula se coniecisse. Sunt autem varij linguę morbi; alię enim sunt vanę, alię mendaces, alię maledicę, alię obtrectatorię, alię adeo incontinentes, vt ne propria quidem secreta continere queant.

24. *Superbus & arrogans vocatur indoctus, qui in ira operatur superbiam.*

**I**ndoctus & derisor, qui omnia per superbiam tumentemque iram & furorem operatur, nihilque, quid agat, vel dicat, pensi habet, meritò vocatur superbus & arrogans; quippe qui ita loquatur, tanquam solus omnia sciat, & ita rursus operetur, tanquam à nemine dependeat, solusque regnum obtineat.

25. *Desideria occidunt pigrum: noluerunt enim quidquam manus eius operari.*

**D**esideria pigrum occidunt, hoc est, continuò grauitè illum vexant & excruciant. Nam cum toto die concupiscat, numquam tamen voti compos euadit: siquidem nullum vnquam adhibet studium, nullum laborem aut industriam, vt illud, quod desiderat, consequatur. Nihil autem æquè à ratione alienum est, quàm velle quidpiam obtinere, neque tamen velle dare operam, aut media adhibere, vt habeas. Hoc autem otiosum, vanum, & periculosum desiderium multo periculosius & perniciosius est in spiritalibus, quàm in temporariis vel corporalibus. Rectè autem eiusmodi desideria pigrum occidere dicuntur, quia non tantum illum vexant aut cruciant, verum etià vsque ad mortem illum comitantur; vt qui re desiderata numquam potiatur.

26. *Tota die concupiscit & desiderat: qui autem iusus est tribuet, & non cessabit.*

**M**ultum autem dissident iusti ab eiusmodi ignauis & iniustis terræ mancipiis. Nam quod iusti honestis laboribus & occupationibus perpetuò sunt intenti, non solum ab inanibus illis desideriis immunes viuunt; verum etià tantum suo labore conficiunt, vnde & se, & totam familiam suam honestè alant, & largas nihilominus eleemosynas in egenos quotidie erogent. Qui enim iustus est, ait Sapiens, is tribuit, nec cessat, piger autem totà vità aliud nihil facit, quàm aliena desiderare & concupiscere, tantum abest vt propria distribuatur, vel donet. Et quia aliena non solum desiderant ignaui, sed oblatà occasione illa quoque inuadunt & occupant, fit vt illorum desiderium non solum eos excruciet, sed sæpe quoque occidat, & ad mortis supplicium adducat.

27. *Hostiæ impiorum abominabiles, quæ offeruntur ex scelere.*

**H**ostiæ impiorum, etsi (ad externum ritum quod attinet) à iustorum sacrificiis differre non videantur, apud Dominum tamen sunt meræ execrationes, tantum abest vt illi placeant, aut ab æquitatis ratione illum despectere queant. Displicent autem illi duplici ratione; tum quia sunt hominum impiorum & à Deo alienorum; tum maximè quia ex scelere & rapina offeruntur: vtrumque autem iustam repudiationis causam adfert, præsertim



præsertim apud Deum, qui magis spectare solet animum, quàm donum, & iustitiam quàm victimam.

28. *Testis mendax peribit: vir obediens loquetur victoriam.*

**T**ESTIS mendax, qui falso suo testimonio proximum nititur interimere, aut magno aliqui damno afficere, interibit, mortèque multabitur: quod si humanum iudicium forè euaserit, diuinum numquam euadet; sed & deprehensus quoad testimonij dictionem peribit, quia indignus, qui alias testimonium perhibeat, censebitur. At vero vir iustus, qui solum testatur, quod audiuit, aut vidit, aut alio sensu certò deprehendit tanquam falsitatis victor, semper loquetur, testificandique iure semper potietur. Itidem vir diuinæ legi obtemperans, numquam non viuet, & quæ vera sunt loquetur. Testes mendaces sunt omnes pseudodidascali & pseudoprophetæ, adeoque æterna morte digni.

29. *Vir impius procaciter obfirmat vultum suum: qui autem rectus est, corrigit viam suam.*

**V**IR impius tamen in manifesto quopiam scelere deprehendatur, procaci tamen vultu illud vel negat, vel omninò excusat. At verò rectus iustitiæque & æquitati deditus, si per humanam imbecillitatem in delictum aliquòd prolapsus admoneatur, statim culpam agnoscit, suasque vias corrigere, & emendare contendit. Rursum falsus improbusque testis obfirmato vultu antagonistæ sese opponit, quasi vultu ipso vera se profari ostendere volens; iustus autem & rectus rem ita exponit, vt & iudex vera illū loqui intelligat, & alterum rursus falsa testificari animaduertat.

30. *Non est sapientia, non est prudentia, non est concilium contra Dominum.*

**C**ETERUM licet falsi testes, vel alij quicumque impij humanum iudicium eludere, vel impedire queant, diuinum tamen non possunt. Nulla enim sapientia, prudentia, aut astutia est tanta, quæ Domini sapientiam fallere, aut eius decretum euertere, vel id quod absolutè fieri vult impedire, vel eius iudicium effugere possit. Nemo proinde eò vesaniæ, aut temeritatis procedat, vt compertæ certæque Dei voluntati obistere velit, neque enim frustra tantum laboraret, qui id faceret, sed graui quoque scelere sese obstringeret, sane eo, vt suam sapientiā cum diuina conferre audeat. Nam

vt omnis iustitia, munditia, & potentia cum diuina collata est iniustitia, immunditia & impotentia; ita omnis quoque sapientia cum diuina comparata est mera insipientia.

31. *Equus paratur ad diem belli: Dominus autem salutem tribuit.*

**E**T vt nulla tanta est potentia quæ cum Domini potentia possit conferri; ita nulla quoque tanta est, quæ aliquid boni aut laude digni præstare possit, absque Domini fauore & auxilio. Potest sanè dux belli exercitum equis armisque instruere, & magnum belli apparatus comparare; attamen nisi Dominus peculiariter illum iuuerit, numquam victoria potietur. Pari modo potest ciuitas vallis, fossis, propugnaculis, commeatu, aliisque eiusmodi communiti; attamen nisi *Dominus custodiuerit ciuitatem, frustra vigilat, qui custodit eam.* Et quod hic dicitur de corporali bello, id multo magis locum habet in spiritali.

## A D

## CAPVT VIGESIMVM PRIMVM

## SCHOLIUM.

1. **S***icut diuisiones, &c.* Quamuis omnium hominum corda sint in manu Domini, præcipuè tamen cor Regis in manu Domini esse dicitur, quia Reges nulli terrenæ potestati sunt subiecti. Adhæc ex motione cordis regij dependet magna pars salutis aut perditionis populi, quæ tamen salus Deo potius quàm Regi adscribitur.

2. *Omnis via viri, &c.* Similis sententia Cap. IV. & XVI. proponitur. Docet hæc autem plerosq. omnes de suis sibi studiis blandiri, & quod ipsi faciunt, id rectum iudicare, interim Deum esse, qui vnus cuiusq. cor ponderat, & intentionem exanimat, ideoque aliter sæpe illum iudicare quàm homines solent. Quod autem omnibus sua via recta videatur, id generatim accipiendum; nam quotquot operantur, aliquid semper bonum intendunt, alioqui non operarentur.

3. *Facere misericordiam, &c.* Hæc apertè docent opera suâ naturâ bona non eodem loco esse apud Deum. Magis enim placent illi iudicium & iustitia, quàm victimæ: quod eò magis mirum videri potest, quod ea cedunt in diuinum honorem, illa in hominis vtilitatem.

4. *Exaltatio*

4. *Exaltatio oculorum, &c.* Hic indicantur illi quibus suæ sibi viæ placent. Sunt autem tales mente elati & arrogantes, multis vagis & vanis desideriis æstuant, quorum opus & studium totum tendit in peccatum. Nam & elatio oculorum est peccatum, & dilatatio cordis, & impiorum oratio, hoc est, peccandi consuetudo. Contextus noster ita debet ordinari: Exaltatio oculorum & dilatatio cordis, quæ sunt lucerna impiorum, sunt peccatum.

5. *Cogitationes robusti, &c.* Iterum commendatur hic labor & diligentia, condemnatur autem pigritia & ignavia: hæc parit miseriam & egestatem; illa rerum omnium copiam & abundantiam. Vox Hebræa *Præcipitem* significat potius quàm *Pigrum*. Nam temerarii quoque & quidvis citra deliberationem adorientes, raro rem faciunt, & siquid confecerunt leui sæpe momento illud perdunt.

6. *Qui congregat, &c.* Damnat hic versus falsos testes, iudices, aduocatos, ceterosque omnes, qui linguâ mendaci, & per fraudem thesauros congregant, quod eiusmodi thesauri & opes, veluti quisquiliz à vento solent, facile dispellantur & dissipentur.

7. *Rapina impiorum, &c.* Proximè perstrinxit & condemnavit eos, qui per dolum & fraudem opes iniquumque mammona cogunt. Nunc illos pariter condemnat, infelicisque & morte multandos prædicat, qui per vim locupletari cupiunt, neque æquitatem sectari, suamque pravam vivendi consuetudinem deferere volunt.

8. *Peruersa via, &c.* Opponit virum peruersum viro recto & iusto. Dicitur autem quod huius opus sit rectum & legi consentaneum; illius autem obliquum, ab æquitate & iustitia & hominis natura alienum.

9. *Melius est, &c.* Exponit hoc loco quantæ molestiæ & miseriæ sit habitare cum rixosa muliere. Asserit autem satius esse habitare in quouis domus angulo abiective loco, quàm in domo splendida cum vxore rixosa. Mysticè mulier rixosa & inquieta est hæresis, & Synagoga.

10. *Anima impij, &c.* Insinuatur hic discrimen inter impium & simplicem peccatorem. Hic enim in proximum peccat, non ex odio, aut malevolentia, sed ex inscitia & infirmitate; ille studio datæque operæ illi obesse contendit, per Animam autem designatur inferior animæ pars; nempe sensus carnis, qui potens est in improbis, in piis quodammodo confapitus.

11. *Mulcato pestilente, &c.* Antè Cap. xv. Vers. xxvii, similis sententia pro-

ria proposita fuit. Sensus autem est facilis: significatur namque rudes, rerumque ignaros & quasi paruulos tum demum oculos aperire, & sapere incipere, cum animaduertunt derisores, hominesque pestilentes improbitatis suæ Deo vel iudici pœnas dare, vel sapientum quoque scholas frequentare; sapientem autem, si sapientes vel intelligentes sectetur, eorumdemque consiliis & monitis pareat, scientiam auctiorem accepturum.

12. *Excogitat iustus, &c.* Proponitur hic viri iusti caritas, ut qui de domo, statu, & familia impij semper sit sollicitus, semperque ab impietate ad pietatem illum adducere contendat, ne in impietate persistens, cum tota sua familia ad finem intereat. Contextus Hebræus sonat: Iustum diligenter obseruare finem, infelicemque exitum impij, indeque cautionis exemplum sumere.

13. *Qui obstruat aurem suam, &c.* Clara est sententia hæc, & magna obseruatione digna. Commendantur autem per hanc opera misericordiæ & caritatis in pauperes cibum ostiatim emendicantes, cum duplici comminatione, egestatis nimirum & repulsæ.

14. *Munus absconditum, &c.* Hæc in eundem propemodum scopum tendunt: admonent enim munus vel donum in abscondito propter Deum datum, iram diuinam quantumvis vehementem extinguere, & sedare. Posset quoque in alios nobis iratos hic locus transferri. Vix enim aliquis tam durus & incensus est, qui muneribus non placetur.

15. *Gaudium iusto, &c.* Assignatur hic aliud discrimen inter iustum & iniquum, iniquisque operibus intentum, præsertim verò inter iustos & iniustos Iudices. Iusti enim gaudent, dum iustum iudicium exercent, & certam à Deo mercedem expectant; iniusti autem, & muneribus corrupti versantur in perpetuo timore, & anxietate, & stimulis conscientiæ.

16. *Vir qui errauerit, &c.* Docetur hic, quicumque aberrauerint à cognitione veri Dei siue illi Pagani siue Iudæi, siue hæretici fuerint, eos inter mortuos & dæmonum cætus olim censendos esse. Via namque intellectus vel intelligentiæ (cuius hic fit mentio) est via legis & cognitionis diuinæ.

17. *Qui diligit epulas, &c.* Agit hic locus contra gulam, luxum, & ebrietatem: nam per ea diues euadit pauper, & pauper numquam peruenit ad diuitias, imò ex paupere fit tandem pauperimus & famelicus mendicus. Eiusmodi autem commestationes carnisque voluptates non solum ge-

nerant

nerant inopiam rerum temporariarum, verum magnam quoque paupertatem spiritualium.

18. *Pro iusto dabitur impius, &c.* Locus hic habet nonnihil obscuritatis, nec enim facile animo occurrit, quo sensu impius lege saltem ordinariâ detur pro iusto, vel iusti redemptione, aut pro recto pronuncietur. Quare variè exponitur. Alij: Impij cadunt in laqueos vel pœnas, quas iustis præpararunt. Alij: Iusti euadunt pœnas & clades communes, quas propter peccatum Deus quandoque immittit. Alij: Impij persequendo iustos expiant illos à pœnis, quas in altero sæculo daturi erant, exque redundant in caput persecutorum. Alij: Iusti hic puniuntur; impij utrobique. Prima expositio propter persecutionis iniquitatem videtur conuenientior.

19. *Melius est habitare, &c.* Hæc paulo ante sunt proposita, & exposita, nec egent alia luce: proponuntur hic tamen cum maiori exâggeratione quàm ibi. Hic enim dicitur satius esse habitare inter feras & bestias in loco deserto, quàm cum mala muliere in propria domo.

20. *Thesaurus desiderabilis, &c.* Thesauri nomine ea omnia capiuntur, quæ ad humanæ vitæ vsum reconduntur, vt sunt oleum, vinum, frumentum aliâque eiusmodi; hæcenim in communem vsum asseruare, à sapientia non est alienum. Verum stultus prudentiâque destitutus nihil asseruat, sed omnia statim deuorat. Potest autem litera sic exponi: Oleum in sapientis domo reconditum, desiderabilis est thesaurus, seruit enim variis vñibus. Oleum autem mysticè est caritas, quem thesaurum stulti nihil curant.

21. *Qui sequitur iustitiam, &c.* Significatur hic, qui serio consecratur iustitiam, vel misericordiam, vel aliam quamcumque virtutem, inuenturû vitam, & gloriam, & apud Deum misericordiam iustâque mercedem.

22. *Ciuitatem fortium, &c.* Exponitur hic paucis quantæ potentie quantarumque virium sit sapientia. Etenim plus sæpe valet & facit in expugnanda vel defendenda ciuitate aliqua vnus sapiens, quàm integer exercitus: pari modo multo plus valent viri docti contra hæreticos, Iudæos, Paganos, quàm armati.

23. *Qui custodit os suum, &c.* Hanc sententiam, quæ egregia & verissimâ est, quotidiana experimenta probant. Quàm multi ob linguæ incontinentiam in extremum adducti sunt vitæ, famæ, fortunarumque omnium d scimen? Rectè proindè docetur, illum custodire animam suam ab angustis & calamitatibus, qui custodit linguam suam à peccatis, quæ

vana sunt. Possunt autem lingua & os ad idem referri: possunt rursus ad diuersa, os ad cibum & potum; lingua ad sermonem.

24. *Superbus & arrogans, &c.* Exponit hic quædam vitia quæ ex linguæ petulantia & mala eiusdem custodia solent nasci. Qui enim incontinentis est linguæ facile incidit in arrogantiam, & iactantiam, & aliorum derisionem, in iram rursus & quodvis aliud flagitium. Indoctus igitur qui lingua rectè uti non nouit, vocatur superbus & arrogans, quia talia dicit & facit, quæ arguunt illum esse talem.

25. *Desideria occidunt, &c.* Ponit aliam crucem quæ pigros ignauosque homines exercet, nempe perpetuam scilicet continuūque desiderium absque ullo refrigerio reuere desideratæ lucro. Culpa autem penes ipsos est; nam ad impetrandam rem aliquam non sat est, ut illam desideres, sed opus præterea ut desiderio tuo collabores. Frustra enim desiderat vitam, gratiam, scientiam, sapientiam, virtutem aliquam, qui non conatur ut hæc habeat.

26. *Tota die concupiscit, &c.* Cognatus est hic locus præcedenti, imò ad priorem illius partem quod attinet, eadem omninò docet. Monet enim ignauum totâ die variis æstuarè concupiscentiis neque hilum tamen impetrare. Contra verò iustum honestis laboribus intentum, tantum industriâ suâ comparare, vnde & se, & familiam suam honestè alat, & egenorum quoque inopiam subleuet.

27. *Hostiæ impiorum, &c.* Docetur hic Deum muneribus, ut iniqui iudices solent non corrumpi; ut qui omnium iniquorum munera & sacrificia, maximè verò illa, quæ offeruntur à scelerato sceleratæque intentione, & ex rebus sceleratè partis, ex animo detestetur.

28. *Testis mendax, &c.* Agit hic rursus contra mendaces & falsos testes: Interminatur enim illis certum interitum, sicut è diuerso veris, hoc est, illis, qui ea testantur, quæ viderunt vel propriis auribus hauserunt, immortalitatem. Secundum nostram Editionem: Vir legi obediens in æternum, vel, ut alij interpretantur, victoriam loquetur.

29. *Vir impius procaciter, &c.* Dissertit contra eos, qui ita deprauati sunt ut ea quoque negare audeant, quæ comperta sunt vera esse, vel ea excusare, vel licita pronunciare, quæ citra controuersiam sunt mala & illicita. Commendat autem eos, qui de lapsu vel errore quopiam admoniti, statim viam vitamque suam corrigunt.

30. *Non est prudentia, &c.* Perstringuntur hic, qui suâ calliditate aut prudentiâ

prudentiâ diuinum decretum euertere vel impedire satagunt; aut quodcumque contra voluntatem Dei perficere contendunt. Monentur hic proinde omnes, vt Dei potius, quàm suam voluntatem explere curent; neque quidquam vmqûa nitantur, quod verisimiliter Deo aduersum existimant.

31. *Equus paratur, &c.* Ofsensum est proximè nullam sapientiam esse tantam, quæ possit aliquid contra Deum. Hic verò docetur nullam scientiam, nullam industriam, nullum conatum magni aliquid præstare posse absque Domino, peculiari quæ eiusdem fauore atque auxilio.

## PARAPHRASTICA

### CAPITIS VIGESIMI SECVNDI

#### EXPLANATIO.

1. *Melius est nomen bonum, quàm diuitia multæ: super argentum & aurum, gratia bona.*

**M**elius est nomen bonum & fama integra, quàm diuitiæ multæ; siquidem diuitiæ multæ sunt incertæ casui quæ obnoxie, malis ad hæc cum bonis communes: quæ etiam turpiter & iniuste sæpe comparantur, & sordidè & auarè possidentur; & sædè nonnumquã absumuntur; at nomen bonum & fama integra sunt immortalia, nec vlli obtinere possunt, nisi viro probò, & bono, cum præmium sint virtutis, & plus interdum possunt apud homines principes, quàm magnæ diuitiæ. Pari modò fauor, gratia, & benevolentia præstant auro & argento; maximè vero gratia & amicitia Dei. Imò nihil est sub sole, quod cum illa conferri valeat, quin apud Principes quoque & magnates non minus potest fauor, & gratia, quam aurum & argentum.

2. *Diues & pauper obuiauerunt sibi: vtriusque operator est Dominus.*

**D**ominus ex æquò diuitum & pauperum Dominus est: nam & vtrumque ad imaginè suam creauit, & occultâ quâdam dispensatione vtrumque ad eum statum vitæ quæ conditionem condidit, ne vel alter alteri inuideret, vel alter alterum contemneret. Verum sese obuuiis mutuo vlnis exciperent, mutuamque sibi inuicem opem ferrent; diues quidem pauperi in rebus ad vitam animale, necessariis; pauper contra diuiti in rebus ad spiritalem vitam animæ quæ salutis opportunis. Et quamvis diuitis conditio

videatur potior, vulgòque habeatur honoratior, pauperis tamen est tutior, omniq. virtuti & honestæ actioni aptior, modò paupertas non sit extrema planèque abiecta. Quare non est vt vel diues pauperem superbè contemnat, aut pauper diuiti magnoperè inuideat.

3. *Callidus videt malum, & abscondit se : innocens pertransiit, & affluus est damno.*

**V**IR prudens & cordatus, & callidus incommoda, quæ ex re, ad quam forte propensus, vel à qua non prorsus alienus erat, prouenire poterant, præuidens, tempestiuè se subducit, neque illam attingit: incautus autem & rudis, qui ea tantum spectat & obseruat, quæ sunt ante pedes, periculis, quæ se offerunt, contempnis, vel non consideratis pertransit, temerèque aggreditur; atque ita frequenter, in graues miseras & calamitates se coniicit. Prudentes ea de causa expendentes quantum periculi positum sit in magnis honoribus, amplis magistratibus, opulentis sacerdotiis, aliisque similibus, vel vltro oblata admittere detrectant: verum stolidi veràque sapientia destituti, sponte ad illa conuolant, & interdum quoque ambitiosè affectant,

4. *Finis modestiæ timor Domini, diuitiæ & gloria & vita.*

**F**inis mercèsque modesti submissique animi est timor Domini, diuitiæ, vita, & gloria; res sanè quas mortales omnes maximè desiderare solent: quippe quæ tales sint, vt æterna felicitas in iis præcipuè sit posita. Et si enim vita per se non beet, nec opes per se, nec gloria per se, tria tamen hæc coniuncta, si adiunxeris æternitatem, verè beant. Magna proinde vis, magnaque merces est veræ humilitatis. Nam siue humilitas per se tantum generet timorem, & vnà cum timore tria reliqua, de quibus dictum est, siue certo quodam ordine quattuor iam exposita, semper tamen humilitas prima horum omnium radix est.

5. *Arma & gladij in via peruersi : custos autem animæ suæ longè recedit ab eis.*

**A**рма & gladij, spinæ & laquei, hoc est, omne genus impedimento-  
rum occurrit peruersis, ne in viam virtutis ingrediantur, aut ne in illa iam constituti progrediantur. Spinæ autem plusquàm aculeatæ sunt opes & diuitiæ; laquei porro carnis, mundi, & diaboli insidiæ: arma & gladij,



gladij denique prauī amici & socij, vi quodammodo ægrum animū in deteriore partem impellentes. Verum qui habet diligentem animæ suæ custodiam facile ab ijs omnibus impedimentis se expedit; vel enim ne in illa incidat, cauet; vel si iam incidit, dat operam, vt commodè & tempestiuè inde se explicet.

6. *Proverbium est, Adolescens iuxta viam suam, etiam cum seruerit, non recedet ab ea.*

**T**Ritum vulgò, & exemplo sæpe probatum dictum est, adolescentem à via, cui puer assuerat, in senectā non facile recedere, iuxta illud, *Quo semel est imbuta recens seruaabit odorem Testa diu.* Quapropter imbue filium tuum iuxta viam & rationem, quæ illi ætati conuenit, quò adultior iam effectus probè honestèque viuere familiare habeat.

7. *Diues pauperibus imperat: & qui accipit mutuum, seruus est fœneratis.*

**Q**UI diuitibus seruire, mutuūque accipere, atque ita in fœneratoris seruitutem redigi non vult, ille honesto labore ea, quæ ad communem vitæ vsum necessaria sunt, comparare studeat. Siquidem vulgò ita comparatum videmus, vt diuites pauperibus imperent, mutuūque accipientes creditoribus seruire compellantur. Credunt namque ob qualecumque beneficium, quod præstant, pauperes sibi obligatos esse, adeoque pecuniam vel operam gratis ab illis exigere posse.

8. *Qui seminat iniquitatem, metet mala, & virga iræ suæ consummabitur.*

**Q**UOD quisque in corpore seminauerit, hoc & metet: qui igitur seminavit iniquitatem, metet poenam & maledictionem; contra vero qui serit iustitiam & misericordiam, metet gloriam & benedictionem. Pari modo quia virga & potestate, quam adeptus erat, abutitur, potestate, quam nactus erat, exutus, in virga furoris castigabitur, & à terra disperdetur. Qui enim in subditos præter rationem sæuiunt, si ab illis non perimuntur, tandem certè depelluntur.

9. *Qui pronus est ad misericordiam, benedicetur: de panibus enim suis dedit pauperi.*

**Q**UI pronus est ad opera misericordiæ diuina benedictione potietur; multisque diuitiis & opibus non modò in hac vita, verum in altera

quoque augebitur. Tantum namque abfuit, ut pauperes vſuris oppreſſerit, aut in ſeruitutem redegerit, ut auari & improbi diuites ſolent, ut propriis quoque panibus liberaliter illos pauerit, benignoque & clementi oculo & animo eos complexus fuerit.

*Victoriam & honorem acquirit qui dat munera: animam autem auferit accipientium.*

**E**T ſi munus vltro oblatum accipere nefas non ſit; interim multo ſatius eſt dare, quàm accipere. Siquidem qui dat, aliorum fauorem & gratiam ſibi comparat, illoſque ſibi obligatos reddit; qui autem accipit, ſuam libertatem vendit, & nonnumquam ſuam quoque ſalutem & animam oppignorat.

10. *Eiſe deriſorem, & exibit cum eo iurgium, ceſſabuntque cauſæ, & contumeliæ.*

**E**Xpelle deriſores & peſtilentes homines, publicæque pacis & tranquillitatis perturbatores e ſenatu, e republ. e ciuitate, & familia, maximè verò ex Eccleſia & vnà cum illis exhibunt iurgia, lites, contentiones, conuitia, ceteraque quæ ex his naſci ſunt ſolita. Inter irriſores autem primas facile obrinent hæretici. Hi enim ſunt, qui fidei ſynceritatem & ſimplicitatem, quique Eccleſiæ ritus & carimonias palàm derident, omneſque præ ſe contemnunt, omnia ſiniſtrè & præpoſterè interpretantur, nullam admonitionem ferunt, ingentéſque diſcordias & ſeditiones vbique ferunt, quos proindè ſi obſtinati ſunt, tanquam certiſſimas reipublicæ peſtes tempeſtiuè vel proſcribere, vel e medio tollere conuenit.

11. *Qui diligit cordis munditiam, propter gratiam labiorum ſuorum habebit amicum regem.*

**Q**UI diligit & conſectatur cordis munditiam, & orationis venuſtatem, & caſtimonium inueniet gratiam & amicitiam apud Regem, maximè vero cæleſtem. Huic enim ſoli cordis munditia certò comperta eſt; atque hæc vna ad obrinendam & retinendam diuinam amicitiam præ ceteris eſt neceſſaria. Quin apud terrenos quoque Reges & magnates præ aliis grati ſunt, qui mundam innocentemque vitam ducunt, ſermonisque gratia & venuſtate valent. Multa ſunt, quæ orationi pondus & auctoritatem conciliant, at primatum obtinet vitæ integritas: non enim facilè creditur

ditur hominibus subdolis & fucatis, etiam si vera dicant; synceris autem & veracibus habetur fides, quidquid tandem dixerint.

12. *Oculi Domini custodiunt scientiam, & supplantantur verba iniqui.*

**O**culi Domini observant bonorum virorum scientiam; hoc est, Dominus ea, quæ à viris verè piis & sapientibus geruntur, approbat & acceptat. Contra vero improborum & pravaricatorum dicta & facta ex æquo improbat & condemnat. Etenim providentiæ divinæ proprium est, eos qui legis scientiam tenent, cordisque munditiam sectantur, & labia sua à vaniloquio custodiunt, iuvare & promovere, viresque quo magis quotidianè proficiant & crescant, iisdem subministrare. Illos autem qui iniquo studio pravaricantur, neque cordis puritatem & castimoniam amant, divinæ providentiæ oculus adeò non conseruat, ut subvertat quoque. Neque ipsos tantum, sed ipsorum quoque conatus & verba, nec mirum. Siquidem verbis nequitiam suam tegere, eosque qui scientia Dei pollent, impugnare solent.

13. *Dicit piger, Leo est foris, in medio platearum occidendus sum.*

**I**gnavi & desides, vel abiecti alioqui animi homines ne citra causam ignavi videantur, ibi graue aliquod periculum causari soliti sunt, ubi vel nullum vel exiguum est, vel si quod est, omnino tamen contemnendum est. Exempli gratia ne ex ignaviæ fugurgustio in medium prodeant, allegant leones in platea versari, adeoque se occidendos, si prodeant: ieiunium, vigilias, studia aliæque eiusmodi offendere valetudinem: fidem publicè profiteri cum vitæ vel famæ periculo coniunctum esse: mitto alia. Nam ne aliquid facere compellantur, semper hoc vel illud incommodum allegant.

14. *Fouea profunda os alienæ: cui iratus est Dominus, incidet in eam.*

**O**s sermoneque procax mulieris alienæ est instar profundæ inemerfabilisque foueæ. Etenim ut ex profunda fouea non facillè quispiam citra vitæ periculum emergit; ita qui cum muliere adultera consuevit non facillè ad vitæ frugem redit. Tenet enim illum vinculis tantum non ferreis ligatum & irretitum; nec prius dimittit, quàm in mortem deiecerit. Primò enim callidè pellicit in sui amorem; mox ad Veneris consuetudinem, hinc ad furta & homicidia, aliæque eiusmodi; postremo ad vitæ desperationem.

nem. Quamobrem singularis gratiæ est ab eiusmodi fouea conseruatum esse: sicut è diuerso certum iræ diuinę argumentum est, in illam incidisse. Sublimiori sensu conuenientissimè quadrat in hæresin. Difficile enim inde extricantur, qui semel in illam inciderunt.

15. *Stulticia colligata est in corde pueri, & virga discipline fugabit eam.*

**S**Tultitia, vanitas, temeritas, & leuitas pueris & iunioribus adeò sunt familiaria, vt illis ingenua videri queant. Nam cum nullam rerum experientiam habeant, & rudes adhuc per ætatem existant, quidquid ferè agunt & instituunt, illud totum est vanum & inutile. Quamobrem vt illos in officio contineas, vel si à via deflexerint, ad sanam mentem denuò reducas, non sat est si illos officij admoneas; verum si præfractiones sint, verberibus quoque ad frugem compellere oportet, moderatè tamen. Si quidem nimia stultitia illos destruit verius quàm corrigit, quare etiam non igne, aut ferro illos coercendos monet Sapiens, sed virga tantùm disciplinæ.

16. *Qui calumniatur pauperem, vt augeat diuitias suas, dabit ipse ditiori, & egebit.*

**Q**UI calumniatur pauperem, aut vi illum opprimit, vel fraude circumvenit, vel quouis alio modo iniuria afficit: imò etiam qui debitam eleemosynam illi subtrahit, quo opes suas augeat, vel referuet, adeò rem suam eà viâ & ratione non auget, vt planè quoque euertat. Pari modo qui dant diuiti, hoc est, Regibus vel Principibus, quò vel maiora percipiant, vel certè quò pauperes liberius vexare & expilare queant, numquam ea ratione ditescunt, sed ad magnam inopiam præcipientes ruunt. Ne ergo moveamur, aut incendamur si quos per malas artes ditescere videamus, sed infelicem illorum exitum spectemus & obseruemus.

17. *Fili mi, inclina aurem tuam, & audi verba sapientum, appone autem cor ad doctrinam meam.*

**Q**UI Prouerbiorum librum in tres vel quattuor partes distinguunt, hi hoc loco tercię initium faciunt. Affatur autem Sapiens filium eiusmodi oratione: Non tantum ad verba sapientum inclina aurem tuam, fili mi, ita vt promptè alacritè quæ illa audias, verum etiam cor tuum ad doctrinam & scientiam meam, quò rectius eam intelligas, adiunge. Neque

enim

enim sat est audire sapientum dicta, sed oportet illa quoque intelligere, & in usum conuertere.

18. *Quæ pulchra eris tibi cum seruaueris eam in ventre tuo, & redundabit in labiis tuis.*

**E**T quamuis primâ forte fronte doctrina mea, quæ ex Dei spiritu, & sapientum dictis est conflata, appareat tibi nimis seuera & dura; atamen ubi eam semel animo complexus fueris, & in imo pectoris tui scrinio recondideris, mentêque tractare cœperis, experieris illam iucundam, suauem, & amœnam, tuoque ex corde in labia tua ad aliorum utilitatem magna ubertate redundantem. Quandoquidem una hæc te non solum reddet idoneum & aptum ad salutaria quæque intelligendum & discendum, verum etiam ad alios docendum.

19. *Vt sis in Domino fiducia tua, unde & ostendi eam tibi hodie.*

**A**Vdi, inquam fili, & inclina cor tuum ad doctrinam meam; neque illius seueritas, aut grauitas te absterreat, quò ex sapientiæ diuinæque legis auditione & obseruatione in Domino firmetur & stabiliatur fiducia tua. Ne autem spe tua frustreris, ego sapientiæ disciplinam hodie tibi aperiam, hoc est, non semel aut iterum, sed continuo; nec non per vias sapientiæ te ducam, eiusdemque secreta tibi ostendam: at tu, vt iam antè monui, fideliter ea amplectere, & aliis quoque, vt ego tibi, ostende.

20. *Ecce descripsi eam tibi tripliciter, in cogitationibus & scientia.*

21. *Vt ostenderem tibi firmitatem & eloquia veritatis, respondere ex his illis qui miserunt te.*

**E**Cce autem non semel aut iterum, sed ter, hoc est, frequentertibi scriptum; nec eadem aut de iisdem semper; sed de variis, nempe de iis, quæ faciunt ad moderanda cogitata, verba, & opera. Neque de vulgaribus rursus; sed de egregiis & eximiis: neque seueratandem propolui semper, sed modo seuera, modò iucunda, modò etiam perfecta: cuiusmodi sunt, illa, quæ faciunt ad legis, Prophetarum, & Hagiographorum cognitionem. Feci hoc autem, vt disceres consilia, & legis scientiam, & vt notâ tibi facerem veracium eloquiorum firmitatem; quo his respondere, rationemque reddere posses qui te miserunt, hoc est, qui publico muneri te.

præfecerunt. Paucis nihil eorum prætermiffi, quæ te vel meliorem, vel doctiorem reddere poterant.

22. *Non facias violentiam pauperi, quia pauper est: neque conseras egenum in porta.*

**C**VM omnis violentia graui culpæ sit obnoxia, feuerèque inhibita; tum ea maximè, quæ cadit in pauperes. Primo quidem quia pro status sui conditione digniores sunt subsidio, quàm oppressione; deinde vero quia Deo præ ceteris sunt curæ, adeoque grauissimè illorum iniuriam vl-cisci consuevit; postremo autem quia præter omnem rationem videtur illis vim facere, qui resistere omnino non possunt. Ne hoc ergo nomine vim facias pauperi, quia pauper est, siquidem hoc titulo meretur potius subleuationem, quàm oppressionem; neque egenum rursus in porta, hoc est, in iudicio, vel in loco ubi ius dici solet, iniuste premas. Est enim duplex opprimendi pauperes modus; alter sit per vim, qui apertam iniquitatis speciem præfert; alter per viam iuris, qui tectior, & aliqua æquitatis specie coloratur, tamen nullam habere videatur.

23. *Quia iudicabit Dominus causam eius, & confizet eos, qui confixerunt animam eius.*

**M**VLTÆ sunt causæ cur pauperes opprimendi, spoliandi, aut vexandi non sunt; verum vna illa sola ab hac iniquitate & crudelitate abster-rere nos possèt, quod Dominus causam illorum sit iudicaturus, animamq. & vitam illis adempturus, qui vitam eaque, quibus vita sustentatur, illis per iniustitiam ademerunt. Iusta profectò pœna: nempe vt ea mensura illis remetiat, qua mensi fuerant. Equè iustum est vt Deus eos defendat, qui præter illum nullum patronum habent, neque facile habere possunt.

24. *Noli esse amicus homini iracundo, neque ambules cum viro furioso.*

**C**VM quovis vitioso homine familiaritatem inire periculosum est; quippe cum omne omnino vitium veluti contagio quædam sua natura inficere & polluerè soleat. At minimè omnium tutum est cum homine iracundo & furioso amicitiam contrahere. Nam cum furiosi leuissima de causa offendantur, incensique nemini pareant, periculum est ne ex eiusmodi amicitia magna quandoque incommoda oriantur.

25. *Ne forte discas semitas eius, & sumas scandalum anime tue.*

**E**T licet aliud nullum incommodū aut discrimen esset, adhuc magnum illud est, quod periculum sit ne illa consuetudine & familiaritate ipsi quoque furiosi & impatientes paulatim euadamus; adeoq. animas nostras in laqueum coniciamus, aut in publicum aliquod scandalum incidamus. Vita proinde & fuge iracundum, ne diligas semitas eius, quæ sunt ab omni sapientia & prudentia admodum alienæ. Qui tamen virtutibus ita obfirmatus esset, ut depravationis periculum nullum vrgeret aut metueret, posset is cum talibus versari, eosque ad mansuetudinem sensim inducere.

26. *Noli esse cum his qui desigunt manus suas, & qui vades se offerunt pro debitis.*

**S**ED neque cum iis quoque familiariter viuas, aut multum commercij habeas, qui stipulatâ manu temerè pro aliis spondent, aut vades pro alienis debitis se offerunt. Nam etsi fidem suam pro altero obstringere prohibitum non sit, attamen propter pericula & molestias, quæ inde oriuntur, citra necessitatem, magnâque deliberationem fieri illud non debet. Cum ij ergo, qui leui de causa id faciunt, homines sint plerumque leues & inquieti, consultius est ab eorū consortio omnino abstinere, quàm illorum consuetudine familiariter uti.

27. *Si enim non habes unde restituias, quid causa est ut tollat operimentum de cubili tuo?*

**A**T multo magis cauere debes ne tute ipse pro alterius debito temere aliquando spondeas. Si enim id feceris, neque earum tamen facultatum fueris, ut res alienum, pro quo fidem tuam creditori obligasti, exsoluere quiveris, quid aliud reliquum tibi est, quàm ut veniat creditor, & tollat lectum, in quo cubas, aut rem aliam, qua pro temporis ratione maximè indiges? Nam etsi istud fieri non deberet, attamen ea quorundam creditorum, aut fœneratorum est crudelitas, ut à lectis quoque & vestibus non abstineant. Quod si pro pecunia spondere usque adeo periculosum est, quanto cum periculo coniunctum erit, pro aliorum salute & anima fidem suam obligare. Id quod faciunt pastores & quotquot aliorum curam in se accipiunt.

28. *Ne transgrediaris terminos antiquos, quos posuerunt patres tui.*

**N**E transférās terminos, quos posuerunt patres tui, hoc est, ne laudabiles maiorum leges, consuetudines, ritus, ceremonias aliâque eiusmodi transinutes, aut transgrediaris, etiam si tibi sapiens videaris; & aliquid melius pro tempore occurrat. Neque enim sine causa latę, & tanto tempore obseruatę sunt; estque omnis ad hęc mutatio & nouitas, in re præsertim graui, periculosa & de errore suspecta. Hoc documentum si nostro hoc 2uo obseruatum fuisset, pacatiorem haberemus rempubl. Ecclesiasticam, quàm iam habemus.

29. *Vidisti virum velocem in opere suo? coram Regibus stabit, nec erit ante ignobiles.*

**S**I quis vir est agilis, negotiisq; expediendis idoneus, quali acumq; tandem illa fuerint, is Regibus Principibusq; à ministeriis, negotiis, & consiliis erit, suamq; operam illis præstabit; in barbarorum autem & abiectorum hominum seruitio ætatem nequaquam consumet, neque tanquam minister illis assistet.

## A D

## CAPVT VIGESIMVM SECVNDVM

### SCHOLIUM.

1. **M**ELIUS est nomen, &c. Præfertur hic integra fama opibus. Hæ enim sunt caducę bonisq; cum malis communes; illa immortalis bonisq; propria: hæ rursus consentur inter bona vtilia; illa inter honesta: hæ denique casu multis obueniunt; illa per raras virtutes actulq; heroicis tantum comparatur.

2. *Dives & pauper, &c.* Docemur hinc Deum non modò copię, sed inopię quoque auctorem esse. Vtrumque enim fecit Deus, pauperem videlicet & diuitem, idque non tantum secundum naturam; verum etiam secundum fortunam. Dicuntur autē se mutuo occurrere, vel quia dissimilis fortis sunt, vel quia in eadem schola vnus ab inopia ascendit ad copiam; alter vero à copia descendit ad inopiam; vel certè quia se mutuo iuuare debent.



3. *Callidus videt malum, &c.* Agit hic locus de prudentibus & prouidis, de simplicibus rursus & improuidis. Hi quod ea tantum spectent, quæ sunt ante oculos posita, in magna sæpe incòmoda incidunt; illi quod in futurum prospiciant, quidque ex hoc vel illo opere vel conatu commodi vel incommodi prouenire possit, diligenter perpendant, non temere, sed pro rei qualitate refugiunt vel aggrediuntur. Istud in materia peccati studiosè obseruandum esset.

4. *Finis modestiæ, &c.* Describitur hic merces modestiæ veræque humanitatis, & timoris Domini præmium. Est autem illud triplex, nempe diuitiæ, gloria, & vita, quæ tria præ ceteris experi ab omnibus solent. Hebræa sonant: Propter humilitatem & timorem Domini. Humilitas enim gignit timorem; timor autem ea, quæ dicta sunt, quæ noster quoque interpret insinuat, dum ait: Finem vel scopum submissionis esse timorem Domini, diuitias, gratiam & vitam.

5. *Arma & gladij, &c.* Docetur hoc loco multa peruersis hominibus impedimenta occurrere, dum se à peruersitate ad virtutem conuertere volunt; occurrunt enim illis spinae, & laquei, & arma. Quid autem singula horum denotent ex Paraphrasi discere.

6. *Prouerbiū est, &c.* Monentur hic parentes, vt liberos suos à prima statim ætate piè rectèque instituunt, probitatiq; & pietati assuefaciant: nam prima institutio per totam reliquam vitam sese diffundit. Hebræa sonant: *Imbue puerum iuxta viam suam*, hoc est, secundum normam præceptorum, quæ puerili ætati conueniunt; & ubi iam adoleuerit, non recedet ab ea. In Contextu Hebræo & Lxx. desideratur illud *Prouerbiū est*: sed & vox quoque *Adolescens* rectius transfertur ad notionem participij quàm nominis, vt sit sensus: adolescens, hoc est, ille, qui adoleuit, vel vel adolefcit iuxta viam suam.

7. *Dines pauperibus, &c.* Hac sententia clarè docetur eos laborare debere, qui à diuitum seruitute, & sæeneratorum oppressione immunes viuere volunt: siquidem solus labor est, qui paupertatem tollit.

8. *Qui seminât, &c.* Monemur per primum loci huius membrum vnumquemque messurum, quod seminauit. Eodem fere tendit, quod sequitur: per Virgam autem accipe aut principis in subditos furorem, vel auctoritatem, qua contra illos abutitur.

9. *Qui pronus est, &c.* Iterum hic commendatur studium eleemosynarum, cui magna quoque in vtrâque vita promittitur remuneratio. Si qui-

dem egregia propensio animi ad opera caritatis res est Deo longè gratissima.

9. *Victoriam & honorem, &c.* Et hæc quoque sententia ex Lxx. Editione est petita, exempla Hebræa eam non habent, nec emendata quoque Latina. Significatur hic autem tutius esse dare, quàm accipere.

10. *Eiue derisorem, &c.* Hoc loco illos derisores vocat, quos antè pestilentes appellauerat, quos iurgiorum & dissensionum auctores definit, adeoque ex hominum consortio proscribendos asserit. Quicumque autem hic dicuntur ea omnia in hæreticos conueniunt appositè. Hi enim præcipuè sunt, qui sacra profanæque omnia derident, magnasque turbas & seditiones in Ecclesia excitant.

11. *Qui diligit cordis munditiam, &c.* Docetur hic cordis munditiam laborumque gratiam ad Regum amicitiam & benevolentiam viam munire. Siquidem cordis sinceritas, & animi candor orationis venustatem mirificè exornat, sicut fucus & simulatio è diuerso eandem obscurant vehementer.

12. *Oculi Domini custodiunt, &c.* Docetur hic paucis, Dominum ea approbare, quæ à viris bonis & sapientibus geruntur; contra verò præuaricatorum & iniquorum opera, eorundemque studia euertere, & improbare. Per Dei autem oculum, diuinam prouidentiam designat Sapiens.

13. *Dicit piger, &c.* Hic locus ignauorum hominum ingenium & affectionem frigidasque illorum excusationes describit. Caulantur hi enim periculum, vbi nullum est, & si quod est, illud supra modum exaggerant, quo hac ratione à labore & studio honesto aliquo prætextu sese eximant.

14. *Fovea profunda, &c.* Per similitudinem præaltæ foueæ ostendit quàm periculosa & perniciofa res sit commercium habere cum muliere adultera. Nam vt in profundam foueam delapsus præfocatur, aut læditur, magnæque semper cum difficultate inde educitur; ita qui cum aliena consuetudinem habet si non perimitur, grauiter tamen læditur, & difficulter sanatur. Per os autem designatur hic blandus sermo, aut osculum, aut lasciuus nutus. Vel aliquid aliud eiusmodi quæ omnia viam muniunt ad obscenum amorem, illicitamque Venerem ceteraque quæ certo quodam ordine inde consequuntur, nisi Deus forsan singulari quadam gratia successum impediat.

15. *Stultitia colligata est, &c.* Discimus hinc stultitiam, & vanitatem, inuenibus

iuuenibus & pueris perquam familiarem esse, eamque nullâ aliâ re melius profligari, quàm verberibus, dum verba non profunt.

16. *Qui calumniatur, &c.* Monentur per hæc, qui rem suam cum pauperum iniuria & oppressione augere volunt, illos in egestatem præcipientes abire & huius rei complura adferri possent exempla, si opus id esset. Videmus namque fœneratores, qui pauperes præ ceteris grauant & opprimunt vna sæpe hora amittere, quidquid iniuste multis annis corrauerant. Idem quoque accidit corruptis iudicibus & testibus sepius. Mysticè in hunc locum impingunt, qui piorum virtutibus detrahunt, quo ipsi ea ratione, sanctiores habeantur.

17. *Inclina aurem tuam, &c.* Hoc loco Hebræi constituunt tertiæ partis libri initium. Diuidunt enim totum opus in tres vel quattuor partes; hortatur autem filium, vt & auribus audiat verba sapientum, & totum cor ad sapientiam hauriendam adiungat.

18. *Qua pulchra eris, &c.* Solent initio iuuenes à sapientum doctrina satis alieni esse. Quamobrem ne nondum gustatam statim abiiciat, animumque despondeat, monet filium doctrinam quam tradidit ita duram & inamœnam prima fronte fore, vt postea suauissimos fructus datura sit.

19. *Vt sis in Domino, &c.* Hic assignatur alius sapientiæ perceptæ vsus & fructus. efficit enim vt homo, qui illam percepit, suis viribus, vel amicorum opibus non fidat, sed spem omnem in Deum reiiciat. Vt ergo fiduciam illam de Domino consequaris, ego tibi sapientiæ thesauros ostendam, tu autem vt aliis quoque illam impertias stude.

20. *Eccede scripsi eam, &c.* Variè hic locus exponitur. Hebræi interrogatiue legunt ad hunc modum: Vtrum scripsi tibi ter? vel, vt alij exponunt, terna? nempe legem, prophetas & hagiographa? vel triplicis generis? nimirum seuera, iucunda, & perfecta? vel tria volumina, videlicet Prouerbia, Ecclesiasten, & Cantica? Alij scripsi tibi non vulgaria sed egregia primæque dignitatis dogmata. Alij, Scripsi ter, hoc est, non semel aut iterum tantum, sed eadem frequenter inculcaui; scripsi autem de consiliis de cogitationibus, & de diuinæ legis scientia. Beda, Scripsi tibi triplicia, nempe ea, quæ faciunt ad instruendum cogitationes, verba, & opera.

21. *Vt ostenderem, &c.* Ostendit hic quorsum frequentius illi scripserit, vel de variis & excellentibus illum monuerit; nimirum quò notam illi faceret eloquiorum veracium firmitatem & certitudinem; tum quo iis veritatem respondere posset à quo missus fuerat. Possent hæc quoque referri

referri ad præcedentia, vt sit sensus : Ostendi tibi tria, videlicet scientiam, consilia, & veritatem, vel ea quæ faciunt ad Dei notitiam, vitæ integritatem, & scientiam politicam. Citra hanc enim non potest esse pacatus cum homine conuictus.

22. *Non facias violentiam, &c.* Præfatione partis huius tertiæ absoluta, redit iterum ad præceptorum & documentorum traditionem : commendat autem filio causam pauperum, seuerèque illi iniungit, ne per vim, aut iniusto iudicio illum opprimat. Ceterum contritionem ad portam referre quoque licet ad portam domus, quasi dicat, cum ad domus tuæ portam opem vel eleemosynam petiturus veniet, caue illum vexes, aut asperis verbis abigas, aut fame eneces. rectius tamen refertur ad publicum iudicium.

23. *Quia iudicabit, &c.* Exponitur hic grauis causa, cur pauperes opprimi, aut iniuste vexari non debeant : quia nimirum illorum iniuria redundat in Deum, qui eos defendet, illorumque oppressores in peccati poenam puniet, vitæque naturæ, gratiæ, & gloriæ olim illos orabit.

24. *Noli esse amicus, &c.* Quod hic speciatim de ira & furore dicitur, hoc generatim ad omne vitium, omnemque vitiosum referri potest, quia nulum est omnino, quod aliquatenus non inficiat, etsi aliud alio magis.

25. *Nesorte discas, &c.* Exponit causam cur cum iracundis & aliis vitiosis commercium habere non conueniat ; quæ vna & quidem præcipua est, ne illis similes euadamus, adeoque animæ nostræ laqueum iniiciamus.

26. *Noli esse, &c.* Iam antè aliquoties monuit abstinendum esse à fidei iussione, proque fide aliena stipulatione ; hic autem monet non tantum ab ipso opere abstinendum ; sed ab eorum quoque commercio, qui ea in re faciles. Quia tales plura plerumque promittunt, quam præstare possint, & quidquid habent periculo exponunt.

27. *Si enim non habes, &c.* Per hæc redditur ratio cur temere pro altero, & præsertim pro peregrino spondendum non sit, simulque feneratorum crudelitas & inhumanitas perstringitur, vt qui res vel maximè necessarias in pignus, vel solutionis partem extorquere soleant, verbi gratia, lectum, vel lecti stragulum vel aliquid aliud eiusmodi. Qui erga ab eiusmodi molestiis liber vult esse temerè pro nullo spondeat.

28. *Ne transgrediaris, &c.* Latè patet hæc transgressio, potest referri ad eos, qui agrorum limites transferunt, aut maiorum traditiones mutant, aut quascumque bonas & laudabiles ordinationes vel consuetudines antiquant, aut noua & perniciofa dogmata inducunt.

29. *Vidisti virum velocem, &c.* Commendat hic locus ministrorum sedulitatem, & indicatur præmium, quo potiri tales solent. Qui enim eiusmodi sunt Regum aulis & consiliis abhibentur, monemurque per eundem, laborem & industriam in rebus omnibus plurimum posse, magnâque mercede in vtraque vita compensari.

## PARAPHRASTICA

### CAPITIS VIGESIMI TERTII

### EXPLANATIO.

1. *Quando sederis vt comedas cum principe, diligenter attende quæ apposita sunt ante faciem tuam.*
2. *Et statue cultrum in gutture tuo, si tamen habes in potestate animam tuam.*

**P**ORRO autem si in ministerio sedulus & impiger, negotiisque celeriter prudentérque expediendis idoneus fueris, atque ob id magnatum & Principum mensæ adhibearis; iterum iterumque caue & stude, ne per luxuriam, crapulam, vel temulentiam, vel per quamcumque immodestiam aut temeritatem totum illud deperdas, quod per vigilantiam & industriam nactus eras. Igitur vna cum Rege mensæ accumbens etiam atque etiam quid ante te positum sit expende: nihil præproperè, nihil inconsideratè attingas; ne sis hic præceps, aut curiosus, aut immodestus, aut inconsideratus. Dapiam vinique vim explora si potes, ne vel sanitati, vel animi iudicio noceant. Quod si explorare non vales, & tamen animum in potestate habueris, hoc est, ita comparatus sis vt appetitus auiditatem refranare queas, demerge cultrum vel spinas in guttur tuum, hoc est, compescè gulum, cogitaque tantum tibi periculi imminere, si in cibo vel potu mensuram excefferis, atque si spinarum ramos, vel cultellorum acies in gutture volutares. Quare non est satis tutum mensas regias appetere, multo vero minus illas accedere: quippe cum cibus vel panis regius sit fallax incautisque facili negotio imponat.

3. *Ne desideres de cibis eius, in quo est panis mendacij.*

**E**T quemadmodum diligenter attendere debes, cuiusmodi esculentia & poculenta proponuntur, caueréq. ne in his excedas; ita animaduertere quoq. debes cuiusmodi verba proponuntur; aut quæstiones inter cenandū vel prandendum moueantur, curaréque nequid stultè, aut imprudenter respondeas; aut tale quid per crapulam effutias, quod cultrum in gutture tuum demergat, hoc est, mortis reum apud Regem te faciat. Solent namq. viri principes de industria quosdam inebriare, quò hac ratione animos illorum explorent, secretaq. quæ in pectore abdita retinent, callidè eliciant. Multienim effundunt per ebrietatem, quod sobrii ne grauissimè quidem torti fassi fuissent. Ad principis itaque mensam accubans, non solum consideres quid edas vel bibas, verum etiam quid dicas, facias, aut interrogatus respondeas.

4. *Noli laborare vt dixeris: sed prudentiæ tuæ pone modum.*

**C**VM opibus cogendis, & sapientiæ simul intentus esse commodè non queas, caue cum sapientiæ detrimento nimium labores, vt locuples fias; aut certè ne ea contentione labores, vt ab intelligentiæ & sapientiæ studio cesses, aut admodum remissè illi intendas. Quærenda sapientia primum, mox verò pecuniæ, non quidem ad vanam ostentationem, sed ad necessariam vitæ sustentationem. Ne ergò labores vt opulentus euadas, sed prudentiæ illi, quæ opibus comparandis de industria vacat, nimiramq. sollicitudinem adfert, modum ponas.

5. *Ne erigas oculos tuos ad opes quas non potes habere: quia faciens sibi pennas quasi aquila, & volabunt in cælum.*

**N**E mentis tuæ oculos ad opes erigas, quas vel non habere, vel citra laborem habere non potes. Solo enim desiderio, neque opes, neque vltiæ aliæ res ad salutem aut vitæ vsum necessariæ obtineri possunt; sed opus est labore, studio, & industria, at neque illa quoque per se fat sunt, verum opus est singulari Dei fauore & gratia. Nam multi laborant, sed in cassum, quia Deum propitium non habent. Sed neque nimis ardentè quoque eas affectes, quia si nimis auidè & immoderatè illis inhias, assumptis pennis aquilarum more auolabunt in cælum, hoc est, ex oculis tuis quasi fumus, aut aquila volans euanescent. Fit enim frequenter, vt illi qui opes, non ita  
multum

multū curant, diuites euadant: alij contra, qui nimis ardentem illis inhiant, pauperes fiant. Denique ubi oculos semel clauferis, ubi illas inuenies? Nusquam sanè, quia mortuis nihil commune est cum opibus; omnia simul auolant, & deferunt, quæ in vita in usu fuerant, solum virtutes & vitia committantur illos.

6. *No comedas cum homine inuido, & ne desideres cibos eius.*

**N**E cibum capias apud hominem parcum, sordidum, illiberalem, & inuidum, neque desideres escas illius. Nam licet verbis & gestibus amicitiam & benevolentiam simulet, cibumque suum tibi proponat, & ad manducandum inuitet; attamen cum te serio edentem & bibentem videt, animo cruciatur, singulosque pæne morsus & haustus numerat.

7. *Quoniam in similitudinem arioli & coniectoris aestimat quod ignorat.*  
*Comede & bibe, dicit tibi: & mens eius non est tecum.*

**N**E C id solum, sed more quoque arioli & coniectoris de eo, quod ignorat, diuinat. Nam ex animo & stomacho alios metitur suo, hoc est, ut ipse fictè simulatèque agit omnia, ita alios quoque (& eos præcipue, quos ad mensam vocauit) quidquid dicunt vel faciunt, simulatè facere vel dicere iudicat. Rursum ut ipse tanquam sordidus exiguum cibi potusque mensuram sibi præfigit præfinitque; ita alios quoque ea contentos esse debere existimat, quam proinde si inuitatus exceßerit, rumpitur inuidia & ira. Et quamuis subinde dicat, ede, bibe, ex animo tamen id non dicit; quia mens eius non est tecum, neque cibum & potum, quem accipis tibi gratificatur.

8. *Cibos quos comederas euomes, & perdes pulcros sermones tuos.*

**V**T primum autem rescueris, quo animo in te exstiterit; quamque inuito & ingrato animo te pauerit, statim cibum & potum illius detestaberis optabisque quidquid sumpteras, hoc ipsum tanquam ingratam stomacho escam, per vomitum eiicere te posse; nec non tot pulcra verba, vel mensam eius laudando, vel gratias agendo, vel conuiuias venustâ & lepidâ oratione recreando, te perdidisse ex animo dolebis: non ab similibus huic inuido & sordido hospiti est diabolus; nam licet is voluptates carnisque illecebras sectatoribus suis offerat, illorum saluti tamen inuidet.

9. *In auribus insipientium ne loquaris: quia despiciet doctrinam eloquij tui.*

**N**E salutarem doctrinam insipientium auribus instilles, quia eloquij tui doctrinam despicient, adeoque oleum & operam cum illis perdes: despiciunt autem salutarem doctrinam stulti & impij homines, vel quod eam non intelligunt, vel quod moribus & operibus illorū aduersatur.

10. *Ne auras parvulorum terminos, & agrum pupillorum ne introcas.*

**N**E limites antiquorum transferas, neque pupillorum terminos loco moveas, neque in orphanorum agros, quo vim aut damnum aliquod illis inferas, introcas. Nam etsi nullius prædiis iniuria sit inferenda, nec vlli omnino limites cum alterius iniuria transmutandi; attamen cum pupilli & orphani ad iniuriam propulsandam per se infirmi sint, & tutores officium sæpe non faciant, summopere cauendum est, ne quā illis, aut illorum bonis iniuria irrogetur.

11. *Propinquus enim illorum fortis est: & ipse indicabit contra te causam illorum.*

**N**Eque tamen omni propinquo, tutore, & defensore destituuntur, Deus namque cuius fortitudo inuisita, & sapientia inexhausta est, propinqui tutorisque personam suscipit, causamque illorum potenter defendit, dicitur autem Deus pupillorum & orphanorum propinquus, non quia prope est (est enim inter omnia, & extra omnia) sed quia more consanguinei ablatorum assertor est; quia rursus peculiaris illorum redemptor est. Pupilli sunt, qui in Christum credunt, quorum peculium inuadunt hæretici; secundum illos Principes & magistratus sæculares, qui vel bona Ecclesiastica vel Ecclesiasticam iurisdictionem contra ius & fas inuadunt; qui proinde potentissimo iudici & pupillorum assertori grauem aliquando rationem reddituri sunt.

12. *Ingredietur ad doctrinam cor tuum, & aures tuæ ad verba scientiæ.*

**A**Diunge ad doctrinam & eruditionem cor tuum, & aures tuas ad scientiæ & intelligentiæ verba admove, impigreque & serio his incumbe; neque aliorum iuuenum more studia à sapientia admodum aliena tractes, auresque & cor ad ineptias accommodes.



13. *Noli subtrahere à puero disciplinam: si enim percusseris eum  
virga, non morietur.*

14. *Tu virga percuties eum: & animam eius de inferno liberabis.*

**A**T quia pueri & iuvenes propter vehementiores animi motus, & exiguum bonarum & necessariorum rerum usum, verbis parum saepe mouentur, ne tu parens aut morum magister filium vel discipulum ita praeposterè diligas, ut virgam & disciplinam ab eo abstrahas, nihil est namque ut hinc incommodum aliquod metuas; non enim morietur, si virga illum excideris, hoc est, moderatè illum castigaueris: imò vero ex moderata castigatione vitam consequetur. Liberabis enim animam eius ab inferno, in quem alioqui præceptis abiisset, si castigatus non fuisset; neque magna probatione id eger. Constat namque innumeros ob castigationis defectum intempestiua morte abreptos in æternam damnationis foueam præcipites iisse.

15. *Fili mi, si sapiens fuerit animus tuus, gaudebit tecum cor meum.*

16. *Et exultabunt renes mei, cum locuta fuerint recta labia tua.*

**F**ili mi, si cor tuum sapiens, sapientiæque deditum fuerit, non solum recreabitur inde cor tuum & animus tuus (siquidem mirabile gaudium oboritur in sapientis animo ex præsentis sapientia; quippe cum hic thesaurus omnes alios thesauros multum excedat) verum etiam una tecum lætabitur cor meum; ut qui primarius auctor huius tanti boni existerim. Quod si per meam admonitionem & castigationem, quæ non ex odio sed ex puro amore processerat, tantum profeceris, ut non modo sapiens, sed simul quoque eloquens euaseris; ita ut labia tua loquantur recta, hoc est, scitè, & eleganter, & quæ ad rem faciunt, non tantum cor meum lætabitur, sed præ immenso gaudio renes quoque mei exultabunt.

17. *Non æmuletur cor tuum peccatores, sed in timore Domini esto tota die.*

**C**Aue cor tuum peccatores æmuletur, eorundemque studia, mores, & consuetudines sectetur. At multo magis caue ne illorum felicitati umquam inuideas, aut ob quamcumque prosperitatem odio illos habeas, aut Deum, quasi indignos promoueat, accuses. Tota autem die totaque vita tua persiste in timore & amore Domini; neque ut in illius iudicia umquam inquiras animum inducas. Sunt enim imperscrutabilia, humanæque mentis captum plurimum excedentia.

T 13

18. *Quia*

18. *Quia habebis spem in nouissimo, & prastolatio tua non auferetur.*

**Q**UOD si hoc obseruaueris, reuera in nouissimo habiturus es spem certam; eamque consecuturus es mercedem, quam consequi solent, qui Deum ex animo timent; neque spes illa mercedisque prastolatio te frustrabitur. At vero impiis post hanc vitam nihil fit reliquum nisi pœna: deferuntur tunc nanique ab omnibus, in quibus olim fidebant, nempe ab amicis, opibus, ceterisque omnibus.

19. *Audi fili mi, & esto sapiens, & dirige in via animum tuum.*

**V**T verè sapiens sis, sapiensque habearis, fili, tria nimirum tibi sunt necessaria; horum præcipuum est, ut sapientes de sapientia differentes studiose audias; alterum est, ut sapientiæ documenta ab illis haurita discas, fidelique memoriæ mandes; postremum est ut secundum leges à sapientia vel sapientibus præscriptas vitam instituas. Audi proinde, fili, & esto sapiens, hoc est, sapientiam discas, & per viam, aut in via iustitiæ dirige cor tuum, hoc est, da operam ut rectè incedas, & secundum legis præscriptum pie ambules.

20. *Noli esse in conuiuio potatorum, nec in comestationibus eorum qui carnes ad vescendum conferunt.*

**A**T non sat est sapientes audire, eorumdenique præcepta discere, ut sapiens euadas, verum ea quoque studiosè euitare debes quæ sapientia aduersantur: inter quæ primas faciliè obtinent luxus, crapula, gula, & ebrietas. Quamobrem noli esse in conuiuio potatorum, neque in illorum consortio, qui helluantur carnes, aliasque lautas opiparasque dapes, hoc est, ne illorum sis contubernalis, qui genio luxuique datâ operâ indulgent.

21. *Quia vacantes potibus, & dantes symbola consumerunt, & vestietur pannis dormitatio.*

**E**T licet helluatio & perpotatio sapientia nihil obsessent ut obsunt plurimum, adhuc studiosissimè cauendæ essent; quia bibaces, & heluones, & somnolenti rediguntur tandem ad extremam paupertatem; adeo ut nec vestem habeant, qua se regant, neque lectum, in quo cubent, quod est longè turpissimum. Oriuntur autem hæc vitia & incommoda ex se inuicem. Potatio enim & crapula generant ebrietatem, hæc somnum &

num & somnolentiam, hæc otium & ignauiam, hæc inopiam & nuditatem, hæc tandem summum dedecus & infamiam; nihil enim turpius homine nudo, rubusto, & valido.

22. *Audi patrem tuum qui genuit te: & ne contemnas cum senuerit mater tua.*

**N**Oli, fili, audire praua & scelerata combibonum & helluonum consilia: nam ne desit unde diu comessari queant, solent se inuicem ad furta, rapinas, cædes, aliaque id genus flagitia exhortari. Audi autem patrem tuum, qui non modò te aluit & instituit, verum etiam genuit. Is enim nulla nisi sana & salutaria consilia & monita tibi suggeret; parentes enim si probi sunt, semper hortantur ad saniora & saluti viciniora, & à flagitiis & flagitiorum occasione absterrent. Neque solum patrem audias, & in honore habeas, verum etiam matrem pie & religiosè obserues; neque vnquam, etsi per ætatem vel sexum aliquid risu dignum committat, illam contemnas. Est enim graue peccatum parentum contemptus, in quod tamen facile incidunt filij immorigeri potationibusque & comessationibus dediti.

23. *Veritatem eme, & noli vendere sapientiam, & doctrinam, & intelligentiam.*

**V**T veritatem, sapientiam, doctrinam, & intelligentiam tibi compares nullis parcas sumptibus, nullis laboribus, nullis impensis: verum semel comparatam pretio noli vendere, sed gratis impertire, quibuscumque tandem illam impertiri visum fuerit, neque patiaris eam aliò abs te migrare, quasi aliquid ea sit carius, aut præstantius, aut nobilius: excedit enim omnes thesauros pretiosos; neque quidquam cum ea comparari potest. Quod autem venditur id eo vilius habetur, quod pro eo exponitur alioqui numquam venderetur. Noli ergo eam vendere, hoc est, numquam ita desipias vt quidquam omnium ea pretiosius æstimes.

24. *Exultat gaudio pater iusti: qui sapientem genuit, letabitur in eo.*

**M**Aiorem in modum exultat pater qui filium iustum genuit: sed & ille quoque, qui sapientem ex se genuit mirificè recreatur & se oblectat, nec iniuria. Nam & filiorum bonum suum reputant, & à maximis molestiis & miseriis liberantur, quas filij stulti & improbi parentibus parere solent, & magnam apud omnes laudem promerentur vt qui tam honestè & liberaliter liberos suos educauerint.

25. *Gaudens*

25. *Gaudet pater tuus, & mater tua, & exultet quæ genuit te.*

**C**V M itaque filii iusti, sapientes, & morigeri tantum gaudium, tantumq. læticiam & oblectationem parentibus suis adferant, omnibus modis da operam ut sis iustus, & sapiens, & obsequens, quo hac ratione parentes, qui tam multa, & tam graua tui causa pertulerint, & tam multas curas & labores propter te exanilarint recreare, gaudioque alficere, eoque modo & studio aliquod illis *ἀφίσσας* præstare valeas.

26. *Præbe, fili mi, cor tuum mihi, & oculi tui vias meas custodiant.*

**P**Ræbe, fili, mihi cor tuum, libentérque & ex animo audi legem & præcepta mea, & oculi tui obseruent, non mulierem ad concupiscendam eam, neque aliàs sæculi vanitates, sed vias meas, hoc est, modos rationesq. secundum sapientiæ præcepta viuendi. Nam ut oculi corporis, nisi diligenter viam obseruent totum hominem lapsus & impactationis periculo exponunt; ita mentis quoque oculi, nisi vigilantes sint, facile in errorem abducunt.

27. *Fovea enim profunda est meretrix, & puteus angustus aliena.*

**M**Onui antè ne luxui & crapulæ dederes, quod ex res sapientiæ plurimum aduersentur, infirmiori que ætati admodum familiares sint; At non minus sapientiæ studiose cauendum est à libidine & impudicitia, quam à crapula; siquidem mulier meretrix est instar profundæ foveæ, & velut angustus puteus aliena vel adultera. Nam ut is qui in profundam foveam, aut angustū puteum forte incidit, non facile inde incolumis emergit; ita qui meretricis vel adulteræ laqueis irretitus tenetur, haud facile inde se extricat.

28. *Insidiatur in via quasi latro, & quos incautos videris, interficiet.*

**N**Eque sane facile est homini adolescenti eiusmodi laqueos inoffensè euadere; sed opus est magna cautione, custodia, & cura. Siquidem mulier meretrix quasi latro insidiatur in via, & quoscumque incautos inuenerit, eos non solū animæ & corporis bonis exuit, sed omnino quoque interficit. Hoc solum autem à latronibus differt, quod hæc blandimentis verborumque lenociniis efficit, quod latrones solent vi & armis. Habet aliud quoque cum latronibus commune: etenim ut latrones iis magis insidiari

insidiari consueverunt, qui auro argentoque sunt onusti, quàm pauperibus; ita etiam meretrix præ ceteris acius illis insistit à Diabolo incitata, quos maioribus virtutum ornamentis excultos nouit. Magnam cum meretricibus affinitatem habet hæresis; nam & hæc quoque blanda, & profunda est fouea, & simplicium animis miris modis insidiari est solita.

29. *Cui vix? cuius patriæ? cui rixæ? cui foueæ? Cui sine causa vulnera? cui suffusio oculorum?*

30. *Nonne his qui commorantur in vino, & student calicibus epotandis?*

**P**orro autem crapula & ebrietas non solum adducunt inopiam & nuditatem, ut supra monuimus, verum quinque aut plura etiam alia incommoda, eademque minimè vulgaria. Primo namque tam ipsi ebrioso quàm illius quoque parenti adducit vix, hoc est, animi corporisque dolorem, gemitum, suspiria, aliâque eiusmodi, quæ ex morbis animique cruciatibus provenire solent, mox verò rixas, lites, atque discordias, & nonnumquam etiam cædes, ut experientia sæpe compertum est. Hinc prolapsiones in foueas vel aquas; tum verò murmura & inanem garrulitatem. Quartò vulnera sine causa, hoc est, non pro salute patriæ, aut alia priuata vel publica utilitate suscepta, sed temerè ex rixis orta. Quintò & postremò oculorum suffusionem, rubedinem, & lippitudinem. Solent enim ebriosorum hominum oculi crassis quibusdam caliginosisque humoribus perfundi, maleque cæcutire: possunt hæc tamen, ut cetera etiam omnia, ad fletum & miseriam alterius vitæ referri. Siquidem ebriosi non possidebunt regnum celorum. Et quamvis hæc mala ex aliis quoque peccatis nonnumquam proveniant, præcipuè tamen ex crapula & ebrietate. Quare ad factam interrogationem, rectè subditur: Nonne apud eos, qui commorantur die noctuque versantur in vino? calicibusque euacuandis ex professo dant operam? Quamvis autem non omnibus potatoribus hæc omnia mala semper eveniant, plerumque tamen vnum aliquod, aut etiam plura ex his eveniunt.

31. *Ne intuearis vinum quando flavescit, cum splenderit in vitro color eius*

**N**E igitur vini colorem curiosè observes, quomodo videlicet in calice aut vitro flavescat. Siquidem color flavus inuitat ad bibendum & degustandū. Quod si degustatum palato gratum fuerit, incontinens prouocatur ad potandum. Potatio disponit ad ebrietatem, ebrietas autem inducit

V V

ad mala,

ad mala, de quibus modò dicebatur. Quod autem de vini colore hic dicitur, hoc de omni illo dictum accipiat, quod alliciendi vim habet. Quare etiam Christus Dominus mulieris aspectum prohibet, non quod secundum se malum sit mulierem intueri; sed quia periculum est ne eius intuitus rapiat ad carnis concupiscentiam.

32. *Ingreditur blande, sed in nouissimo mordebit vt coluber, & sicut regulus venena diffundet.*

Vinum quoque gratum est oculis, blandè ingreditur, viâque rectâ per guttur dilabitur. Auidius enim hauritur, quod oculis gratum apparet, adeoque gulam magis irritat. Verum ad finem mordeat vt coluber, & instar basilisci venenum suum diffundit, hoc est, præsentaneum vitæ periculum adfert. Vinum enim generosum crebrò & immoderatè sumptum, veluti lentum quoddam venenum totum corpus paulatim inficit, & ad mortem disponit, rationem turbat, & ex homine belluam facit. Et quod de vini abusu hic traditur, hoc de omni alia illicita voluptate traditum intelligatur: habent enim fœdæ voluptates amarissimos exitus.

33. *Oculi tui videbunt extraneas, & cor tuum loquetur peruersa.*

Ceteris incommodis & nialis, quæ ex temulentia oriuntur, hoc quoque accedit, quod non modò externi, sed interiores quoque sensus & motus turbantur. Enimvero temulentorum oculis res non in propria, sed in extranea quadâ specie obiciuntur, idque non modò in somno, vbi mirabilia spectra phantasiz se ingerunt, verum etiam in vigilia. Iudicant enim nonnumquam duplum, quod est simplex & vice versâ. Quare ab oculis delusi in varios sæpe casus incidunt; cor itidem illorum multa versat obscena & absurda, cogitationesque à veritate & æquitate alienas pertractat: coniiciunt quoque temulenti oculos in extraneas mulieres, cordèque quomodo illis potiantur, volunt.

34. *Et eris sicut dormiens in medio mari, & quasi sopitus gubernator amisso clauo.*

Vino somnòque sopitus eris quasi naui in medio mari. Hæc enim undis fluctibusque agitata, hic illucque fertur, nescia quò tandem appellet. Etenim vt illa magnis periculis est exposita, neque suum tamen periculum sentit; ita ebrius variis desideriis agitatur, multisque vitæ famæque periculis obiectatur, neque tamen incommodū, in quo versatur, aduertit.

Rursum

Rursum ut illi, qui in naui dormiunt, omnia moueri putant, se verò quiescere; ita ebrii delusi omnia agitari arbitrantur. Imo vero domum ipsam euerti, se verò immotos consistere. Eris nihilominus ut gubernator, qui temone vel clauo amisso sopitus iacet, aut in mali summitate vel corbe somnum capit. Nam ut ille se ipsum & reliquos omnes vitæ periculo exponit; ita ille qui præ nimia ebrietate rationis vsu priuatus est, se omnēsque vires & facultates suas discrimini obicit.

35. *Et dices, Verberauerunt me, sed non dolui: traxerunt me, & ego non sensi.*

*Quando euigilabo, & rursus vina reperiam?*

**D**Enique cum multa mala miseros ebrios exerceant, tum illud minimū censendum non est, quod suā ipsorum mala, quasi lethargo quodam correpti, non sentiant. Nam & deridentur, & conuiitiis appetuntur, & nonnumquam etiam vapulant: neque tamen villo doloris sensu afficiuntur aut enim. Verberauerunt me, at non dolui nec ægrè tuli: traxerunt me, neque quid esset sensi; neque quis fecisset noui; neque me tam indigna passum animaduerti. Quando tandem euigilabo, quo vina rursus quæram, compotoreſque inueniam? hæc illi insanabiliter ægri atque ob id longe miserrimi.

## A D

## CAPVT VIGESIMVM TERTIVM

## SCHOLIVM.

**Q**uando sederis, &c. Docetur hic filius, & quibus alius priuatus, quomodo mensæ regię adhibitus, gerere se debeat. Monetur autem ut mensæ assidens accuratè perpendat, cuiusmodi ferula sint appositæ, hoc est, quæ in quæstionem vocatæ; nequid stultè, aut temerè aut inconsideratè, aut ad rem nihil faciens depromat, atque ita omnem priorem gratiam amittat.

2. *Et pone cultrum, &c.* Siquid salubre vel insalubre sit discernere non vales, & tamen appetitus ad hoc vel illud edulium te rapit, pone cultrum in gutture tuo, hoc est, gulam potius coërceas, geniumque defraudes, quam cuiuscumque morbi, aut absurditatis periculo te committas; vel aliquid dicas, vel facias cuius te postea pœniteat.

V V 2

3. *No defi-*



3. *Ne desideres, &c.* Redditur causa, cur à regia mensa abstinendum, quia nimirum cibi regij sunt fallaces; quippe qui facile trahant ad gulam, vel crapulam, vel mendacium. Nam metus, vel adulatio, vel aliquid aliud eiusmodi saepe in causa sunt, vt ea in Principum mensis depromatur quæ nulla veritate sunt nixa. Quod si regia mensa tantam exigit cautionem, præparationem, & sobrietatem, quantam requirer mensa Domini vel Eucharistia? Cultrum gutturi admovere, vt quibusdam placet, aliud nihil est, quam sibi vel alteri ex cibo vel potu mortis causam adferre.

4. *Noli laborare vt dixeris, &c.* Dehortatur hic ab immoderato diuitiarum appetitu; idque cum ob alia tum ob id maximè, quòd studium opum sapientiæ studiò impedimentum adferat.

5. *Ne erigas, &c.* Viderur eos hic perstringere, qui cum nullam artem tractent, nec vllum rursus laborem exerçant, opes tamen desiderant, & affectant: idem ferè facientes, quod illi qui autum principem aquilam solo visu capere volunt. Siquidem vt aues non visu, aut desiderio capiuntur, sed industria & arte; ita etiam opes. Quod autem ad cælum quasi aues penatæ atolare dicantur, significat à Deo dari & auferri. Interim rarò dantur sine hominis industria, neque adimuntur absque aliqua illius culpa. Quidam ita exponunt: Numquid cum clausuris oculos tuos, hoc est, post mortem inuenies illas? quasi dicat nequaquam.

6. *Ne comedas cum homine, &c.* Admonet apud hominem parum & sordidum iucundum cibum non esse sumendum, etsi inuitet; quia licet vocet, inuitus tamen vocatum serio manducantem cernit, neque cibum in salutem illi cedere optat, sed in fraudem & perniciem. Hebræi inuidos homines mali oculi appellant, quia oculus inuidorum proximi prosperitate offenditur.

7. *Quia in similitudinem, &c.* Redditur ratio, sed satis obscura quare inuidi missi sunt faciendi. Hebræi & Lxx. Editiones aliter sonant, quàm nostra vulgata. sensus autem loci huius in paraphrasi satis clarè exponitur.

8. *Cibos quos comederas, &c.* Aliam hic rationem exponit, cur ad inuidorum malæque affectorum conuiuia accedere non expediat, quia nimirum in nauseam & vomitum conuertuntur, vbi primum quo animo fuerint exhibita, quamque male in sermone opera fuerint collocata, rescitum fuerit.

9. *In auribus insipientum, &c.* Docet quibus auditoribus fidei doctrina cœlestisque sapientiæ gaza committenda sit; non vtique porcis aut hominibus,



nibus, qui cōtemnunt, vel ruditate vel ingenij hebetudine non assequuntur sed intelligentibus fructumque facturis.

10. *Ne astringas paruulorum, &c.* Admonet hic filium & reliquos omnes per ipsum, ne quam vim, aut iniuriam orphanis aut pupillis, vel ipsorum bonis inferant. Quandoquidem cum ipsi perinde ac viduæ & pauperes defendere sese non queant, peccati grauitas, quod contra illos committitur geminatur.

11. *Propinquus enim eorum, &c.* Per hæc redditur causa, cur orphani aut pupilli lædendi non sint; simulque illorum opinio refutatur, qui falsò sibi persuadent eiusmodi paruulos & imbecilles nullam patronum aut tutorem habere. Habent enim fortissimū & potentissimum, nempe Deum ipsum; qui acerbè vindicabit iniuriam infantibus & pusillis illis illatam, & læsos restituet in integrum.

12. *Ingredietur ad doctrinam, &c.* Monet vt seridè & ex animo inquirat doctrinam & scientiam. Inculcat autem eadem crebro Sapiens, quia est illi negotium cum iuuenibus & pueris, qui multis viis & rationibus à sapientia studio impediuntur; & ad disciplinam capessendam tardi & sepe inuiti sunt.

13. *Noli subtrahere, &c.* Quandoquidem pueri & iuuenes verbis ad officium adigi sepe non possunt; hortatur hic parentes & præceptores vt verbis virgam, & verbera, cum id opus videbitur, addant: moderatè tamen, ne plus forsan obsint quàm prosint.

14. *Tu virga percuties, &c.* Exponit moderatæ castigationis fructum, quæ est liberatio à morte & inferno. Tu, inquit, liberabis animam eius de inferno.

15. *Fili, mi, si sapiens, &c.* Ostendit per hæc castigationis legem, quam parentibus præfinit, & ipsi quoque si boni sunt, sequi solent, non provenisse ex odio, sed ex vero amore; quippe qui aliud nihil voluerit, quam prodesse, hoc est; à stultitia ad sapientiam; à morte, ad vitam adducere. Ex hac autem de malo ad bonum translatione, magnū gaudium nascitur, cum in eo, qui feliciter traductus & mutatus est; tum in eo etiam, qui auctor mutationis existit. Attingit autem triplicem gaudij sedem, nimirum cor, animum, vel mentem, & renes. Per Cor, vt quibusdam placet, de signatur vulgare gaudium; per Mentem vel Animum sincerum & candidum; per Renes eximium planèque inconfusum. Exigit autem Sapiens duo à filio, nempe cor sapiens, & os eloquens, hæc duo namque idoneum

faciunt sapientem non modo ad dicendum, verum etiam ad docendum.

17. *Non emuletur, &c.* Hortatur ne peccatorum studia sectetur: neque illorum prosperitati inuideat: verum Deum totâ die præ oculis habeat, eundemque reuerenter timeat, feruêdque amet.

18. *Quia habebis spem, &c.* Exponit causam cur Deum timere & amare debeat, quia utrumque timor nimirum & amor magna tandem mercede compensatur. Vocatur autem merces operis nouissimum, quia post opus absolutum dependi solet.

19. *Audi fili, &c.* Hortatur denuo filium ut attentè eos audiat, qui salutaria sapientiæ præcepta tradunt; tum ut eiusmodi præcepta studiosè seruet, moribusque exprimat.

20. *Noli esse in conuiujs, &c.* Quandoquidem nihil æquè obstat ad comparandam sapientiam, atque lûxus, gula, & temulentia; ad quæ omnia iuuenes proni feruntur, admonet hoc loco filium, ne sit locius illorum, qui genio de industria indulgent.

21. *Quia vacantes, &c.* Redditur hic causa cur ab epulis & symposijs abstinere debeat iuuenis, quia nimirum res hæc mentem homini adimit, & rem familiarem absumit, atque epulonem ipsum ad extremam miseriâ & inopiam tandem redigit.

22. *Audi patrem, &c.* Quia vero potatores praua consilia sibi mutuo suggerere, parentumque monita parui facere solent, imò vero apertè contemnere, admonet hic filium ut parentes potius audiat & honoret, quàm suos combibones. Audi, inquit, patrem, qui te aluit, & instituit, & genuit; neque senem contemnas matrem, id quod computationibus deditis est admodum familiare.

23. *Veritatem eme, &c.* Hortatur ut veritatem, sapientiam, doctrinam, & intelligentiam emat, hoc est, nullos sumptus, nullos labores aut vigilias illius rei gratiâ detrectet, verum ne comparatam pretio vendat cum nullo exster pretium, quod cum ea comparari possit.

24. *Exultat gaudio, &c.* Docet incredibile gaudium parentibus ex eo accedere, quod filium iustum & sapientem se genuisse intelligant; nec mirum sane id est, cum ex tam multis natis tam pauci euadant, iusti & sapientes; tam multi contra stulti & improbi.

25. *Gaudeat pater tuus, &c.* Cohærent hæc cum versu præcedente. Est enim sensus: Cum sapientia & iustitia aliisque virtutibus ornata liberorum vita, tantam lætitiâ adferat parentibus, modis omnibus da operam ut hæc

vt hæc consequaris, eaque ratione parentes, qui tantum laborem pro te subierunt, recrees gaudiisque profundas. Coniungit autem vtrumque parentem, quia alij magis afficiuntur erga patrem, alij erga matrem. Ponit autem matrem & genetricem emphalicos causâ pro vna re: quidam tamen matris nomen ad nutricem transferunt, verum rectius ad eandem personam refertur.

26. *Præbe fili, &c.* Disseruit ante contra crapulam & ebrietatem, hic verò digreditur contra libidinem & impudicitiam, quia Bacchus & Venus ægrè à se inuicem seiunguntur; nec minus periculum imminet iuuentuti a luxuria, quàm a crapula. Petit autem sapientia vt sibi cor & oculi præbeantur, quia per oculos venenum influit in cor; per cor autem in opus. Dare autem cor alicui aliud nihil est, quàm velle illum libenter audire, eiusdemque præcepta cognoscere & facere; oculi autem præbentur sapientiæ, quando se auertunt à muliere compta, & sapientiæ vias custodiunt, dumque obseruant legem, quam illa præfinit.

27. *Fouea enim profunda, &c.* Subdit hic causam, quare toto corde totisque oculis debeat esse attentus & intentus, ne in meretricis casses incidat: quia nimirum mulier meretrix & adultera est instar profundæ foueæ, ex qua, vt antè dictum est, difficulter emergit, qui semel in eam prolapsus est, sicut ex arcto quoque & profundo puteo. Atque hoc confirmant quotidiana experimenta.

28. *Insidiatur in via, &c.* Hæc alia est ratio quare ab adulterarum & meretricum consortio & familiaritate, & ab omni cuiuscumque familiaritatis occasione abstinendū sit; quia nimirum nusquā non more latronum vitæ fortunæque bonis insidias struit, laqueosque intentat vt incautos trucidet.

29. *Cui va, &c.* Enumerat plura hic incommoda, quæ ex vino & ebrietate accidere solent hominibus temulentix deditis.

30. *Ne intuearis vinum, &c.* Cauendum hic monet ab observatione coloris, saporis, & odoris vini; quia hæc res multos adducunt ad largiorem & audidiorem potationem, atque ita tandem ad ebrietatem.

31. *Sed in nouissimo, &c.* Admonet ne quis vini colore aut sapore illectus modum excedat, adeoque in graue aliquod incommodum incidat; nam etsi initio gratum palato existat; attamen citra modum sumptum mordet tandem vt coluber, neque secus animum & corpus insicit atque venenum.

33. *Oculi tui videant, &c.* Expōnit hic quædam incommoda, quæ temulentia adferre solet. Turbat hæc namque totum hominem, impeditque non modò sensum, sed legitimum quoque rationis vsum. Siquidem oculis mira obiicit spectra, miras imagines & phantasias, quin in cor quoque multa obscena & peruersa phantasmata immittit, in dō in quodvis flagitium nonnumquam illud impellit.

34. *Et eris sicut dormiens, &c.* Pergit temulentia mala describere, inter quæ hoc vnum etiam est, quod generet turbatum & inquietum somnum. Ebrius namque in lecto stertens in mediis maris fluctibus se iactari & circumagi sæpe credit.

35. *Et dices, Verberauerunt, &c.* Hæc non de quavis, sed de summa ebrietate agunt: summè enim temulentus existat oportet, qui verbera non sentit.

## PARAPHRASTICA CAPITIS VIGESIMI QUARTI EXPLANATIO.

1. *Ne æmuleris viros malos, nec desideres esse cum eis.*

**V**IRO S improbos & sceleratos neque imiteris, neque temporariæ illorum felicitati inuideas; neque in illorum familiaritatem te in sinuare studeas. Siquidem omnis omnino familiaritas malorum inficit. Notum est enim protritum illud vulgi dictum: *Si cum claudo habitas, claudicare discas.*

2. *Quia rapinas meditantur mens eorum, & fraudes labia eorum loquuntur.*

**A**Ccedit quoque quod istiusmodi homines nihil boni meditentur, nec aliquid quandoque boni loquantur. Etenim cor eorum meditantur rapinas, aliæque quæ cum rapinis sunt coniuncta, ut sunt cædes, pauperum oppressiones, vis, vastitas, desolatio, & id genus alia. Et lingua illorum loquitur fraudes & imposturas, quibus proximum contra legem Dei circumveniunt. Et quia felicitas, qua videntur florere, per malas artes comparata est, non erit stabilis, neque diuturna; sed cito evanescet. Quod si in hac vita perseverauerit, postea tamen vertetur in summam infelicitatem. Quare nulla est causa cur quis illis inuideat, aut æmulari eos studeat.

3. *Sapientia*

3. *Sapientia ædificabitur domus, & prudentia roborabitur.*

**P**ER sapientiam ædificatur domus, non per rapinam, vel fraudem, vel imposturam; per prudentiam autem firmatur & præparatur, per scientiam tandem & fortitudinem bonis omnibus repletur. Est autem hic sermo non tam de domus structura vel fabrica, quàm de familia eiusdemque cura & administratione. Sed & eadē quoque sapientia in spiritalis domus, nempe animæ ædificatione & gubernatione est perquam necessaria.

4. *In doctrina replebuntur cellaria, vniuersa substantia pretiosa & pulcherrima.*

**P**ER doctrinam porro & scientiam interiora domus omni genere opum rerumque pretiosarum replentur. Nam citra scientiam solertemque circa particularia intelligentiam, domui, & familiæ de rebus ad victum vel statum necessariis commodè prospici non potest, Interim sapientia & prudentia hinc non excluduntur, sic ut nec labor quoque & industria, & id genus alia.

5. *Vir sapiens, fortis est: & vir doctus, robustus & validus.*

**V**IR sapiens pollet viribus & robore, multumque valet apud omnes potestate & auctoritate, vir itidem peritus & doctus robustus & validus habetur: nam etsi eiusmodi imbecillo forsan sit corpore, tamen quia iudicio & rerum usu valet, non solum domi vel in repub. administranda multum potest; verum etiam foris & in bello. Nam res bellicæ multo felicius administrantur consilio & iudicio, quàm robore. Fortis ob id quoque non iniuriâ dicitur sapiens, quia in rebus aduersis non facile frangitur; neque tentationibus, aut animi perturbationibus tamen magnis facile cedit.

6. *Quia cum dispositione initur bellum: & erit salus ubi multa consilia sunt.*

**Q**UOD autem viro sapienti rectè tribuatur bellica fortitudo, hoc indè quoque pater, quia communi peritorum iudicio (quod experientia confirmat) salus belligerantium ex multitudine consiliorum, hoc est, ex sagaci prudentique ducum consilio multo magis dependet, quam ex militum turba, maxime sine iudicio & ordine confligentium: opus est enim ea in re consilio & industria, etsi robur abesse non debeat. Vtrumq.

enim alterius ope nititur : interim consilium & iudicium primas hic tenent; neque hic tantum, sed in spiritali quoque bello; imò etiam in controuersis & litibus, quæ in republica sæpe oboriuntur.

7. *Excelsa stulto sapientia, in porta non aperiet os suum.*

**E**T si verò sapientia verè sit excelsa : utpotè è cælo à Patre luminum descendens ; attamen homini stulto & impio, qui rebus terrenis & caducis torus immerfus est, videtur prorsus inaccessa : atque ita in suis ille voluptatibus & stultitiis persistens, non cõtendit ut illam aliquando assequatur. Quò etiam fit ut in porta, hoc est, in locis publicis, ubi ius olim dicebatur, os suum aperire non audeat ; sed turpiter coram omnibus obmutescat, suàmque infantiam & stultitiam palam prodatur.

8. *Qui cogitat mala facere, stultus vocabitur.*

**C**eterum non illi tantum inter stultos censendi sunt, qui mente capti, aut iudicio destituti sunt ; sed illi quoque qui diuersas malefaciendi vias & artes excogitant, quique nouas subinde improbitatis rationes comminiscuntur. Sunt enim eiusmodi malarum & sceleratarum cogitationum magistri verè stulti : utpotè à Deo, & salutis via, & rationis luce prorsus alieni. Sanè qui ex incirritia & infirmitate peccat, venia dignus videtur, qui autem ex malitia datæ operæ, omnem confusionem, pœnam & ignominiam promeretur.

9. *Cogitatio stulti peccatum est : & abominatio hominum detractor.*

**N**equè vero putandum est cogitationem stulti, quia stulti est, peccatum non esse. Est enim omnis omnino stulti stultitiæque cogitatio peccato obnoxia ; vel quia stulta & secundum se insana est, vel ob id certè quia ad peccatum tendit. Nam si ad bonum honestum tenderet, neque stulta esset, neque peccatum esset, sed vel virtus vel virtutis alicuius actus. Ut autem stultus omnis eiusmodi sapientibus exosus est, quia inter tenebras & lucem nulla solet esse communicatio, nulla certa amicitia, vel animi coniunctio ; ita omnis quoque derisor atque detractor apud mortales omnes execrabilis est : nec mirum sanè, quo enim modo posset quispiam benè de eo loqui aut sentire, qui de omnibus loquitur malè ? Imò verò quis talem tanquam fœdam apertamque pestem non execretur ? Peccat stultorum cogitatio quoque, quia sæpe à scopo aberrat, suòque fine frustra

ne frustratur, & apud Deum tandem non tantum malefacta peccato sunt obnoxia, sed mala quoque & improba cogitata.

10. *Si desperaveris lapsus in die angustia, imminuetur fortitudo tua.*

**S**I quam cladem passus remisso angustoque animo fueris, angusta diminutaque erit fortitudo tua; hoc est, si in rebus aduersis per impatientiam nimiamque animi consternationem concideris, animumque statim desponderis, planum mox facies exigua fortitudine te præditum esse. Siquidem deiectio illa ex animi vitio provenit verius, quam ex rei natura & difficultate; efficiensque eâ fugâ ut fortitudo, quam fortè habebas, magis magisque labefiat. Siquidem non fugiendo aut cedendo fortes simus, sed pugnando & resistendo. Adde quod non modò in propriis malis quadam animi magnitudine opus sit, verum etiam in profligandis vel mitigandis aliorum incommodis. Qui enim in iuvandis aliis tempore angustia & calamitatis remissus fuerit, fortitudinis, quàm Deus illi impertitus fuerat, iacturam faciet, aut aliquam certam diminutionem patietur, quia non rectè ea usus fuerat.

11. *Erue eos qui ducuntur ad mortem: & qui trahuntur ad interitum liberare ne cesses.*

**E**Ripe eos, qui iniuste, utpotè mortem non promeriti, abducuntur ad mortis supplicium. Nam etsi iudicium sit impedire, nequid eiusmodi contingat: attamen ad quosvis, qui opem ferre possunt, præceptum hoc spectat: *Deus enim mandavit unicuique de proximo suo*; erue proindè quantum in te situm est, illos, qui rapiuntur ad iniustam necem, neque cesses eos liberare, qui iam ad mortem inclinant; hoc est, in eo statu versantur, ut, nisi opem tuleris, omnino morituri videantur. Quin illos quoque qui tendunt ad iniustam aliorum cædem pro viribus contineas atque impediās, quod si non feceris, mors tibi imputabitur.

12. *Si dixeris, Vires non suppetunt: qui inspector est cordis, ipse intelligit, & servatorem anime tuæ tibi fallit, reddetque homini iuxta opera sua*

**N**Eque est ut aliquis, à sancto illo & necessario caritatis officio per impotentiam aut ignorantiam se excuset; aut vires, quibus hunc vel illum à morte liberaret, sibi defuisse alleget. Nam licet hæc aliâque similia apud hominem locum habere queant, apud Deum tamen, qui intima cor-

dis penetrat, nihilque ignorat ( vt qui omnium fit conditor & seruator, redditque vnicuique iuxta opera sua, & non secundum hominum æstimationē ) longē aliud iudicabitur. Vx ergo illi, qui potest & non adiuuat, saltem eo modo, quo potest, & quantum potest. Quod si in corporeæ vitæ periculo ea diligentia adhibenda est, quantum in spiritalis vitæ discrimine adhibere conueniet?

13. *Comede, fili mi, mel, quia bonum est, & sanum dulcissimum gutturi tuo.*

14. *Sic & doctrina sapientiæ animæ tuæ : quam cum inueneris, habebis in nouissimis spem, & spes tua non peribit.*

**S**I ob id mel comedis, fili mi, quia bonum & salutare est corpori, & fauuum mellis, quia suauis gratusque est, gutturi, multo magis anhelare debes ad scientiæ & sapientiæ doctrinam : hæc enim ubi semel percepta fuerint, multo dulciora & suauiora sunt animæ, quàm mel aut fauus mellis ori. Nam etsi dum primo degustantur videantur amara & aspera, semel tamen probè hausta, amœnissimos suauissimosque de se fructus fundunt. Attamen prima illa acerbitas in causa est, vt pauci eam doctrinam inueniant; multo verò pauciores, qui perfectè percipiant; imò numquam perfectè hic percipitur. Quare numquam quoque perfectam oblectationem hic parit. Eapropter rectè quoque hoc loco subiungitur : *Quam cum inueneris, habebis in nouissimis spem, & spes tua non peribit.*

15. *Ne insidieris, & quæras impietatem in domo iusti, neque vastes requiem eius.*

16. *Septies enim cadet iustus, & resurget: impij autem corrueunt in malum.*

**N**E insidieris habitaculo iusti & impie, neque curiosè in eius vitam vel actiones inquiras, neque quietem illius turbes, aut cubile, in quo quietem capere solet, diripias aut infestes. Nam etsi vt homo nonnumquam labatur & cespitet, in illius tamen domo, hoc est, pectore nulla inuenitur impietas, nullum mortiferum peccatum : sed quidam tantum leues lapsus, & nœui potius, quàm maculæ aut tenebræ; ex quibus proinde Dei gratia, qua fortiter munitur, & ab omnibus grauioribus insidiis & tentationibus liberatur & præseruatur, familiariter adiutus, facili negotio exsurget, & id quidē cum lucro. Nam & cautiior & humiliior post eiusmodi lapsus euadet. At verò impij toti simul corrueunt in malum, ynde vel numquam



quam exfurgunt, vel difficulter exfurgunt. Siquidem illorum lapsus est letalis, & propter animi obscurationem plerumque insanabilis.

17. *Cum ceciderit inimicus tuus, ne gaudeas, & in ruina eius ne exultet cor tuum.*

18. *Ne forte videat Dominus, & displiceat ei, & auferat ab eo iram suam.*

**V**erumenimuerò licet impij tabernaculo tuo insipientur, & quietem tuam turbent, & in omnibus hostilem animum aduersum te ostendant & ob id Deo vindice in grauem aliquam calamitatem tandem incendant, caue tamen de illorum lapsu gaudeas, aut de illorum ruina cor tuum exultet. Quin potius quod ad eum statum deuenerint doleas; ne forte videat Dominus & displiceat illi, adeoque iram suam ab illo auertat, & in te conuertat. Nam gaudere de alterius lapsu, in peccatum præsertim, graue est crimen; quippe cum omne peccatum sit contra Deum, grauissimæque eidem displiceat. Porro autem gaudere de inimici lapsu in pœnam, cladem vel miseriam, id pertinet ad inuidiam, sicut etiam dolere de illius felicitate; si tamen eiusmodi dolor vel gaudium referretur ad publicum bonum, aut Dei gloriam, aut iustitiæ amorem, & non ad priuatam iniuriam, non esset illicitum.

19. *Ne contendas cum pessimis, nec amuleris impios.*

20. *Quoniam non habent futurorum spem mali, & lucerna impiorum exstinguetur.*

**N**e contendas cum improbis, sceleratisque hominibus, quasi illos æquare vel superare velis: neque vllum cum iis commercium habeas, nec amicitiam vllam cum iis ineas, neque illorum prosperitati inuideas; quia felicitas illa non erit diuturna, nedum perpetua. Quandoquidem homines improbi nullam certam futurorum bonorum spem, neque vllam omnino mercedem in posterum reposuam habent. Quinimo impiorum lucerna, hoc est, pompa, gloria, pignora, diuitiæ, adeoque vita ipsa exstinguetur, & in nihilum redigetur. Manent sanè impij post hanc quoque vitam; verum non in splendore, aut gloria, aut æstimatione; sed in pœna, tenebris, & ignominia.

21. *Time Dominum, fili mi, & Regem: & cum detractoribus non commiscearis.*  
 22. *Quoniam repente confurget perditio eorum, & ruinam virisque quis novit?*

**T**ime, fili mi, Dominum & Regem, qui utriusque potentia est magna & sacrosancta. Dominus enim potestatem habet corporis & animæ, Rex autem mortis & vitæ. Quin ipse Rex quoque, sicut reliqui omnes legitimi Magistratus, Dei personam & locum sustinet; hic autem timor præcipue spectatur ex fida legum, præceptorum, & statutorum, quæ proponunt observatione. Ceterum cum iis qui diversum sectantur, aut Regis mandatis detrahunt, malæ de illis sentiunt, aut loquuntur, & alios præterea in illorum contemptum inducere contendunt, nullum omnino commercium aut consortium habeas; ne perditioni & contritioni, quæ repente illos opprimer, fortè inuoluaris. Quis enim novit quam cladem, pœnam, vel ruinam Deus vel Rex illis irrogare decreuerit?

23. *Hæc quoque sapientibus. Cognoscere personam in iudicio, non est bonum.*

**Q**uin hæc ipsa quoque, quæ hinc consequuntur ad sapientiam pertinent, & à sapientibus profecta sunt. Et quamvis fortè à Salomone orta non sint, eodem tamen loco eodémque pretio habenda sunt, quo cetera quæ ab illo nata esse non dubitantur.

In legitimo iudicio faciem agnoscere, sententiámque non ex causæ æquitate, sed ex personæ qualitate ferre non est bonum, imò est apertè malum & iniquum; quin ab omni iustitia & æquitate prorsus alienum. Nam in dirimendis controuersis non sunt spectanda merita personæ, sed causæ.

24. *Qui dicunt impio, iustus es: maledicent eis populi, & detestabuntur eos tribus.*  
 25. *Qui arguunt eum laudabuntur, & super ipsos veniet benedictio.*

**I**lli porro Iudicos *προσωπολισται*, personarumque acceptionem manifestè admittunt, qui hominem impium & iniquum dicto vel facto, vel quovis alio modo iustum pronunciant; adeoque tales non diuinam tantum maledictionem sibi adfiscunt, verum communem quoque mortalium omnium execrationem incurrunt. Sunt enim eiusmodi præ ceteris reipubl. perniciosissimi. Nam si illi qui iustitiam ex officio tueri, & administrare debent, iustitiam datâ operâ in personarum quarundam fauorem & gratiam

gratiam evertunt, nulla superest via, quā iustitia suam stationem obtinere possit. Impingunt hic quoque non parum virorū principum adulescentes, solent hi enim calculo suo approbare & laudare quicquid illi dicunt, vel faciunt, etsi secundum se sit iniquissimum: verum non tantum nocent hi, quantum publicæ iustitiæ administri. Contra verò qui Deum & Regem veriti pro officij ratione improbos arguunt, iustamq. poenam in illos decernunt, apud omnes laudantur & commendantur, & quod maius est, larga Dei benedictione cumulantur; ut qui tales præ aliis caros acceptosque habere soleat.

26. *Labia deosculabitur, qui recta verba responder.*

**Q**VI nullius personam suscipit, neque ad huius vel illius gratiam sententiam promittit; sed recta iurique & æquitati consentanea respondet (qualis est qui impium redarguit & condemnat, iustum autem iustificat atque absoluit) is omnibus, maximè verò viris principibus usque adeò gratus acceptusque erit, ut non solum ad manus osculum admittatur, quod commune vulgoque receptum est; verum etiam ad oris suaviū, quod summæ benevolentiae & amicitiae est argumentum. Loci huius scopus est eiusmodi: Ille summopere ab omnibus coletur sincereque amabitur, quicumque inter iudicandum iustitiæ & æquitatis rationes studiosè observauerit.

27. *Præpara foris opus tuum, & diligenter exerce agrum tuum, & postea ædifices domum tuam.*

**A**D œconomiae verò rationem quod attinet, primò omnium ea ritè disponas & ordines, quæ foris in agro exercendo occurrunt; hæc enim eiusmodi sunt ut non quovis tempore fieri queant, sed certa tempora sibi deposcant. Siquidem aliud ferendi, aliud metendi tempus est. Idem statuatur de reliquis. Postea verò da operam ut domum ædifices, familiamque instruas; hæc enim quovis tempore præstari possunt. Prius enim cogitandum est tibi de victu, aliisque ad vitæ usum & sustentationem necessariis; quæ colliguntur ex agris, aliisque honestis artibus, quam de ducenda vxore, vel de ædificanda ampla domo, vel de instituenda familia. Quia hæc omnia exigunt sumptus iam paratos non parandos, etiam si contra læpe contingat.

28. *Ne sis testis frustra contra proximum tuum, nec labies quemquam labiis tuis.*

29. *Ne dicas, Quomodo fecit mihi, sic faciam ei: reddam unicuique secundum opus suum.*

**A** Tribus linguæ vitiis, iisque minimè leuibus abstine, fili: primo caue, ne falsum testimonium contra proximum proferas; mox verò ne labiis tuis imposturam illi facies, promittendo nimirum ore amicitiam, quam in pectore non tenes; vel illud pollicendo, quod præstare vel non potes, vel non lubet; postremò autem ne alterius malitiam vel improbitatem te imitaturum temerè iactes, comminando hæc scilicet vel alia similia: Vt fecit mihi, ego vicissim faciam illi; reddam illi iuxta opus suum. Oportet enim spectare non quid alius promeretur, sed quid lex permittat, aut publicæ vtilitati expediat. Si enim unicuique priuatam iniuriam vlcisci liceret, omnia plena essent turbis & seditionibus. Hebræa ad hunc modum exponi possunt, Ne vnquā sis mendax testis, ne in amici quidem gratiam. Numquid adeo insanies vt labiis tuis quemquam allicias, vt falsum testimonium tui causa dicat? Quoque facilius id obrineas vicariam operam ei spondere audeas? oratione hac aut alia simili vsus, vt mihi seruiuit, ita vicissim illi seruiam; secundum opus suum reddam illi, referam par pari. Eiusmodi enim dicta & in bonis & malis locum habere solent.

30. *Per agrum hominis pigri transiui, & per vineam viri stulti.*

31. *Et ecce totum repleuerant vrticæ, & operuerant superficiem eius spina, & maceria lapidum destructa erat.*

**M** Agnorum in omni re incommodorum causa est otium & desidia, maximè verò in re rustica. Siquidem agricultura præceteris studium & diligentiam, & assiduitatem exigit, atque hoc certa experientia comperitum. Etenim non ita pridem antè, ait Sapiens, transiui per agrum pigri hominis; & vrticæ totum repleuerant, vel quia ignauus colonos deseruerat omnino incultum, vel quia nullum semen ei commiserat, vel quia à zizania non repurgauerat. Pari modo transiui iuxta vineam hominis stulti cordèque carentis, & ecce totam illius superficiem vrticæ & spinæ operuerant, & maceria illius, hoc est, seps ex lapidibus congesta diruta iacebat, ita vt omnibus feris pateret, nullòque propemodum fructus redderet.

32. *Quodcum vidissem, posui in corde meo, & exemplo didici disciplinam.*  
 33. *Vsque quo piger dormies? vsquequo de somno consurges? Parum, inquam dormies, modicum dormitabis, pauxillum manus conferes ut quiescas.*

**H**OC autem cum vidissem, remque mecum accuratè expendissem, ex aliena stultitia didici sapientiam salutaremque disciplinam, & inter cetera quidem ignaviam extremæ inopiæ, multarumque miseriæ causam esse. Quare intra me aiebam, vsque quo ignave dormis? quando tandem aliquando è somno euigilabis?

34. *Et veniet tibi, quasi cursor, egestas tua, & mendicitas quasi vir armatus.*

**E**Nimvero dum tutè dormitas, oculisque somnolentis nutas, dumque manus otiosus conseris, & te ipsum ad somnum componis, en egestas veluti cursor repente te inuadit, & validè tanquam vir armatus te opprimit, ita ut illi resistere nequaquam valeas. Neque enim aliud quàm extrema inopia ex otio & somnolentia sequi solet, idque non modò in rebus externis & temporariis, verum etiam in spiritualibus; imo vero ignavia in spiritualibus est maxime periculosa. Eiusmodi itaque existit doctrina & sapientia, quam sapiens ex negleto incultoque pigri hominis agro hausit.

## A D

## CAPVT VIGESIMVM QVARTVM

## SCHOLIUM.

1. **N**E emuleris, &c. Idem iam antè quoque admonuerat, & consultò: nam omnis cum improbis familiaritas ad malum erabit, & inficit.  
 2. *Quia rapinas, &c.* Reddit rationem cur illorum consortium sit vitandum; quia nimirum toti feruntur ad furta, rapinas, fraudes, impostures, aliæque eiusmodi.  
 3. *Sapientia edificatur domus, &c.* Pertinent hæc ad præcedentia. Significatur hic namque domum non firmari per furra vel fraudes; sed per sapientiam, & iustitiam, per prudentiam rursus & fortitudinem.  
 4. *In doctrina, &c.* Et hæc quoque cum præcedentibus sunt connexa.

Indicatur namque scientiam & iudustriam domus penetralia rerum omnium ad vitæ cultum necessarium copia cumulatè replere.

5. *Vir sapiens fortis, &c.* Docetur hic prudentiam non solum vsum habere in re domestica cõstituenda, aut in republica administranda, verum etiam foris & in bello,

6. *Quia cum dispositione, &c.* Exponitur hic causa cur sapiens plus præstare possit in bello, quàm fortis corpore; quia videlicet belli successus magis pender ex prudenti ordinatione, sagaciq. consilio & iudicio, quàm ex vi, aut corporis robore.

7. *Excelsus stulto, &c.* Stultus iudicat sapientiam inaccessam, quia ipse est terræ, rebusq. terrenis penitus addictus, & à celesti sapientia prorsus alienus. Et quia se omni diuinæ humanæq. sapientiæ expertem nouit, in portis, vbi olim ius dicebatur, os suum aperire non audet. Hebræa sonant: Excelsæ stulto sapientiæ, quia licet vna sit sapientia, sunt tamen multa illius munia, multæ partes, multa officia.

8. *Qui cogitat mala, &c.* Docetur hic virum malis artibus instructum, stultum malarumve cogitationum magistrum rectè appellari; quia secundum Deum nihil sanum sapit.

9. *Cogitatio stulti, &c.* Iam antè multa dixerat in laudem sapientis & sapientiæ; hoc & duobus præcedentibus versiculis perstringit stultos & stultitiam. Docuit enim os inter sapientes aperire non audere, sapientiam inaccessam iudicare, malarum cogitationum magistros esse. Hic autem admonet omnem stultorum cogitationem peccato affinem esse, quia aurum omnis talis ad peccatum inuitat, & inclinât. Addit porro hominem derisorem & obtrectatorem apud omnes execrabilem esse; vt qui de omnibus malè loquatur, omnesq. præ se contemnat, atque derideat.

10. *Si desperaueris, &c.* Docet qui in rebus aduersis animo concidunt re ipsa ostendere parui se roboris esse; id quod apertè cum vitio coniunctum est. Sunt autem qui locum hunc ad opera misericordiæ referant, vt sit sensus: si necessitatis tempore in iuuando proximo remissus fueris, in pœnam peccati fortitudo tua interibit.

11. *Erue eos, &c.* Hortatur vt opem iis ferat, qui versantur in mortis periculo; posterius membrum secundum Contextum Hebræum ad eos referri potest, qui ad cædem parandam festinant, vt sit sensus: Cessabis ne eos impedire, qui ad infonstem perimendum festinant?

12. *Si dixeris, &c.* Occurrit friuola quorundam excusationi. Nam qui infonsum

infantium salutem propugnare negligunt, se non posse, aut non audere, aut aliquid aliud eiusmodi dicere solent; quos Deus, qui cordium cognitor & animarum scrutator est, in suo foro nullo modo excusatos habebit.

13. *Comede, fili, mel, &c.* Aptā similitudine inuitat ad sapientiæ studium; nam quod gutturi est mel, hoc sapientiā actū iam percepta est animæ, siquidem primo incipientibus apparet dura & aspera. Sensus autem loci huius est: Si ob id comedis mel, quia suaue, quanto magis discere & comparare debes sapientiā, quæ multis partibus suauior & diuturnior est, durat hæc namque in vtraque vita.

14. *Quam cum inueneris, &c.* Per hæc indicat sapientiā difficulter reperiri, verumtamen semel inuentā multos mirificos fructus fundere, spemque de se conceptam numquam fallere. Nomine autem sapientiæ complectitur hic omnem virtutem homini ad salutem necessariā.

15. *Ne insidiaris, &c.* Hortatur impios, ne iustos infestent aut bonarum diripiant, aut quietem eorundem perturbent, aut in vitam illorum inquirant; nam cum Deo sint curæ, ab omnibus periculis & infestationibus immunes tandem euadunt.

16. *Septies cedit iustus, &c.* Per hæc redditur ratio cur in viri iusti vitam, mores, & actiones curiosius inquirendum non sit. Quia licet ut homo nonnumquam prolabatur, aut aliqua aduersitate prematur, haud multum tamen in sordibus illis iacet, verum per diuinā gratiā excitatus tempestiue refurgit. Impij autem in malum culpæ & pœnæ ita ruunt, ut vix vquam inde postea refurgant.

17. *Cum cecideris, &c.* Docet non gaudendum de casu vel infortunio inimici. Nam cum sub Domini potestate sit, Domini iudicio & vindictæ est relinquendus, magisque dolendum de illius peccato, quam de nostro incommodo. Leguntur sanè quidam de hostium interitu lætati, verum hoc non ob priuatā iniuriā, sed propter Dei gloriā, iustitiæ amorem, piorum liberationem, aliāque eiusmodi.

19. *Ne contendas, &c.* Inhibetur hic ne quis cum malignis & sceleratis hominibus contendat, aut societatem cum illis inear, aut illorum studia sectetur, quia tota illorum felicitas est momentanea, & cum euidenti salutis periculo coniuncta.

21. *Tibi Dominum fili, &c.* Triā hic filio commendat, nempe ut Deum timeat, Regem obseruet, nullumque cum obrectatoribus commercium habeat. Sunt enim eiusmodi reipubl. perniciosissimi. Nam & diuinis humanisque

manisque legibus detrahunt, & easdem euertere & permutare satagunt propter quod etiam veluti reipubl. pestes apertique Dei hostes subito exstinguuntur.

22. *Quoniam repente, &c.* Redditur ratio cur cum delatoribus, aut Dei decreta mutantibus commercium habere non expediat, quia nimirum periculum est ne simul cum illis in interitum & perditionem inopinatè incidamus. Et hæc quoque ad sapientiam pertinent, vel à sapientibus deprompta sunt. Videtur autem insinuare Salomonem hic finem dicendi fecisse, quod tamen non fit verisimile.

23. *Cognoscere personam, &c.* Iam ante quoque, nempe Cap. XVIII. admonuit, in legitimo iudicio non personæ qualitatem, sed causæ merita & æquitatem spectanda esse.

24. *Qui dicunt impio, &c.* Cohærent hæc cum proximè expositis. Nam si cuiuscumque personæ qualitatem magis spectare, quàm causæ æquitatem peccatum est, quanto magis peccatum erit spectare personam impij, iudiciumque propter illius impietatem pervertere?

26. *Labia deosculabitur, &c.* Pertinet ad proximè præcedentia: Recta autem verba ille responder, qui iustè iudicat, nihilque in huius vel illius fauorem contra æquitatem pronunciat. Verum ad eum modum se gerit, ut labia illius instar osculi habeantur dulcia.

27. *Prepara foris, &c.* Monet hic illa prius ordinanda esse, quæ foris exstant, quàm ædificanda sit domus, aut familia instituenda, aut vxor duenda. Nomine autem agriculturæ complectitur omnem honestum laborem artémque licitam.

28. *Ne sis testis, &c.* Prohibet hic tria, quæ iustitiam & Christianam caritatem valde lædunt; sunt autem illa: falsum vel mendax testimonium; deceptio vel impostura per verborum blandimenta concinnata, & vindictæ interminatio.

30. *Per agrum hominis, &c.* Ante egerat de agro diligenter excolendo & exercendo antequam vxor duceretur, familiâque institueretur: hic illos iam perstringit, qui propter ignauiam agrorum culturam negligunt, agrosque ipsos vrticis & spinis obducere sinunt. Similis quædam clades acciderat vineæ; nam & totam illius superficiem vrticæ & spinæ obsederant, mæriæque illius diruta prostratæque iacebat; paucis, tota ita affecta erat, ut nihil fructuum funderet.

32. *Quod cum vidissem, &c.* Docemur & monemur hic virum sapientem etiam.



tem etiam ex malis sapientia occasionem venari, & ex aliena quoque stultitia vel negligentia proficere. Id quod sequentia magis declarant.

33. *Parum dormies, &c.* Hi versiculi iam antè sunt expositi, nempe Cap. VI. repetuntur hic autem non importunè. Nam quod ager & vinea inculta reperta sint, illud non aliunde, quàm ex somnolentia & ignavia prouenerat, & quia Sapiens id non ignorabat, ex malis ab alterius ignauia natis diligentia occasionem capiendam insinuat.

## PARAPHRASTICA CAPITIS VIGESIMI QVINCTI EXPLANATIO.

1. *Hæ quoque parabolæ Salomonis, quas transfulerunt viri  
Ezechia regis Iudæ.*

**H**OC loco haud obscurè innuitur non omnes Salomonis Parabolas ab ipso Salomone eo ordine & serie fuisse digestas & descriptas, quo nunc leguntur & in Biblico corpore habentur. Neque enim rectè satis diceretur viros vel ministros Ezechia Regis Iudæ sequentes collegisse vel descripsisse, descriptasque & collectas Regi obtulisse, si ipsemet Salomon hoc præstitisset: attamen quia omnes Salomonis esse perhibentur, omnes eiusdem veritatis & auctoritatis existunt.

2. *Gloria Dei est celare verbum, & gloria Regum inuestigare sermonem.*

**A**rcana Dei mysteria celare, nec curiosius quàm par est in illius opera inquirere, neque multis quoque verbis de quacumque re illius velle informari, id ad illius gloriam pertinet. Verum ad regiam maiestatem facit illius potentiam & gloriam manifestare, quo hostibus sit terrori: tum aliorum quoque secreta consilia & machinationes explorata habere, nihilque eorum ignorare, quæ domi forisque fiunt, quo hac ratione controuersias rectius iudicare, regnumque suum feliciter administrare valeat. Non idem ergo Deo & Regi gloriosum est. Deus factorum iudiciorumque suorum rationes rectè regit, cum non habeat superiorem; Rex autem conuenienter eas manifestat, quod omnibus de æquitate illius constat. Deo rursus honorificum & legitimum est nihil inquirere, cum sciat omnia; ad

Regem autem spectat multa inuestigare, quo rectius & quietius gubernet, & iudicet. Rex denique quod in hac tantum vita iudicium exerceat, comperta vitia hic punire & emendare debet; Deus autē quod in utroq. sæculo iudicet, multa inculpatē hic dissimulat, quę alibi graviter punit & flagellat.

3. *Cælum sursum, & terra deorsum, & cor Regum inscrutabile.*

**V**T cæli altitudo, & terrę profunditas facile deprehendi non possunt, ita nec cor quoque Regis. Rursum ut ea quę intra cæli ambitum & terrę viscera continentur, cognosci nequeunt; ita nec illa quoque, quę intra cor Regis latent, nisi ipse forsan ea patefacere voluerit. Quare non est ut quis multum, quo illa inuestiget, se se occupet aut labore. Est enim talis inuestigatio inutilis iis præsertim, qui grauioribus negotiis occupati tenentur, ut sunt Reges & Principes aliq̃ue magistratus. Non est ergo regium easectari, quę sunt sursum vel deorsum, sed regni sui statum explorare, rectęque exploratum administrare.

4. *Aufer rubiginem de argento, & egredietur vas purissimum.*

5. *Aufer impietatem de vultu Regis, & firmabitur iustitia thronus eius.*

**S**icut cum scoria aurifabri opera ab auro vel argento aufertur; aut cum vas argenteum vel aureum rubigine obduktum defricatur, mundum tersumque tandem prodit poculum; ita cum impietas & iniustitia à regno proscribuntur, regni status floridus, fortunatusque redditur, ipseque adeo regius thronus per iustitiam & æquitatem, aliasque virtutes stabilitur & confirmatur.

6. *Ne gloriosus appareas coram rege, & in loco magnorum ne steteris.*

7. *Melius est enim ut dicatur tibi, Ascende huc quàm ut humiliaris coram principe.*

**A**Nte omnia ab omni ambitione inaniq̃ue ostentatione, & iis vitiis, quę præ ceteris in Regum & Principum aulis dominari assolent, te contineas. Quamobrem caue ullam omnino magnificentiam in equis, aut curribus, aut vestiu splendore, aut cultu corporis, aut vlla alia re corā Rege ostentes. Siquidem tales ostentatores viris principibus, qui parem non facile ferunt, solent esse suspecti, multumq̃ ingrati. Sed neque de opibus, vel scientia, vel prudentia, vel vlla alia re cum aliorum præsertim contemptu te iactes, neque in loco, qui magnatibus debetur, te constituas. Nam  
licet

licet eo dignus esses, attamen quia ultro te non vocatus ingeris indignum te reddis, verum exspecta, dum tibi dicatur, Amice ascende huc : satius est namque ex humili ad sublimem locum vocari & invitari, quam de sublimi ad humilem deici. Quod si apud Regem terrenū ea opus est modestia & humilitate, quanto magis apud Regem caelestem. Insigniter contra hoc documentum committunt, qui sublimem locum in Ecclesia ambiunt, non solum propter periculum ambitionis, verum etiam quia pro aliorum salute animam suam obstringunt.

8. *Quæ viderunt oculi tui, ne proferas in iurgio cito: ne postea emendare non possis, cum dehonestaueris amicum tuum.*

**N**ON de auditis, sed de iis quæ oculi tui viderunt, testimonium perhibe. Siquidem quæ ex aliorum relatione discuntur, plerumque sunt incerta, quæ autem coram cernuntur, haud facile fallunt: atque huc tendunt, quæ apud Lxx. leguntur. Ceterum Contextus Hebræus hæc cum precedenti versiculo connectit, ad hunc modum: *Melius est ut tibi dicatur ascende huc, quam ut humilieris coram principe, quem viderunt oculi tui.*

Ne temerè, aut indeliberatè litem cum quopiam suscipias, aut contentionem ingrediaris, ne fortè per iram vel indignationem aliquid dicas aut facias, propter quod aduersarius, cum quo litigas, pudore te afficiat, ignominiosumque reddat, adeoque facti tui serò te pœniteat. Ira namque, nil moderatum aut maturum suadet. Hæc verius secundum Contextum Hebræum, quàm secundum vulgatam nostram Editionem. Nam cum hæc clausulam illam, *Quæ viderunt oculi tui*, versiculi huius caput constituat, hunc fermè sensum exigit.

Occultum proximi flagitium ira percitus in publicum temerè ne proferas, etiam si oculi tui illud viderint, ne forsan talem illi notam adspergas, quàm postea nulla arte eluere queas, atque ita graui apud Deum noxæ te obstringas, & apud eum, quem iniquè infamasti, vitæ periculo te exponas. At multo verò minus per iram illud crimen aduersario obicere debes, quod vano tantum rumore accepisti, quia multo maius periculum est auditum flagitium alicui per probrum obiectare, quàm visum certoque compertum.

9. *Causam tuam trahita cum amico tuo, & secretum extraneo ne reveles.*

10. *Ne forte insultet tibi cum audierit, & exprobrare non cesset.*

**S**I quam grauem causam habes, illam pertracta cum amico tuo, totumque rei statum illi aperias. Interim ne cuiuslibet fidas, aut secretum consilium tuum patefacias, sed fido & arcani tenaci; ignotò autem aut de fide suspecto, quod tacitum vis, ne pandas, ne forte quod secreto illi commiseras, postea non citra probum in faciem tibi obiciat, adeoque indelebilem notam aliquam incurras. Vel, & fortè rectius, si in controuersiam aliquam cum amico incidisti, illam si fieri potest, priuatim cum illo transigas, neque ad publicum tribunal venire sinas, quo hac ratione secretum amici delictum tegatur, testumque silentio inuoluatur. Difficile namque publicè litigare, neque famam tamen proximi ledere: si secus feceris, male apud conscios audies, ut qui neque tuæ, neque proximi quoque famæ rationem habueris.

*Gratia & amicitia liberant, quas tibi serua, ne exprobrabilis fias.*

**F**AUOR & amicitia, maximè verò diuina, hominem à seruili timore & peccati seruitute, & aliis præterea multis nialis atque miseris liberum reddunt, adeoque studiosè curare debes ne per inscitiam aut ignauiam hæc amittas, iustamque propter iacturam ignominiz notam incurras.

11. *Mala aurea in lectis argenteis, qui loquitur verbum in tempore suo.*

**Q**UOD sunt mala aurea in lectis argenteis, hoc est verbū opportuno tempore depromptum. Nam ut rerum venustè celatum, auròque & argento & pretiosis vnionibus expolitatum conspectus est per iucundus, oculisque pergratus; ita verbum eo loco, tempore, & modo quibus oportet in medium prolatum, & ipsum dicentem commendat, & audientes quoque maiorem in modum recreat & oblectat.

12. *Inauris aurea, & margaritum fulgens, qui arguit sapientem & aurem obedientem.*

**S**APIENS qui opportunè admonet & corrigit aurem obsequentem, hoc est, virum humilitate & obedientia ornatum, est veluti inauris aurea, vel monile fulgentibus gemmis & margaritis expolitum, utpote quovis pretio dignus. Quin ille quoque qui bene monenti modestè obsequitur,

inauri

inauri aureæ haud abfimilis est. Siquidem res hæc rara est & sapientū tantum propria. Hi enim soli ferè sunt, qui increpantes & admonentes cum patientia & gratiarum actione audiunt & suscipiunt.

13 *Sicut frigus niuis in die messis, ita legatus fidelis ei qui misit eum, animam ipsius requiescere facit.*

**V**T messoribus messis tempore frigus niuis, hoc est, frigida aura, vel potus gelidus est pergratus, animósque & corpora eorum æstu tabentes mirificè recreat; ita fides diligens quoque legatus, qui legatione confectâ prosperè reuertitur, domini sui animam, quæ præ desiderio & expectatione iam languere & pœnè deficere incipiebat, admirabiliter erigit, magnóque gaudio afficit, ipsumque adeo antè turbatum & inquietum quietum pacatúmque reddit. Curent proinde Principum magnatumque legati ut munere suo ritè perfuncti tempestiuè ad dominum suum reuertantur. Maximè autem sint hic diligentes, qui pro Christo legatione funguntur.

14. *Nubes & ventus, & pluuia non sequentes, vir gloriosus & promissa non complens.*

**V**T autem fidi legati rectè comparantur auræ vel aquæ siti æstuque refrigeranti; ita è diuerso perfidi, quales sunt qui magna promittunt, magnaque de se iactant & interim nihil præstant, aptè assimilantur vento & nubibus pluuiam quidem promittentibus, nullam autem fundentibus; verum hominum agrorúmque spem miserè fallentibus & eludentibus. Commodè autem vanitas illa & iactantia comparatur vento & nubibus: nam & ventus res inanis & inconstans est, & nubes res alta, & inflata, & citò euanida. Transferri haud incommodè possunt hæc ad concionatores & doctores, qui benè docent, sed malè viuunt.

15. *Patientia lenietur princeps, & lingua mollis confringet duritiam.*

**P**atientia & longanimitate sedatur Principis indignatio, dum enim non statim ad vindictam, vel ad ferendam in reos sententiam prorumpit, dumque inducias tantisper concedit donec ira nonnihil deferuescat, incendium paulatim restinguitur, & animi commotio concidit. Quin subditorum quoque tolerantia in rebus aduersis multum ad sedandam eandem commotionem facit. Cum enim illos tametsi grauitè punitos pa-

tientes animaduertunt, Principes mouentur ad commiserationem, iraque sedatâ sententiam de longiore punitione mutant, primatum autem inter ea obtinet lingua blanda & mollis. Vix vlla enim ira est tanta, aut tam dura, quam mollis sermo, humilisque de precatio culpæ mitigare non solear. Exempla huius rei præter quotidiana experimenta suppetunt plura.

16. *Mel inuenisti, comede quod sufficit tibi, ne forte satiatus euomas illud.*

**S**I mel inuenieris comede, quantum sat est, ne si forte obſaturatus fueris, modum ve exceſſeris deruo euomas illud, hoc est, in rebus omnibus, maxime vero in iis, quæ sensum oblectant, serua modum. Nam vt mel si copiosius, quàm par est, ingeratur, vertitur in nauscam; ita quodvis aliud sensum oblectare natum. Imò in aliis quoque rebus id locum habet. Nam in studio sapientia quoque modum ponere oportet. Certum est enim, qui plus vult sapere, quam necessum est, aut altius scrutari, quàm conuenit, aut ingenij vires ferunt, eum in errores & varia incommoda incidere. Qui enim scrutator est maiestatis, opprimetur à gloria.

17. *Subtrahè pedem tuum de domo proximi tui, nequando satiatus oderit te.*

**Q**VID quod per excessum non modò peccetur in cibo aut potu, aliisque similibus, verum etiam in amicitia & familiaritate. Quamobrem rarius in domum proximi infer pedem tuum, ne si nimis frequenter illum inuisas, odio te habere incipiat. Per domus autem frequentationem, nimiam familiaritatem designat. Quod si in rebus profanis nimia frequentia est ingrata, & interdum quoque periculosa, periculosior utique erit in sacris.

18. *Iaculum, & gladius, & sagitta acuta, homo qui loquitur contra proximum suum falsum testimonium.*

**Q**VI contra proximum suum falsum profert testimonium, in re præsertim graui, perinde illum lædit, ac si malleo vel claua caput illius contunderet, aut gladio iugulum illius præcideret, aut sagitta cor illius transfigeret. Nani vt quodvis horum mortem adfert; ita falsum testimonium proximi vitæ, famæ, vel fortunæ interitum intentat: graue proinde damnum adfert proximo mendax testis.

19. *Dens putridus, & pes lassus, qui sperat super infideli in die angustiae.*

20. *Et amittit pallium in die frigoris.*

**A** Micus fucatus & infidelis tempore calamitatis, vel grauis alioqui necessitatis id fere est amico suo, quod dens putridus comesturo, vel pes labans ambulaturo. Nam ut dens & pes corrupti, cum edendum vel ambulandum est, Dominum suum destituunt, partesque suas deferunt: ita spes quam amicus de amico conceperat, tempore angustiae fallit. Quin spes quoque prauaricatoris, hominisque qui in hominem sperat potius, quàm in Deum, æquè firma & utilis est urgente necessitate, atque pes vel dens confRACTUS. Denique qui homini infido fidei, similis est illi, qui hiemis aut frigoris tempore pallium abiicit. Nam ut is eo tempore veste destituitur, quò maximè illa indiget; ita ille praesidio se destitutum comperit, quando magnoperè illud expectat.

*Acetum in nitro, qui cantat carmina cordi pessimo.*

**V**T stultè facit operamque perdit, qui acetum nitro affundit; quia affusione illa vim purgandi, qua pollet, illi adimit. Rursum ut insulsè facit, qui hyberno tempore sibi vel alteri vestem tollit: ex vno namque malo geninum facit, ita ineptè planèque absurdè facit, qui homini maesto læta carmina accinit. Siquidem cantando tristitiam illius incendit & auget verius quàm minuit. Flendum est enim cum flentibus & non ridendum. Idem ferè absurdum committit, qui cordi deprauato & in malitia obstinato, salutaria Scripturæ monita proponit, quia per hæc non emendatur, sed sæpe obstinatio redditur.

*Sicut tinea vestimento, & vermis ligno: ita tristitia viri nocet cordi.*

**R**ES mala & noxia est mæror atque tristitia. Nam præter alia incommoda, non secus hominem exedit, & tandem omnino absumit, atque tinea vestem, aut teredo absumere solet lignum.

21. *Si esurierit inimicus tuus, ciba illum: si sitierit, da ei aquam bibere.*

22. *Prunas enim congregabis super caput eius, & Dominus reddet tibi.*

**S**I esurierit inimicus tuus pane illum ciba, si situerit aquam illi propina, hoc est, omnia, quæ ad vitæ vsum & sustentationem necessaria sunt illi subministra. Quod si hoc feceris non solum mercedem apud Deum,

Z z 2

& laudem

& laudem apud homines promereberis, verum etiam carbones ignis super caput eius coaceruabis, hoc est, ex inimico amicum efficies. Siquidem per eiusmodi beneficia caritate illum accendis. Est enim admodum durus, qui beneficiis subinde collatis non emollitur. Hoc autem præceptum magis spectat ad nouam quàm ad veterem legem. Christi enim Lex est: *Benefacite his, qui oderunt vos*. Rursum: *Orate pro persequentibus & calumniantibus vos*.

23. *Ventus aquilo dissipat pluias, & facies tristis linguam detrahentem.*

**M**AGNUM & perniciosum vitium est detractio, quod tamen sola vultus seueritate si non sanari, coërceri certè potest. Certum est enim si nulli sint, qui susurriones audiant, nullos quoque forè, qui aliis detrahant. Nam vt Boreas dispellit nubes, quas Notus coëgerat, ita qui obtrectatori tristem iratumq. vultum ostendit, compescit detractiois studium, estque modus ille compescendi valde honestus & modestus, siquidem citra ullam apertam alterius reprehensionem oblocutori silentium imponit.

24. *Melius est sedere in angulo domatis, quàm cum muliere liuigiosa, & in domo communi.*

**HÆC** sententia iam ante exposita est, & per se quoque satis plana est; insinuat autem animi pacem & tranquillitatem omnibus vitæ huius voluptatibus merito anteferri. Quid enim prodest vxor formosa, aut opulenta, aut domus ampla, aut supellex ornata, aut lauta mensa, si propter vxoris rixas, aut aliam quamcumq. infestationem maritus nullam habeat requiem, nullam pacem, nullam animi tranquillitatem.

25. *Aqua frigida anima sitienti, & nuntius bonus de terra longinqua.*

**V**T aquæ frigidæ gratæ sunt homini lasso aridâq. siti æstuanti, ita nuntius ad regionem longè positam missus, réque propter quam missus fuerat prosperè confectâ denuò reuersus domino suo est gratissimus.

26. *Fons turbatus pede, & vena corrupta, influs cadens coram impio.*

**I**USTUS, qui coram impio cadit, hoc est, qui impij tyrannidem, aut fauoris & gratiæ illius iacturam metuens puram doctrinam, orthodoxamq. veritatem vel non docet, aut liberè profiteri non audet, similis est fonti pedibus turbato, aut venæ viuientis aquæ obstructæ. Turbatur quoque doctrinæ fons, venâque vitæ obstruitur, quando iustus vi impeditur  
ne veri-



ne veritatem concionetur, ut cum in exilium vel carcerem mittitur, vel alio modo ab officio coercetur utriusque expositionis innumera exempla subministrant presentia tempora.

27. *Sicut qui mel multum comedit, non est ei bonum: sic qui scrutator est maiestatis, opprimetur à gloria.*

**V**T multum mellis non est salubre corpori, nec gratum palato: immodicè enim sumptum vertitur in choleram, & nauseam; sic arcana Dei consilia, rerumque celestium maiestatem nimis accuratè scrutari, non cedit in gloriam aut utilitatem, sed in detrimentum & ignominiam. Rursum ut moderatus mellis usus corpori est salutaris, & gustui suavis, ita sobriè in verba Scripturarum inquirere, eaque examini subiicere, sua utilitate non caret, verum diuinam gloriam & maiestatem, quæ abdita in iis latet, nimis anxie nimisque accuratè inuestigare neque bonum neque gloriosum est, imò vero multorum sæpe errorum seminarium est.

28. *Sicut vrbs patens & absque murorum ambitu, ita vir qui non potest in loquendo cohibere spiritum suum.*

**V**IR qui iræ impetum, linguæque procacitatem cohibere, vel non potest, vel non vult, similis est vrbi patenti, murisque denudatæ. Nam ut in hanc ingreditur & rursus egreditur, quicumque voluerit; ita animi impotens quidvis citra vllum omnino delectum admittit & emitit. At verò qui linguam, & iram, & reliquos immoderatos animi motus cohibet, rectè comparatur ciuitati clausæ, rectèque institutæ.

## A D

## CAPVT VIGESIMVM QVINCTVM

## SCHOLIUM.

1. **H**Æ quoque parabola, &c. Docetur hic Parabolas hasce Salomonis quidem esse, ab eo tamen in ordinem redactas non esse sed ab alio. Quis autem is fuerit id nondum certò compertum est.
2. *Gloria Dei est, &c.* Docet hic in diuinorum operum & iudiciorum rationes neque curiosè inquirendum, neque secreta illius temerè vulganda esse; regiam vero potentiam & maiestatem manifestare, & in hostium

terrorem amplificare, rationi dissentaneum non esse. Inter Deum igitur & Regem plura intercedunt. Deus nihil inquit, cum sciat omnia; Rex autem, quod multa ignoret, multa inuestigare cōpellitur, alioquin in iudicando facile erraret. Deus rursus ut operum suorum rationem reddat non est necesse, cum supremus omnium sit iudex; Rex autem, quo palam de illius æquitate constet, factorum suorum rationem reddat oportet. Deus denique utrobique iudicat, cum sit iudex vivorum & mortuorum; Rex autem in hac tantum vita, quippe cum potestas illius ad alteram se non extendat.

3. *Cælum sursum, &c.* Docet tria non facile inuestigari: nempe cæli altitudinem, terræ profunditatem, & cor Regis: aut certè per comparisonem ostendit, ut cælum & terrā ita cor quoque Regis inuestigari haud facile posse: & licet possit, parvam tamen utilitatē ea in se positam esse. Tum Regum non esse curiosè quæ sunt in cælo vel terræ centro perquirere, sed regni sui negotia cognoscere & tractare.

4. *Aufer rubiginem, &c.* Et hæc quoque per comparisonem accipienda sunt in hunc modum: Ut aurum vel argentum vel aliud metallum rubigine ablata nitescit, idoneamque aurifabro ad fundendum vas purum materiam subministrat; ita impietate & iniustitiā à regno sublata, Regis solum firmatur, floridumque efficitur. Rectè autem impij comparantur scorix. Nam ut ignis scoriā absumit, aurum autem purum reddit; ita afflictio & persecutio expiat & perficit iustos, impios autem absumit & perdit. Rursus ut scoria inficit metallum, ita impij iustorum cætum. Moneantur hic autem Principes ne impios in regno suo hærec finant. Verum hoc tempore mundi scoria, nempe adulatores scurræ, potores, aliique eiusmodi in aulis Regum sunt primi: auro autem & argento mystico, hoc est, bonis doctisq̃ue viris vix ullus ibi est locus.

6. *Ne gloriosus appareas, &c.* Affinis est hic locus illi Christi Seruatoris documento: *Cum inuitatus fueris, &c.* Vterque autem ab ambitione & inani ostentatione auocare, ad modestiam autem & animi submissionem prouocare contendit.

8. *Quæ viderunt oculi tui, &c.* Hæc clausula in Contextu Hebræo cohæret cum versu præcedenti: *Melius est ut dicatur tibi, Ascende huc, quam ut humiliere coram principe, quem viderunt oculi tui.* Noster Interpres Lxx. secutus, initium facit sequentis. Reddunt autem hunc sensum: *Quæ viderunt oculi tui de iis pronuncia, non de auditis.*

*Ne pro-*

*Ne proferas, &c.* Monemur hic ne occultum proximi crimen per iram in lucem efferamus, etiam si illud oculis nostris viderimus; multò verò minus si auditu tantum perceperimus; verum si emendationis spes est, secretò secundum Christi legem peccantem admonere licet. Occultum autem crimen, nisi publica utilitas aliud efflagitet, numquam divulgare fas est, per iurgium autem & intempestivè numquam omnino.

9. *Causam tuam tracta, &c.* Docemur hic in arduis negotiis amicos in consilium adhibendos, sed fidos secretique tenaces tantum: extraneis enim & ignotis non faciliè fidendum est. Hebræa aurem innuunt controverfias, quæ cum amico incidunt, prius atque componendas, ad iudicis autem tribunal non esse adducendas, quò hac ratione secretum proximi illæsum teneatur.

10. *Gratia & amicitia, &c.* Hæc ex Lxx. sunt petita. Significant autem Dei hominumque favorem ab inani timore, peccati que servitute liberare, adeoque conandum ne cum probro earum rerum iacturam faciamus.

11. *Mala aurea, &c.* Exponitur hic quàm grata soleant esse verba opportunè in medium prolata. Etenim ut quis pretiosus ornatus thecis ita insertus ut non totus lateat, sed aliquam sui speciem spectantibus obiciat, vel gemma operi celato inclusa spectari solent esse periuicunda; ita verbum quoque eo, quo par est, modo & tempore depromptum.

12. *Inauris aurea, &c.* Comparat prudentem admonitorem, (qualis est quia ea ratione admonet, ut admonitum obsequentem sibi reddat) inauri aureæ vel monili obryzi. Hebræa sonant: Sapiens qui increpat aurem obedientem præstat in auris aureæ. Quod ad membrorum oppositionem spectat, inauris aurea respondet auri obsequenti; monile autem aureum sapienti prudenter admonenti.

13. *Sicut frigus nivis, &c.* Monentur hoc loco legati & nuncij, ut sint fideles, seduli, & diligentes: cum propter alia multa, tum maximè propter auxilium suspensum que legantium animuni. Mysticè, bonus & fidus legatus fuit Christus, boni itidem & fidi legati fuerunt Apostoli ceterique omnes, qui functionem Apostolicam fideliter obeunt, aut aliquando obierunt, plura de hoc argumento proposita sunt Cap. XVII.

14. *Nubes & ventus, &c.* Comparat hic magna promittentes, nihil autem præstantes nubibus pluviæ quidem pollicentibus, in fumum autem abeuntibus. Monemur per hæc vero, ne id quandoque promittamus, quod præstare vel non volumus, vel non possumus.

15. *Patientia lenietur, &c.* Monentur hic muneris sui, cum subditi, tum ipsi quoque Principes, hi ne temerè in vindictam profiliant, illi ne principibus iræ occasionem offerant, iratosque blandis verbis placare studeant.

16. *Mel inuenisti, comede, &c.* Docet per hæc in omnibus rebus modum seruandum esse. Nam etsi mel dulce palatōq. gratum sit plusculum tamen sumptum vertitur in bilem. Idem statuatur de ceteris voluptatem adferre natis.

17. *Subtrahē pedem tuum, &c.* Cohæret cum versu præcedenti. Docetur hic namque nimiam familiaritatem & frequentiam contemptū & odium tandem progignere.

18. *Iaculum & gladius, &c.* Comparat hic falsum testimonium malleo, & gladio, & sagittæ, quæ omnia sunt instrumenta letifera variis modis mortem adferentia. Nam falsum quoque testimonium natum est non vni alicui bono, sed omnibus bonis, quæ in hominis vsum veniunt, detrimentum adferre.

19. *Dens putridus, &c.* Confert amicum infidum cum dente confracto & pede infirmo. Nam vt vtrumque dum vsus postulat, deserit, ita perfidus quoque amicus. Idem illis accidit, qui Deo misso, spem suam in hominem reiciunt: est enim omnis homo suâ naturâ mendax & inconstans.

*Acetum in nitro, &c.* Docetur hic vt insulsè facit, qui nitrum aceto perfundit, quia affusione illa nitri vires eleuat non auget; ita quiddam quoque ineptum designare, qui mæsto lata carmina æcinit, quippe cum eiusmodi carmen mæstitiam illius augeat magis, quàm subleuet. Si autem cum quibusdam statuatur acetum nitri vires augere, per cor malum accipere oportebit cor vitiiis contaminatum. Tale namque blanda oratione exacerbatur verius, quam sanatur.

*Sicut tinea vestimentum, &c.* Confert internam animi mæstitiam cum tineæ & teredine: quia vt hæc consumunt vestes & ligna; ita illa, si fuerit magna & diuturna exedit cor. Rursum vt tinea in veste, & teredo in ligno nascitur & nutritur, ita tristitia in animo. Ceterum hic versus in Contextu non habetur Hebræo, sed tantum apud Lxx.

21. *Si esurierit inimicus, &c.* Hæc sententia est magis Evangelica quàm Mosaica, quamvis alibi quoque similia legantur in veteri Testamento. Interim sensus talis, Congregat prunas super caput inimici, non ita clarè apparet nisi dicamus idem esse prunas infundere, quod caritatis igne inflammare.

23. *Ventus Aquilo, &c.* Comparatur hoc loco vultus severus & subintrandus aquilonari vento. Nam ut hic dissipat nubes, ita ille obtrusionis fulurationes. Monemur per hæc autem ne faciles aures delatoribus præbeamus. Lxx. legunt: *Ventus Boreas suscitavit nubes.* Nam licet Boreas ab Aquilone nubes dispellat, in Austro tamen cogit, sicut è diverso Notus hic cogit, in Austro autem dispellit.

24. *Melius est sedere, &c.* Hæc sententia Cap. XXI. Versu IX. iam expressa est. Significatur per hanc autem pacem domesticam ceteris omnibus voluptatibus præstare.

25. *Aqua frigida, &c.* Confertur hic nuncius bonus ex loco remotè politè allatus cum aqua frigida. Nam ut hæc est grata sitienti, ita ille eiusmodi nuntium avidè expectanti. Versu XIII. huius Capituli simile quid legitur.

26. *Fons turbatus, &c.* Subintelligitur hic particula similitudinis Sicut, vel alia similis; idem autem utroque membro significatur, nempe rem indignam esse, videre iustum ab impio prostratum, vel ita consternatum, ut illum reprehendere, aut veritatem liberè profiteri non audeat. Quadrant in eos, qui veritatis sermonem perplexè, vel non libere propter ostensionis metum prædicant: id quod hoc tempore sæpissimè accidit.

27. *Sicut qui mel, &c.* Sumptâ comparatione ab immodico mellis usu, ostendit neque bonum, neque salutare esse nimis accuratè inquirere in eas res, quæ sensum omnem, omnemque mentis captum excedunt, aut etiam in intimos Scripturarum sensus.

28. *Sicut urbs patens, &c.* Assimilat hominem, qui animi sui impetum currcere non potest, urbi apertæ muròque destitutæ. Nam ut hæc nullo negotio ab hoste capitur, ita suis ille verbis subindè irretitur, miserèque decipitur. Simile quid legitur Cap. XXI.

PARAPHRASTICA  
CAPITIS VIGESIMI SEXTI  
EXPLANATIO.

1. *Quomodo nix in æstate, & pluuia in messe: sic indecens est stulto gloria.*

**V**T nix in æstate, & pluuia in messe sunt importuna & insolens (quia tempora illa calorem & siccitatem, non autem fructum vel pluuiam exigunt) ita viro stulto & improbo nullo modo conuenit gloria. Siquidem gloria est præmiu[m] virtutis & excellentiæ quæ in homine stulto & improbo non reperiuntur. Sapiens enim verumque pro eodem accipit. Verum hoc tempore maior opum & nobilitatis habetur ratio, quàm virtutis & sapientiæ; quo etiam fit vt sursum deorsumque passim ferantur omnia.

2. *Sicut auis ad alta transuolans, & passer quilibet vadens: sic maledictum frustra prolatum in quempiam superueniet.*

**Q**uemadmodum palleris & hirundinis, & cuiusvis alterius avis est, non fixum semper tenere locum; sed de loco ad locum migrare, & quoquoersum volitare, & tandem ad nidum suum reuerti, ita maledictum temere prolatum, hoc est, iniuste in aliquem detortum, non peruenit ad eum, ad quem destinabatur, aut si fortè ad eum peruenerit, tamen sedem apud eum non capit, verum ad eum, vnde profectum fuerat, denique reuertitur. Ne illos itaque metuamus, qui iniuste blasphemant, aut maledicunt, aut derident, aut conuiciantur.

3. *Flagellum equo, & chamus asino, & virga in dorso imprudentium.*

**V**T flagellum adhibendum est equo & chamus asino, quo officium faciant, promptèque ministerium suum præstent; ita virga admodum est fatui dorso. Nam cum sensu magis quàm ratione valeat, virga tamquam iumentum ad officium compelli, & intra recti limites contineri debet: per equum autem & asinum non solum superbi, ignaui, & luxuriosi, sed omnes omnino vitiosi designantur.

4. *Ne responde stulto iuxta stultitiam suam, ne efficiaris ei similis.*  
 5. *Responde stulto iuxta stultitiam suam, ne sibi sapiens esse videatur.*

**N**E stulto, qui te fortè maledictis, aut conuitiis, aut calumniis appetit, iuxta stultitiam suam respondeas; hoc est, ne maledicta, aut conuitia, aut calumnias, quas in te stomachosè congerit, in illum vicissim regeras, quæquæ similis ei videberis. Oportet enim stultorum orationem veluti responsum indignam contemnere: attamen si quando illi respondendum videtur, ne se solum sapere existimet, aut ne aliis suâ stultitiâ noceat, responde illi cordatè & sapienter, hoc est, eiusmodi verbis, quæ illius stultitiâ palam ostendant. Pro temporum igitur, locorum, rerum, & personarum ratione stulto modò respondendum est, modò rursus eidem respondendum non est.

6. *Claudus pedibus, & iniquitatem bibens, qui mittit verba per nuntium stultum.*

**Q**UI seruum aliquod negotium, aut rem aliqui ponderosam homini stulto transigendam, tractandam, vel denunciandam committit; haud obuius est illi, qui pedes illi præcidit, quem negotiorum causa aliquando mittit. Nam ut homo truncus pedibus ambulare nequit, ita stultus quoque prudenter negotiari non valet, adeoque vterque de iusti iniquitate bibit, hoc est, detrimenta, quæ per claudi vel stulti impotentiam vel stultitiam acciderunt, hauriet. Truncat sibi ipsi quoque pedes, qui stulto legationem committit, quia negotiorum progressum manifestò, impedit.

7. *Quomodo pulcras frustra habet claudus tibias: sic indecens est in ore stultorum parabola.*

**V**T ven istæ tibie non conueniunt claudis, ut qui ob claudicationis viam venuste eis uti non queat; ita parabola stulto non conuenit. Nam propter suam stultitiam opportuno loco & tempore, ea uti non valet. Rursum ut pulcræ tibie vix vllum ornamentum adferunt claudis; ita patientiæ, vel qualiscunque alia doctrina nullam vel certè perexiguam stulto auctoritatem conciliat. Denique ut claudus, licet venustas habeat tibiæ, semper tamen claudicat, inæqualiterque ambulat; ita stultus quauis in ore illius sapiens aliquod dictum nonnumquam resideat, semper tamen cespitat & inæqualiter ambulat quia facta dictis non exæquat.

8. *Sicut qui mittit lapidem in aceruum Mercurij : ita qui tribuit insipienti honorem.*

Sicut qui gemmam, vel quemvis preciosum lapidem in vulgarium lapidum aceruum mittit, operam perdit, palamque se se stolidum ostendit, ita ille etiam, qui viro stulto & insipienti honorem tribuit. Honor namque, ut paulo ante indicatum est, non debetur hominibus stultis & insanis, sed sapientia & virtute præditis. Quare eiusmodi honor perit & obscuratur, sicut gemma inter vulgares silices vel saxa coniecta.

9. *Quomodo si spina nascatur in manu temulenti: sic parabola in ore stultorum.*

UT se habet spina in manu hominis temulenti, ita parabola vel parodia in ore stulti. Nam ut ebrius, quod plena rationis luce destituatur, spina se ipsum & alios vulnerat, ita eruditæ & graves sententiæ, & sacræ quoque literæ, dum à stultis & indoctis hominibus tractantur, plus plerumque incommodi sibi & aliis adferunt quàm commodi. Rursum ut temulentus, dum rosam decerpere molitur, non absque aliorum risu sæpe apprehendit spinam; ita stultus inopinatè sententiam aliquam fundens, maximè si ad rem præsentem parum aut nihil faciat, se ipsum pungit; quia stultitiam suam aperit, & aliis risum mouet.

10. *Iudicium determinat causas: & qui imponit stulto silentium, iras mitigat.*

VI Iustum & æquum iudicium è medio tollit lites & controuersias, quæ inter homines nasci solent; ita vir prudens, qui sano maturique iudicio stulto silentium imponit, rixas quas stultus iam concitauerat, vel certè, nisi silentium illi impositum fuisset, concitaturus erat, compescit. Contextus Hæbreus aliam sententiam offert, nempe hanc: Magnus format omnia, datque mercedem stulto & transgressori; hoc est, Dominus, qui est super omnia, creat & pascit omnes, iustos nimirum & iniustos; sapientes rursum & insipientes: hoc enim mercedis vocabulo denotatur. Solent quidam namque mercedis loco diurnum tantum cibum percipere. Nata est autem hæc sententiarum dissimilitudo ex diuersa lectione. Aliud enim legit noster interpres, aliud habent exemplaria, quæ nunc estis, Hæbræa.



11. *Sicut canis qui reuertitur ad vomitum suum, sic imprudens qui  
integrit stultitiam suam.*

**H**Omo stultus & sceleratus, qui per Dei gratiam à sua stultitia, peccatorumque sordibus semel liberatus denuo in eandem stultitiam, peccatorumque sordes recidit, similis est cani resorbenti sordes, quas per vomitum eiecerat. Enimverò ut res fœdissima, & ab omni honestate alienissima est, per vomitum reiecta resumere; ita fœdissimum & ab omni utilitudine, quàm Deo debemus, alienissimum est quoque peccata per penitentiam semel deleta, denuo repetere, vel fidem semel receptam deferere.

12. *Vidisti hominem sapientem sibi videri? magis illo spem habebis insipiens.*

**V**idistine quandoque hominem sapientem in oculis suis? hoc est, talem qui cum esset stultus, sibi tamen sapere videbatur, & quidem plus ceteris? crede mihi maiorem spem esse de homine stulto, hoc est, rudo & indocto, quàm de illo. Nam qui se rudes, vel parum alioqui versatos agnoscunt, aliorum admonitiones faciliè admittunt; imò doctiores consilij eorum ultro adeunt, erudiri que cupiunt, verum qui superbia inflati se prudentes, ceterisque doctiores esse persuasum habent, omnes docere; à nemine autem discere, aut admoneri volunt: & sic perstant in sua inscitia & errore, cuius rei illustre exemplum subministrant ætatis huius sectarij.

13. *Dicit piger, Leo est in via, & leæna in itineribus.*

**N**ihil fœdus homine pigro & ignauo: nam cum nullum honestum opus exerceat, nullique utilis existat; sed præ mera desidia tordeat, nauseamque omnibus moueat, adhuc tamen pigritiam suam honesto titulo excusare non dubitat. Etenim ad opus aliquod inuitatus vel provocatus, dicit, Leo est in via, leæna vel pardus est in platea; quæ oratio huc rudi libenter & ex animo hoc vel illud opus facerem, verum citra præsentaneum vitæ periculum non valeo. At non ita illi qui per caritatem ad Christum tendunt. Nihil enim tam difficile est, quod illos à via illa absterreat, aut amoveat. *Quis, inquiunt, separabit nos à caritate, que est in Christo Iesu? An tribulatio? An angustia, &c.*

14. *Sicut ostium vertitur in cardine suo, ita piger in lectulo suo.*

**N**equè existimes pigrum, quando propter leonis, aut pardi merum ad externum opus non exit, domi honestè se occupare, perque domum sedulo discurrere ac prudenter, quæ fieri debeant, familiæ præfinire. Nam domi quoque vel nihil omnino agit, vel nihil honestū agit. Etenim vsque adeo ignauus & otio deditus est, vt ne ipsum quidem otium quietè ferat: vt qui in ipso quietis loco, hoc est, strato quietè non agat, sed modo in hanc, modò in illam partem se voluat, neque aliis tamen egredientibus, aliis ingredientibus loco se mouet; verum in lecto vt ostium in cardine solet, identidem se versat.

15. *Abcondit piger manus super ascel'a sua, & laborat si ad os suum eas conuerteris.*

**P**AUCIS adeo per otium & ignauiam deiectus prostratusque iacet piger, vt ea quoque grauatim faciat, quæ sunt maximè communia, & ad humanæ vitæ vsum apprimè necessaria: cuiusmodi sunt è lecto surgere, veste se induere, manus & faciem abluere, ad mensam accedere, cibum sumere. Nam & manum, quam ad laborem & vitæ opera extendere solebat, in sinu, vel sub axilla abscondit, & laborat magnæque molestia afficitur, si eam ad os, hoc est, ad capiendum cibum, aliâque eiusmodi extrahere compellatur.

16. *Sapientior sibi piger videtur septem viris loquentibus sententias.*

**E**T quod his omnibus peius & intolerabilius est, cum non modo sit piger & ignauus, sed omnium quoque rerum prorsus ignauus (si videm ignauiam necessariò comitatur ignoratio, scientia namque exigit laborem & industriam) adhuc tamen septem sapientibus graues sententias depromentibus se sapientiozem esse persuasum habet. Eius ordinis sunt, qui dicere solent, quorsum scholas frequento, aut sacras conciones vniuersitatis sacra & profana omnia melius intelligam, quam doctor vel condonator ipse; vel quorsum vigilis aut studiis caput rumpo, aut cerebrum cōstudo, cum otio plus valeam consequi, quam ille vel ille laborioso ingenium, paucissimique etiam ex magnatibus & nobilibus eruditi exilant.

17. *Sicut qui apprehendit auribus canem, sic qui transit impatiens, & commiscetur rixæ alterius.*

**S**icut absurdè & inconsultè agit, qui canem mordacem auribus vellit. Sed & ademptè vocat (canis enim quod aurium vellicationem non ferat, contra vellicationem insurgit & latrat, & si potest vel audet mordet) & peritque, qui obiter aliquid transiens, videt duos inter se rixantes, aut committentes, impatientia motus contra alterutrum vel utrumque insurgit. Siquidem nihil hinc reportat nisi malam gratiam, & interdum quoque vulnera & plagas: verum moderatè & prudenter intercedere, partèsque committentes in concordiam reducere, illud non est inhibitum, sed licitum & honestum.

18. *Sicut noxius est qui mittit sagittas, & lanceas in mortem.*

19. *Ita vir qui fraudulenter nocet amico suo, & cum fuerit deprehensus dicit, Ludentes feci.*

**S**icut qui sagittam vel iaculum clanculum mittit, ad occidendum quempiam duplici nomine noxius perniciosusque existit. Nam & occultè id facit, quo post mortem illatam factum inficiari possit, & repentinè præteritis omnem expectationem perimit; ita ille quoque qui amicum suum nihil mali cogitantem fraude circumvenit, trifariam peccat: nam & amicum lædit, & clanculum lædit, & in fraude deprehensus adhuc amicus haberi querit. Allegat enim se non serio sed ioco fecisse, quidquid fecisse deprehensus est, adeoque sicariis, latronibus, & incendiariis omnibus deus est: constitit. Siquidem hos quoque Hebræus Contextus ceteris aducit, habet enim: Sicut qui emittit scintillas, sagittas, & mortem, &c.

20. *Cum defecerint ligna, exstinguetur ignis: & susurrone subtrahito, iniuria conquiescunt.*

**R**ES mala & perniciosa est mala lingua, maximè verò delationibus & susurrationibus delicta, magnaque infert reipubl. damna & detrimenta, quæ & reipubl. non prius vexare desinent, quam malæ delatorique lingue à medio submotæ fuerint. Nam ut ignis dum ligna ipsi subtrahuntur exstinguitur, per lignum autem adiectum incenditur & inflammatur: ita per fallas delationes & detractiones discordiæ, lites, &urgia, etiam inter amicissimos excitantur & fouentur: per harum autem proscripti-

ptionem & amotionē antē excitatæ consopiantur & profligantur. Quam obrem reipublicæ, regnis, & principatibus optimè consulunt, qui adulato-ribus vel delatoribus nullum locum concedunt.

21. *Sicut carbones ad prunas, & ligna ad ignem, sic homo iracundus suscitatur rixas.*

Sicut carbo aptus est ad prunas, & ligna ad ignem, sic homo rixosus & iracundus idoneus est ad suscitandam litem. Nam ut ligna incendunt, fouent, & augent ignem; ita ira incendit lites & rixas. Profligatis itaque vel placatis iracundis simul profligantur, & consopiantur rixæ & contentiones: causâ namque è medio sublatâ effectus, qui naturaliter inde fluebat, tollitur quoque.

22. *Verba susurronis quasi simplicia, & ipsa perueniunt ad intima ventris.*

Susurronis oratio videtur blanda, lenis, & simplex, interim murem sauciat & vulnerat. Penetrat namque vsque ad ima cordis & pectoris; hoc est, certam perniciem adeoque interitum ipsum adferunt.

23. *Quomodo si argento sordido ornare velis vas fictile, sic labia tumentia cum pessimo corde sociantur.*

Labia quæ odio ardent, fastûque tument, ac cordis prauitatem tegere latque dissimulare norunt, similia sunt vasi fictili quod argento impuro obductum est. Primo namque ut vile impurumque argentum, vili impuræque conuenit materiæ, ita praua impuræque labia prauo impuroque conueniunt cordi: mox vero ut argentum tamen si immundum opus testaceum tegit, & non nihil quoque exornat, etiam si parum interim valoris illi adiungat; ita labia superba cor malum tegere quidem possunt, bonum tamen illud facere non possunt. Postremò autem ut vas fictile licet argento ornatum, tandem retegatur & confringitur; ita cor prauum licet labia tumentia ad tempus illud tegunt, suo tamen tempore aperitur, palamque confunditur.

24. *Labii suis intelligitur inimicus, cum in corde tractauerit dolos.*

Doli & imposturæ, quas inimicus in pectore versat, ex illius verbis & oratione deprehendi vitiumque possunt. Nam licet aliud in pectore verset, aliud in lingua promptum habeat, adeoque simulator existat: at-  
men

men animi virus ita dissimulare non potest, quin aliquò modo illud prodatur. Quandoquidem ipsa blandimenta, quibus vitur reddunt ipsum suspectum. Solent enim qui decipere volunt blandiri & adulari.

25. *Quando submiserit vocem suam, ne credideris ei: quoniam septem nequitia sunt in corde illius.*

**E**A propter qui voce submissa, gratioseque te alloquetur, ne temere illi credas: quandoquidem septem nequitias, hoc est, multa mala aduersum te in corde suo meditatur, debesque eò magis illum formidare, quò magis blanditur & adulatur. Præsertim vero si aliquando inimicus fuit & ex animo in gratiam non rediit.

26. *Qui operit odium fraudulenter, reuelabitur malitia eius in consilio.*

**Q**UI regit odium, quod in pectore fouet, in proximi perniciem & fraudem, non euadet impunis. Siquidè malitia eius tandem aliquando in iudicium cœtu patefiet, patefactaque iusta, ut par est, pœna plebitur. Nulla enim simulatio est diuturna, nedum perpetua, ne apud homines quidem, ut multa exempla probant. Et licet hic maximè perpetuò lateat, in ultimo tamen iudicio omnibus reuelabitur, æternòque supplicio, si per pœnitentiam deleta non fuerit, multabitur.

27. *Qui fodit foueam, incidet in eam: & qui voluit lapidem, reuertetur ad eum.*

**Q**UI alteri aperit foueam, aut iniustas struit insidias, incautus incidet in illas, & qui lapidem in alterum deuoluere studet, obteretur ab illo. Recidet enim in caput illius, idque iusto Dei iudicio. Qui enim alterum iniuste opprimere nititur, promeretur ut ipse iuste opprimatur. Sunt hæc cognata illis Davidis Regis: *Incidit in foueam quam fecit. Item: Conuerteretur dolor eius in caput eius, & in verticem ipsius iniquitas eius descenderet.*

28. *Lingua fallax non amat veritatem: & os lubricum operatur ruinas.*

**L**ingua mendax non amat veritatem, ut quæ per illam redarguatur, mendacium enim maiorem aduersarium nullum habet, quàm veritatem. Et os lubricum & blandum, cuiusmodi est, quod blanda oratione simplices rerumque rudes decipit, & à via veritatis in errorem abducit, operatur ruinas. Nam & se ipsum & alios euertit, & in plurima mala deiicit.

Hebræa duplicem sensum admittunt, eumque contrarium. Alter est: Vir linguæ mendacis exosum habet eum, quem lingua mendaci conerit aut flagellat. Alter est: Vir humilis cordeque contritus, odit linguam mendacem; os autem blandum euertit eum, quem blandè alloquitur. Alij: Os verax & blandum linguæ mendacis ruinam facit, siquidem vnum contrarium alterum euertere natum est.

## A D

## CAPVT VIGESIMVM SEXTVM

## S C H O L I V M.

1. **Q**uomodo nix in aestate, &c. Docetur hic hominem stultum & improbum non decere honorem & gloriam, vt quæ virtutum & sapientiæ sint præmia; at hæc interim indecentia hoc tempore latè regnat, sed non absque insigni Ecclesiæ & reipubl. detrimento.

2. *Sicut avis, &c.* Agit contra temerariam nullâque ratione nitentem maledictionem: docet autem eiusmodi non esse metuendam, quod eò reuertatur, vnde profecta fuerat.

3. *Flagellum equo, &c.* Comparat hominem stultum equo & asino; nam cum stulti non tam rationem, quàm belluarum more naturæ impetum sectentur, vt belluæ tractandi sunt.

4. *Ne responde stulto, &c.* Et si duo hi versiculi opposita præcipere videantur, attamen non præcipiunt, sed pro temporis vel loci qualitate, modò hoc modò illud sectandum admonent.

6. *Claudus pedibus, &c.* Damnat hic locus illorum imprudentiam, qui res graues secretumque deposcentes homini stulto & improbo committunt. Nam & ignominia se ipsos afficiunt, & magnum nihilominus incommodum sibi acgerunt; quia peccatum, quod stultus designauit, ipsi met luere compelluntur. O quot claudos, ô quot stultos Episcopi hoc tempore mittunt ad legationem pro Christo obeundam, quorum iniquitatem, & peccata ipsi olim bibent.

7. *Quomodo pulcras, &c.* Committitur hic stultus parabolâs enuctans cum claudo venustè tibiato. Nam vt venustæ tibix nullum huic afferunt vsum aut ornamentum, quia ambulare non potest; ita doctrina vel sermo parabolicus nihil quidquam confert, vt qui commodè iis vti non valeat.

8. *Sicut*

8. *Sicut qui lapidem mittit, &c.* Docetur hic æquè absurdè eum facere, qui stulto vel improbo tribuit honorem, atque illum qui gemmam, vel alium lapidem pretiosum coniecit in acervum Mercurij, aut in fundam. Siquidem lapis in funda ita ponitur, ut inde statim eiciatur, nec umquam amplius repetatur, aut simpliciter perdatur. Sunt qui vocem Hebræam *Purpuram* interpretantur & tunc sensus est: Ut communem lapidem purpuræ inuoluerè ineptum est, quia vulgaris lapis non est dignus tam pretioso inuolucro; ita ineptum est stultum honore cumulare.

9. *Quomodo si spina, &c.* Docet idem esse sermonem sapientem in ore stulti, quod spina in manubrij, quia utrumque lædit & confundit habentem.

10. *Iudicium determinat, &c.* Locus hic aliter legitur in vulgata Editione, aliter in Contextu Hebræo, aliter apud Lxx. secundum nostram Editionem sensus est: Ut publicum iudicium finit lites & controuersias; ita vir prudens stulto silentium imponens submouet lites, quas stultus iam excitauerat, vel excitare poterat. Secundum Lxx. Omnis stultorum caro, hoc est, omnes omnino stulti multum fluctuant, cogitationibus variis & animi motibus agitantur: sunt enim in omnibus ferè inconstantes. Secundum Hebræos: Magnus ille, qui creat omnia, nutrit & conseruat, largiturque omnibus, quod pro meritorum ratione, aut pro naturæ cuiusque conditione unicuique debetur.

11. *Sicut canis qui, &c.* Hic confirmatur quod ante aliquoties indicatum est, nempe familiare esse sapienti stulti nomine designare quemvis improbum & sceleratum hominem. Docetur hic autem fædum & execrabile esse, ad demissam semel vitæ turpitudinē, vel hæresin, vel aliam quamcumque peccandi consuetudinem denuò reuerti.

12. *Vidisti hominem, &c.* Agitur hic de eo hominum genere, qui cum sapientes non sint, se tamen sapientes esse, imo vero ceteris sapientiores esse existimant. Docet autem maiorem spem esse de verè stulto & improbo, suam tamen stultitiam & improbitatem agnoscentē, quàm de illo, qui in oculis suis sapiens est, quia hic morbum suum non agnoscit, ille agnoscit & improbat.

13. *Dicit piger, &c.* Hic locus Cap. xxii. Vers. xiv. expositus est. Sensus autem est clarus. Indicatur namque pigrum, dum ad opus aliquot honestum euocatur, ne frustra piger habeatur, ibi periculum vitæ allegare, ubi nullum est omnino.

14. *Sicut ostium, &c.* Exposuerat quid pigrum domi detineret; nunc subdit quid domi agat. Etenim versat sese in lecto, ut ostium in cardine, conuenit non solum in insigniter ignauos; verum in eos quoque, qui multa proponunt, & nihil exsequuntur, aut serio aggrediuntur.

15. *Abcondit piger, &c.* Hæc iam ante quoque, nempe Cap. XIX. Vers. XXIV. elucidata sunt, & insigne ignauiae argumentum proponunt. Nihil enim indignius quàm ea propter ignauiam detrectare, quæ ad vitam maxime sunt necessaria, maximeque communia & facilia.

19. *Sapientior sibi piger, &c.* Hæc exponunt summam quorundam ignauorum hominum arrogantiam. Quid enim stultius & arrogantius, quàm hominem ignauum, qui nec studet, nec studuit umquam, se sapientibus omnibus sapientiores esse existimare? Conuenit in Iudæos & hæreticos, qui putant se omnia scire, cum re ipsa nihil sciant; tum in eos rursus, qui se propter literas caput rumpere nolle asserunt.

17. *Sicut qui apprehendit, &c.* Monemur hic nullum temere irritandum. Sicut canem auribus vellicare, aliud nihil est quàm citra causam ad iram illum prouocare, sed & ille quoque, qui sese tanquam sequestrum in alienam litem vtrò ingerit, communiter alterius partis odium sibi adiscit, atque ita in rixandi necessitatem citra necessitatem sese conicit.

18. *Sicut noxius, &c.* Comparantur hic ficti simulatiq; amici cum latronibus & sicariis. Nec iniuriâ: est enim res indignissima amicitiam verbis & signis simulare, in animo autem hostilia versari. Hebræa sonant: Sicut se abscondit, qui scintillas spargit, nempe incendiarius, & qui sagittas emitit, latro vel sicarius, hoc est, omnis ille, qui alteri mortem intentat, aut mortis tela in alium destinat; sic vir qui defraudat amicum, deprehensus autem dicit: Nonne ego ludebam?

20. *Cum defecerint ligna, &c.* Comparatur hic mala lingua igni. Nam ut hic omnia incendit & absumit; ita ille iurgiis & disidiis omnia confundit, & in vastitatem redigit. Siquidem bella, quæ excitat, suâ naturâ vastant & destruant omnia, neque aliud contra hoc malum est remedium quam mors & interitus.

21. *Sicut carbonēs, &c.* Tendunt hæc eodem, quò præcedentia: vnum hoc interest, quod ibi illud tribuebatur delatori & susurrioni, quod hic homini rixoso & iracundo.

22. *Verba susurronis, &c.* Capite XLIX. similis sententia exposita est, perstringit



perstringit autem mala, quæ ex simulata fufurratoris oratione nafci folent. Nam etfi hæc videatur blanda, mortifero tamen veneno eft plena.

23. *Quomodo fi argento, &c.* Comparat hic vas fictile argento impuro circumfulum & ornatum labiis odio quidem ardentibus, cordis tamen nequitiam callidè tegentibus & diffimulantibus. Paucis, totus hic locus agit de vitiis linguæ, callidisque maledicis hominibus, cuiusmodi funt, qui vitium internum externo oris velamine tegere norunt.

24. *Labiis fuis intelligitur, &c.* Locus hic, qui contra impoftores agit, pro Hebraicæ vocis latitudine geminum fenfum admittit. Alter eft: Ex inimici oratione venenum, quod intra fe fouet, cognofci poteft. Alter eft: Aliud in corde tenet inimicus, aliud in lingua promptum habet. Præfeferunt enim amicitiam, cum intra fe tamen odium foueat; & hunc fenfum confirmant, quæ fequuntur. Subdit enim: Cum fubmiferit vocem, hoc eft, cum humili oratione fe tibi fubmittit, ne illi fidas.

26. *Qui operit odium fraudulenter, &c.* Cohæret hic locus cum præcedente. Docet namque omnem impofturam, omnemque dolum & fraudem tandem ad lucem venire, grauiterque plecti; adeoque fe ipfos fallere qui ob id liberius peccant, quod fcelera fua lucem non vifura credant.

27. *Qui fodit foueam, &c.* Hunc verfum quotidiana experimenta probant, plerumque enim improbi homines cadunt in laqueos, quos iuftis iniufte parant, fimile quid legitur Ecclefiaftici X. & Pfal. VII. & alibi.

28. *Lingua fallax, &c.* Docet linguam mendacem non amare veritatem; vt quæ mendacio aduerfatur. Sed neque illos quoque amare, quos iniufte flagellauit: fiquidem nouit fe illis exofum effe. Hebræa fonant: Lingua mendax odio habet contritum. vel è diuerfo: Vir contritus & humilis linguam odit mendacem; os itidem blandum, cuiusmodi eft, quod homines conterere, & à via rectæ auertere folet.

# PARAPHRASTICA

## CAPITIS VIGESIMI SEPTIMI

### EXPLANATIO.

1. *Ne gloriæris in crastinum, ignorans quid superventura pariat dies.*

**N**E gloriæris, neque te iactes de crastina luce, aut futura felicitate, prosperitate, vel actione. Siquidem nescis quid in crastinum vel in proximū diem futurum sit, cum nemo mortalium certò sciat in crastinumne vsque victurus sit. Multi multa hodie proponunt, qui cras in tumulum inferuntur. Eapropter valdè inconsultè faciunt, & periculosè viuunt, qui vitæ emendationem vel poenitentiam in crastinum, vel futurum tempus reiiciunt.

2. *Laudes te alienus, & non os tuum: extraneus, & non labia sua.*

**E**T vt nemo gloriari vel iactare se debet de crastino vel tempore futuro: sic nemo quoque gloriari debet de se ipso, aut de vlla omnino propria virtute, aut excellentia. Nam præterquam quod propria laus de falsitate & superbia meritò suspecta habetur, est quoque stultorum proprium se ipsos laudare. Si tamen publica vtilitas, vel priuata innocentia aliud interdum postularet, non esset à virtute alienum se ipsum commendare: Quemadmodum Apostolus Paulus propter falsos fratres coactus est illud facere. Interim consultius est ita viuere, vt non sit opus se ipsum laudare.

3. *Graue est saxum, & onerosa arena: sed ira stulti vtroque grauior.*

**G**Raue & ponderosum est saxum, res molestæ & onerosæ rursus est arena; at vtroque grauior & molestior est hominis stulti & improbi ira. Siquidem hæc mentem & animum; illa corpus tantum molestant. Ira præterea stulti, quod ratione careat, est omnino impetuosa & belluina, neque sedari facile potest, quod rationem nullam admittat, nec audiat. At sapientum ira est rationi consentanea & moderata, facilèque placatur. Furunt autem stulti & improbi præcipuè, cum de sua stultitia & improbitate seriò admonentur.

4. *Ira*

4. *Ira non habet misericordiam, nec erumpens furor: & impetum concitati spiritus ferre quis poterit?*

EST autem ira stulti ob id quoque deterior & intolerabilior, quia nullam adiunctam habet misericordiam. Statim namque insani furor erumpit in cædem, vel vindictam, vel aliam absurditatem: adeoque furoris illius vim concitæque spiritus impetum ferre perdifficile est. Hæc fere offert nostra Editio, verum Hebraica inter iram, & furorem, & invidiam comparatione factâ, invidiam ira & furore multis partibus deteriorem asserit; habet autem in hunc modum: Crudelitas est in ira, & impetus quasi exundantium aquarum in furore, æst coram invidia quis consistet? quasi dicat nemo omnium: utrâque enim passione longè immanior est invidia. Nam licet furor & ira sunt impetuosæ, cito tamen transeunt & evanescent; invidia autem finem nescit. Quotidie enim magis magisque crescit. Furor adhæc & ira sunt aperta, atque ita incommoda, quæ indè oriuntur, vitari possunt; invidia autem laet, adeoque invidi insidiæ & tela haud facile caueri possunt. Ira denique & furor blandis verbis & beneficiis mitigatur, invidia autem beneficiis incenditur: mitto hic invidiam sibi ipsi, quàm aliis longè molestiorem esse. Symbolicè ira contra Ecclesiam tribuitur synagoga, furor tyrannis, invidia hæreticis.

5. *Melior est manifesta correptio, quàm amor absconditus.*

QUAM magnum & molestum malum est invidia, tam magnum & salutare bonum est caritas. Hæc enim omnia, etiam illa quæ alioqui videntur molesta, ut sunt correptio, castigatio, aliæque eiusmodi reddit iucunda; illa contra omnia vertit in bilem & amaritudinem. Rursum licet stulti ira sit mala & crudelis, non ita tamen sapientis & amantis. Nam licet correptio & castigatio ex ira & animi commotione nasci videantur, attamen melior & salubrior est manifesta correptio amici, imò etiam inimici, quàm amor absconditus, cuiusmodi is est, qui se non prodit, quando prode se debet, hoc est, qui amicum non corripit vel admonet, quando correptione vel admonitione opus est. Quidam per Amorem absconditum accipiunt turpem & obscenum, qui utique peior est manifesta correptione.

6. *Meliora sunt vulnera diligentis, quàm fraudulenta oscula odientis.*

**V**T manifesta amici correptio salubrior est amore occulto; ita vulnera diligentis sunt meliora magisque fida, quàm blanda oscula odio habentis. Nam licet tam oscula quàm vulnera sint aperta, causæ tamen utriusque sunt occultæ. Vulnera enim procedunt ex occulto amore, blanda autem oscula ex occulto odio. Tendunt hæc namque ad deceptionem; illa autem ad vitæ emendationem. Quare etiam hæc vocantur amica, illa fraudulenta. Per vulnera autem non designatur hic corporis offensio, sed aeris tantum reprehensio; sicut per oscula quoque non oris suavia, sed verborum blandimenta & lenocinia.

7. *Anima saturata calcabit fauum: & anima esuriens etiam amarum pro dulci sumet.*

**A**nima ventérque obsaturatus etiam fauum mellis, hoc est, quemvis dulcem gratumque palato cibum fastidit: at anima ventérque esuriens etiam amarum gustuique ingratum dulce iudicat. Atque hinc provenit ut pauperibus bene omnia sapiant. Sunt hi enim semper vacui & famelici, diuitibus è diverso vix quidquam numquam rectè sapit; ut qui semper sint pleni & saturi. Modus proinde non solum in cibo & potu, sed in ceteris quoque omnibus servandus est.

8. *Sicut avis transmigrans de nido suo, sic vir qui derelinquit locum suum.*

**V**T avis relicto nido huc illuc vagatur, quo sibi suisque pullis escam quærat; ita vir prudens domo, vxore, libris, amicisque ad tempus desertis, incertis nonnumquam sedibus oberrat, quo ea quæ ad vitæ vsum sunt necessaria, sibi suæque familiæ compareret. Interim ut avis iuxta nidum hærens tutior & liberior est à periculis, quàm si vagetur, maioremque pullorum curam habet nidum fouens, quàm de loco ad locum transmigrans; ita pater familias quoque qui sorte sua contentus domi manet & laborat, tutior & ab animi corporisque periculis immunior est, quàm si de ciuitate ad ciuitatem, vel de regno ad regnum negotiorum causa peregrinetur. Sed & minori quoque periculo vxorem, & liberos, reliquamque familiam exponit, domi victum quærens, quàm peregrè subinde degens, externisque negotiis operam dans. Quod diligenter notent pastores, qui relicto grege ouiumque cura posthabita Principum aulas sectantur.

9. *Vnguento*

9. *Vnguento & variis odoribus doleſtatur cor: & bonis amicis conſiliis anima dulcoratur.*

**V**T cor recreatur vnguentis variisque odoribus; ita mens oblectatur ſano & ex amico pectore proſecto conſilio: imò non minus recreare & refocillare ſolent eiſmodi amica conſilia, quàm ſi è propria pharetra eſſent deprompta. Nam in dubiis & perplexis rebus lucem ad ferunt. Siquidem propria conſilia, tametſi bona, & apertum beneuolentiæ argumentum offerant, ſapientibus ſuſpecta ſunt. Parandi itaque & ſouendi ſunt fidi amici, quorum conſilus ſi opus id fuerit iuuemur & conſolemur.

10. *Amicum tuum, & amicum patris tui ne dimiſeris: & domum fratris tui ne ingrediaris in die afflictionis tue.*

*Melior eſt vicinus iuxta, quàm frater procul.*

**V**erumenimvero ubi fidum amicum naſtus fueris, ne leui de cauſa illum deſeras. Siquidem magnus theſaurus eſt fidus amicus, quippe qui neceſſitate vrgente ſæpe ſit promptior & fidelior, quàm ſanguinis neceſſitudine coniunctus. Notum eſt enim illud Poetæ: *Fratrū quoque gratia rara eſt*. Sed neque patris quoque tui amicum facile abs te alienes aut dimittas. Nam qui tot annos patri tuo fidelis exſtitit, probabile ſit ingenuum apud te non mutaturum, niſi grauem occaſionem illi dederis. Ceterum in die afflictionis, hoc eſt, cum aduerſa fortuna te premit, ne ſubſidij cauſa fratris tui domum ingrediaris, fruſtra namque opem illius implorabis: vel quia inuitus erit, vel quia forſan procul aberit. Ita proinde age cum amicis tuis maxime verò cum vicinis, vt neceſſitatis tempore non ſit neceſſum fratres interpellare. melior namque, vtilior, & opportunitior eſt vicinus iuxta, hoc eſt, loco & animi affectione coniunctus, quàm frater animo & corpore procul poſitus; atque hoc quotidiana experimenta probant.

11. *Stude ſapientiæ, fili mi, & lætifica cor meum, vt poſſim exprobranti reſpondere ſermonem.*

**F**ili mi, ſtude ſapientiæ, quo & domi bene ſit cordi meo, & foris à calumnijs, & maledicorum prubris atque comitijs me tueri queam. Quandoquidem ſi ſapiens fueris, neglecti paterni officiij iuſtè inſtimulari à nemine potero: ſed neque tu quoque paternæ diſciplinæ neglectæ iure  
 Ccc  
 accuſari

accusari poteris, & firmum præterea senectutis præsidium in te habebis. Solent namque sapientes filij parentum senio confectorum causas suscipere, publicæque defendere.

12. *Aspuit videns malum, absconditus est: paruuli transeuntes  
sustinuerunt dispendia.*

**V**IR prudentia & iudicio valens mala, quæ ex aliquo opere, dicto, vel facto nasci fortassis poterant, animo pertractans se abscondit, hoc est, ab illo se continet, & abstinere: at homo simplex, rudis, remque imperitus citra delectum quidvis aggreditur, unde in magna dantur exigasque difficultates læpe sese conicit. Siquidem considerat illud tantum quod præ manibus est, in futurum autem mentis oculum non transmittit. Est enim de illorum numero, qui nec sapiunt, neque nouissima prouident.

13. *Tolle vestimentum eius qui spondit pro extraneo, et pro alienis  
aufer ei pignus.*

**Q**UO rebus tuis cautum prospectumque sit, tolle vestimentum eius qui pro alieno (siue is iudeus sit, siue paganus, siue hæreticus) vel homine alias ignoto spondit, & tolle rursum pignus ab eo, qui pro extraneo fideiussit. Alias enim periculum est ne rerum tuarum iacturam facias. Nam qui Deo pactam fidem non seruat, multo minus hominibus eam seruabit.

14. *Qui benedicit proximo suo voce grandi, de nocte conjurgens  
maledicenti similis erit.*

**Q**UI nocte summòque mane confurgit, quò magna voce modòque inuitato amicum suum laudat, is exprobranti non est absimilis. Nam res alioqui bonæ & honestæ, si debito modo & tempore non tractantur, non sunt gratæ, neque laude dignæ: dici autem exordium non hominibus sed Deo debetur. Oportet enim primò omnium pro beneficii accepti cælesti numini gratias agere, Deumque laudare & decantare, ac deinde erga bene meritos beneuolum & gratum sese ostendere, denique summo nunc amicum adire, stentoræque voce eundem salutare, fucatum verus quam sincerum animum arguit. Fucatorum autem officia sunt suspecta, & inter maledictiones potius quàm inter benedictiones habenda.

15. *Tectū perstillantia in die frigoris, & litigiosa mulier comparantur.*

**A**sfidua tecti perstillatio brumali tempore, & mulier rixosa æquè sunt molesta. Nam ut is, cuius tectum pluuiæ & tempestatì patet, nec domi, neque foris commodè manere potest (nam & domi & foris offenditur a pluuia & tempestate) ita ille, qui litigiosam nactus est vxorem, propter continuas vxoris rixas, neque domi commodè manere potest, neque tamen abesse tutum est, ne improba mulier totam familiam perturbet atque euerat.

16. *Qui retinet eam, quasi qui ventum teneat, & oleum dexteræ suæ vocabit.*

**N**equemalo huic maritus validum remedium adhibebit, si illum in angulo, aut ergastulo aut alio simili loco incluserit. Nam ut ventus intus, manu conuinceri non potest, neque vnguentum pretiosum interdigitarum ita concludi, ut non effluat, suoque sese odore non prodatur, ita improba mulier concludi & coerceri eâ arte non potest, ut eius clamores & furæ ad vicinos non penetrent, & licet vicini turbas, quas excitat, non audiant, familia tamen & maritus velit nolit audire compellitur.

17. *Ferrum ferro exacuitur, & homo exacuit faciem amici sui.*

**Q**uid ergo super sit? Aliud nihil quàm patientia animique tolerantia. Nam ut ferrum ferrum acuit; ita rixa rixam incendit: obiurgatio namque apud obstinatè improbos iram & indignationem familiaris patitur, quàm morum emendationem. Vel contra morositas illius dissimulanda est, vel mollibus certè blandisque verbis illi occurrendum. Idemque in ceteris acerbis laborantibus obseruandum est. Increpatione namque magis exasperantur eiusmodi quàm incensi corriguntur. Quod si in bonam mentem sententiam hanc accipias, ut accipere licet, significat mutua studia studiorumque collationem sese adiuuare. Sapiens namque sapientem reddet sapientior, & studiosus studiosum studiosiorem. Idem statuatur de ceteris similibus.

18. *Qui seruat ficum, comedet fructus eius: & qui custos est domini sui glorificabitur.*

**V**t is qui ficum à frigore, vento, aliisque incommodis diligenter custodit, dignus est qui fructuum illius suauitate perfruat, ita ille qui dominum,

dominum suum non deserit, sed tuetur & obseruat, eiusdemque præcepta magni facit, dignus est, qui vicissim ab illo honoretur, præmiisque afficiatur. Id quod apud Deum numquam fallit. Nemo enim gratis illi seruit, sed pro vno mille reddit. Quin idem quoque probi domini obseruare solent.

19. *Quomodo in aquis resplendet vultus prospicientium, sic corda hominum manifesta sunt prudentibus.*

**Q**uemadmodum facies faciem in aquis exprimit, ea nimirum quæ apparet in aqua illam quæ est extra aquam, & hæc illi quasi ex æquo respondet; sic hominum corda & ingenia à sapientibus & prudentibus ex facie deprehenduntur. Rursum vt aqua limpida & clara quasi speculum repræsentat faciem, quæ eninet extra aquam; ita cor hominis vel interior homo repræsentat tibi se ipsum. Est enim illud homini pro speculo in quo se ipsum cognoscere potest. denique vt aqua fallit simplices, qui eam intuentur ( offert enim faciem, quam non continet ) sic cor hominis amittitiam, quàm non habet, præ se ferens, fallit hominem incautum. Alij alio modo hunc locum exponunt, sed prima expositio est commodior.

20. *Infernus & perditio numquam implentur, similiter & oculi hominum insatiabiles.*

**V**t infernus multitudine hinc excedentium, & ad inferos migrantium numquam impletur, neque vniquam angustior redditur, neque saturatur ( semper enim clamat, Adfer adfer ) ita corporis quoque & mentis oculus videndo & appetendo numquam exsatiatur. Numquam enim hic tam multa videt, neque ille tam multa cognoscit, quin plura semper videre & cognoscere cupiat : sed & sitis quoque & cupiditas habendi & possidendi caduca & fluxa fortunæ bona ( quæ per oculorum cupiditatem designatur ) numquam satiatur aut expletur. Nam

*Crescit amor nummi quantum ipsa pecunia crescit.*

Insinuat autem per hunc locum, auaritiâ non minus vitandam & detestandam esse, quàm mortem & perditionem ipsam.

21. *Quomodo probatur in conflatorio argentum, & in fornace aurum: sic probatur homo ore laudantis.*

**Q**uomodo conflatoriû probat, & à scoria repurgat argentum, & fornax explorat & emundat aurum; ita homo probatur & exploratur ore lau-



ore laudantium. Nam ut ignis aurum probum esse demonstrat; ita vir candidus, qui ex animo aliquem laudat, laude dignum, adeoque à flagitiis & vitiis saltem gravioribus alienum esse eum, quem laudat, palam declarat. Rursum ut ignis inter verum & adulterinum aurum secer nit, & quale sit ostendit, ita laus qualis sit is, qui laudatur, planum facit. Nam si is qui laudatur, propter eiusmodi laudem insolescit, & in superbiam se erigit, signum est hominem illum adulterinum aurum vel argentum esse, hoc est, laude dignum non videri, sin autem laudatus confunditur, inuitque sese laudari audit, indicium sit virum bonum laudéque adeo dignum esse.

*Cor inquit inquit mala, cor autem rectum inquit scientiam.*

**V**T mortalium corda sunt diuersa, ita diuersa quoque sectantur studia. Etenim cor iniquum & iniustum intentum est ad malum; cor autem rectum sanam inquit scientiam, earumque rerum, quæ ad salutem sunt necessaria, cognitionem.

22. *Si conuerteris stultam in pila quasi prifanas feriente desuper pilo;  
non auferetur ab eo stultitia eius.*

**N**ihil fere tam sordidum aut immundum comperitur, quod arte, studio & labore repurgari, & perfici non queat: at stultus à sua stultitia nullo instrumento, nulla arte, aut industria, hoc est, nullâ admonitione aut castigatione liberari potest. Etenim stulticia ita adhæret illi, tamque inuulsa eidem insita est, ut inde auelli non queat, etiam si in mortario in medio hordei vel tritici illum contundas, & quasi in farinam vel puluerem redigas. Tales fere stulti sunt Hebræi & hæretici. Nam hi difficillimè præceteris à suis erroribus curantur.

24. *Diligenter agnosce vultum pecoris tui, tuosque greges considera.*

25. *Non enim habebis iugiter potestatem, sed corona tribuetur in  
generatione & generationem.*

**I**nter œconomix rei que familiaris ritè administrandæ partes exstat quoque agricultura, gregumque & pecudum, & armentorum diligens cura: estque eadem antiquissima, utpote ab Abele inchoata, & perpetua serie ad Abrahamum, Moysen, Davidem, reliquosque Prophetas & Patriarchas propagata, & à multis magnis viris aded commendata, ut Pastoris nomen etiam ad Reges, & Principes, & animatum curatores sit

translatum; imo vero Christus ipse pastoris nemine se designat, ait enim: *Ego sum pastor bonus*. Quamobrem diligenter agnosce & considera velut pecoris tui, tuumque cor & animum ad greges tuos adiunge, ne quæ omnia mercenarius committe, sed tu ipse quoque gregem iusta & numerosa, habitumque illius observa, & reliqua quæ huc pertinent, cura. Quæ alia opes magis sunt incertæ minusque iustæ & naturales, quæ ex ea quæ proveniunt ex gregibus. hæ enim continua quadam propagatione sunt quodammodo perpetuæ: ceteræ autem casibus & periculis sunt expostæ. Diligenter proinde dum vires adsunt, & facultas sunt, pecus cura, quæ non habebis diuturnam id faciendi potestatem: nam & senectus paulatim obrepit, & alia impedimenta subinde occurrunt. Quod si in curando pastore diligens fueris, præter commoda, quæ inde percipies, iniquam quoque laudem hinc consequeris. Iam si tantam curam pecora exigunt, quantum eget homo ratione præditus?

25. *Aperta sunt prata, & apparuerunt herbæ virescentes, & collecta sunt fœna de montibus.*

26. *Agni ad vestimentum tuum: & hædi, agri pretium.*

27. *Sufficiat tibi lac caprarum in cibis tuis, & in necessaria domus tuæ, & ad victum ancillis tuis.*

**N**Equè dixeris, non esse tibi unde gregem pascas, licet maxime illud cupias, neque ut pascere queas, id lat tamen esse ad alendam familiam, siquidem neutra harum querelarum fundamento nititur. Nam & prata nusquam non sunt obuia, & fœnum in tempus, quo pascua desunt, ex montibus colligitur. Quod autem ad victum & amictum attinet, agni & oves subministrant lanam in vestem; hædi autem & hirci præcipuum ad emendum agrum, vel ad conducendos famulos, qui agrum excolunt, præ præ vero lac & caseum in familiæ usum suppeditant: nihil est ergo ut vel aulam, vel negotiationem cum auaris mercatoribus secleris. Nullam facit hic locus mentionem carniū, aut serici, aut aliorum similium, sed tantum lanæ, lactis, & casei: olim namq. frugalius vivebatur, quàm hoc tempore,

## A D

## CAPVT VIGESIMVM SEPTIMVM

## S C H O L I V M.

**N** *Eglorieris, &c.* Salubris doctrina, qua admonemur, ne de re incerta certam sententiam proferamus, aut certum vitæ spatium nobis polliceamur, cum singulis momētis simus incerti.

2. *Laudet te alienus, &c.* Cognatus est hic versus cum præcedente. Ut enim ille verebatur gloriationem de crastino; ita hic præsens gloriationem vult de se ipso. Se ipsum laudare, nisi necessitas aliud postulet, & stultum & stultorum proprium est.

3. *Grane est saxum, &c.* Docet hic iram stulti rebus omnibus grauius grauiorem esse, idque non ipsi soluni, sed aliis quoque. Nam cum iudicio & ratione careat, est impetuosa planèque intolerabilis.

4. *Ira non habet misericordiam, &c.* Videntur hæc ipsa quoque de ira stulti accipienda. Siquidem ira prudentis non caret omni misericordia, nec furor illius statim erumpit in vindictam. Contextus Hebræus assignat illi, nempe iram, furorem, inuidiam, quam ceteris peiorem definit.

5. *Melior est manifesta, &c.* Exponit quàm magnum & solidum bonum si ciuitas. Hæc vna enim est quæ omnia etiam illa, quæ amara alioqui videntur, reddit dulcia. Quid enim iuuenibus præsertim ingratius est corruptio? attamen dñm intelligunt ex amore & caritate hoc fieri, in bona partem accipiunt, gratiasque agunt. Contra quid blandius osculo verum tamè si hostile esse deprehensum fuerit, statim vertitur in absinthium.

6. *Meliora sunt vulnera, &c.* Hic locus est planè affinis præcedenti. Committuntur autem hic duo inter se valdè dissimilia; vulnera nimirum & oscula, amicus rursus & inimicus, doceturque potiora esse vulnera, acrimie reprehensionem diligentis, quàm oscula odientis & amicitiam inuicem simulantis.

7. *Anima saturata, &c.* Hanc sententiam probant experimenta quotidiana, & confirmat vulgatum illud dictum: *Optimum condimentum est fames.* Certum est enim cuiusque rei saturitatem generare nauseam & fastidium, sensu sublimiori, carnis voluptatibus ad satietatem vsque affluentibus omnia cælestia desipiunt? contra verò cælestium considerationi addictis terrena nauseam ingerunt.

8. *Sicut avis, &c.* Comparat virum, qui victus necessarii comparandi causa vxorem, liberos, reliquàmque familiam deserit, auibus quæ nido deserto escam pro se suisque pullis foris querunt: utrobique fit desertio, utroque ad loca deserta reditio, utrobique tandem nonnulla periculi aditio. Certum est namque aves tutiores esse intra nidum vel iuxta nidum, quàm procul à nido, & patrem familias itidem domi, quàm foris securius viuere.

9. *Vnguento & variis, &c.* Comparat salubria sanæque amici consilia gratis odoribus. Etenim ut cor, imò verò totus homo recreatur suauibus odoribus; ita animo hæsitans salubribus consiliis.

10. *Amicum tuum, &c.* Cohærent hæc cum præcedentibus. Nam si tanti momenti est bonus amicus, ut animum non minus oblectet, quàm pretiosum vnguentum, ergo non temere est deserendus: siue tu ipse illum comparaueris, siue à parente hæreditaueris. Præsertim quod fidi amici necessitatis tempore non minus præstare soleant, quam germani fratres. Inter omnes autem amicos præcipuè colendi, amandi, & conseruandi sunt vicini; hi enim semper adsunt, & in omni necessitate maxime prompti sunt, si boni sunt.

11. *Stude sapientiæ, &c.* Sumptâ patris personâ hortatur filium ad sapientiæ studium; tum quo ex filij sapientia solidam animi lætitiâ capiat, tum maxime quo se à malæ institutionis probro defendere queat: siquidem improbitas & insipientia filiorum parentibus tribui solet.

12. *Astutus videns malum, &c.* Hæc sententia Cap. XXII. Vers. III. exposita est. Astutus autem ponitur hic pro prudenti & sagaci, paruulus autem pro rudi rerumque imperito.

13. *Tolle vestimentum, &c.* Et hic quoque versus sapius iam antè explicatus est, & ex Paraphrasi manifestus est.

14. *Qui benedicit proximo suo, &c.* Docetur hic omnia suo loco & tempore fieri debere, quippe cum omne intempestiuum secundum se soleat esse ingratum. Per vocem autem magnam eum accipimus, qui ore non mente amicus est, qualis inter alios est, qui multa promittit, & parum præstat. Nocte autem aut summo mane surgere, idem est quod intempestiuè adire, nec seruare modum quando opus, & quantum oportet.

15. *Tecta perstillentia, &c.* Prima versiculi huius pars enuelata est Cap. XIX. Vers. XIII. secunda reddit rationem cur mulier rixosa malicque morata res sit molestissima, quia videlicet nullo ingenio aut arte coerceri, aut ab insano clamore prohiberi potest.

17. *Ferros ferrum acuitur, &c.* Cohæret cum præcedenti. Nam cum improba mulier coërceri facile non queat, dandus est locus iræ. Siquidem mutua rixatione ira magis incenditur quàm mitigatur.

18. *Qui seruat ficum, &c.* Confert hic ficum cum probò homine. Vterque enim probè excultus, fidèquè custoditus suauem pœnèquè assiduam reddit fructum.

19. *Quomodo in aquis, &c.* Docetur hic ut aqua stagnans & lucida prospectantium vultum ad viuum fere exprimit; ita exterioris hominis mores eiusdèmq; dicta & facta, ceteraque quæ oculos incurrunt, internum hominem representare. Sed & ipsemet homo ex iis, quæ foris gerit, de interioribus statuere potest. Quidam exponunt: Ut vna aqua, vel vnum speculum diuersorum hominum imaginem exhibet & exprimit, ita diuersorum hominum diuersa sunt corda, quæ omnia tamen in vno archetypo conueniunt.

20. *Infernus & perdnio, &c.* Confert oculum humanum cum interno, quod ad inexplebilitatem, vel insaturabilitatem attinet. Scopus autem loci huius est auaritiâ summopere esse vitandam.

21. *Quomodo probatur, &c.* Simile quid legitur Cap. XVII. Vers. III. Docetur autem duplici via deprehendi posse, sitne quispiam laude dignus an secus. Nam qui laudatur à viro prudenti & probò laude dignus censeatur, similiter qui se palàm laudari inuitè audit; at qui in ore laudatus extollitur, aut à viro improbo laudatur, laude indignus meritò habetur.

*Cor iniqui, &c.* Hic Vers. ex Lxx. Editione petitus est, nullamque difficultatem habet. Ut enim corda sunt diuersa, ita diuersa quoque sectantur studia.

22. *Si contuderis stultum, &c.* Docetur omnia quidem à sordibus purgari posse, alia interim alijs facilius vel difficilius: homines autem stultos nulla arte aut industria à sua stultitia liberari facile posse.

23. *Diligenter agnosce, &c.* Hic locus, ut & proximè consequens quoque agit de cura pecuaria, & de fructibus, & vtilitatibus, quæ ex illa proueniunt. Siquidem apud veteres inter omnes artes & curas agricultura arsque pastoris primatum obtinebant.

24. *Aperta sunt prata, &c.* Explicatur per hæc vitæ pastoralis facilitas, commoditas, atque felicitas. Nam & æstate pascua nusquam non sunt obuia, & fœnum in tempus hybernū suppeditant montes. Ipsi autem greges subministrant familiæ ad vitæ vsum necessaria omnia, & id quidè cumulâtè.

PARAPHRASTICA  
CAPITIS VIGESIMI OCTAVI  
EXPLANATIO.

1. *Fugit impius nemine persequente: iustus autem quasi leo confidens, absque terrore erit*

**I**mpij, quod malè sibi conscij sint, præ ceteris sunt timidi & meticulosi. Metuunt enim semper ne diuina vindicta illos obruat, aut aliquod aliud incommodum in peccati pœnam sibi accidat. Iusti autem, quod nullius grauioris peccati conscientia premantur, instar leonum intrepidi imperterritiq. sunt, deque diuina prouidètia & auxilio fortiter confidunt,

2. *Propter peccata terræ multi principes eius, & propter hominis sapientiam & horum scientiam quæ dicuntur, visa ducis longior erit.*

**P**opuli prouincialiumque peccata & præuicationes in causa sunt, vt iidem Principes non diu in imperio persistant, sed alij aliis subindè succedant, id quod in magnum cedit plebis damnum, communitatisque detrimentum; singuli namque nouis exactionibus & grauaminibus subditos onerant. Eadem populi peccata promerentur quoque, vt plures simul regnent, quod æquè calamitosum est subditis, atque alterum illud. Singuli enim suis commodis potiri, regaliq. luxu viuere volunt; id quod citra ingentes sumptus fieri nequit. At verò propter Principes, eorūque qui ipsis à cōsilio sunt, sapientiam & intelligentiam, & eorum rursum quæ in regno fiunt, notitiam, prolongatur eius imperium. Siquidem duæ hæc efficiunt vt vitia corriganter, & virtutes iusta præmia fortiantur.

3. *Vir pauper calumnians pauperes, similis est imbrī vehementi in quo paratur fames.*

**H**omo pauper, qui vi, aut calumniis, aut alia via pauperem opprimit, similis est impetuosa pluuie aut vehementiori imbrī. Nam vt pluuia impetuosiores terræ fructus non recreant neque vegetat, vt naturaliter deberent, sed lædunt & obruunt, ideoque famem & egestatem pariunt; ita pauper pauperi non condolens, nec opem illi ferens, vt ratio dictabat, contra rei naturam operatur. Solent enim eiusdem sortis homines sibi mutuo

operam

operam præstare, seseque mutuo iuuare. Aduertant hæc prælati, qui cum ipsi sint miseri peccatores, seuerissimos tamen iudices peccatoribus sese exhibent: itum pauperes quoque Principes, qui pauperes subditos usque ad ossa sæpe excoriant.

4. *Qui derelinquunt legem, laudant impium, qui custodiunt, succeduntur contra eum.*

**V**iri impij legisque præuaricatores laudant impios legisque transgressores tanquam sibi similes ( simile enim simili gaudet ) at fidi legis custodes legis præuaricatoribus succensent zeloque iustitiæ incensi, contra eos tanquam contra Dei hostes insurgunt. Interest itaque multum reipubl. bonosne an malos habeat administratos & duces: hi enim hortantur ad legis præuaricationem, quod cedit in magnum reipubl. detrimentum; illi contra ad legis obseruationem. Hæc autem obseruatio mirificos parit fructus.

5. *Viri mali non cogitant iudicium: qui autem inquirunt Dominum, animaduertunt omnia.*

**M**ali rursus & improbi viri, neque cogitant, neque curant, neque intelligunt iudicium, sed neque æquum & bonum quidquam faciunt: at qui Dominum inquirunt, eidemque placere ex animo student, illi luce eius perfuncti, facile & quæ facere, & quæ vitare debeant intelligunt. Mali rursus peccatis occæcati futurum iudicium, alteriusque sæculi supplicia & præmia flocci faciunt, raroque eiusmodi res perpendunt; iusti autem hæc omnia diligenter animo pertractant, vitamque ad eum modum institunt, vt coram horrendo illo tribunali securè apparere queant.

6. *Melior est pauper ambulans in simplicitate sua, quàm diues in prauis itineribus.*

**M**elior præstantiorque est pauper in vitæ integritate & perfectione ambulans, legisque præceptum studiosè obseruans, quàm diues corruptè perditæque viuens, viamque peccatorum consecretans: siquidem inter opes & virtutes nulla est comparatio. Sunt enim hæc illis multis partibus præstantiores, mortalium tamen vulgus magis suspicit & admiratur diuitias quàm virtutes

7. *Qui custodit legem, filius sapiens est: qui autem commensatores pascit, confundit patrem suum.*

**Q**VI legem divinæque sapientiæ præcepta observat, verè sapiens censendus est: qui autem alit homines edaces & otiosos (cuiusmodi sunt parasiti, adulatores, ludiones, aliiq̃ue id genus complures) genioque indulget, ad eum statum, & paupertatem tandem redigetur, ut se ipsum suosq̃ue parentes magno pudore afficiat.

8. *Qui coarcevat divitias ṽsuris & fœnore, liberali in pauperes congregat eas.*

**Q**VI congregant opes ṽsuris & fœnore, hoc est, per fas & nefas malasque vias & artes, non in proprium ṽsum congregant eas. Non enim pacatè quietèq̃ue iis vniquam ṽtentur: verum aut morte intempestiva abrepti, vel à iudice per legitimam sententiam spoliati, vel alià viâ denudati homini in pauperes liberali illas relinquent. Siquidem non est stabile, quod per malas artes comparatur, maximè verò quod per ṽsuras. Sunt enim illæ Deo hominibusq̃ue apprime ingratæ & exosæ.

9. *Qui declinat aures suas ne audiat legem, oratio eius erit execrabilis.*

**Q**VI Dei legem audire, eidemque parere detrectat, angustiiis pressus à Deo vicissim non audietur, & hoc quidem iustissimè. Nihil enim æquius quàm eum clamantem non audire, qui Deum innitantem audire, eiusdemque præcepta observare non voluit.

10. *Qui decipit iustos in via mala, in interitui suo corruet, & simplices possidebunt bona eius.*

**Q**VI dolo vel fraude iustos à via recta abducit ad viam malam & pravam & quod in se situm est, in præcipitium & foveam eos deiicit, ille in illud ipsum præcipitium incautus corruet, malumque, quod aliis parauerat, ipse sentiet. At simplices doliq̃ue & fraudis expertes non solum à malis & insidiis, quas improbi illis parabant, liberabuntur, verum etiam per Dei misericordiam & benignitatem bona illa, quæ Deum diligentibus præparata sunt, quietè possidebunt, omniâq̃ue ex animi sententia illis succedent.



11. *Sapiens sibi videtur vir dives, pauper autem prudens scrutabitur eum.*

**V**IR opibus valens videtur sibi sapiens, ceterisque non diuitiis tantum, sed prudentia quoque & sapientia præstās. Siquidem opes parunt sapientiæ opinionem & arrogantiam, idque cum aliorum contemptu. Causa autem huius est, quia diuites magistratibus præficiuntur, adeoque palam honorantur, & interdum quoque consuluntur, hæc autem omnia illi sue tribuunt sapientiæ. Prudens verò tamen si pauper, non statim admiratur diuitem tanquam sapientem: verum explorat illius dicta & facta, scrutaturque veræne sapientiæ sint consentanea, an secus.

12. *In exultatione iustorum multa gloria est: regnantibus impiis ruina hominum.*

**I**usto ob felicem rerum successum exultante, simul reliqui quoque exultant. Exultant namque iusta præmia virtuti obtingere: verum ubi impij exultantur & regnant, ibi boni omnes mærent & lugent; & si commodè possunt, è medio se submouent. Nam impij nihil nisi scelerum ruinam moliuntur. omnia enim miscentur & confunduntur, ubi impij & improbi rerum potiuntur; sicut è diuerso omnia florent, ubi iusti regnant.

13. *Qui abscondit scelera sua, non dirigitur: qui autem confessus fuerit, & reliquerit ea, misericordiam consequetur.*

**V**IS magna est confessionis, magnaque eiusdem utilitas & necessitas: quippe cum citra illam salus non obtingat. Qui scelera sua abscondit, inquit Sapiens, neque peccatorum remissionem, nec ullum prosperum successum sortietur: qui autem ea confessus fuerit, confessaque non repetiuerit, misericordiam, scelerumque admissorum condonationem consequetur. Est itaque fuitque semper confessio ad salutem necessaria, saltem ea, quæ fit Deo; hoc autem tempore ea quoque exigitur, quæ fit coram sacerdote, si tamen facultas adest, & letalis peccati labes urget. Quod si quis ea de causa tegeret, hoc est, ideo clam peccaret, ne alios prauo exemplo offenderet, prudenter ille faceret, non quidem peccando, sed scandalum vitando.

14. *Beatus homo qui semper est pauidus, qui verò mentis est duræ,  
corruet in malum.*

**B**Eatus ille qui salubri Dei timore concussus, vindictamque veritus abstinet à peccato, aut si per infirmitatem in illud incidit, commissum tempestiuè confitetur, perque veram pœnitentiam exstinguit. Porro autem qui mentis est duræ & obstinatæ, peccatumque peccato citra horrorem accumulatur, ille tandem in malum, hoc est, in æternam condemnationem, vel certè in graue aliquod incommodum incidet. Pugnat hic locus vt qui maximè contra inanem illam hæreticorum fiduciam, & de speciali fide iactantiam.

15. *Leo rugiens, & vrsus esuriens, Princeps impius super populum pauperem.*

**M**isera populi illius est conditio, qui sub tyrannis vel impijs principibus degit. Neque enim aliud est Princeps impius & egenus, quàm vel leo rugiens, vel vrsus esuriens: vtrumque autem animale est sæuum, immane, & crudele, præsertim cum fame torquetur: neque enim contentum est animantis sanguine, sed deuorat omnia vsque ad ossa ipsa. Sed & miserrimus quoque & periculosissimus Principum est status, qui pauperes subditos, quorum patres & pastores esse debebāt, ita tractant, exhauriunt, & depascuntur, vt rugientibus leonibus, vrsisque esurientibus similiores sint quàm hominibus. Vocantur autem leones rugientes propter crudelia edicta & mandata, quæ subindè proponunt; vrsi autem esurientes propter immanis avaritiæ ingluuiem, insatiabilemque habendi sitim & famem.

16. *Dux indigens prudentia, multos opprimit per calumniam: qui autem odit auaritiam, longi fiens dies eius.*

**D**Vces & Principes, qui Principum officium erga suos subditos ignorant, vel cognitum exercere detrectant, ferarum belluarum more sæuientes, multos passim ex suis per vim & calumniam opprimunt, suisque bonis iniuste exuunt; adeoque immatura morte, vel à suis in hostium potestate deserti, vel etiam trucidati, è medio tolluntur. At verò qui subditos suos opibus & virtutibus augent potius quàm spoliunt, & ab omni avaritia alienos se conseruant, illi longæuam vitam ducunt. Nam & fideliter à suis defenduntur & custodiuntur, & Deus quoque quasi certam boni operis animique candidi mercedem productam illis vitam largitur.

17. *Homi-*

17. *Hominem qui calumniatur animæ sanguinem, si usque ad lacum fuerit nemo sustinet.*

**Q**VI sanguinem animæ calumniatur, hoc est, qui per cædem aliena bona occupat, sanguinemque, qui sedes est animæ, iniuste effundit, ille etiam si ad sepulcrum confugerit, aut ad lacum aut quemvis alium abditum locum sese receperit, cladem non euadet; quia nemo opem illi feret, nemo quò minus capiat, impedit: quin omnes potius, quod commiseratione indignus videatur ad mortem usque illum persequantur.

18. *Qui ambulat simpliciter, saluus erit, qui peruersis graditur viis, concidet semel.*

**Q**VI perfectam innocentemque vitam ducit, neminem lædens, neminem concutiens seruabitur; qui autem peruersa via incedens, modò in hoc, modò in illud flagitium prolabitur, aut modò hunc modò illum molestat veletiam trucidat, ille licet florere videatur, & supplicium ad tempus euadat, tandem tamen in illud incidet, si non in hoc sæculo, certè in futuro.

19. *Qui operatur terram suam satiabitur panibus: qui autem sectatur otium, replebitur egestate.*

**Q**VI terram suam diligenter exercet & excolit, ille pane saturabitur; rebusque omnibus ad vitæ cultum necessariis affluet: qui autem otium hominesque otio deditos sectatur, magna premetur fame & egestate. Æquum est namque ut ille non habeat, quod manducet, qui omnem honestum necessariumque laborem detrectat, adeoque fame & inedia pereat: habet id locum etiam non minus in spiritalibus quam in temporariis.

20. *Vir fidelis multum laudabitur: qui autem festinat ditari, non erit innocens.*

**V**IR fidelis & in contractibus iustus apud homines commendabitur; diuinæque benedictione cumulatus, largas opes consequetur: qui autem per fas & nefas festinat ditescere, non erit impunis. Nam & apud homines male audiet, & apud Deum iustas aliquando iniustitiæ suæ poenas luet. Quamvis ergo otium modis omnibus sit vitandum, non ita tamè diuitiis cogendis est insudandum, ut propter illas quamcumque iniquitatem velimus consecrari.

21. *Qui cognoscit in iudicio faciem, non benefacit, isle & pro buccella panis deserit veritatem.*

**M**alum & turpe & iniquum est agnoscere faciem in iudicio, hoc est, personam personæ citra iustam causam præferre. Nam etsi personarum acceptio ubique noceat turpisque existat, maximè tamen in eo loco, ubi ex instituto de iustitia agitur, hoc est, in legitimo iudicio. Imò vero hoc *προσωποληψία* vitium ita occæcat & pervertit hominem, ut pro panis buccella, reque minimi momenti veritatem vendat ac deserat. Quamvis etiam munus magnum sit cum veritate tamen ipsa comparatum res est nullius pænè ponderis.

22. *Vir qui festinat ditari, & aliis invidet, ignorat quod egestas superueniet ei.*

**V**IR avarus qui opportunè & importunè ad opes properat, gemino plerumque morbo laborat, avaritia nimirum & invidia. Nam & per fas & nefas tendit ad opes, & ægrè patitur suæ professionis alium aliquid lucrari. Vellet enim, si fieri posset, solus totum lucrum intercipere. Eiusmodi autem iniustum & invidum hominem duplex egestas opprimeret, altera rerum caducarum & hac vita, saltem secundum meritum, altera in futuro sæculo si tamen ante mortem non resipuerit. Opprimeret autem egestas illa incautum & imprudentem; quia avaritia & invidia excæcatus futura non considerat.

23. *Qui corripit hominem, gratiam postea inueniet apud eum magis, quam ille qui per linguæ blandimenta decipit.*

**Q**UI corripit hominem à recta veritatis via aberrantem, vel à diuina lege recedentem, maiorem apud Deum & illum ipsum quoque, quem increpat, inquit gratiam, quam ille qui per linguæ blandimenta in errorem ducit, adulandoque & blandiendo decipit. Adulator enim semper obest. Qui autem vitia arguit, licet interdum molestus sit, apud morigeros tamen semper prodest.

24. *Qui subtrahit aliquid à patre suo, & à matre, & dicit hoc non esse peccatum: particeps homicidæ est.*

**G**rauius hallucinantur, grauique periculo sese exponunt, qui falsò sibi persuadent parentes expilare aut nullum, aut exiguum peccatum esse.

tum esse. Nam qui clanculum per furtum vel fraudem patri vel matri aliquid subtrahit, & peccatum id esse inficiatur, ille homini exterminatori & homicidæ affinis videtur; quia tales eiusmodi perditis hominibus adiungere se solent, parentésque ad eam inopiam paulatim redigunt, ut fame propemodum moriantur, adeoque non immerito paricidis comparantur.

25. *Qui se iactat & dilatat, iurgia concitat, qui verò sperat in Domino, sanabitur.*

**Q**VI animo elato se iactat, is lites plerumque excitat miscetque contentiones. Nam cum magnis desideriis æstuet, eaque quovis modo & via implere studeat, multorum animos offendat, & discordiarum semina serat oportet. Qui autem sorte sua contentus, spem omnem in Dominum reicit, nemini sua diripit, imò mori potius, quam aliena deprædari eligit, huic nihil necessariorum umquam deerit; quin potius omnium rerum ad victum & amictum necessariorum copia abundabit, & ab omnibus, quæ mortem vel cladem inferre nata sunt Deo salutem eius propugnante immunis erit.

26. *Qui confidit in corde suo, stultus est, qui autem graditur sapienter, ipse laudabitur.*

**Q**VI sui solius cordis consiliis & cogitationibus confidit, nullumque alium in consilium adhibet, sed in omnibus studiis & actionibus suum priuatum iudicium & sensum sectatur, ille & stultus est, & propter stultitiam suam in multa mala & incommoda incidet: at qui ea sapientia graditur, ut in omnibus sapientes vel sapientiam ipsam ducem habeat, ille, ne in malum incidat, custodietur & seruabitur, vel si in aliquod incommodum forsan inciderit, citò inde per Dei sapientiam & gratiam eruetur. Is autem sapienter ambulat, qui sapientiæ præcepta diligenter obseruat.

27. *Qui dat pauperi, non indigebit: qui despicit deprecantem, sustinebit penuriam.*

**Q**VI in pauperes beneficus & liberalis est, adeo non egebit, ut largi quoque Dei benedictione, magnisque opibus sit potiturus. Contra verò qui pauperem deprecantem, operamque & subsidium miserè implorantem despicit, oculumque & aurem ab illius intuitu & clamoribus auertit, maledictionibus replebitur, magnamque penuriam patietur. Nam li-

Ecc

cer hic

cet hic necessariis non destituatur, in altera certè vita cum diuite Epulone aquæ guttam implorabit, neque tamen impetrabit.

28. *Cum surrexerint impij, abscondentur homines: cum illi perierint, multiplicabuntur iusti.*

**C**VM impij surgunt, & ad magistratus & dignitates euehuntur, iusti piique homines, quos odio prosequuntur, quorúmque vitæ & fortunis improbi magistratus insidiantur, sese abscondunt, & ne vel in carcerem deiciantur, vel in exilium pellantur, è medio sese subducunt: at verò cum impij exauctorantur, æquique & iusti magistratus in illorum locum sufficiuntur, tum demum iusti crescunt, florent, & multiplicantur. Nam qui ante latebant in lucem prodeunt & qui in vinculis tenebantur, liberi exire permittuntur & qui in exilium pulsi erant, reuocantur, multi denique illorum exemplo & institutione ad iustitiam prouocantur & perducuntur. Magni proinde refert bonos habere duces & magistratus.

## A D

## CAPVT VIGESIMVM OCTAVVM

## S C H O L I V M.

1. **F***ugit impius, &c.* Docetur impios tanquam malè sibi conscios vbique trepidare; iustos contra, quod bona conscientia nitantur, vbique intrepidos esse.

2. *Propter peccata terræ, &c.* Monet crebram Principum mutationem, eorundemque multiplicationem ex populi peccatis præcipuè prouenire. Vtrumque enim cedit in manifestam populi pœnam, & cladem, contra vero plebis pietatem in causa esse, vt iidem diu præ sint, & feliciter præ sint. Illud *Propter eorum, quæ dicuntur*, scientiam variè exponitur. Quidam referunt ad consilia, quæ dantur, alij ad notitiam rerum, quæ in regno fiunt, alij ad leges & statuta, quæ feruntur, vel iam lata sunt.

3. *Vir pauper, &c.* Confert virum pauperem alios pauperes opprimentem cum impetuoso imbri. Nam vt pluuia spargitur, vt segetes ceteraque humi nascentia recreet & vegetet, non vt latè omnia conculcet atque contristet, vti vehementior imber solet; ita pauper quoque pauperi compari opemque

opemque iidem ferre deberet, tanquam suæ conditionis fortisque homini, non autem eundem spoliare, aut opprimere.

4. *Qui derelinquunt legem, &c.* Hæc sententia docet, quod quotidie experimur, nempe simile simili gaudere. Improbis enim amat improbum, periorumque periorum, bonus rursus bonum, & iustus iustum; sicut è diverso dissimiles se mutuo vel non ferunt vel ægrè ferunt. Neque enim iustus fert impium neque impius iustum.

5. *Viri mali non cogitant, &c.* Aliud hic inter iustum & impium discrimen assignat. Mali enim nec cogitant, nec amant, nec cognoscunt iudicium, neque ullam futurorum rationem habent: at iusti, qui Dominum inquirunt, semper ad iustum & æquum oculum intentum habent.

6. *Melior est pauper, &c.* Eadem ferè leguntur Cap. XIX. Vers. I. nec est obscura sententia. Plus enim valent apud Deum virosque prudentes, virtutes, quàm opes.

7. *Qui custodit legem, &c.* Docet qui legem parentumque præcepta servat, sapientem esse: eum contra, qui comestationibus vacat, parentes confundere, eosdemque ad extremam miseriam & paupertatem redigere.

8. *Qui coarctat divitias, &c.* Monet qui per vsuras & fœnera opes cogunt, eiusmodi opes non relicturos, verum eos qui in pauperes liberales existunt. Res est enim teterima quæstus vsurarius, adeoque digna quæ tali modo castigetur.

9. *Qui declinat aures, &c.* Et horum quoque pœna iusta est. Nihil enim est æquius, quàm illum clamantem repellere, qui Dei legem audire non voluit. Dei autem legem repellunt, vel non audiunt, qui illam vel illius ministros contemnunt, vel iisdem quoque non credunt.

10. *Qui decipit iustos, &c.* Interitum hic illis interminatur qui iustos à recta veritatis via in errorem vel cladem abducunt. Conuenit in hæreticos: hi enim ex instituto seducendis orthodoxis dant operam.

11. *Sapiens, &c.* Opes hominibus stultis, & improbis conciliant arrogantiam cum aliorum contemptu coniunctam. Causa huius est, quia divites præ ceteris honorantur, & ad magistratus promouentur: utrumque autem illi suæ tribuunt sapientiæ, cum tamen eiusmodi honor non deferatur illorum sapientiæ, sed opulentiæ. Pertinet huc illud Ecclesiastici XIII. *Diues locutus est, & omnes tacuerunt: pauper locutus est, & dicunt quis est hic?*

12. *In exultatione, &c.* Loci huius scopus est, in bonorum gubernationum

torum institutione republ. florere; in malorum autem promotione iacere, turbisq̃ue & miseris repleri.

13. *Qui abscondit scelera, &c.* Commendatur hic confessio tanquam efficax ad obtinendam peccatorum remissionem medium: perstringit hic locus eos quoque, qui peccata homini non imputari nugantur, si fidem habuerit.

14. *Beatus homo, &c.* Redditur hic ratio cur peccatum confessione fit inducendum: ea autem est timor vindictæ diuinæ. Videri tamen queat locum hunc ad castum timorem rectius referri, quàm ad pœnarum aut incommodorum formidinem: sicut mens dura quoque ad timoris huius vacuitatem.

15. *Leo rugiens, &c.* Confert hic impium inopemque Principem cum leone rugiente & vřso esuriente. Nam vt hi fame impulsī sunt sœuisimi; ita impij & inopes Principes in suos subditos sunt crudelissimi. Arque hoc vitium si antea vñquam, hoc certè tempore sœuit maximè.

16. *Dux indigens, &c.* Explicatur hic qua ratione miseri sunt, qui sub tyrannis viuunt, tum qui sint illi Principes, qui proximè cum leonibus & vřsis comparabantur: nempe illi, qui gubernandi prudentia carent, nec suum erga subditos officium intelligunt. Loci autem huius scopus est. Regnum subditorũ fide & benevolentia potius niti, quàm vi aut pecunia.

17. *Hominem qui calumniatur, &c.* Docet in quantis vitæ periculis versentur quantòque odio grauentur, qui alienæ vitæ propter auaritiam insidiantur. Per sanguinem autem animæ designat vitam; hæc enim consistit in sanguine. Quare homicidæ Viri sanguinum appellari solent.

18. *Qui ambulat simpliciter, &c.* Docetur hic eos, qui in vitæ integritate ambulant, saluos futuros; contra verò qui peruersam viam ingrediuntur, tandem perituros.

19. *Qui operatur, &c.* Similis locus exstat Cap. XII. Vers. XI. Conuenit autem in vtramque terram, & vtramque rursus famem & egestatem, elementalem nimirum & mysticam.

20. *Vir fidelis, &c.* Significatur hic homines fidos iustitizque deditos diuina benedictione potiri, opulentosque & fortunatos euadere, illos verò qui malis artibus ditescere festinant, pœnam non euasuros: oportet proinde in omnibus medium seruare. Nam vt ignaui est mala; ita nimia anxietas & sollicitudo non est bona.

21. *Qui cognoscit, &c.* Hic locus Cap. XXIV. expositus est, repetitur autem.



autem magis que inculcatur, quia *προσωποληψία* reipublicæ priuatisque hominibus est perniciosissima. Cadit autem hoc vitium non in quosvis iudices, sed in viles & abiectos, cuiusmodi sunt, qui pro panis buccella animam suam vendunt, veritatēque peruertunt.

22. *Vir qui festinat, &c.* Impinguntur hic avaro duo vitia; iniustitia nimirum & inuidia. Nam & per fas & nefas tendit ad opes, & ægrè patitur alios secum lucrari. Vocat autem inuidum Virum mali oculi, quia felicem aliorum successum inuitē cernit.

23. *Qui corripit hominem, &c.* Loci huius scopus est, vtiliorem esse tempestiuam correptionem, etiam si initio minus sit grata, quàm intempestiuam adulationem.

24. *Qui subtrahit aliquid, &c.* Comparat eos homicidis, qui parentes clanculum expilant, eamque expilationem peccatum esse negant. Contextus Hebræus habet, tales esse socios hominum dissipationum & exterminantium, sed in idem pœnē redit.

25. *Qui se iactat, &c.* Agit hic locus contra eos, qui superbia elati, insaturabili que habendi siti concitati, cælum terræ miscent, omniāque iurgiis & contentionibus implent, qui proinde ad magnam tandem miserriam & egestatem rediguntur; sicut qui ab alienis abstinent, diuina benedictione locupletantur, æternæque vitæ præmia ad finem consequuntur.

26. *Qui confidit in corde suo, &c.* Qui sua consilia suasque cogitationes tanquam certam actionum suarum regulam sectatur, hoc loco appellatur stultus. Nec iniuria: cum eiusmodi regula sit incertissima, & in varia abducatur præcipitia. Discimus hinc ergo Deo potius diuinæque sapientiæ fidendum, quàm propriis cogitationibus priuatisque consiliis.

27. *Qui dat pauperi, &c.* Commendatur hoc versu eleemosynarum studium. Promittitur autē illis rerum omnium affluentia qui strenuè illud exercent, sicut è diuerso extrema inopia, qui negligunt, vel pauperes cum contemptu abiiciunt.

28. *Cum surrexerint impij, &c.* Assignatur hic discrimen status rerum, cum impij ad magistratum euehuntur, submoti iusti & pijs, & dum iusti sublati impijs. Etenim cum impij regnant, iusti latent, magis magisque quotidie decrescunt: impij autem florent; contra verò cum iusti clauum obtinent, iusti numero, & meritò crescunt, iniusti autem lucem fugiunt.

# PARAPHRASTICA

## CAPITIS VIGESIMI NONI

### EXPLANATIO.

1. *Viro qui corripientem dura ceruice contemnit, repentinus ei superuenit inseritus, & cum sanitas non sequetur.*

**V**IR qui frequenter increpatur, sui que officij admonetur, neque tamen emendatur, sed dura ceruice obstinatoque animo omnibus increpationibus resistit, & in suis sceleribus & flagitiis pertinaci voluntate persistit, subita ruina & clade obteretur, insanabili que vulnere sauciabitur. Etenim quovsque peccator quispiam admonitiones patienter admittit, etiamsi non statim emendetur, salutis spes superest. verum cum eò malorum deuenit vt nullam amplius ferat reprehensionem de illius pœnitentia nulla vel certè exigua spes restat. Est autem hic sermo non de iis tantum increpationibus, quas homo homini adhibet, sed de iis quoque per quas Deus hominem peccatorem ad pœnitentiam sanamque mentem variis modis prouocat.

2. *In multiplicatione iustorum lætabitur vulgus: cum impij sumpserint principatum, gemit populus.*

**C**V M iusti regnant & crescunt, pius recteque institutus populus lætatur: quia quò plures sunt iusti, qui præsunt, eò in ciuitate maior est pax, tranquillitas & prosperitas ( hanc autè communis comitatur lætitia ) Contra verò cum impij dominatum obtinent, populus gemit, quia iniustis oneribus grauatur, vexatur, & ab omnibus bonis operibus impeditur, neque habet apud quem sua onera suasque querelas tutò deponat.

3. *Vir qui amat sapientiam, lætificat patrem suum, qui autem nutrit scorta, perdet substantiam.*

**M**VLtum interest inter eum, qui amat sapientiam, & eum qui amat scorta. Nam qui amat sapientiam is scorta non amat ( nihil enim alienius à sapientia, quàm scortatio ) suamque substantiam adeo non dilapidat, vt eandem quoque augeat, & suos præterea parentes mirificè recreet: parentes namque admirabile gaudium ex liberorum sapientia honestaque

neſtaque eorumdem vita concipiunt: qui autem ſcorta amat & fouet, non modò ſapientiæ hoſtem ſe oſtendit, verum propriæ quoque ſubſtantix, propriæque vitæ & animæ. Siquidem ſcortatio non ſolum opes exhaurit, ſed animæ quoque & corporis vires, vt quotidiana experientia probat. Eſt autem peius nurrere vel amare ſcorta, quàm ſcortum: illud enim vagam indicat libidinem, hoc non item. Ad hæc plura quoque inſumunt ſcorta, quàm ſcortum.

4. *Rex iuſtus erigit terram, vir auarus deſtruet eam.*

**N**ihil pernicioſius, nihil moleſtius, nihil oneroſius Principe auaro & iniuſto ( raro namq. iniuſtitia ab auaritia ſeiungitur. ) Nam vt æqui iuſtiq. Principes per iuſtitix culturam ditionem ſuam, etiamſi prius aſſicta iacebat, erigunt, cultamque & florentem reddunt ( vt qui & bonas leges edant, & vitia plectant, & præmia meritis perſoluant ) ita è diuerſo auari, qui munera diligunt, opesque & pecunias quærun, regnum ſubditosque ſuos iniquis legibus iniuſtisque exactionibus miſerè opprimunt, planèque euertunt: ſed & ſacra quoque Deoque conſecrata & dedicata ſacili negotio inuadunt, & ad ſuum fiſcum trahunt, & multis præterea aliis viis & iniquitatibus ſe polluunt.

5. *Homo qui blandis fictisq. ſermonibus loquitur amico ſuo, rete expandit grefſibus eius.*

**Q**VI blandis fictisq. ſermonibus amico blanditur & adulatur, aliud nihil facere videtur quàm quod pedibus eius laqueum tendit, laſumque eiudem & ruinam moliatur. Nam vt aues fiſtula allecæ, eſca obiecta pertrahuntur in rete & in mortem; ita incauti fallacibus adulatorum & ſimulatorum amicorum blanditiis capti in magnam ſæpe perniciem & cladem præcipientes trahuntur. Conuenit in dæmonem & miniſtros eius hæreticos.

6. *Peccantem virum iniquum inuoluet laqueus, & iuſtus laudabit atque gaudebit.*

**I**niuſti & impij non ſecus ſuis conſtringuntur peccatis, atque inextricabilibus quibusdam laqueis. Nam etſi ſcelerum pœnam non ſemper hiꝯ luant, in altero tamen ſæculo præmeritum ſupplicium numquam euadunt. Idemque illi iuſto Dei iudicio in laqueos, quos inſontibus parauerant,

uerant, frequenter incidunt, adeoque iustis iustam lætitiæ laudisque causam offerunt. Laudant enim Deum & celebrant propter exercitam iustitiam iustamque vindictam malis irrogatam: gaudent adhuc se de laqueis & periculis in quibus versabantur liberatos, eademque in hostium suorum caput conuersa.

7. *Novit iustus causam pauperum, impius ignorat scientiam.*

Iustus pauperum causam cognoscit, cognitamque sibi commendatam habet; iniustus autem & impius eam quasi nihil ad se pertinentem negligit, efficitque ut pauper ius suum obtinere non possit, id quod graue est peccatum: quia non tantum iustitia hac iniuria & negligentia violatur, sed pauper quoque ad extremam sæpe miseriam & desperationem redigitur, & Deus tandem qui pauperum patrociniū suscipere solet, maiorem in modum offenditur. Quamvis enim pauperis persona in iudicio respici non debeat, ita ut aliquid propter commiserationem illi adiudicetur, quod iure ad illum non pertinet, eius tamen causa non debet negligi, sed diligenter tractari & examinari, ut qui propter inopiam potentes patronos conducere non queat, neque iudices muneribus corrumpere soleat.

8. *Homines pestilentes dissipant civitatem, sapientes vero avertunt furorem.*

NON tantum reipubl. felicitas, sed Ecclesiæ quoque pax & tranquillitas in bonorum gubernatorum prudentia, pietate, & iustitia præcipue consistit. Nam ut homines pestilentes, sacræque & profana omnia deridentes, civitatem dissipant, & in laqueos inextricabiles eandem coniiciunt; ita viri sapientes iustitiæque amantes, cladem diuinumque furorem ab illa avertunt, florentemque & fortunatam suis consiliis suæque administratione reddunt.

9. *Vir sapiens si cum stulto contenderit, siue irascatur, siue rideat, non inueniet requiem.*

SI sapiens cum virō stulto iudicio contenderit, siue serio agat, siue ioco. Hoc est, siue verbis seriis indignationem suam ostendat, siue rationes illius irrideat, nulliusque ponderis esse demonstrat, numquam inueniet requiem. Semper enim stultus & improbus antagonista excipiet, æquatusque & iustitiæ sese opponet, atque ideo non verbis cum eo certandum est, sed vel verberibus, vel certe ab illius commercio omnino abstinendum est.

10. *Viri sanguinum oderunt simplicem: iusti autem querunt animam eius.*

**V**iri sanguinarii perditæque vitæ ficarii, integros inculpatæque vitæ homines tanquam sibi contrarios, morumque suorum hostes oderunt: iusti autem æquique iudices dant operam ut tales defendant, & ab impiorum iniuria vindicent. Hoc enim munus inculpatorum iudicum est proprium, nempe legibus pœnisque à scelere prohibere sceleratos, infontesque ab iniuria asserere.

11. *Totum spiritum suum profert stultus: sapiens differt & reseruat in posterum.*

**S**tultus & improbus cum alibi sæpe, tum maximè in iudicio totum suum spiritum, totamque iram & furorem suum simul effundit, nec illa tantum, sed totum reliquum quod in pectore habet: at sapiens ut iram suam moderari nouit, ita non omnia simul depromit, sed multa in aliud tempus reseruat & reicit. Nec enim omnia vno loco aut tempore dicenda aut exponenda sunt.

12. *Princeps qui libenter audit verba mendacii, omnes ministros habet impios.*

**Q**ualis est Princeps, tales habere solet ministros. Quamobrem si ita comparatus est, ut veritatem ex animo diligit, fucumque & mendacium odio habeat serios veracesque ministros possidebit, sin autem verbis oblectatur vanis & mendacibus, omnes ministros futes atque mendaces habiturus est. Nam ministri ad dominorum mores & ingenia componere se solent. Quare si aduertant eos nugis, obtreccionibus, & adulationibus capi, nugantur, obloquuntur & adulantur: sin autem veritatis & grauitatis studio teneri, veritati & grauitati dant operam.

13. *Pauper & creditor obuiauerunt sibi: vtriusque illuminator est Dominus.*

**N**ON vnius conditionis, status, & ordinis Deus fecit omnes, sed dissimilis; omnes tamen si sibi non defuerint, lucemque cœlestem vel vltro oblatam non repulerint, illuminare, seruare & iustificare paratus est. Nam & diues & pauper, sanus & æger, nobilis & ignobilis, vsuram exigens & soluens, debitor & creditor sibi inuicem occurrunt, & quod ad Deum attinet, similes sunt, eodẽque apud ipsum gradu sunt:

F f f

omnes

omnes namque saluare vult & seruare quoque paratus est, si tamen ipsi quoque velint, strenuèque id quod in se est, præstiterint.

14. *Rex qui iudicat in veritate pauperes, thronus eius in æternum firmabitur.*

**M**VLtum valent fortes milites, valida propugnacula, amplius com-  
meatus, aliæque eiusmodi ad regni munitionem: at multo plus  
possunt iustitia & æquitas, iustæque pauperum defensio. Regis enim thro-  
nus, qui pauperes in veritate iudicat, hoc est, qui iusto iudicio eorum cau-  
sam defendit, firmatur in æternum, hoc est, longo temporis spatio in hac  
vita, & in altero sæculo in omne æuum. Magnam proinde mercedem pro-  
merentur & consequuntur, qui iustam pauperum defensionem suscipiunt,  
maximè vero Reges & Principes. Nam ad hos pauperibus non patet adit-  
us, vt qui iis rebus destituantur, per quas eiusmodi aditus parari solet.

15. *Virga atque correptio tribuit sapientiam: puer autem qui dimittitur voluntati suæ, confundit matrem suam.*

**D**VÆ inter ceteras sunt viæ, quibus pueri & ceteri in minori ætate ad-  
huc constituti, perducuntur ad sapientiam: Virga nimirum & cor-  
rectio. Hæc fit verbis, illa constat verberibus, quia dum verba parum pro-  
sunt, adhibenda sunt verbera pueris præsertim & iuuenibus de quibus hic  
sermo est. Quin adulti quoque pueriliter viuentes, si verba non prosunt,  
verberibus ad officium compellendi sunt. Virga proinde & correptio  
puero tribuit sapientiam: puer autem qui suæ relinquitur voluntati, hoc  
est, qui nec verbis, nec verberibus mouetur pudore afficit matrem suam,  
imo verò verumque parentem.

16. *In multiplicatione impiorum multiplicabuntur scelera, et iusti ruinas eorum videbunt.*

**Q**VO plures sunt impij & improbi homines, eo plura designantur  
scelera & flagitia, sicut quò plures sunt iusti, eo plura eduntur iusti-  
tiz opera. Nam & se invicem ad scelera prouocant impij, & quo plures  
sunt, eo audaciores euadunt, & iustos facilius opprimunt, & pauciores sunt  
qui illorum improbitati resistunt. Interim siue plures, siue pauciores fue-  
rint impij & inuidi, numquam tamen impune peccant. Siquidem seue-  
rissimam Dei vindictam suo tempore in illos exercitam; imò vero plenam  
perfectamque

perfectamque illorum ruinam & euerfionem videbunt, fi non in hoc fæculo ( vt fapè fieri folet ) certè in altero.

17. *Erudi filium tuum, & refrigerabis te, & dabitur alitias anime tue.*

**E**Rudi, corripe, & caftiga filium tuum, dum adhuc iuuenis eft, & commodè inftitui poteft; quod fi feceris in feneétute tua non modò te refrigerabit, magnùmque gaudium & folidam lætitiā & voluptatem animo tuo adferet: verum tuos quoque labores, tuasque curas & moleftias in fe fufcipiet, teque ab omnibus negotiis quietum reddet.

18. *Cum prophetia defecerit, diffipabitur populus: qui vero custodit legem, beatus eft.*

**C**VM deeft prophetica vifio, fidique doctōris aut concionatoris vox; vel quod Deus hac pœna ( quæ fane magna eft ) populi peccata velit punire, iuxta illud: *Auferetur à vobis regnum Dei, & dabitur genti facienti iuftitiam eius.* Vel quod populus obftinatus fidei morumque doctōrinam nolit audire, ficut Iudæi legem Evangelicam audire detrectant, & hæretici Ecclefiæ vocem blafphemant, ibi populus diffipatur, & à bonis operibus feriatur, adeoque contumax, & rebellis, & à vera religione alienus efficitur. Qui autem legem legisque præcepta feruat, beatus eft, bonisque in vtraque vita cumulatur illuftribus.

19. *Seruus verbis non poteft erudiri: quia quod dicis intelligit, & respondere contemnit.*

**S**ED neque fat adhuc eft ad salutem bonas leges adeffe, bonosque & fidos legis interpretes; fed opus eft præterea fida diligentisque obferuatione, adeoque facultate quadam, quæ cogere queat, per quam contumaces & refractarij, qui virtutis amore non mouentur, pœnæ formidine vel inuiti ad officium faciendum compellantur. Siquidem feruilis ingenij animique homo folis verbis erudiri, & ad frugem trahi non poteft. Quia quamuis, quod dicis & doces, intelligat, nihil tamen refpondet, aut vlli rei paret: verum tanquam nihil ad fe pertineant, contemnit & afpernatur: opus proinde hic eft non verbis tantum, fed verberibus quoque & aliis pœnis.

20. *Vidisti hominem velocem ad loquendum? stultitia magis speranda est, quàm illius correpcio.*

**A** Nimaduertisti hominem in verbis & negotiis præcipientem, maior de stulto stultitiam suam agnoscente & admonitionem patienter ferente, bonæ frugis sapientiæque spes est, quàm de illo. Velox autem & præceps in verbis censetur, qui quidvis inconsideratè & indeliberatè effutit, nec exspectat cum interrogetur, sed vltro in medium prorumpit; multaue de iis, quæ nec nouit, nec didicit temere euomit. Velox autem in negotiis est, qui quidvis citra delectum aggreditur & tentat, neque quò res tandem euasura est considerat.

21. *Qui delicatè à pueritia nutrit seruum suum, postea sentiet eum contumacem.*

**S**eruilis conditionis abiectionique animi homines non sunt delicatè & mollior tractandi, neque ad magistratum vel dominatum aliquem euehendi. Siquidem delicatè à prima ætate educati, & ad pignorem fortunam euecti statim insolescunt, & contumaces euadunt. Nec solum alios præ se continent, verum contra Dominum quoque nonnumquam insurgunt. In victu itaque & amictu & ceteris omnibus non sunt habendi tanquam filij, sed tanquam serui; ne posteaquam adoleuerint filiorum loco haberi velint. Sublimiori sensu optimè hæc quadrant in spiritum & carnis sensum. Qui enim carni nimium indulget, contra spiritum illam armat.

22. *Vir iracundus prouocat rixas: & qui ad indignandum facilis est, erit ad peccandum procliuior.*

**Q**Uia in varia vitæ pericula & peccata, variâsque rixas & contentiones incidere non vult, iram & stomachum compefcatur, oportet. Siquidem vir iracundus sua natura pronus est ad miscendum rixas & iurgia: atque ita nisi se contineat necessariò in varia corrueat peccata.

23. *Superbum sequitur humilitas, & humilem spiritum suscipiet gloria.*

**H**umili admissioque animo viri euehuntur ad gloriam: superbi autem elati que spiritus homines deprimuntur & humiliantur, iuxta illud: *Omnis qui se exaltat humiliabitur, & qui se humiliat exaltabitur.* Et quamvis istud



istud in hac mortali vita non semper accidat, in altera tamen semper locum habet. Constat enim omnes illos superbos & arrogantes tyrannos, qui cornua sua contra Christum & sanctos eius erigebant, iam dudum humiliatos, & in infernum demersos: illos autem qui Christo obsecuti se humiliarunt ad summam gloriam euectos esse.

24. *Qui cum fure participat, odit animam suam: adiurantem audit, & non indicat.*

**Q** Vicumque cum fure participat, siue id faciat consilio, siue quouis alio modo; ita vt partem rei per furtum ablatae sciens volensque accipiat, vel efficax, vt furtum committatur, causa existat, is odit animam suam, vt qui illam manifesto damnationis periculo, & se ipsum vitæ infamiaeque discrimini exponat. Nam etsi malè audiat apud omnes, non tamen male se audire conqueri audet, neque de veritate dicenda à legitimo iudice adiuratus, tacere, aut falsum dicere veretur; quod ipsum quoque graue est peccatum, & cum restitutionis vinculo coniunctum.

25. *Qui timet hominum, cito corruet: qui sperat in Domino, subleuabitur.*

**Q** V Ita hominis auctoritatem timet, aut gratiam illius quærit, vt viam rectam propter alterutrum deferat, aut legem violet, ille grauiter corruet, damnationisque laqueis sese inuoluet. Iniquum est enim magis timere hominem, quàm Deum. Qui verò in Dominum sperat, spemque suam in illum defixam habet, is in Domino & per Dominum saluabitur, & subleuabitur, & quasi in alto munitoque loco collocabitur, liber ab iis malis, in quæ inciderat, vel incidere poterat.

26. *Multi requirunt faciem Principis, & iudicium à Domino egreditur singulorum.*

**C** Y M Dominus sit iudex omnium, omnesque ad illius tribunal sisti debeant, magni & parui, docti & indocti, Principes & priuati homines, ad vnum omnes inconsultissimè faciunt, quotquot maioris faciunt Principis personam, qui corpus tantum occidere potest, & paucorum tantum iudex est, aut magis illum timent, quàm Deum qui omnium iudex est, & posteaquam occidit corpus animam in gehennam mittere potest: sed neque illi quoque satis sapiunt, qui in aduersa fortuna vel controuersia nata Regi magis fidunt, quàm Deo. Cupiant namque quidam ad il-

lum accedere, quò causam suam coram exponât, cum Dēus potius adeundus & rogandus esset, in cuius manu est cor Regis, potestquē illud inflectere quocumque voluerit.

27. *Abominantur iusti virum impium: & abominantur impij eos qui in rella sunt via.*

**V**T morum similitudo amicitiz ineundæ & conseruandæ præcipua radix & ratio est; ita omnis discordiæ & alienationis fons, & quasi semen est morum disparitas. Eapropter naturali quadam propensione iusti oderunt & execrantur impios & iniustos, eorumdem iniustitiam & impietatem, impij aut & iniusti è diuerso execrantur eos, qui per viam integritatis & perfectionis incedunt. Iusti tamen non oderunt impios propter se, sed propter suam impietatem, impij autem iustos simpliciter oderunt.

*Verbum custodiens filius, extra perditionem erit.*

**F**ilius qui parentum monitis & præceptis obsequitur, eorumdémque consilia magni facit, damnationis periculo se eximit, certámque ad cælestem beatitudinem viam sibi munit.

## A D

## CAPVT VIGESIMVM NONVM

### SCHOLIUM.

1. **V***iro qui corripientem, &c.* Perstringit hic locus eos, qui sæpius increpiti amicéque admoniti non emendantur; sed obduratâ cervice in sua improbitate pergunt. Quorum statum deploratum planéque insanabilem esse docet.

2. *In multiplicatione iustorum, &c.* Similis locus exstat capite proximè præcedente, neque obscura illius est sententia. Certum est namquē quò plures exstant iusti auctoritate præditi, eò maiorem pacem & tranquillitatem in ciuitate vigere.

3. *Vir qui amat sapientiam, &c.* Clara est hæc sententia: vt enim periculosa & probrosa res est alere scorta; ita honorifica planeque salubris, sapientiam eiusdémque placita. Vix vllum autem efficacius aduersus scortationem iuuenies antidotum, quàm studium sapientiz. Ceterum præfens locus

locus duplicem animum insinuat; honestum sapientiæ, & turpem meretricum; carnis item & spiritus; terrenarum denique rerum & cœlestium.

Alter exitus parentes lætificat; alter contristat.

4. *Rex iustus erigit terram, &c.* Ponit discrimen inter Regem avarum & iniustum, & Principem iustum & liberalem. Hic erigit provinciam; ille funditus evertit. Nihil enim iniquius, nihil intolerabilius Rege avaro & iniquo. Rectè hæc autem transferuntur in Christum & Satanam; hic enim est tyrannus & iniustus; ille mansuetus & iustus. Hebræa aliter sonant, sed tendunt in eundem sensum.

5. *Homo qui blandis, &c.* Similia iam ante exposita sunt non semel, neque locus obscurus est. Certum est enim, qui adulatoriis verbis homines adoriuntur, suis aliud nihil illos blandimentis parare, quàm retia & insidias, in quas tamen ipsimet sæpe incidunt.

6. *Peccantem virum, &c.* Monet viros malos & improbos in suos laqueos incidere. Nam & sua malitia est ipsis laqueus, qua captivi abducuntur ad inferos, & in laqueos, quos aliis struxerant, non raro corruunt. Quod cum fit, iusta ipsis exultandi causa offertur. Siquidem & ipsi liberantur, & hostes suos suis ipsorum retibus captos cernunt.

7. *Novit iustus causam, &c.* Assignat discrimen inter iustum & impium hic pauperes eorundemque ius nihil curat; at ille illorum causam fideliter tractat & administrat, idque absque vlla spe quaestus.

8. *Homines pestilentes, &c.* Hic aliud discrimen non quidem inter probos & improbos iudices assignatur, sed inter homines pestilentes & sapientes, differunt autem quod hi civitatem conseruent, furorémque & pestes obortas sedent; illi contra suis seditionibus improbisque conatibus eam, quod in se est, evertant.

9. *Vir sapiens, &c.* Dissuadet hic prudenti, ne cum stulto temere contendat; quia non facile inuenit requiem, qui negotium cum illo habet. Per hæc autem hominem stultum incorrigibilem esse, tempusque frustra cum illo teri indicat.

10. *Viri sanguinum, &c.* Docet eos qui sanguinarij sunt, integræ vitæ scelerisque puros homines, quod sibi suisque moribus dissimiles sint, ferre non posse.

11. *Totum spiritum, &c.* Ponit inter stultum ira accensum, & sapientem discrimen: stultus nullius habitâ ratione totam iram simul effundit; sapiens autem tamen commotus iræ motum comprimit.

12. *Princeps qui libenter, &c.* Monet hic locus Princeps tales fermè ministros habere, quales ipsi sunt. Si itaque sunt vani, inepti, ridiculi, habebunt aulam refertam adulatoribus, mendacibus, vanisque hominibus: si autem veritatis studiosi & graues, veraces grauesque ministros for-  
tientur.

13. *Pauper & creditor, &c.* Insinuat hic locus omnes de Dei bonitate & misericordia spem concipere debere. Nam ut ipse est conditor omnium ita omnium quoque, qui salui fiunt, saluique fieri ex animo cupiunt, seruator est. Tum ubique dissimiles sibi mutuo occurrere, eamque dissimilitudinem totam, aut maiorem certè partem ex diuina dispensatione pro-  
uenire.

14. *Rex qui iudicat, &c.* Commendantur hic Reges, qui iudicium ve-  
rum & æquum exercent, maximè in causa pauperum: mercedis autem loco promittitur illis vita æterna, regnique constantia & fortitudo & in  
multos annos duratio.

15. *Virga & correctio, &c.* Simile quid legitur Cap. XXII. Docetur hic autem magnam pueris & iuuenibus vtilitatem præstare tempestiuam correctionem, & magnam rursus cladem adferre eiusdem rei neglectum.

16. *In multiplicatione impiorum, &c.* Nullum est dubium quin multi-  
plicatis impiis sceleratisque hominibus simul multiplicentur scelera: at  
numquam tam multi erunt, ut iustos penitus exstinguant.

17. *Erudi filium tuum, &c.* Iterum hic hortatur ad filij institutionem,  
promittitque magnum eius rei vsum senectutis tempore, quando nimi-  
rum filij totam rei familiaris curam in se suscipere, & administrare solent.

18. *Cum prophetia, &c.* Prophetiæ nomine designatur hoc loco v-  
concionatoris, & doctrina Ecclesiastæ. Cum enim hæc defunt, populus  
sylvescit, & à bonis operibus otium agit.

19. *Seruus verbis, &c.* Docetur hic homines seruilis ingenij, cuiusmodi  
sunt, qui nec intelligunt, nec intelligere volunt, nec opere explere, quod  
intelligunt, non verbis tantum sed verberibus quoque ad officium com-  
pellendos esse.

20. *Vidisti hominem velocem, &c.* Simile quid habetur Cap. XXVI.  
Per hominem autem ad loquendum velocem designat hominem futilem,  
ineptum, temerarium, & ad quidvis effutiendum præcipientem. Quod  
autem de verbis hic dicitur, hoc de negotiis quoque dictum accipiat,ur,  
neque enim minus nocet temeritas in negotiis, quàm in verbis.

21. *Qui delicatè nutrit, &c.* Res intolerabilis est seruus pane saturatus, vel ad pinguem aliquam conditionem euectus. Quare non delicato cibo nutriendus est seruus, sed sorti suæ conuenienti.

22. *Vir iracundus, &c.* Cap. XVI. idem de iracundo scribitur: nihil autem naturalius, nihil familiarius, quàm homines iracundos excitare rixas: eos rursus, qui proni sunt ad iram, pronos quoque esse ad peccatum.

23. *Superbum sequitur humilitas, &c.* Conuenit hic locus cum illo Christi: *Omnis qui se exaltat, humiliabitur, & qui se humiliat exaltabitur.* Idque est perpetuum in altera vita, in hac autem non est perpetuum secundum effectum, est tamen perpetuum secundum meritum.

24. *Qui cum fure partitur, &c.* Inuehitur in furtum & fures & in furum socios, quales sunt, qui de præda participant, vel causa efficax, ut furtum committeretur, existunt. Quod autem de participatione in furto hic dicitur, id de omni alio crimine damnofo dictum intelligatur.

25. *Qui timet hominem, &c.* Docetur hic malè eum periturum, grauiusque calurum, qui hominem magis timet, quàm Deum: magis autem timet hominem quàm Deum, qui propter hominem, quodcùmque peccatum patrare audet.

26. *Muli requirunt faciem, &c.* Cognatus est hic locus præcedenti. Damnantur enim, qui maioris faciunt personam Principis, quàm Dei, vel magis timent Principem, quàm Deum, à quo omnes iudicandi sunt, omnèque iudicium proficiscitur.

27. *Abominantur iusti, &c.* Docetur hic vinculum consociationis, familiarisque consuetudinis esse morum similitudinem; odij vero eorundem dissimilitudinem.

*Verbum custodiens, &c.* Hic versus ex Lxx. petitus est, significat autem perditionis periculum euasuros, qui parentum præcepta audiunt, & custodiunt.

PARAPHRASTICA  
CAPITIS TRIGESIMI  
EXPLANATIO.

*Verba Congregantis filij Vomentis.*

**P**ostrema hæc libri pars alium, quàm Salomonem auctorem innuere videtur, nempe Agurem. Hebræa enim sonant: *Verba Aguris filij Iache*. Creditur autem hunc Agurem virum fuisse, qui ætate Salomonis tantam apud Iudæos sanctimonix & sapientix opinionem obtinuerat, ut omnia illius dicta & sententiæ oraculorū loco haberentur. Noster interpres propria appellatiuè reddidit, habet enim: *Verba congregantis filij Vomentis*, sed minus commodè, ut plerisque videtur. Interim si appellatiuè cum interprete nostro exponas, statue virum hunc fuisse Salomonem, qui multa verba sapientix coaceruauit, & magna vbertate eructauit.

1. *Visio quam locutus est vir cum quo est Deus, & qui Deo secum morante confortatus, ait.*

**Q**VÆ hoc capite continentur verba vel Prophetia sunt Aguris, quam discipulorum aut familiarium suorum Ithielis & Vchalis oratione prouocatus in medium deprompsit. Quod si propria hæc appellatiuè reddas, hunc fere secundum nostrum interpretem sensum offerunt. Visio vel Prophetia, quam vir diuino numine afflatus, diuinoque robore confirmatus locutus est.

2. *Stultissimus sum virorum & sapientia hominum non est mecum.*
3. *Non didici sapientiam, & non noui scientiam sanctorum.*

**I**nfinuatur per hæc verba discipulos vel familiares Ithielem videlicet & Vchalem efflagitasse ab Agure, ut depromeret aliquid viro sapiente dignum, ipsumque modestè respondisse, quid à me, qui mortalium omnium insipientissimus sum, omni que humana & diuina sapientia destitutor, sapientiam queritis? Aquam utique è pumice, ut qui nec hominis intelligentiam teneam, nec sanctorum scientiam aut sapientiam didicerim, vinquam. hæc ille, & ut verisimile sit ex toto animi sensu. Nam si id quod viri

virī sapientes sciunt, conferatur cum eo, quod ignorant, vel quod Deus, vel ipsi etiam beati norunt, parum admodum est totum illud, quod sciunt.

4. *Quis ascendit in cælum, & atque descendit? quis continuit spiritum in manibus suis? quis colligavit aquas quasi in vestimento? quis suscitavit omnes terminos terræ? quod nomen est eius, & quod nomen filij eius, si nosti?*

**N**Equē mirum vobis videri debet, me meam incitiam agnoscere & allegare. Etenim ut sapientis nomen quis promereatur, non sat est si de vulgaribus istis rebus, quæ in omnium oculos incurrunt, aliquid noverit, vel aliquid audierit, sed opus est præterea ut rerum cœlestium notitiam, eamque minime vulgarem obtineat. At hæc notitia de rebus cœlestibus saltem in excellenti aliquo gradu paucis vel nullis omnino obtinuit. Quis enim ascendit in cælum, eaque, quæ ibi existunt, accuratè didicit, ita ut inde in terram regressus, aliis illa communicare possit? Quod si hæc cognitu facilia existimas, dic mihi si potes, quis inter omnes ea potentia & sapientia præditus est, ut venti impetum sistere, eundem quasi pugno conclusum continere valeat? Quis rursus ille est, qui aquas vnum in locum congregavit? easque in nubibus veluti in vestimento expanso continet? & ne terminos suos transgrediantur, perpetuā quadam lege intra limites suos coercet? Quis tandem constituit terminos terræ, eiusdemque bases, ut immotæ semper consistent, stabilivit? An non qui omnia hæc fecit Deus est. Atqui & Dei & Filij eius nomen homini iam olim ignotum erat, semperque mansisset, nisi nostri misertus ultimis tandem huius temporibus se per Filium suum, diuināsque Scripturas manifestasset, quotidieque adhuc manifestaret. Nam per hasce & se ipsum, & suum Filium Christum, & Sanctum quoque Spiritum, & suam itidem potentiam, & sapientiam, reliquasque omnes perfectiones suas manifestat, & quidem certò & verè.

5. *Omnis sermo Dei ignitus, clypeus est sperantibus in se.*

**Q**UÆ Philosophi de cœlo, terra, mari, ceterisque elementis & ex elementis concretis tradunt, ea multis obnoxia sunt erroribus, plusque sæpè curiositatis, quàm utilitatis adferunt; plus rursus vanitatis, & erroris quàm sani saporis spiritualisque gustus continent, nec animum pascunt aut satiant, sed aridum & inquietum plerumque relinquunt: at verbum Dei veluti aurum igne probatum ab omni errore, falsitate, & vanitate est

tate est prorsus alienum. Est idem quoque igneum utpote frigida pectora diuina caritate accendere natum, omnémque probitatis, honestatis, & puritatis ratione instructum. Neque tamen salutis spes in illo est collocanda: nam etsi Deum nobis ostendat, & salutis viam demonstrer, ipsam tamen salutem non confert, sed Deus ipse. Ipse enim est clypeus, firmúmque præsidium, omnibus qui spem suam in eum reiciunt.

6. *No addas quidquam verbis illius, & arguaris, inueniarisq̃ mendax.*

**Q**uia vero Scripturæ diuinitus inspiratæ ab omni prorsus errore & falsitate sunt prorsus alienæ; ut quæ hominem ad salutis viam dirigant per se idoneæ & abundè satis, non sunt falsis Iudæorum commentis, aut adulterinis hæreticorum glossæmatis contaminandæ, sed purè castèque retinendæ, & secundum vniuersalis Ecclesiæ sensum accipiendæ & exponendæ. Caue igitur Dei verbo, siue illud scripto, siue viua voce per Spiritum Sanctum Ecclesiæ traditum sit, quidquam omnino quod cum genuina illius sententia pugnet, aut à mente eiusdem disideat, addas, ne fortè Deus mendacij temeritatisque te arguat & condemnet.

7. *Duo rogaui te, ne deneges mihi antequam moriar.*

8. *Vanitatem, & verba mendacia longè fac à me. Mendicitatem, & diuitias ne dederis mihi: tribue tantum victui meo necessaria.*

9. *Ne fortè satiatus illiciar ad negandum, & dicam, Quis est Dominus? aut egestate compulsus furer, & periurem nomen Dei mei.*

**V**T animo & corpori, totique adeo interiori & exteriori homini meo bene sit, duo, Domine, inter cetera præcipuè abs te efflagito atque contendo, & vsque ad mortem constanter mecum persenerare desidero; alterum horum est, ut omnem sæculi huius fastum & vanitatem, omnèque rursus mendacium & falsitatem tam extra quàm intra iudicium procul à me amoueas, neque vñquam in errorem aut falsas opiniones me incidere, aut alios quouis modo, via, aut ratione inducere permittas. Alterum est ut medium quoddam inter nimiam copiam & inopiam definiens tantum opum & facultatum mihi subministres, vnde me meosque secundum statum meum honestè alere queam. Nam & magnæ opes non citra periculum possidentur, & magna rursus egestas ad multas sæpe prauas artes insanèque consilia implere solet. Quamvis enim ampla rerum copia ad legis præuaricationem, vel idololatriam, aut ad aliud quodcumque crimen per se



per se non adigat; neque egestas ad furta, periuria, & homicidia necessariò impellat. Alioqui enim omnes diuites essent elati, vel idololatraz, vel Dei contemptores, & omnes pauperes fures vel periuri; attamen ratione prauæ dispositionis, in quam incidunt, ad prædicta vitia atque flagitia aniam (vt quotidiana experientia probat) sæpe porrigunt.

10. *Ne accuses seruum ad dominum suum, ne forte maledicat tibi & corrumpat.*

**I**Nfirmos abiectioneque sortis homines, vel alias afflictos, ne faciliè lædas, aut temerè offendas. Nam etsi per se se tueri non queant, habent tamen Deum iniuriarum, quas patiuntur, vindicem. Ante omnia autem caue, ne seruum ex odio vel alio malo consilio incitatus, apud Dominum suum accuses; sed te potius patronum eius exhibeas, & inter ipsum & dominum illius sequestrum te constituas; ne forte te excretetur, dirisque do-uoeat, aut vires quoque nactus te prosterнат & perimat; ira namque impotentum intolerabilis est, dum præualeat.

11. *Generatio quæ patri suo maledicit, & quæ matri suæ non benedicit.*

12. *Generatio quæ sibi munda videtur, & tamen non est lota à sordibus suis.*

13. *Generatio cuius excelsi sunt oculi, & palpebræ eius in alta surrectæ.*

14. *Generatio quæ pro dentibus gladios habet, & commandit molaribus suis, vt comedit inopes de terra, & pauperes ex hominibus.*

**N**Ullum non vitium & peccatum Deo displicet, subque auctori, & hominum societati detrimentum adfert, inter cetera autem quattuor sunt, quæ & rempublicam præ ceteris turbant, & Deo vehementer displicent, & veræ sapientiæ aduersantur vt quæ maximè. Sunt autem ista ingratitudo, simulata sanctimonia, fastus vel superbia, & iniusta miserorum & infontium oppressio; quæ eò etiam deteriora censenda sunt, quò maiorem vitiorum segetem secum trahunt. Vix vllum enim exstat vitium, quod ad aliquod istorum referri non valeat. Constituunt autem quattuor hæc vitia quattuor sceleratorum hominū genera, quæ Sapiens ordine hic recenset. Etenim quoddam exstat hominum genus, quod patri maledicit, & matri non benedicit, quod summæ ingratiitudinis est argumentum. Sunt enim parentes omni honore & veneratione digni. Est aliud quod se mundum putat, & tamen à sordibus non est repurgatum, adeoque sanctimoniam & puritatem, quam non habet, falsò vsurpat, quod est proprium hypocritarum. Tertium eorum est, qui tanto fastu tantæque superbia inflati sunt,

vt eam etiam externis signis, & corporis gestibus declarent. Incedunt enim erecto collo, oculis vagis & oberrantibus, superciliis insublime sublati, totòque reliquo corporis habitu superbè & turgidè. Quantum & postremum tantæ immanitatis & feritatis est, vt efferatas belluas excedere videatur. Hoc enim manifeste per illud insinuat, quod dentium loco acutos gladios habere dicatur, & molares cultorum more acuminatos, quibus pauperes opisque egentes absumunt, deuorant, & è medio tollunt. Quattuor has hominum classes quidam non omnino insulse referunt ad quattuor mortalium sectas, nempe ad paganos, Iudæos, hæreticos, & improbos Christianos, pagani nec Deum Patrem, nec sponsam eius Ecclesiam agnoscunt. Iudæi se mundos putant, & tamen per Baptisma à sordibus abluti non sunt. Hæretici præ fastu & superbia omnes præ se contemnant. Improbi Christiani ferarum more se mutuò deuorant, & pauperes vsque ad ossa consumunt.

15. *Sanguisuga dua sunt filia: dicentes, Adfer, Adfer.*

**P**orro autem ex quatuor istis vitiis prauisque generationibus, natae sunt duæ filiae similes sanguisugis, hoc est, duo vitia naturam sanguisugæ imitantia, nempe carnis & oculorum concupiscentia. Quo enim duo hæc vitia magis fouentur & exercentur, eò magis crescunt, appetitumque magis inflammant. Quare duo hæc, neque copia, neque inopia vniquam explentur, sed insaturata semper Adfer, adfer, vel Da, da vociferantur. Suntque duo hæc duo organa & quasi primaria adminicula, quibus Satan humani sanguinis & perditionis sitientissimus, potiore hominum partem circumvenit & irretit; nec non in perditionis barathrum præcipientes trahit.

16. *Tria sunt insaturabilia, & quartum quod numquam dicit sufficit.*

*Infernus & os vuluæ, & terra quæ non satiatur aqua: ignis vero numquam dicit sufficit.*

**I**Mò vero non duæ tantum sanguisugæ sunt filiae, quæ numquā saturantur, neque vniquam Sat est dicunt, sed indefesse semper Adfer, adfer, Da, da vociferantur, sed tres vel etiam quattuor, nimirum infernus vel sepulcrum, sterilis vulua matrixue infœcunda, terra arenosa & sicca, & ignis. Etenim sepulcrum est veluti os quoddam inexplibile; nam quidquid caduerum vel corporum recipit, id totum breui tempore absumit, & in puluerem

uerem redigit. Infernus quoque numquam tot animas recipit, quin plures semper excipere & deuorare paratus sit. Porro autem mulieris, præsertim sterilis, concupiscentia est quodammodo infinita. Semper enim ob fœtus desiderium, aliàsque causas vulgo non ignotas concubitus expetit; & quò frequentius rei huic dat operam, eò magis ad idem & idem semper anhelat. Sed & terra quoque sicca & arenosa nunquam saturatur aqua. Quantuncumque enim affuderis vel infuderis, totum semper absorbet & consumit. Ignis denique lignorum adiectione magis magisque semper crescit. Verumenimvero licet hæc ad litteram ita se habeant, sublimiori tamen sensu per quattuor hæc insaturabilia quadruplex concupiscentiæ genus designatum videtur. Et quidem nomine sepulcri vel inferni, qui obscurus & turbulentus est, vindictæ cupiditas, iræque & odium, & inuidia significatæ videntur: per os autem sterilis vuluæ vtriusque sexus libido, carnisve in utroque genere illecebræ. Siquidem carnis voluptas usu incenditur, non exstinguitur, per terram autem sitientem auaritia, oculorumve concupiscentia. Nam hæc & terrena est, & terrena semper secatur. Per ignem denique, qui semper tendit in altum superbia vitæ, siue immoderata honorum cupiditas. Possent hæc quattuor ad alias quoque res transferri, prout symbolica doctrina latè patet, varièque exponit solet.

17. *Oculum qui subsannat partem & qui despicit partem matris suæ, effodiant eum corui de torrentibus, & comedant eum filij aquilæ.*

**Q**VI patri vel matri maledicit, eosdémve despicit vel subsannat, is non modò immaturam mortem inferniq̃ue supplicium, nisi resipiscat, experietur, sed publicam quoque infamiam promeretur; nempe vt in crucem actus coruos, qui in vallibus circa torrentes versari solent, aquilarumq̃ue pullos oculis suis pascat, vel vt probrosè exstinctus nullam vel asinorum tantum sepulturam obtineat. Non inferitur sanè illud supplicium iis semper, qui parentes derident, vel illorum monita & consilia aspernantur, semper tamen illud merentur. Iam si subsannatio, quæ naso vel oculis fit, tantam meretur pœnam, quid de percussione, aut graui parentum offensione statuendum erit?

18. *Tria sunt difficilia mihi, & quartum penitus ignoro.*  
 19. *Viam aquilæ in cælo, viam colubri super terram, viam nauis in medio mari, & viam viri in adolescentia.*

**V**T tria vel etiam quattuor sunt, quæ numquam saturantur; ita rursum tria vel quattuor sunt, quæ difficulter noscuntur. Sunt autem isthæc: Via aquilæ in cælo vel aëre; vestigium colubri super petram, semita nauis in mari, & via viri in adolescentia, aut, vt Hebræa sonant, in virgine vel adolescentula. Siquidem hæc omnia post se vix vllum motus sui indicium relinquunt. Aër namque & aqua ita liquida & fluida sunt, vt nullum vestigium retineant: petra autem tam dura existit, vt nullam impressionem admittat: mens autem iuuenum eorumdémque studia & exercitia tam vaga & inconstantia sunt, vt nihil certi de illis statui queat. Virgo quoque si stuprum admiserit, omnem facti memoriam & indicationem studiosè abolere contendit. Perinde enim se gerit atque si nihil vmquam probri aut incommodi passa esset. Porro sensu mystico hæc quattuor in Christo Domino nostro locum habuere. Hic enim in virginem ita ingressus, & ex ea rursum egressus est, vt nullum sui introitus vel exitus vestigium reliquerit, vt aquila ascendit in cælum, vt serpens egressus est è saxeo sepulcro, vt nauis denique conuersatus est in hoc mundo.

20. *Talis est & via mulieris adulteræ, quæ comedit, & tergens os suum dicit, Non sum operata malum.*

**P**orro autem vt quattuor hæc sunt mirabilia, & cognitu difficilia; ita etiam via & studium mulieris adulteræ. Siquidem hæc crimen suum modis omnibus dissimulare & occultare nititur, seseque vbique mundam & inculpatam gloriatur, imò aliis honestis matronis se anteferre non veretur. Similis adulteræ huic mulieri est hæresis & synagoga malignantium. Nam cum sit plena omni spurcitia, adhuc Ecclesiæ Catholicæ se anteferre audet. Rursum vt adultera flagitium patratum abnegat, omniâque indicia illius, sicut qui abluuit os suum, abolet; ita synagoga quoque post tot idolomanias adhuc sancta & virgo æstimari desiderat.

21. *Per tria mouetur terra, & quantum non potest sustinere.*  
 22. *Per seruum cum regnauerit: per stultum cum saturatus fuerit cibo.*  
 23. *Per odiosam mulierem cum in matrimonio fuerit assumpta, & per ancillam cum fuerit heres domine suae.*

**V**T quattuor sunt inexplabilia, & totidem alia admirabilia, & cognitu difficilia; ita quattuor quoque sunt terræ ipsique mundo intolerabilia, hoc est talia, quæ humana societas citra nauseam grauēque stomachum & indignationem ferre non potest; nimirum seruus ad regnum vel imperium euectus, stultus pane rerūque copia obsaturatus, odiosa molestaque mulier ad honorarium matrimonium assumpta, & ancilla domine suæ hereditatem nacta. Sunt enim hæc omnia & singula cum magna quadam absurditate coniuncta. Absurdum est enim seruus, qui pro conditionis suæ ratione parère, & obsequi, & subesse debebat, aliis imperare, virisque ingenuis anteferri. Equè absurdum & præposterum est ancillam adire hereditatem domine, siue id fiat superstiti adhuc dominæ, siue vitam defunctæ. Absurdus est tamen si viuam expellat, & in illius hereditatem inuadat, quàm si post mortem defunctæ marito nubat. Denique stultus rerum copia affluens, & mulier infamis viro principi nubens, res sunt prorsus intolerabiles. Nam quod stulti sine ratione agant, & quidquid in mentem venerit, temere aggredi audeant, legitimūque diuitiarum vsum prorsus ignorent, magnas passim turbas & tempestates excitant. Mulier porro ita affecta, hisque vitis contaminata, vt omnibus sit exosa, honorariis nuptiis, quibus indigna erat, potita, seipsam præ superbia & fastu non capit. Quare insolescit, & contra maritum insurgit, totāque adeo familiam confundit, & turbis inuoluit.

24. *Quattuor sunt minima terra, & ipsa sunt sapientiora sapientibus.*  
 25. *Formica populus infirmus, qui præparat in messe cibum sibi.*  
 26. *Lepusculus plebs inualida, qui collocat in petra cubile suum.*  
 27. *Regem locusta non habet, & egreditur vniuersa per turmas suas.*  
 28. *Stellio manibus nititur, & moratur in adibus Regis.*

**Q**uattuor sunt terræ animantia, quæ licet sint parua & infirma, sunt tamen prouida taliaque, à quibus magnæ industriæ & sapientiæ exemplum sumere liceat. Horum primum, nimirum formica admonet hominem, vt ante omnia peculiarem earum rerum curam habeat, quæ ad cor-

poris animæque salutem & incolumitatem pertinent. Formica enim licet imbecillis sit, ( ne quis propter imbecillitatem ab honesto labore se excuset ) mirâ tamen solertia, miroque studio & diligentia æstate colligit, unde in hieme sese sustentet. Lepus quoque vel cuniculus suo exemplo nos docet, ut de tuta & comoda habitatione tempestiuè nobis prospiciamus: qualis utique hic constitui vix vlla potest, sed in altera vita tantum. Enim vero cum animalcula illa sint timida, suisque viribus diffidant, in cauernis terræ locisque petrosis constituunt domicilia sua. Annonâ autem & firmâ domo comparatâ, proximum est ut in id incumbamus, quò cum Deo & proximo pacem habeamus, pacatèque & tranquillè cum omnibus viuamus. Ad hanc autem vniõnem, concordiam, & animorum consensionem locustæ nos exhortantur: siquidem hæ vnânimi sensu atque consensu de loco ad locum commigrant; de agro iidem ad agrum veluti si ductorem quempiam sequerentur transvolant. Estque eiusmodi ordo & consensio non modò in republica & militia, aliisque rebus externis apprimè necessaria, verum etiam in spiritalibus. Restat ut homo vitam ita instituat, eaque prudentiâ viuat, ut in aulis Regum & Principum inter illorum consiliarios & senatores locum habere queat, quod significatur hic per industriam & exemplum stellionis, vel aranæ. Nam ut nomen, quod *Lepusculum* interpres noster reddidit, sonat etiam Cuniculum, *Chærogryllum*, *Ereum* vel *Erinacium*, ita vocabulum, quod *Stellionem* vertit, inter cetera significat quoque Araneum, & Simiam, & Hirundinem, & quædam alia eiusmodi, quæ in Principum palatijs in delicijs haberi solent.

29. *Tria sunt quæ bene gradiuntur, & quartum quod incedit feliciter.*

30. *Leo fortissimus bestiarum, ad nullius panem occursum.*

31. *Gallus succinctus lumbos: & aries: nec est rex qui resistat ei.*

**V**T quattuor sunt animantia parua, quæ tamen magna providentia & prudentia per naturæ instinctum procedunt, ita tria imò vero quattuor sunt, quæ magnificè & imperterritè incedunt, & ad cursum cum primis expedita sunt. Inter hæc primum est leo. Hic enim quasi animantium omnium fortissimus & generosissimus nullius pauet occursum; neque propter vllum omnino animal, quod obuium habeat retrorsum se conuertit. Alterum est, lèlâps vel gallus lumbis præcinctus, utpote & ad pugnam paratus, vel pardus, vel, ut quibusdam placet, canis venaticus. Tertium est aries vel hircus. Quartum Rex, cui nemo audet resistere, vel

contra

contra quem nemo audet insurgere. Non satis compertum est cuius naturæ & figuræ sint quattuor animantia, quæ hic percipiuntur; sicut nec illud quoque, quod sine hic proponantur, aut quid ex illis discere aut capere debeamus. Sunt tamen qui per hæc quattuor animantia, quattuor regna designata putant. Alij quattuor virtutes cardinales; fortitudinem exempli causa per leonem; continentiam per animal lumbis præcinctum; per anitem vel hircum gregis ducem prudentiam; per Regem denique virtutum omnium reginam iustitiam. Conveniunt autem omnia in Christum. Ipse enim est Leo de tribu Iuda, Gallus, qui omnes ad vigilantiam excitat, Asies vel hircus qui nostri causa immolatus est; & Rex tandem Regum & Dominus dominantium.

32. *Et qui stultus apparuit postquam eleuatus est in sublime: si enim intellexisset, ori suo imposuisset manum.*

**S**iquid stultum, cum te per superbiam efferres, effutisti, aut in sublimiori gradu constitutus quidpiam imprudenter designasti, mitigare & sanare id satage: si quid verò prauum aut stultum dicere cogitasti, illud noli efferre, sed manum ori admoue, & vocem contine. Vulgata Editio, quæ subobscura est, & deprauata videtur, hunc ferè sensum offert: Contingit nonnumquam cum quis in sublime eleuatur, aut se ipsum intra se extollit, ut stultum aliquid effutiat, dictòve vel facto declaret, qui utique si sana mente præditus fuisset, manum ori apposuisset, neque alios ad iram vel derisionem prouocasset.

33. *Qui autem fortiter premit vbera ad eliciendum lac exprimit butyrum: & qui vehementer emungit, elicit sanguinem, & qui prouocat iras, producit discordias.*

**N**AM ut ille qui vbera fortiter premit, quo lac eliciat, exprimit butyrum, & qui nares vehementius emungit & exprimit, educit sanguinem; ita qui fræna iræ liberius laxat, rixas atque contentiones excitat. Vel clarius: Qui premit lac, elicit butyrum, & qui nares, sanguinem, & qui iras, contentionem: siquidem butyrum actu ex vberibus numquam exprimitur; sed lac tantum, in quo tamen potestate latet butyrum. Monemur per hæc in omnibus seruandum modum, & prudentem quamdam modicitatem, maximè verò in obiurgationibus & admonitionibus. Nam qui hic nimis asper est, facili negotio plus detrimenti quam commodi adfert.

A D

## CAPVT TRIGESIMVM

## SCHOLIVM

**V**erba congregantis, &c. Hebræa sonant: Verba Aguris filij Iache. Continent autem hæc verba argumentum postrema huius partis. Disputum est enim ante librum hunc in tres. vel quatuor partes secer- ni. Ceterum nomina hæc appellatiue reddita, sicut noster interpres red- didit, sensum habent subobscutum, minusque conuenientem.

1. *Visio quam locutus, &c.* Hic est alius quodammodo titulus: docet au- tem Agurem hanc doctrinam in Ithielis & Vohalis gratiam deprom- pisse. Ab his enim rogatus fuerat vt aliquas graues sententias in medium adferret; quod ille tamen modestè recusauit, asserens se virorum omnium stultissimum esse.

2. *Stultissimus, inquit, sum, &c.* Hæc est humilis & modesta responsio Aguris. Conuenit autem cum illo Socratico: *Hoc unum scio, quod nihil scio.* Non didici, inquit, scientiam humanam, multò verò minus sapientiam, Sanctorum, Angelorum, aut rerum celestium nactus sum. Monemur per hæc autem, vt modestè de nobis sentiamus & loquamur, etiamsi aliquid scire videamur.

3. *Quis ascendit in caelum, &c.* Hæc ordine ostendunt quam modicum sit, quod nouit omnis homo, de rebus præsertim sublimibus & arduis, nisi diuinitus illustretur, & à Deo edoceatur. Quis autem ascendit in ca- lum, vt illa quæ sunt ibi, palam & certò edisserat? Quis ventum intra pu- gillum continuit? Quis aquas in nube veluti in vestimento colligauit? Aut quis terram in medio orbe sine fulero suspendit? nonne solus Deus. Eius quidem nomen non satis compertum est, aut filij eius, nedum illius natura & substantia, omnesque eiusdem proprietates & idiomata. Con- funduntur hoc loco Iudæi & Saraceni, qui negant Deum habere filium.

4. *Omnis sermo Dei, &c.* Extollit hoc & sequenti versu diuinarum Scrip- turarum excellentiam. Neque enim Scriptura sacra erroribus, aut falsitari- bus, aut obscenitatibus est contaminata (vt scripta profana solent) sed tota est casta, tota munda, tota salutaris. Possent hæc cum præcedentibus coniungi ad hunc modum: Quid à me quaeritis quaestiones Physicas de

celo



cælo, mundo, terra, aquis, ventis, in quibus multum est obscuritatis & incertitudinis, parum autem vilitatis? legite potius diuinas literas, in quibus traditam inuenietis quidquid cognitu ad salutem est necessarium.

6. *Ne addas, &c.* Quod de additione ad Scripturas hic & alibi quoque dicitur, nempe Deut. IV. & Exodi XII. id non simpliciter accipiendum est, alioqui omnes libri sacri postea additi essent superuacanei; sed tantum de additione aliena à verbo Dei, vel quæ paris auctoritatis cum Dei verbo habeatur. Quæ autem à Patribus vel Conciliis adduntur, ea illustrationis & explicationis causâ adduntur; neque enim sacræ literæ omnibus sunt obuiæ. Hæretici & Iudæi propriè addunt, quia deprauant, & falsificât.

7. *Duo rogauit, &c.* Duo, quæ hic petuntur, ad præsentem hanc vitam pertinent, nam in altera neutrum horum incommodorum habebit locum. Prior petitio pertinet ad mentem, eiusdemque puritatem: posterior autem ad corpus corporisque incolumitatem & sustentationem. Nam & cibis quoque & potus sunt medium ad vitam æternam necessarium. Si quidem vita prima est fundamentum secundæ; prima autem sine necessario alimento consistere nequit. Verum duo in ea re contingunt pericula, nimia videlicet copia & inopia. Quare vtrumque Sapiens deprecatur.

10. *Ne accuses seruum, &c.* Agit hic locus de seruis fugitiuis, vt videtur, quos non vult intercepti ac dominis ad suppliciû tradi, sed seruari, iisdemque si fieri potest, reconciliari. Reddit autem duas huius rei causas. Altera est ne incurrant in illorum maledictionem, quæ in iis sæpe efficax est, qui aliâ ratione iniuriam illatam vlcisci non valent. Altera ne incidant quandoque in illorum manus, coganturque eo casu iustas pœnas illis dare, quos iniuste tradiderant. Monemur hic quoque ne afflicto afflictionem addamus, sed solemur si qua via valeamus.

11. *Generatio quæ patri, &c.* Perfringuntur hic ordine quattuor præuæ generationes, vel quattuor verius vitia, aut vitiosorum hominum genera: ingrati nimirum, hypocritæ, superbi, & pauperum oppressores.

15. *Sanguisuga due sunt filia, &c.* Egit de quattuor vitiis vitiosorumque hominum generibus, hoc autem loco subiungit duo alia, quæ ex quattuor iam expositis ortum ducunt. Assimilat autem illa sanguisugis, quia numquam explentur. Sunt autem duo isthæc: carnis libido & auaritia, quæ rectè appellantur filia sanguisugæ, hoc est, diaboli. Est enim ille humani sanguinis sitientissimus.

16. *Tria sunt quæ non, &c.* Hæc pertinent ad præcedentia; quadam

enim eā exaggeratione idonei reperit. Dixerat duas sanguifugæ filias esse, easque insatiabiles, hic vero dicit: Tres sunt, imo vero quattuor sunt, quæ non saturantur, videlicet infernus vel sepulcrum, os vulvæ, matrix & sterilis, terra arenosa & sitiens, & ignis, hic enim lignorum appositione non extinguitur, sed incenditur & augetur. Sunt qui sensu mystico per sepulcrum vel infernum & os vulvæ accipiant rerum ortum & interitum: per terram autem & ignem generationis media. Terra enim excipit aquam vel semen, ignis autem suo calore alterat & immutat.

17. *Oculum qui subsannat, &c.* Antè dixerat & docuerat inter quattuor generationes pessimam esse & primam eam, quæ maledicit patri vel matri, cui proinde præparatum est non modò inferni supplicium, sed crux quæque vel suspendium. Qui enim in crucem aguntur vel insopultri abiciuntur eorum oculi effodere solent corui & aliz aves.

18. *Tria sunt difficilia, &c.* Docet quattuor esse de quibus vix aliquid certi pronuntiari potest, propterea quod nullum fere sui indicium, aut vestigium post se relinquunt. Inter quæ quartum, quod cognitu difficillimum asserit, bisariam legitur. Lxx. habent: *Viam viri in adolescentia.* Contextus Hebræus & Latinus: *In virgine adolescentula.* Prior lectio cum præcedentibus magis congruit. Nam ut aquilæ vestigium in aere, & navis in mari & serpentis in saxo certò signari non potest; ita iuvenum quodque discursus sunt maximè vagi, & vani, & incerti.

20. *Talis est via mulieris adulteræ, &c.* Addit quattuor illis cognitu difficilibus quintum, nempe adulteræ flagitium: ea enim tantâ calliditate & arte illud celat, tantâque pertinaciâ negat, ut ægrè admodum deprehendi queat, pertinetq. adeo mulier hæc adultera ad secundam pravam generationem. Vult enim munda haberi, cum non sit.

21. *Per tria movetur, &c.* Assignantur hic quattuor hominum genera, propter quæ orbis moveri dicitur, quæque adeo tellus sustinere non potest. Pertinet hæc autem ad tertiam generationem, quæ superborum & elatorum erat. Sunt autem hæc quattuor: Servus regnans, Stultus pane abundans, Mulier deformis & infamis honestis nuptiis potita, & Serva heræ cubile & hereditatē nacta. Duo priora tribuuntur viris, duo posteriora feminis: utrobique proponitur liber & libera, servus & serva. Duo priora turbant rempublicam, duo posteriora familiam, dicitur autem terra hōrum saltum ferre non posse, quia non potest absque nausea & indignatione, quia sunt res valde præposteræ & iniustæ.

24. *Quattuor sunt minima, &c.* Subiungit iam duas hic animantium tetrades, quæ suo studio atque exemplo ad virtutem bonosque mores hortantur. Prioris quaternionis animal primum est formica, quæ est maxima providentiæ & solertiæ, præbétque pulcherrimum rei familiaris administrandæ & conservandæ exemplum. Docet eadem quoque, quomodo in vere & æstate, hoc est, in præfenti hac vita sit colligendum, unde viamur in ævum in altera. Secundum est lepus vel cuniculus. Hoc autem cum sit animalculum timidum & imbecille viribusque suis diffidat, non ubilibet habitat, sed in cavernis & inaccessis petris domicilium suum collocat, rectæque subiicitur formicæ. Nam post annonam comparatam prospiciendum est de domicilio non luteo, aut manu facto, sed æterno. Tertium est locusta quæ suo exemplo hortatur ad pacem & concordiam, & obedientiam. Parum enim prodest rerum copia & domus ornata, nisi adsit pax atque concordia. Quartum & postremum est stellio, vel mus araneus, qui manibus apprehendit & texit, non satis constat cuiusmodi animal sit, satis tamen certum est tale esse, quod exemplo suo docet, quæ arte, modestia, & modo versandum sit in Principum aulis, ut omnibus sis gratus & neminem lædas.

29. *Tria sunt quæ, &c.* Hic alia animalium tetras proponitur, quæ magnificè superbèque incedere asseruntur. Verum cuiusmodi sint illa animalia nondum certo compertum est, siquidem voces Hebræas alij aliter exponunt. Primum plerique leonem interpretantur, secundum pardû, aut canem venaticum (sunt enim illi lumbis præcincti, & ad caelum expediti) gallum non castratum, qui solent esse pugnaces, tertium hircum gregis ducem vel arietem, quartum Regem præpotentem, cui nemo facile sese opponit, aut opponere audet.

31. *Et qui stultus, &c.* Locus hic in Contextu nostro obscurus est, in Hebræo aliquanto clarius est. Sonat autem: Cum te esferres cecidisti, hoc est, si quid stultum, cum te ipsum extolleret, designasti, aut si quod malum cogitasti, ori manum opponere, ne in lucem veniat. Nostra editio (in qua *Et, & Enim* redundant) hunc fere sensum offert, Qui posteaquam se extulit, stultum sese deprehendit, si id fore prævidisset, manum utriusque ori admovisset. Qui enim providus non est, facile stultitiam suam aliis prodit, numquam proditurus si incommoda, quæ inde tulit, perpenderit, doceamur hic ex inani garrulitate multa penitentiæ digna nasci.

33. *Qui enim fortiter premit, &c.* Pertinent ad præcedentia, exponit enim

enim apta quadam similitudine, quid incommodi sequatur ex nimia loquacitate, & facili contendendi, & quid vis impugnandi studio. Etenim ut vehemens lactis expressio educit butyrū, & narium emunctio sanguinem; ita qui ira accensus quid vis temere oblateral, excitat contentiones & lites.

## PARAPHRASTICA

### CAPITIS TRIGESIMI PRIMI ET VLTIMI EXPLANATIO.

#### VERBA LAMVELIS REGIS.

1. *Visio qua erudiuit eum mater sua.*

**D**octrina, quæ capitis huius initio traditur, est institutio quædam qua Bersabæ Salomonem (quem hoc loco Lamiolem, eò quod Deus per id tempus cum illo adhuc esset, appellat) post Davidis è viuis excessum instituit & erudiuit. Vocat autem eam institutionem prophetiam, quia non modo ad Salomonem sese extendit, verum ad alios quoque Reges, qui post ipsum venturi erant.

2. *Quid dilecte mæ quid dilecte vteri mei quid dilecte votorum meorum?*

**Q**uid dilecte mi facis? quid cogitas? quem erga me sensum obtines? Quid dilecte vteri mei (quem videlicet magno dolore, & molestia in vtero portavi, & ex vtero in lucem edidi & nutrum) quid potissimum aut pro te, aut abs te petam? aut salubriter tibi consulam? Quid dilecte votorum meorum, in quem nimirum omnia mea desideria, & vota, & studia tendunt, & tetenderunt hætenus semper; cui etiam magno studio & contentione regnum à patre impetraui, tibi primo & præcipue suggeram? Captat per hæc autem non solum benevolentiam, sed magnam quoque erga filium demonstrat animi affectionem.

3. *Ne dederis mulieribus substantiam tuam, & diuitias tuas ad delendos Reges.*

**A**n te omnia caue ne in mulieres tuas effundas substantiam tuam, & exaurias fortitudinem, siquidem immoderata Venus non solum opes absorbit, sed corporis quoque & animi vires exhaurit. Neque studia & cogitata tua ad id transferas, quod per se sat est, ad extinguendos & obliterandos Reges etiam si cetera desint; nempe ad immoderatum mulierum amorem.

Quod

Quod præceptū si Salomon obseruasset, in idololatriam, aliàsque innumeras misérias nunquam incidisset. Cane quoque Reges citra iustam grauemque causam bello laceſſas, aut vt eos è medio tollas labores.

4. *Noli regibus ò Lamuel, noli regibus dare vinum: quia nullum secretum est vbi regnat ebrietas.*
5. *Ne forte bibant, & obliuiscantur iudiciorum, & mutent causam filiorum pauperis.*

**N**ON est Regum, ò Lamuel, indulgere vino, aut potationibus. Neque Principum audius sectari vllum omnino inebriantem potum. Eapropter neque tibi ipsi, neque vlli alteri Regi, aut Principi, aut iudici, aut consultori immoderatè illud indulgeas, ne forte plus satis poti, & iudiciorum obliuiscantur, & pauperum & afflictorum causam negligant, & secretum patefaciant: siquidem vbi regnat ebrietas, ibi omne secretum omnisque castitas exulat. Ebrietas namque vini ad libidinem maximè prouocat; facile enim Venus & Bacchus iuter se congruunt. Vtinam Reges, Principes, iudices, sacerdotes, & omnes omnino magistratus præceptum hoc diligenter subinde expenderent, studiosèque obseruarent, omnia haud dubiè in Ecclesia & republ. æquabilius procederent.

6. *Dare siceram merentibus, & vinum his qui amaro sunt animo.*
7. *Tribant & obliuiscantur egestatis suæ, & doloris sui non recordentur amplius.*

**E**T si autem Regibus & Principibus, ceterisque iudicibus & magistratibus tantum vini dari non debeat, vt iustitiam & iudicium obliuiscantur: attamen merentibus animique dolore & amaritudine tabescentibus & quasi pereuntibus, largius illud propinare licet; quo hac ratione miseriæ & doloris sui ad tempus obliuiscantur vel leuius certè, quod animum excruciat, ferant. Quod hic autè de vino & sicera mæltis propinanda docetur, id pertinet non ad Reges tantum, sed ad omnem omnino hominem, qui propinare, aut consolationem qualitercumque adferre potest,

8. *Aperi os tuum muto, & causis omnium filiorum qui pertranscunt.*

**A**peri os tuum muto, hoc est, illi præ ceteris patrocinare, qui in ius vocatus silet, vel quia loqui non potest, vel qui loqui & se iuri non audet, vel quia loquens non auditur, aut quia denique absens accusatur,



adeoque de iure suo, nisi adsit qui adiuvet & defendat, periclitatur. Neque solum mutis, quacumque tandem de causa muti sint, patrocinetur, verum universè mortalibus omnibus iniuste pereuntibus. Omnibus enim ius suum administrandum est, maximè verò cum necessitas id exigat.

9. *Aperi os tuum, decerne quod iustum est, & iudica incipem & pauperem.*

**A**peri, inquam, os tuum & non alienum, hoc est, per te ipsum miserorum causam iudica & cognosce, & non per mercenarios iudices, qui muneribus facile corrumpuntur & depravantur, & decerne quod æquum & iustum est, præcipuè verò pauperis & egeni causam iuste & sanctè iudica, eumque ab adversariis, à quibus iniuste premitur, defende; siquidem illi propter suam paupertatem & abiectionem præ aliis egeni patrocinio, defensioneque & ore alieno, cum os suum aperire non audeant, vel non queant. Et hætenus quidem mater Salomonis pia & salutaria filio, & per filium ceteris omnibus Regibus & Principibus documenta præfiniuit. Quod quia communem mulierum sensum & usum excedit, Salomon occasione hinc accepta honestæ gravisque & prudentis matronæ officia hic subiungit, ait autem:

10. *Mulierem fortem quis inueniet? procul, & de ultimis finibus pretium eius.*

**Q**uis fortem virilisque animi mulierem inueniet? Etenim rara avis est mulier masculi constantisque animi. Quod si qua vsquam talis comperitur, eam mercedibus omnibus ex locis longè positis allatis, imò vero omnibus gemmis & margaritis iure antepone. Sublimiori sensu per hanc mulierem accipere licet animam virtutibus ornatam, vel Ecclesiam Christo desponsatam, vel Virginem Matrem, quæ caput serpentis contriuit, nullique umquam peccato succubuit; aut divinam quoque Scripturam. Certum est namque eam omnibus gemmis & margaritis pretiosiores esse.

11. *Confidit in ea cor viri sui, & spoliis non indigebit.*

**C**onfidit in ea cor viri sui, nam cum bona fide omnia administret, totamque familiam magna prudentia gubernet, neque quidquam umquam quod cum honestate pugnet admittat, non potest non omnia bona ab illa expectare, certoque sibi polliceri rem familiarem ita aucturam, ut spoliolum causa ad bellum proficisci opus non habeat.

12. *Reddet*

12. *Reddet ei bonum, & non malum, omnibus diebus vitæ suæ.*

**Q**UOD si, ut fieri solet, maritus aliquando illi molestus fuerit non re-  
pendet illi malum pro malo, sed bonum pro malo; idque non semel  
& iterum, verum omnibus diebus vitæ suæ: sed neque spem quoque ma-  
riti fallit, aut in rei familiaris cura illum decipiet, verum opes faculta-  
tisque eius magis magisque semper augebit; studio autem ea quæ in bo-  
nis habet, diminuet numquam.

13. *Quæ fuit lanam & linum, & operata est consilio manuum suarum.*

**C**ETERUM rem familiarem non vsura, non turpi lucro, non proprii cor-  
poris quæstu augebit, sed opere manuum suarum. Nam ne sibi de-  
esset, quò honestè se occuparet, remque domesticam amplificaret, non  
expectavit ut maritus emeret sibi lanam & linum ad operandum, verum  
ipsamet ultro ea quæsiuit, & in opus textile conuertit. Neque omnia rur-  
sum ancillis commisit; sed ipsa simul cum aliis operata est, idque certo  
consilio & ex animo. Pulcrum hic mulieribus omnibus industriæ matro-  
nalisque honestatis exemplum proponitur.

14. *Facta est quasi naus infitoris de longè portans panem suum.*

**M**AGNAS opes ex peregrinis longeque positis locis adferunt mercato-  
res, citòque, si aliquot navigationes feliciter confecerint, ditescunt:  
illis autem haud absimilis est mulier hæc mascula & rara. Nam opere &  
studio tantum conficit, ut veluti naus quædam oneraria peregrinis quo-  
que opibus & gazis mariti domum impleat, omniâque non modo ad vi-  
tæ, sed ad corporis quoque cultum necessaria abundè subministret. Si-  
quidem pro his, quæ suis suorûmque manibus domi lucratur, comparat ea  
etiam, quæ domi vel in patria non proueniunt, & tamen ad ornatum &  
familiarem vitæ usum plurimum faciunt.

15. *Es de nocte surrexit, deinde prædæ domesticis suis, & cibaria  
ancillis suis.*

**N**ON indulget honesta hæc matrona ninio somno; verum summo  
mane ante solis ortum exurgens, diurnumque opus ordinans, sin-  
gulis certi operis penum decernit atque præfinit, quoque ad laborem ala-  
ciores sint, ancillis totique reliquæ familiæ cibi potusque dimensum di-  
tribuit;

tribuit; ita ut neque quidquam necessariorum desiderent neque nimium rursus abundant, aut affluant. Si quidem tam copia, quam inopia rerum est periculosa.

16. *Consideravit agrum, & emit eum, de fructu manuum suarum plantavit vineam.*

**R**ebus domi rectè constitutis ad ea, quæ foris sunt; nec non ad domesticum usum si non omnino necessaria, admodum tamen utilia & opportuna sunt, animum cogitationemque convertit. Appulit enim sensum ad emendum agrum non quemvis, neque citra delectum, sed optimum & fertilissimum. Hoc enim innuitur hic per considerationis vel cogitationis vocabulum. At quia non sat est habere cibum, quem fertiles agri copiosè subministrare solent, nisi adsit & potus, propterea pingui aruo manuum suarum opere adiecit & vineam: vel certe in agro iam coempto vineam plantari, eamque per idoneos ministros excoli curavit.

17. *Accinxit fortitudine lumbos suos, & roboravit brachium suum.*

**A**ccinxit robore & fortitudine lumbos suos: nam cum cura domestica non contenta, etiam ad agriculturam operaque externa animum semel adiecerit, opus fuit illi forti constantique animo, & ad omnem laborem imperterrito; hæc autem animi corporisque fortitudo per lumbos & brachia maximè designatur.

18. *Gustavit & vidit quia bona est negotiatio eius, non exstinguetur in nocte lucerna eius.*

**E**T quia usu ipsaque adeo experientia didicit eiusmodi negotiationem, nempe lanæ & lini tractationem, agrorumque & vinearum culturam vilem & salutarem esse, propterea die noctuque in eo operum genere se exercet. Nam ne antelucanis operibus lanæ & lini, ceterisque similibus tenebræ impedimentum adferant, tota nocte lucernam accensam habet, ceteraque omnia obstacula remouet, & operi insudat.

19. *Manum suam misit ad fortia, & digiti eius apprehenderunt fuscum.*

**N**eque enim propter opus rurale, quo interdum se exercet, vesperi & manè ab opere domestico feriat, quin potius diu noctuque domi forisque operatur. Nam ut interdum per se vel per ministros suos manus admovent



ad mouet ad lignonem, sarculum, vel aratrum; ita noctū, hoc est, vesp̄ri & summo mane applicat palmas suas ad verticulum vel colum, & digitis suis apprehendit tractatque fufum, vel aliquid aliud eiusmodi: siquidem nulum sibi indulget otium.

20. *Manum suam aperuit inopi, & palmas suas extendit ad pauperem.*

**N**Eque solum mulier hæc domesticorum curam habet, verum etiam pauperum & egenorum. Nam manum suam aperit pauperi, & palmas suas extendit ad egenos, hoc est, non solum per se, sed per alios quoque, quæ ad familiæ sustentationem necessaria non videntur, liberaliter in egenos erogat. Est autem labor ille præ ceteris honestissimus & Deo gratissimus, qui impigrè ad egenorum alimentum & subsidium infumitur.

21. *Non timebit domui suæ à frigoribus niuis: omnes enim domestici eius vestiti sunt duplicibus.*

**N**E Cest quod laborem aut operas suas propter niuis vel hiemis frigora impeditum iri metuat. Siquidem in ædibus illius rerum omnium est abundantia, vestiūque omnis generis tanta copia, vt omnes domestici eius duplicibus induantur, vel, vt Hebræa sonant, purpura & cocco vestiantur. Quod si eiusmodi vestibus pretiosis abundant, multo magis vestibus crassioribus, quibus frigoris iniuriæ arceri solet, abundabunt. En quantus prouentus honestorum laborum, en quanta rursus largarum eleemosynarum remuneratio. Hæc mulier, quod assidua esset in laboribus, & perbenigna in erogandis eleemosynis, ingenti rerum omnium ad vsum & ornatum necessariarum copia affluebat.

22. *Stragulatam vestem fecit sibi, byssus & purpura indumentum eius.*

**A**T non eas tantum vestes parauit, quæ contra frigus faciunt, corpusque contra aëris iniuriam defendunt, sed eas etiam, quæ corpus totamque domum exornant: cuiusmodi sunt tapetia vel aulæa, aurea & argentea vasa, stragula pretiosa, aliæque supellex magnifica & sumptuosa. Etenim vestem straguli more contextam fecit sibi, byssoque & purpura sese vestiuit, ac torque aurea sese ornauit.

23. *Nobilis in portis vir eius, quando federit cum senatoribus terræ.*

**N**equē setantum suamq. familiam exornat, verum maritum quoque inter senatores terræque principes illustrem celebrèmq. reddit. Nam cum totam familiam ipsa regat, remq. familiarem prudenter administret, viro otium facultatèmq. facit, ut rebus politicis publicisque liberius vacare possit; & cum splendide illum vestiat & ornet, ipsaq. honestè viuat, magnam apud omnes auctoritatem illi conciliat. Pannosi enim vix aliquo habentur loco etiamsi alias sint prudentes.

24. *Sindonem fecit & vendidit, & cingulum tradidit Chananæo.*

**S**indones & lintea pretiosa facit, & in exterarum nationes distrahit vel suis quoque liberis in corporis ornamentum tradit: zonas itidem & cingula eleganter contexta & elaborata Chananæis negotiatoribus diuendit, pretiumque, si domesticus usus aliud non suaserit, in eleemosynam conuertit.

25. *Fortitudo & decus indumentum eius & ridebit in die nouissimo.*

**C**eterum licet pretiosa quæque faciat, iisque sese ornet, attamen præcipuus illius ornatus non est vestis, aut aurum, aut aliquid aliud eiusmodi; sed virtus animique fortitudo, & alia similia, quæ cum ætate crescunt & florent magis, quam decrescunt. Quamobrem senectam postremosque vitæ dies exiget lätos & iucundos, non tristes aut inamænos, ut solent ignauæ illæ mulierculæ, quæ nihil boni habent præter formam, quæ in senectâ deperit. Quo fit ut & sibi, & aliis quoque displiceant: non ira autem illæ, quæ omni virtutum genere exultæ sunt.

26. *Os suum aperuit sapientiæ, & lex clementiæ in lingua eius.*

**M**ulier hæc quoque non est garrula, non temeraria, non Rulra, sed prudens, grauis, & modesta. Quare os suum non aperit vanè, asperè, aut stultè; sed sapienter cordatè, clementer, & benignè, hoc est, verbis, gestibus, totoque corporis habitu, & compositione erga omnes se ostendit benignam, clementem, & sapientem.

27. *Conſiderauit ſemitas domus ſue, & panem otioſā non comedit.*

**N**Eque contenta eſt vt ipſa ſapienter, maturè, & grauitè in omnibus ſeſe gerat, verum lux quoque familiæ vias, hoc eſt, mores & actiones diligenter obſeruat, vt ſiquid minus honeſtum, aut religioſum deprehenderit, illud ſanari & emendari curet: neque tamen dum hæc facit, ab opere domeſtico ceſſat. Nam alios tantum otioſè obſeruare, & ad opus vrgerè, nihil autem laborare, parum ædificat, & rem familiarem parum quoque promouet.

28. *Surrexerunt filij eius, & beatiffimam prædicauerunt: vir eius, & laudauit eam.*

**E**T quia in omnibus piè, prudenter, & ſtrenuè ſe geſſit, deſque omnibus bene mereri ſtudit, factum eſt vt apud omnes laudem promeruerit, bonamque gratiam iniuerit. Et quidem præ ceteris & ante omnes ij laudarunt eam, qui familiarius illam nouerunt. Nam & filij & filiæ in publicum prodierunt, & laudibus illam extulerunt: idem quoque fecit vir eius, ceterique domeſtici.

29. *Multæ filiæ congregauerunt diuitias: tu ſupergreſſa es vniuerſas.*

**L**AUS autem illius in eo præcipuè poſita dicitur, quod inter omnes mulieres, quæ virtutum ornamentis, animique dotibus floruerunt & valuerunt, ipſa primatum tenuerit; *Multæ*, ſcribitur hic, *filiiæ congregauerunt diuitias, tu ſupergreſſa es vniuerſas*. Quod rat hic locus, ſicut reliqua fere omnia, appoſitè in Diuam Virginem. Neque enim vlla exſtat, aut exſtitit aliquando quæ cum illa conferri poſſit.

30. *Fallax gratia, & vana eſt pulcritudo: mulier timens Dominum, ipſa laudabitur.*

**G**RATIA formæ, & corporis venuſtas, & pulcritudo res fallax & fugax eſt, bonumque proriſ incertum. Vnde nulla in eo fiducia ponenda eſt: verum timor Domini manet in æternum, redditque hominem vera & ſolida laude dignum. Quo fit vt mulier non ſit laudanda propter formæ elegantiam, niſi cetera quoque illius ſtudia & munera formæ ſint conſentanea. At quæ Deum timet, eſto deformi corpore ſit, præ ceteris tamen laudabilis eſt.

31. *Dato*

gnat causam, quia ubi regnat ebrietas, ibi nullum est secretum, neque vltimum rectum fertur iudicium.

6. *Date siceram, &c.* Ne quis existimaret vini vsum secundum se malum, atque ideo vniuersè omnibus vini potu interdictum esse, tertium præceptum subiicit, quo admonet mærentibus, nec non in graui animi amaritudine iacentibus largiorem vini haustrum exhibendum esse, quo hac ratione miseriam suam obliuiscantur.

8. *Aperi os tuum, &c.* Hoc est, quartum præceptum, quo docet quibus in rebus Regum sedulitas præcipuè se ostendere, seseque occupare debeat, nempe in pauperum defensione, litiumque, quæ inter subditos subinde exoriuntur, diremptione. Mutum enim vocat qui causam suam per se agere aut tueri non potest, vel non audet. Per trāsēntes eos accipere licet, qui hinc tendunt ad mortem; vel eos, qui de vno loco migrant in alium; vt sunt peregrini aliique mutationi obnoxij.

9. *Aperi os tuum, &c.* Sensus est, non per mercenarios iudices cognosce pauperum causam & populi controuersias; sed per temetipsum, & iudica iustè, sanctè, & piè, ne iniustè opprimantur. Et hæc quidem pia mater ad filium Lamuelem, quæ vulgare mulierum sensum excedunt. Quare Salomon hinc captâ occasione describit matronam numeris omnibus absolutam omnibusque virtutibus expolitam, quales non ita multæ comperiuntur.

10. *Mulierem fortem quis inueniet, &c.* Interrogatio hæc raritatem aut rei difficultatem insinuat. Quod si qua tamen inuenta fuerit, ea omnibus mercibus & gemmis præstat.

11. *Confidit in ea, &c.* Non mirum, cum nihil in ea videat, quod fidem illius suspectam reddat.

*Reddit, &c.* Non modò mariti spem non fallit, verum asperius quoque, quàm par erat, interdum ab illo excepta pro malo bonum reddit, idque constanter.

13. *Quæsiuit, &c.* Docet qua via & ratione domum spoliis impleat; nempe labore, lanæque & lini opere, non fœnore, aut turpi negotiatione.

14. *Facta est, &c.* Confert eam cum nauì oneraria: nam vt hæc multa & magna ex peregrinis locis adfert; ita mulier, de qua hic sermo, suis suarumque ancillarum manibus tantum bonorum in familiam infert, vt nauicula quæpiam mercatoria videri queat.

15. *Et de nocte, &c.* Non indulget somno, verum de nocte surgens

ancillis ceterisque ministris annonam subministrat, non ad luxum, sed tantum ad necessarium vitæ vsum, quò fidelius & alacrius laborent, pensumque præfinitum absoluant.

16. *Considerauit, &c.* Domesticis constitutis mentis oculos ad externa conuertit, nempe ad agrum & vineam. Ex his namque, si benè excolantur, certus & continuus victus & potus subministratur.

17. *Accinxit, &c.* Benè hæc & commodè. Neque enim domestica & externa simul absque singulari animi & corporis fortitudine curari & administrari possunt.

18. *Gussauit, &c.* Indicat re ipsa comperisse eiusmodi studium, diligentiam & vigilantiam. Quare nequid sit in mora, lucernam tota nocte accensam fouet.

19. *Manum suam, &c.* Rusticano opere non obstante, nequid otij sit absque negotio, mane antequam ad opus prodeat, & vesperi rursus cum rure reuertitur, apprehendit verticulum & colum filumque ducit, atque ita numquam est otiosa.

20. *Manum suam, &c.* Hoc illustre pietatis est argumentum: nec enim superfluas opes in terra defodit, sed in necessariū egenorū vsum dispergit.

21. *Non timebit, &c.* Assidui laboris fructum hæc insinuant; neque enim tanta splendorum vestium copia in domo eius comperta fuisset, nisi strenuè laborasset.

22. *Stragulatam, &c.* Exposuerat omnia ei abundè ad vsum suppetisse, nunc subdit illa quoque in ædibus illius abundasse, quæ faciunt ad corporis cultum, & domus ornamentum.

23. *Nobilis, &c.* Exponit ut marito quoque inter terræ Senatores gratiam & auctoritatem conciliet. Nam & corporis cultus & probitas vxoris, & rerum peritia maiorem in modū senatorij ordinis virum cōmendat.

24. *Sindonem, &c.* Domesticæ porro necessitati & ornatui abundè prouiso nondum se otio dedit. Verum pretiosam telam, & zonas mulieres, & alia id genus ornamenta contexit, atque in exterarum nationes iusta mercede distrahit, pretiumque in egenorum opem conuertit.

25. *Fortitudo & decor, &c.* Indicat externis illis ornamentis non contentam, operam dedisse ut animi fortitudine, cōstantia, prudentia, aliisque id genus virtutum ornamentis & floribus insigniter exornaretur, adeoque in senectute, quando alix mulieres ob dilapsum venustatis florem lugere solent, lætam, forè maxime verò quando aduenerit vltima illa vitæ lux.

26. *Aperuit, &c.* Exponit cuiusmodi sermone utatur, nempe prudenti, graui, & modesto, nec non ad misericordiam & clementiam composito.

27. *Considerauit, &c.* Non satiata priuatis animi opibus, etiam familiarum studia obseruat, mores notat, & si qua emendanda aduertit, ea emendare studet. Interim dum hæc agit, ipsa non est otiosa, sed operi semper intenta.

28. *Surrexerunt filia, &c.* Quandoquidem mulier hæc omnes honestæ & egregiæ matronæ partes præstiterat, supererat, ut digna laude eueheretur. Siquidem virtutis præmium est laus. A nemine autem rectius & verius laudatur homo, quàm ab iis, qui virtutum illius conscij sunt, quales utique sunt domestici.

29. *Multa filia, &c.* Hæc est summa laus, nullam similem habuisse, sed procul omnes à tergo reliquisse. Conuenit propriè in Virginem Matrem, quæ nec similem habet, nec similem vmquam habitura est.

30. *Fallax gratia, &c.* Docetur per hæc solam formam sine alijs virtutibus rem fugacem & fallacem esse, adeoque ad absolutum mulieris cultum verumque requiri.

31. *Dare ei, &c.* Hortatur ut pro ratione meritorum & operum suorum ab omnibus laudetur; etsi ipsa interim illius opera publicè, in portis eam per se satis laudent.

## F I N I S.



enim exaſſeratione idem repetit. Dixerat duas ſanguifugæ filias eſſe, eas-  
que inſatiabiles, hic vero dicit: Tres ſunt, imo vero quattuor ſunt, quæ  
non ſaturantur, videlicet infernus vel ſepulcrum, os vuluæ matrix ve ſte-  
rilis, terra arenosa & ſitiens, & ignis, hic enim lignorum appoſitione non  
extinguitur, ſed incenditur & augetur. Sunt qui ſenſu myſtico per ſepul-  
crum vel infernum & os vuluæ accipiant ſerum ortum & interitum; per  
terram autem & ignem generationis media. Terra enim excipit aquam  
vel ſemen, ignis autem ſuo calore alterat & itumurat.

17. *Oculum qui ſubſannat, &c.* Antè dixerat & docuerat inter quattuor  
generationes peſſimam eſſe & primam eam, quæ maledicit patri vel matri,  
cui proinde præparatum eſt non modò inferni ſupplicium, ſed crux quo-  
que vel ſuſpensionum. Qui enim in crucem aguntur vel inſepulſi abiciuntur  
eorum oculi effodere ſolent corui & alia aues.

18. *Tria ſunt diſſicilia, &c.* Docet quattuor eſſe de quibus vix aliquid  
certi pronuntiari poteſt, propterea quod nullum ſere ſui indicium, aut ve-  
ſtigium poſt ſe relinquant. Inter quæ quartum, quod cognitu diſſicillimum  
aſſerit, biſariam legitur. Lxx. habent: *Viam viri in adoleſcentia.* Contextus  
Hebræus & Latinus: *In virgine adoleſcentula.* Prior lectio cum præcedenti-  
bus magis congruit. Nam vt aquilæ veſtigium in aere, & nauis in mari &  
ſerpentis in ſaxo certò ſignari non poteſt; ita iuuenum quoque diſcurſus  
ſunt maximè vagi, & vani, & incerti.

20. *Talis eſt via mulieris adultera, &c.* Addit quattuor illis cognitu diſſi-  
cilibus quintum, nempe adulteræ flagitium: ea enim tantà calliditate & arte  
illud celat, tantàq; pertinaciâ negat, vt ægrè admodum deprehendi queat;  
pertinetq; adeo mulier hæc adultera ad ſecundam prauam generationem.  
Vulc enim munda haberi, cum non ſit.

21. *Per tria moneſtur, &c.* Aſſignantur hic quattuor hominum genera,  
propter quæ orbis inueneri dicitur; quæque adeo tellus ſuſtainere non po-  
teſt. Pertinet hæc autem ad tertiam generationem, quæ ſuperborum &  
elatorum erat. Sunt autem hæc quattuor: Seruus regnans, Stultus pane  
abundans, Mulier deformis & infamis honeſtis nuptiis potita, & Sena hæ-  
ræ cubile & hæreditatē nacta. Duo priora tribuuntur viris, duo poſteriora  
fæminis: vtrobiq; proponitur liber & libera, ſeruus & ſerua. Duo pri-  
ora turbant rempublicam, duo poſteriora familiam, dicitur autem terra ho-  
rum ſatium ferre non poſſe, quia non poteſt abſque nauſea & indignatio-  
ne, quia ſunt res valde præpoſteræ & inuſitate.

24. *Quattuor sumi minima, &c.* Subiungit iam duas hic animantium tetrades, quæ suo studio atque exemplo ad virtutem bonosque mores hortantur. Prioris quaternionis animal primum est formica, quæ est maxima providentiæ & solertiæ, præbétque pulcherrimum rei familiaris administrandæ & conservandæ exemplum. Docet eadem quoque, quomodo in verè & æstate, hoc est, in præsentî hac vitâ sit colligendum, vnde vivamus in ævum in altera. Secundum est lepus vel cuniculus. Hoc autem cum sit animalculum timidum & imbecille viribusque suis diffidat, non vbilibet habitat, sed in cavernis & inaccessis petris domicilium suum collocat, recteque subiicitur formicæ. Nam post annonam comparatam prospiciendum est de domicilio non luteo, aut manu factò, sed æterno. Tertium est locusta quæ suo exemplo hortatur ad pacem & concordiam, & obedientiam. Parum enim prodest rerum copia & domus ornata, nisi adsit pax atque concordia. Quartum & postremum est stellio, vel mus araneus, qui manibus apprehendit & texit, non satis constat cuiusmodi animal sit, satis tamen certum est tale esse, quod exemplo suo docet, quâ arte, modestia, & modo versandum sit in Principum aulis, ut omnibus sis gratus & neminem lædas.

29. *Tria sunt quæ, &c.* Hic alia animalium tetras proponitur, quæ magnificè superbèque incedere asseruntur. Verum cuiusmodi sint illa animalia nondum certò compertum est, siquidem voces Hebræas alij aliter exponunt. Primum plerique leonem interpretantur, secundum pardû, aut canem venaticum (sunt enim illi lumbis præcincti, & ad cursum expediti) gallum non castratum, qui solent esse pugnaces, tertium hircum gregis ducem vel arietem, quartum Regem præpotentem, cui nemo facile sese opponit, aut opponere audet.

32. *Et qui stultus, &c.* Locus hic in Contextu nostro obscurus est, in Hebræo aliquanto clarius est. Sonat autem: Cum te efferres cecidisti, hoc est, si quid stultum, cum te ipsum extolleret, designasti, aut si quod malum cogitasti, ori manum oppone, ne in lucem veniat. Nostra editio (in qua *Et, & Enim* redundant) hunc fere sensum offert, Qui posteaquam se extulit, stultum sese deprehendit, si id fore prævidisset, manum utique ori admovisset. Qui enim providus non est, facile stultitiam suam aliis prodit, numquam proditurus si incommoda, quæ inde tulit, perpenderit, docemur hic ex inani garrulitate multa poenitentia digna nasci.

33. *Qui enim fortiter premis, &c.* Pertinent ad præcedentia; exponit



enim apta quadam similitudine, quid incommodi sequatur ex nimia loquacitate, & facili contendendi, & quid vis impugnandi studio. Etenim ut vehemens lactis expressio educit butyrū, & narium emunctio sanguinem, ita qui ira accensus quid vis temere oblaterat, excitat contentiones & lites.

## PARAPHRASTICA

### CAPITIS TRIGESIMI PRIMI ET VLTIMI EXPLANATIO.

#### VERBA LAMVELIS REGIS.

1. *Viso qua erudiuit eum mater sua.*

**D**octrina, quæ capitis huius initio traditur, est institutio quædam qua Bersabæa Salomonem (quem hoc loco Lantoelem, eod quod Deus per id tempus cum illo adhuc esset, appellat) post Davidis & viuis excessum instituit & erudiuit. Vocat autem eam institutionem prophetiam, quia non modo ad Salomonem sese extendit, verum ad alios quoque Reges, qui post ipsum venturi erant.

2. *Quid dilecte mi? quid dilecte vteri mei? quid dilecte votorum meorum?*

**Q**uid dilecte mi facis? quid cogitas? quem erga me sensum obtines? Quid dilecte vteri mei (quem videlicet magno dolore, & molestia in vtero portavi, & ex vtero in lucem edidi & nutrum) quid potissimum aut pro te, aut abs te petam? aut salubriter tibi consulam? Quid dilecte votorum meorum, in quem nimirum omnia mea desideria, & vota, & studia tendunt, & tetenderunt hactenus semper; cui etiam magno studio & contentione regnum à patre impetraui, tibi primo & præcipue suggeram? Caprat per hæc autem non solum benevolentiam, sed magnam quoque erga filium demonstrat animi affectionem.

3. *Ne dederis mulieribus substantiam tuam, & diuitias tuas ad delondos Reges.*

**A**n te omnia caue ne in mulieres tuas effundas substantiam tuam, & exaurias fornicatione, siquidem immoderata Venus non solum opes absumit, sed corporis quoque & animi vires exhaurit. Neque studia & cogitata tua ad id transferas, quod per se sat est, ad extinguendos & obliterandos Reges etiam si cetera desint, nempe ad immoderatum mulierum amorem.

Quod

Quod præceptū si Salomon obseruasset, in idololatriam, aliásque innumeras misérias nunquam incidisset. Cave quoque Reges citra iustam grauemque causam bello laceſſas, aut vt eos è medio tollas labores.

4. *Noli regibus ô Lamuel, noli regibus dare vinum: quia nullum secretum est vbi regnat ebrietas.*
5. *Ne forte bibant, & obliuiscantur iudiciorum, & mutant causam filiorum pauperis.*

**N**ON est Regum, ô Lamuel, indulgere vino, aut potationibus. Neque Principum auidius sectari vllum omnino inebriantem potum. Ea propter neque tibi ipsi, neque vlli alteri Regi, aut Principi, aut iudici, aut consultori immoderatè illud indulgeas, ne forte plus satis poti, & iudiciorum obliuiscantur, & pauperum & afflictorum causam negligant, & secretum patefaciant: siquidem vbi regnat ebrietas, ibi omne secretum omnisque castitas exulat. Ebrietas namque vini ad libidinem maximè prouocat; facile enim Venus & Bacchus inter se congruunt. Vinam Reges, Principes, iudices, sacerdotes, & omnes omnino magistratus præceptum hoc diligenter subinde expenderent, studiosèque obseruarent, omnia haud dubiè in Ecclesia & republ. æquabilius procederent.

6. *Dare siceram merentibus, & vinum his qui amaro sunt animo.*
7. *Bibant & obliuiscantur egestatis suæ, & doloris sui non recordentur amplius.*

**E**T si autem Regibus & Principibus, ceterisque iudicibus & magistratibus tantum vini dari non debeat, vt iustitiam & iudicium obliuiscantur: attamen merentibus animique dolore & amaritudine tabescentibus & quasi pereuntibus, largius illud propinare licet; quo hac ratione miseriæ & doloris sui ad tempus obliuiscantur vel leuius certè, quod animum excruciat, ferant. Quod hic autè de vino & sicera mæstis propinanda docetur, id pertinet non ad Reges tantum, sed ad omnem omnino hominem, qui propinare, aut consolationem quauitercumque adferre potest,

8. *Aperi os tuum muto, & causis omnium filiorum qui pertransiunt.*

**A**peri os tuum muto, hoc est, illi præ ceteris patrocinare, qui in ius vocatus silet, vel quia loqui non potest, vel qui loqui & se ueri non audet, vel quia loquens non auditur, aut quia denique absens accusatur,

adeoque de iure suo, nisi adsit qui adiuuet & defendat, periclitatur. Neque solum mutis, quacumque tandem de causa muti sint, patrocineris, verum vniuersè mortalibus omnibus iniuste pereuntibus. Omnibus enim ius suum administrandum est, maximè verò cum necessitas id exigit.

9. *Aperi os tuum, decerne quid iustum est, & iudica inopem & pauperem.*

**A**Peri, inquam, os tuum & non alienum, hoc est, per te ipsum minorum causam iudica & cognosce, & non per mercenarios iudices, qui muneribus facile corrumpuntur & deprauantur, & decerne quod æquum & iustum est, præcipuè verò pauperis & egeni causam iuste & sanctè iudica, eumque ab aduersariis, à quibus iniuste premitur, defende; siquidem illi propter suam paupertatem & abiectionem præ aliis egent patrocinio, defensioneque & ore alieno, cum os suum aperire non audeant, vel non queant. Et hætenus quidem mater Salomonis pia & salutaria filio, & per filium ceteris omnibus Regibus & Principibus documenta præfinit. Quod quia communem mulierum sensum & usum excedit, Salomon occasione hinc accepta honestè grauisque & prudentis matronæ officia hic subiungit, ait autem.

10. *Mulierem fortem quis inueniet? procul, & de vltimis finibus pretium eius.*

**Q**uis fortem virilisque animi mulierem inueniet? Etenim rara avis est mulier masculi constantisque animi. Quod siqua vsquam talis comperitur, eam meritis omnibus ex locis longè positis allatis, imò vero omnibus gemmis & margaritis iure antepone. Sublimiori sensu per hanc mulierem accipere licet animam virtutibus ornatam, vel Ecclesiam Christo desponsatam; vel Virginem Matrem, quæ caput serpentis contriuit, nullique vniquam peccato succubuit; aut diuinam quoque Scripturam. Certum est namque eam omnibus gemmis & margaritis pretiosiorē esse.

11. *Confidit in ea cor viri sui, & spoliis non indigebit.*

**C**onfidit in ea cor viri sui, nam cum bona fide omnia administret, totamque familiam magna prudentia gubernet, neque quidquam vniquā quod cum honestate pugnet admittat, non potest non omnia bona ab illa expectare, certoque sibi polliceri rem familiarem ita aucturam, ut spoliominus causa ad bellum proficisci opus non habeat.

12. *Reddet*

12. *Reddet ei bonum, & non malum, omnibus diebus vitæ suæ.*

**Q**UOD si, ut fieri solet, maritus aliquando illi molestus fuerit non responderet illi malum pro malo, sed bonum pro malo; idque non semel & iterum, verum omnibus diebus vitæ suæ: sed neque spem quoque mariti falleret, aut in rei familiaris cura illum deciperet, verum opes facultatesque eius magis magisque semper augebit; studio autem ea quæ in bonis habet, diminuet numquam.

13. *Quæsiuit lanam & linum, & operata est consilio manuum suarum.*

**C**ETERUM rem familiarem non usura, non turpi lucro, non proprii corporis quæstu augebit, sed opere manuum suarum. Nam ne sibi deesset, quod honestè se occuparet, remque domesticam amplificaret, non expectauit ut maritus emeret sibi lanam & linum ad operandum, verum ipsamet vltro ea quæsiuit, & in opus textile conuertit. Neque omnia rursus ancillis commisit; sed ipsa simul cum aliis operata est, idque certo consilio & ex animo. Pulcrum hic mulieribus omnibus industriæ matronalisque honestatis exemplum proponitur.

14. *Facta est quasi nauis insistoris de longè portans panem suum.*

**M**AGNAS opes ex peregrinis longèque politis locis adferunt mercatores, citòque, si aliquot navigationes feliciter confecerint, ditescunt: illis autem haud absimilis est mulier hæc mascula & rara. Nam opere & studio tantum conficit, ut veluti nauis quædam oneraria peregrinis quoque opibus & gazis mariti domum impleat, omniâque non modo ad victum, sed ad corporis quoque cultum necessaria abundè subministret. Si quidem pro his, quæ suis suorumque manibus domi lucratur, comparat ea etiam, quæ domi vel in patria non proueniunt, & tamen ad ornatum & familiarem vitæ usum plurimum faciunt.

15. *Et de nocte surrexit, deditque prædam domesticis suis, & cibaria ancillis suis.*

**N**ON indulget honesta hæc matrona nimio somno; verum summo mane ante solis ortum exsurgens, diurnumque opus ordinans, singulis certi operis pentum decernit atque præfinit, quoque ad laborem alacriores sint, ancillis totique reliquæ familiæ cibi potusque dimensum di-

tribuit, ita ut neque quidquam necessariorum desiderent neque nimium rursus abundant, aut affluant. Siquidem tam copia, quàm inopia rerum est periculosa.

16. *Consideravit agrum, & emit eum, de fructu manuum suarum plantavit vineam.*

**R**ebus domi rectè constitutis ad ea, quæ foris sunt, nec non ad domesticum usum si non omnino necessaria, admodum tamen utilia & opportuna sunt, animum cogitationemque convertit. Appulit enim sensum ad emendum agrum non quemuis, neque citra delectum, sed optimum & fertilissimum. Hoc enim innuitur hic per considerationis vel cogitationis vocabulum. At quia non sat est habere cibum, quem fertiles agri copiosè subministrare solent, nisi adsit & potus, propterea pingui aruo manuum suarum opere adiecit & vineam: vel certe in agro iam coempto vineam plantari, eamque per idoneos ministros excoli curavit.

17. *Accinxit fortitudine lumbos suos, & roboravit brachium suum.*

**A**ccinxit robore & fortitudine lumbos suos: nam cum cura domestica non contenta, etiam ad agriculturam operaque externa animum semel adiecerit, opus fuit illi forti constantique animo, & ad omnem laborem imperterritio, hæc autem animi corporisque fortitudo per lumbos & brachia maximè designatur.

18. *Gustavit & vidit quia bona est negotiatio eius, non exstinguetur in nocte lucerna eius.*

**E**t quia usu ipsaque adeo experientia didicit eiusmodi negotiationem, nempe lanæ & lini tractationem, agrorumque & vinearum culturam vilem & salutarem esse, propterea die noctuque in eo operum genere se exercet. Nam ne antelucanis operibus lanæ & lini, ceterisque similibus tenebræ impedimentum adferant, tota nocte lucernam accensam habet, ceteraque omnia obstacula remouet, & operi infudat.

19. *Manum suam misit ad fortia, & digiti eius apprehenderunt fuscum.*

**N**eque enim propter opus rurale, quo interdum se exercet, vesperi & mane ab opere domestico feriat, quin potius diu noctuque domi forisque operatur. Nam ut interdum per se vel per ministros suos manus admovent

admouet ad lignonem, farculum, vel aratrum; ita noctū, hoc est, vesperi & summo mane applicat palmas suas ad verticulum vel colum, & digitis suis apprehendit tractatque fufum, vel aliquid aliud eiusmodi: siquidem nulum sibi indulget otium.

20. *Manum suam aperuit inopi, & palmas suas extendit ad pauperem.*

**N**Eque solum mulier hæc domesticorum curam habet, verum etiam pauperum & egenorum. Nam manum suam aperit pauperi, & palmas suas extendit ad egenos, hoc est, non solum per se, sed per alios quoque, quæ ad familiæ sustentationem necessaria non videntur, liberaliter in egenos erogat. Est autem labor ille præ ceteris honestissimus & Deo gratissimus, qui impigrè ad egenorum alimentum & subsidium infumitur.

21. *Non timebit domui suæ à frigoribus niuis: omnes enim domestici eius vestiti sunt duplicibus.*

**N**E Cest quod laborem aut operas suas propter niuis vel hiemis frigoris impeditum iri metuat. Siquidem in ædibus illius rerum omnium est abundantia, vestiūque omnis generis tanta copia, ut omnes domestici eius duplicibus induantur, vel, ut Hebræa sonant, purpura & cocco vestiantur. Quod si eiusmodi vestibus pretiosis abundant, multo magis vestibus crassioribus, quibus frigoris iniuria arceri solet, abundabunt. En quantus prouentus honestorum laborum, en quanta rursus largarum eleemosynarum remuneratio. Hæc mulier, quod assidua esset in laboribus, & perbenigna in erogandis eleemosynis, ingenti rerum omnium ad vsum & ornatum necessariorum copia affluebat.

22. *Stragulatam vestem fecit sibi, byssus & purpura indumentum eius.*

**A**T non eas tantum vestes parauit, quæ contra frigus faciunt, corpusque contra æris iniuriam defendunt, sed eas etiam, quæ corpus totamque domum exornant: cuiusmodi sunt tapetia vel aulæ, aurea & argentea vasa, stragula pretiosa, aliæque supellex magnifica & sumptuosa. Etenim vestem straguli more contextam fecit sibi, byssoque & purpura sese vestiuit, ac torque aurea sese ornauit.

23. *Nobilis in portis vir eius, quando foderit cum senatoribus terre.*

**N**Eque se tantum suamque familiam exornat, verum maritum quoque inter senatores terræque principes illustrem celebrèmq; reddit. Nam cum totam familiam ipsa regat, remque familiarem prudenter administret, viro otium facultatèmq; facit, ut rebus politicis publicisque liberius vacare possit, & cum splendide illum vestiat & ornet, ipsaque honestè vivat, magnam apud omnes auctoritatem illi conciliat. Pannosi enim vix aliquo habentur loco etiamsi alias sint prudentes.

24. *Sindonem fecit & vendidit, & cingulum tradidit Chanaanæ.*

**S**Indones & lintea pretiosa facit, & in exterarum nationes distrahit vel suis quoque liberis in corporis ornamentum tradit: zonas itidem & cingula eleganter contexta & elaborata Chanaanæ negotiatoribus diuendit, pretiumque, si domesticus usus aliud non suaserit, in elemosynam conuertit.

25. *Fortitudo & decor indumentum eius & ridebit in die nouissimo.*

**C**Eterum licet pretiosa quæque faciat, iisque sese ornet, attamen præcipuus illius ornatus non est vestis, aut aurum, aut aliquid aliud eiusmodi, sed virtus animique fortitudo, & alia similia, quæ cum ætate crescunt & florent magis, quam decrescunt. Quamobrem senectam postremosque vitæ dies exigit letos & iucundos, non tristes aut inamænos, ut solent ignauæ illæ mulierculæ, quæ nihil boni habent præter formam, quæ in senectâ deperit. Quo fit ut & sibi, & aliis quoque displiceant: non ira autem illæ, quæ omni virtutum genere excultæ sunt.

26. *Os suum aperuit sapientiæ, & lex clementiæ in lingua eius.*

**M**VLIER hæc quoque non est garrula, non temeraria, non Rulra, sed prudens, grauis, & modesta. Quare os suum non aperit vanè, asperè, aut stultè, sed sapienter cordatè, clementer, & benignè, hoc est, verbis, gestibus, totoque corporis habitum, & compositione erga omnes se ostendit benignam, clementem, & sapientem.

27. *Consi-*



27. *Constituit semitas domus suæ, & panem otiosam non comedit.*

**N**Eque contenta est ut ipsa sapienter, maturè, & grauter in omnibus sese gerat, verum lux quoque familiæ vias, hoc est, mores & actiones diligenter obseruat, ut siquid minus honestum, aut religiosum deprehenderit, illud sanari & emendari curet: neque tamen dum hæc facit, ab opere domestico cessat. Nam alios tantum otiosè obseruare, & ad opus virgere, nihil autem laborare, parum ædificat, & rem familiarem parum quoque promouet.

28. *Surrexerunt filij eius, & beatissimam prædicauerunt: vir eius, & laudauit eam.*

**E**T quia in omnibus piè, prudenter, & strenuè se gessit, deque omnibus bene mereri studuit, factum est ut apud omnes laudem promeruerit, bonamque gratiam inuerit. Et quidem præ ceteris & ante omnes ij laudarunt eam, qui familiarius illam nouerunt. Nam & filij & filix in publicum prodierunt, & laudibus illam extulerunt: idem quoque fecit vir eius, ceterique domestici.

29. *Multæ filix congregauerunt diuitias: tu supergressa es vniuersas.*

**L**AUS autem illius in eo præcipuè posita dicitur, quod inter omnes mulieres, quæ virtutum ornamentis, animique donibus floruerunt & valuerunt, ipsa primatum tenuerit; *Multæ*, scribitur hic, *filix congregauerunt diuitias, tu supergressa es vniuersas*. Quadrat hic locus, sicut reliqua fere omnia, appositè in Diuam Virginem. Neque enim vlla exstat, aut existit aliquando quæ cum illa conferri possit.

30. *Fallax gratia, & vana est pulcritudo: mulier timens Dominum, ipsa laudabitur.*

**G**RATIA formæ, & corporis venustas, & pulcritudo res fallax & fugax est, bonumque prorsus incertum. Vnde nulla in eo fiducia ponenda est: verum timor Domini manet in æternum, redditque hominem vera & solida laude dignum. Quo fit ut mulier non sit laudanda propter formæ elegantiam, nisi cetera quoque illius studia & munera formæ sint contentanea. At quæ Deum timet, esto deformi corpore sit, præ ceteris tamen laudabilis est.



gnat causam, quia ubi regnat ebrietas, ibi nullum est secretum, neque vltimum rectum fertur iudicium.

6. *Date siceram, &c.* Ne quis existimaret vini vsum secundum se malum, atque ideo vniuersè omnibus vini potu interdictum esse, tertium præceptum subiicit, quo admonet mærentibus, nec non in graui animi amaritudine iacentibus largiorem vini haustum exhibendum esse, quo hac ratione miseriam suam obliuiscantur.

8. *Aperi os tuum, &c.* Hoc est, quartum præceptum, quo docet quibus in rebus Regum sedulitas præcipuè se ostendere, seseque occupare debeat, nempe in pauperum defensione, litiumque, quæ inter subditos subinde exoriuntur, diremptione. Mutum enim vocat qui causam suam per se agere aut tueri non potest, vel non audet. Per trāsēntes eos accipere licet, qui hinc tendunt ad mortem; vel eos, qui de vno loco migrant in alium; vt sunt peregrini aliique mutationi obnoxij.

9. *Aperi os tuum, &c.* Sensus est, non per mercenarios iudices cognosce pauperum causam & populi controuersias; sed per temetipsum, & iudica iustè, sanctè, & piè, ne iniustè opprimantur. Et hæc quidem pia mater ad filium Lamuelem, quæ vulgarium mulierum sensum excedunt. Quare Salomon hinc captâ occasione describit matronam numeris omnibus absolutam omnibusque virtutibus expolitam, quales non ita multæ comperiuntur.

10. *Mulierem fortem quis inueniet, &c.* Interrogatio hæc raritatem aut rei difficultatem insinuat. Quod si qua tamen inuenta fuerit, ea omnibus mercibus & gemmis præstat.

11. *Confidit in ea, &c.* Non mirum, cum nihil in ea videat, quod fidem illius suspectam reddat.

*Reddit, &c.* Non modò mariti spem non fallit, verum asperius quoque, quàm par erat, interdum ab illo excepta pro malo bonum reddit, idque constanter.

13. *Quæsiuit, &c.* Docet qua via & ratione domum spoliis impleat; nempe labore, lanæque & lini opere, non fœnore, aut turpi negotiatione.

14. *Facta est, &c.* Confert eam cum naui oneraria: nam vt hæc multa & magna ex peregrinis locis adfert; ita mulier, de qua hic sermo, suis suarumque ancillarum manibus tantum bonorum in familiam infert, vt nauicula quæpiam mercatoria videri queat.

15. *Et de nocte, &c.* Non indulget somno, verum de nocte surgens

26. *Aperuit, &c.* Exponit cuiusmodi sermone vtatur, nempe prudenti, graui, & modesto, nec non ad misericordiam & clementiam composito.

27. *Considerauit, &c.* Non satiata priuatis animi opibus, etiam familiarum studia obseruat, mores notat, & siqua emendanda aduertit, ea emendare studet. Interim dum hæc agit, ipsa non est otiosa, sed operi semper intenta.

28. *Surrexerunt filia, &c.* Quandoquidem mulier hæc omnes honestæ & egregiæ matronæ partes præstiterat, supererat, vt digna latide eueheretur. Siquidem virtutis præmium est laus. A nemine autem rectius & verius laudatur homo, quàm ab iis, qui virtutum illius conscij sunt, quales vtique sunt domestici.

29. *Multæ filia, &c.* Hæc est summa laus, nullam similem habuisse, sed procul omnes à tergo reliquisse. Conuenit propriè in Virginem Matrem, quæ nec similem habet, nec similem vmquam habitura est.

30. *Fallax gratia, &c.* Docetur per hæc solam formam sine alijs virtutibus rem fugacem & fallacem esse, adeoque ad absolutum mulieris cultum vtrumque requiri.

31. *Dare ei, &c.* Hortatur vt pro ratione meritorum & operum suorum ab omnibus laudetur; etsi ipsa interim illius opera publicè, in portis eam per se satis laudent.

## F I N I S.



# IN PROVERBIA SALOMONIS OBSERVATIONES

ET

*Locorum aliquot Hebraïcorum Collatio potissimum è libris  
Singularium P. MARTINI DE ROA  
Cordubensis Societatis IESV.*



**A**PITE I. Versu 4. *Vi detur paruulis astutia, &c. Astutia* Salomoni vtramque in partem capitur, bonam malamve: vt Iureconsultis *Dolus* bonus malusve. Sic mox Cap viij. Vers. 5. *Intelligite paruuli astutiam, & Cap. xij. 16. Astutus omnia agit cum consilio.* B. August. Epist. ad Hieron. 29. Tom. 2. eandem significationem in illo Sallustij esse existimat: *Neque illi tamen ad cauendum dolus, aut astutus deerat.*

Vers. 10. *Si te lactauerint peccatores, &c. de hac ab vberibus ducta tralat.* P. Martinus de Roa lib. 2. Cap. 22.

Ibidem Vers. 17. *Frustra iacitur rete ante oculos pennatorum, &c. Hebræis Baal pennarum, hoc est, pennipotentum, vt alia multa in sacra Scriptura obseruantur, vti Ecclesiaste x. Vers. 20. Baal sagittarum, pro sagittario.*

Vers. 24. *Extendi manū meam, & non fuit qui aspiceret, &c. Queritur, quod cum multos ad se veluti sublato signo euocasset, nemo tamē nomen illi dedisset. Cuiusmodi alia multa sunt in Sacris literis, quæ ex his non difficile fuerit æstimare, quæ colligit P. Martinus de Roa lib. 1. Singulariū Cap. 3.*

Cap. ij. 17. *Et relinquis ducem puertatis suæ, &c. Sic inf. Cap. v. 18. Latere cum muliere adolescentiæ tuæ.* Hebr. est *Neurim*, quam ætatem terminarunt Rabinorum alij annis xx. alij xxv.

Cap. iij. 4. *Et inuenies gratiam, &c. Hebræis Inuenito pro inuenies, vt Maroni: Si fuerit gregem suppleuerit aureus esto, pro eris. Sic mox Cap. iij. Vers. 4. Et viues, benè reddidit Hieron. pro quo Hebr. *viue*.*

Ibidem v. 19. *Deus Sapiencia terram fundauit, &c. Explicat B. Cyrillus Alexandrinus lib. v. Thesauri Cap. 8.*

Ibidem v. 27. *Ne moliaris amico tuo malum, &c. Hebr. Ne arato. Hieron. doctè Ne moliaris in vulgata reddidit, Sic Eccle. Cap. vij. Vers. 13. Noli*

ATATO

*arare mendacium*, ubi *amare* quidam præposterè legerunt. Sic *seminare iniquitatem* Prouerb. xxij. 8. & *Screre fallaciam* Plautus in Pseudolo.

Ibidem Vers. 3. *Cervæ carissima & gratissimus hinnulus*, &c. Solent qui amant blandè compellendo amicas suas *Cervas* nuncupare. Sic in Canticis idem Salomon: *Cervos hinnulosque, & capreas* sæpe coniungit. Psalmus quoque Regij vatis primus & vicissimus Hebræis inscribitur *Super cervæ aurora*, hoc est *pulchra*, aliis verò *Super stellæ matutina*. vulgata autem sic: *In finem pro susceptione matutina*.

Cap. v. Vers. 3. *Favus distillans labia meretricis, & nitidius oleo guttur eius*, &c. Vidēsne *oleum*, vt orationem significet speciè quidem blandam, re vero aculeatam? Hanc item Sapiens *Molliores* etiam *sermones* Prouerb. ij. appellat. Plautus quoque in Mostellaria de scorto: *Gustu dat dulce: amarum ad satietatem usque aggerat*. Plura Roa lib. i. Singularium Cap. 5.

Cap. vi. Vers. 1. *Si sponderis pro amico tuo defixisti manum tuam apud extraneum*, &c. Id est, ius & potestatem extraneo fecisti, vt te manu prehendam & quasi debitorem suum apud iudicem vocet, ac quæ spondidisti repetat. Laqueatus enim es verbis oris tui, & captus sermonibus propriis, quoniam cum spondidisti pro amico, creditori te permisisti, vt capiat te si velit, aut cum velit, ac vinciat. Nam *defixam esse manum*, nihil est aliud, quàm habere alterum potestatem adprehendendum eum, qui defixit, & manu confectum vocandi, sistendiq; iudici. Postè autem aliquem *manum tangere*, aut *defixam esse manum alterius*, in idem recidit. Morem explicat Roa lib. i. Singularium Cap. 4. Vide & infra Prouerb. v. Cap. xxij. 26. Vide Adagium: *Sponde, noxa præsto est*, & Budæum in Pandect. de *Antestare*, & in Iure *Manu confectum*.

Vers. 9. *Annuat oculis, terit pede, digito loquitur*, &c. De homine Belial improbo, lalcio, & impudico Sapiens loquitur. Non dissimilis apud Nævium Poëtæ impudicæ mulieris gestus:

— quasi in soropila  
Ludens datatim dat se, & communem facit,  
Alium tenet, alij adnutat, alibi manus  
Est occupata: ac alij pervertit pedem,  
Alij dat annulum de labris.  
Alium inuocat, cumque alio cantat: attamen  
Aliis dat digito licet as.

Verf. 11. *Veniet tibi quasi viator egestas, & paupertas quasi vir armatus, &c.* Hic & de loci sententia, & de varietate lectionum multa existunt, quæ dubitationem efficiant. Enimverò Lxx. ita legunt: *Deinde supervenit tibi tamquam malus viator paupertas, & egestas tamquam bonus cursor.* Symmachus: *Quasi vir clypei.* Theodotion: *quasi bastifer.* Chaldaeus: *Quasi vir rectus.* Græcè: *ὡς καὶ καλὸς ἐδοκιμήσῃς*, Sicut malus cursor, siue viator. Plura ad hunc locum Roa lib. III. Cap. 2.

Cap. vij. Verf. 3. *Scribe illam in tabulis cordis tui, &c.* Non minus lepidè est apud Poëtas Græcos Ælchylum & Pindarum, *ἐγγράφῃς αὐτὰ ἐν τοῖς ὀφθαλμοῖς*, & apud Comicum: *Etiā nunc mihi scripta illa dicta sunt in animo.* Quæ est formula, qua exactam, & firmam comprehensionē significamus.

Cap. viij. 22. *Dominus possedit me in initio viarum suarum antequam quidquam faceret ex principio, &c.* Quod hic ex principio Hieron. vertit, alibi ex tunc reddit, Psalmo xcij. 3. *Parata sedes tua ex tunc*, Græcis *ἀπὸ τότε*: utrumq. pro ab æterno. Copiosè autem hunc locum explanat B. Cyrillus Alexandri. lib. v. Thesauri Cap. 1. 4. 7. & 8.

Verf. 31. *Deliciae meæ esse cum filiis hominum, &c.* Id est, perinde mecum agitur (ait Dei filius patiens) ac si in eadem essem damnationis causa, qua ceteri hominum. Ii enim filij hominum, qui loquuntur, & faciunt opera hominum. Martinus de Roa lib. iv. Singularium Cap. 12.

Cap. x. 4. *Egestatem operata est manus remissa, &c.* Hebr. *Pauper fit qui operatur manu doli*, pro manu ignava, ut infra Cap. xix. 5. Hebræis: *Anima doli esuriet.* Dolus verò alibi pro homine doloso Hebræis. Cap. xij. Versu 24. & 27.

Cap. xi. Verf. 22. *Circulus aureus in naribus suis mulier pulchra & fatua, &c.* Alij *Annulus* habent. In sacris litteris insciji & fatui suisbus comparantur, ut docet Roa lib. I. Singularium Cap. vij. Hebraicè autè est *Mulier pulchra, eademque recedens à mente.* Chaldaeis *scitido sensu*, pro fatua, in quo duplex item Metaphora latet, prior in verbo *recedendi* ab acidis vuis sumpta; altera in voce *mentis*, quæ Hebr. *Taam* est, id est, gustus & sapor, unde sæpe tralatio ducta ad mentem, ut ne longe abeam, inf. Cap. xxxi. 8. *Gustavit & vidit, &c.* Et Psalmo xxxij. 9. *Gustate & videte quoniam suavis est Dominus.*

Cap. xij. Verf. 9. *Lux iustorum lætificat, lucerna autem impiorum peribit, &c.* Eisdem parè verbis legitur Iob xvij. & xxi. Item hic Prouerbio- rum xxiv. Verf. 20.

Cap. xiv. Verf. 13. *Risus dolore miscebitur, & extrema gaudij luctus occupat, &c.*

# IN PROVERBIA SALOM.

*cupat*, &c. Hebræa longè significantius: *Etiã in risu dolebit*. Ampla & satis obuia in Sacris litteris huius loci locupletandi materies, ait Mart. de Roa lib. I. Singularium Cap. vi.

Verf. 20. *Amici diuitem multi*, &c. *Amicos* trifariam dici obseruatum, pressè, latè, & latissimè. Pressè qui est alter ipse, vt inf. Cap. xviii. 24. *Vir amabilis ad societatem magis amicus erit, quàm frater*. Latè verò hoc loco: latissimè denique pro quouis proximo vt Deuter. xix. 5. & rursum xxiii. 25. *Si intraueris segetem amici*. Huc refer Apologum de Calsita & Amicis ex Agellio lib. ij. Noct. Attic. Cap. 29.

Verf. 30. *Vita carniũ sanitas cordis*, &c. *Vita carniũ* pro bona valetudine, significans: si mens sana sit, corpori melius esse. *Caro* enim pro *Corpore*. Huc pertinet Galeni medicorum principis de corporis & animi necessitudine liber.

Cap. xv. 20. *Stultus homo despicit matrem suam*, &c. Hebr. *Stultus Adam*, pro *hominum*, hoc est, filius stultus, vt alibi sæpe. Mercerus tamen mirè exponit: *Stultus prouellæ ætatis*.

Cap. xvi. Verf. 29. *Vir iniquus lactat amicum suum*, &c. Hoc est, promissis, ac blandimentis ducit in fraudem Ductam Metaphoram ab vberum lacte, vt & supra Cap. i. Verf. 10. *Fili mi, si te lactauerint peccatores*, docet Roa Singularium lib. ij. Cap. 22.

Cap. xviii. 25. *Ira patris, filius stultus*, &c. Hebr. *Non gaudet stulti Pater* pro non semper lætatur, et si tenerè filium amet *פֶּסַחַן פִּיטָרָה* parens amenitis. Ita supra Sapiens Cap. x. 2. *Non profunt thesauri improbitatis*, hoc est, obsunt. Exilius enim dictum quod exaggerandum erat.

Cap. xix. 5. Testis falsus non erit impunitus, &c. Hebræis est *Anima doli efuriet*. Quo in loco *Dolus* pro ignauia vt ad Cap. x. Verf. 4. supra adnotare memini.

Verf. 11. *Et gloria eius est iniqua prætergredi*, &c. Hebræis. *Eique decori est transire super scelus*. Transire autem ac præterire, vt B. Hieron. obseruauit, partim punire est in sacris litteris, partim dissimulare ac præterire, vt hoc in loco, & Amos vij. 8.

Cap. xxi. Verf. 4. *Exaltatio oculorum est dilatatio cordis*, *Lucerna impiorum peccatum*, &c. Nonnulli *Lucernam impiorum*, per exaltationem oculorum, & dilatationem cordis accipiunt, vt sit sensus: Arrogantia, in qua superbi felicitatem suam ponunt, peccatum est, hoc est, malum: quippe Deus superbis resistit, &c. Pluribus explanat P. Roa Cordubensis lib. ij. Cap. xviii.

Cap.

Cap. xxij. Vers. 9. *Qui pronus est ad misericordiam, benedicetur, &c.* Hebrais, *Bonus oculus, &c.* Boni vox in sacris eandem vim habet quam Deus vt docet P. Martinus Singularium lib. I. Cap. 9. Sic Matthæi xx. *An oculus tuus nequam est, quia ego bonus sum?*

Ibidem Vers. 26. *Noli esse cum his, qui desigunt manus suas, & qui vades se offerunt pro debitis, &c.* Lucem accipiet hic locus & superiori Versu 23. huius Capituli. Cum enim hortatus esset Sapiens, ne pauperes ob debita in iudicium vocaremus, opprimeremusque pro libidine, causam adiunxit: *Quia iudicabit Dominus causam eius, & configet eos, qui confixerunt animam eius.* Hoc est, coget eos Dominus eandem subire fortunam, ad egestatem redigens, ita vt ære alieno obligentur, & creditores in eos manus iniiciant vinciantque, non secus, atque ipsi in defixos, id est, obligatos sibi pauperes sauerunt. Sic nouè ac disertè ex veterum ritu explanat hunc locum Martinus de Roa Cordubensis lib. I. Singularium Cap. 4. & nos sup. ad Cap. vi. Vers. 1.

Cap. xxiii. Vers. 31. *Ingreditur blandè [vinum] & in nouissimo mordebit vt coluber, &c.* Hoc est, quemadmodum vbi corpus ac mentem vinum occupauit, omnia perturbata & confusa cernimus, ex vna duas flammulas videmus, firmissimæ columnæ outant; ita etiam, quæ sunt in mente, rerum figuras atque imagines, siue phantasmata turbat, ac miscet, facitque vt amici arcantum, quod cum esset integrum, visum est dulcissimum amicitiae pignus, in ebrietate sit vipera, quæ viscera disrumpat vt exeat, deinde cum exierit, & auctorem perdit primum, & alios deinde discruciat. Conuenit Plutarchus libro de Loquacitate: Belonas, inquit, pisces & vipersas partu rumpi aiunt, arcana autem eos, qui non continent, foras elapsa perdunt. Roa lib. vi. Singularium copiose Cap. xij. & lib. ij. Cap. xvij.

Cap. xxiv. 16. *Septies cadet iustus & resurget, &c.* Cadere hic pro peccare adhibitum, Alias pro inferiorem esse, & occumbere: interdum pro caltra ponere.

Ibidem Vers. 20. *Ne emuleris impios, quoniam non habent futurorum spem, &c.* Explicat P. Roa lib. ij. Singularium Cap. xvij.

Vers. 34. *Veniet tibi quasi cursor egestas, &c.* Hinc mutuatus Sirachides Cap. xi. 2. Εἰς κακίαν καὶ ποτὶ καὶ ἀποδοῦναι καὶ τοσούτῳ μᾶλλον ὑπερβαίνει ut alias saepe Salomonem Sirachides exscripsit, verbi gratia Ecclesi. xx. 8. ἡνὶ τοῦ δούλου τοῦ κακοῦ ἀνδρὸς ἀμαρτωλοῦ. Expresit ex illa sententia Prou. xv. 21. *Stultitia gaudium est stulto.* Plura non ponam in præsens cum ponat alius.

Cap. xxv. 2. *Gloria Dei est celare verbum*, &c. Integrum hic est *Dei verbum* quod concisè sup. *Verbum* duntaxat nominat Cap. xiiij. Vers. 13. Hebraicè: *Qui contemnit verbum id ei dolori erit.*

Ibidem Vers. 8. *Quæ viderunt oculi tui, ne proferas in iurgio ciuè*, &c. Sapiens adeo hic fugiendam perfidiam ait, vt ne scelus quidem, quod ipse videris, proferri velit in vulgus &c. Plura colligit Martinus de Roa lib. vi. Singularium Cap. xij.

Cap. xxvi. 17. *Sicut qui apprehendit auribus canem*, &c. Adagij specie dictum, Hebræis *Canis aures apprehendit*, qualis Græcis παρομιμα est: τῶν ὠτῶν κρατῆι τὸν λόκον. Auribus lupum tenet, &c.

Cap. xxviii. 2. *Propter peccata terræ multi Principes eius*, &c. Pernitiosas esse ciuitatibus crebras Principum mutationes significat, cum ferè bonis malis succedant, aut malis peiores. Ita Eccles. x. 16. *Væ tibi terra cuius Rex puer est.*

Cap. xxx. Vers. 19. *Viam colubri super petram, viam nauis in medio mari*, &c. Hebræis est *in corde maris*, quia Cor hominis medium quibusdam Philosophis visum, aliis *umbilicus*. Sic Exod. xv. 8. *Congregati sunt abyssi in medio mari*, pro quo Hebr. *in corde maris*. Et B. Hieron. Prologo in Michæam: *Quasi in corde voluminis positus, debet profunda continere mysteria*. Intelligit nimirum Michæam medium esse duodecim inter Prophetas minores. Sic cor terræ Matth. xij. Vers. 40. *pro sepulcro.*

Ibidem: *Viam viri in adolescentia*, &c. Sic B. Hieronymus. Lxx. enim ἡ ὁδὸς ἀνδρὸς ἐν νεότητι, Symmachus vertit ex Hebr. ἐν νεότητι *In adolescentula*, Chaldaus Paraphrastes *Viam viri in virgine*, reddit quod Hebræis est *Almah*: de qua voce idem Hieron. ad illud Esaïæ. vij. 14. *Ecce virgo concipiet*, vt mysticè ad B. Virginem à SS. Patribus rectè referatur de, qua Hieremias Cap. xxxi. 22. *Creauit Dominus nouum super terram Femina circumdabit virum.*

Cap. xxxi. Vers. 24. *Cingulum tradidit Chanaan &c. pro Mercatori*, vt Osee xij. 7. *Chanaan in manum eius statera dolosa*, & Sophon. I. Vers. 11. Sic frequens in sacris litteris *Arabs* pro *Latrone*, & *Chaldaus*, pro *Mathematico*.

Ibidem Vers. 25. *Fortitudo & decor indumentum eius*, &c. Ita vates Regius Psal. xcij. *Dominus regnavit, decorem induit, induit est fortitudinem*, &c. Explicat P. Martinus de Roa lib. iij. Singularium Cap. 4.



RERVM MEMORABILIVM  
INDEX.

IN PROVERBIA SALOMONIS

EX PARAPHRASI ET SCHOLIIS

P. THEODORI PELTANI,

*Numerus Romanus Caput, Barbaricus eiusdem versum designat.*



A.	Antiquitatem sequere	xxij. 28.
Dagia: vide Prouerbia.	Apostatæ descriptio, vi. 12. 13. 14.	
Adolescens perditè amās	eius pœna, ibide m	15.
<u>vij. 7. 8. 9. eiusdem pe-</u>	Aquarum diuisiones	xxi. 1.
<u>ricula vij. 22. 23.</u>	Aquilæ via ignota	xxx. 18.
Adolescens via ignota	Arcana <u>reuelans</u> fugiendus	xx. 12.
Adolescentiæ mores ægrè mutantur	Arcana tegere	xxv. 29.
xxij. 6.	Argentum purgatū	xxv. 4. xxvij. 21.
Adulteræ via ignota	Arietis occurfus	xxx. 31.
Adultera non retinenda	Arrogans detestandus xvi. 5. xxi. 24.	
Adulteri mala	xxvi. 12.	
in Aduerfis ne despera	Arrogans iurgia concitat	xxvij. 25.
xxiv. 10.	Astutus xij. 1. 6. xiv. 15. 18. vide fa-	
Aequitas Deo grata	piens	xxvij. 12.
Agrorum amenitas	Auarus destruit	xxix. 4.
Agricola diligens	Auarus pauper.	xij. 7.
Agriculturæ commendatio xxvij. 23.	Auari inexplēbiles	xxvij. 20.
24. 25. 26.	Anaritia coërcenda xxij. 4. 5. eius	
Agriculturæ commoda xij. ij. xiv. 4.	finis	xv. 27.
Agni & oues nos vestiunt	Aurum in fornace exploratur xvij. 1.	
xxvij. 26.	B.	
Ambulans peruersè	Bellum consiliis gerendum xx. 28.	
xxvij. 18.	xxiv. 6.	
Amorignis est	Bella Deus dirigit	xxi. 3. 12.
vi. 27.	Benedictio Dei	xi. 25.
Amicus verus xxvij. 6. fidelis xi. 1. 3.	Bilinguis noxius	xxvij. 8.
in aduersis	Boni: vide Iusti.	
xvij. 17.	Bonā mulierē quis inueniet? xxxi. 10.	
Amicus amabilis fratre carior xvij. 24.	Viro erit solatio	xxxij. 1. 2.
Amicus fraudans	Laborat manibus Ibidē 13. 14. 27.	
xxvi. 18.	Pascit domesticos Ibidem 15. &c	
Amicitia colenda iij. 29. 30. xi. 2.	vestit Ibidem	21.
xxv. 10. xxvij. 10.	Vineam plantat Ibidem.	16.
Amicitiam violare	Fortis est	xxxij. 17.
xvij. 1.	Ad ly.	
Ancilla heræ domina intolerabilis		
xxx. 23.		
Animæ scientiæ		
xix. 2.		
Animam seruat linguæ custos xxi. 23.		
Animi index sermo xxvi. 24. xxvi.		
12. 21.		

# RERVM MEMORABIL.

Ad Incernam vigilar, Ibidem. **18.**  
 Pensa colo trahit, Ibidem **19.**  
 Dar egeno, Ibidem **20.**  
 Eius vestis & ornamentū, Ibidem  
**22. 25.**  
 Prudens sermo, Ibidem **26.**  
 Laudatur à prolibus, Ibid. **28. 29.**  
 Timet Deum, Ibidem **30. 31.**

## C

**C** Alamitas subita & repēcina **1. 27.**  
 Calumniatoris pœna xxviii. **17.**  
 Callidus & vafer **xxij. 3.**  
 Canities senij decus **xx. 29.**  
 Cantio lugenti ingrata **xxv. 20.**  
 Caritas operit delicta **x. 12.**  
 Celare delictum xvñj. **2. xxviii. 13.**  
 Chananzus mercator findonem e-  
 mit **xxxi. 24.**  
 Clementia **xi. 19.**  
 Regis **xvi. 15. xx. 28.**  
 Cogitata varia **xix. 21.**  
 Cogitata impiorum xv. **5. 26. xvi. 30.**  
 Stultorum **xxiv. 2.**  
 Deo reuelanda **xvi. 3.**  
 Comedenti cum Rege quid seruand-  
 um **xxiiij. 1. 2. 3.**  
 Commessatores vitandi xxiiij. **20. 21.**  
 Commessatorū pœna **xxiiij. 29. 30.**  
 Coniux amanda: vide vxor.  
 Consilia amici iucunda **xxvij. 9.**  
 Consideranda via vitæ iv. **2. 5. 26. 27.**  
 Consilij vtilitas xi. **14. xij. 10. xv.**  
**22. xix. 20. xx. 5. & 18.**  
 Consilium nullum contra Deum,  
 xxi. **30.**  
 Consortium bonorum **xiiij. 20.**  
 Addit sapientiam **xxi. 11.**  
 Improborum vitandum **xxiv. 1. 2.**  
 Consuetudo non nimis frequens  
 xxviii. **17.**  
 Contentio: vide Rixa  
 Conuicij pœna **xxvi. 2.**

Conuiuia Caritatis **xv. 16. 17.**  
 Conuiuia quæ fugienda **xxx. 6. 7. 8.**  
**20. 21.**  
 Cor hominis **xxviii. 12.**  
 Cor Deus explorat, vt aurum in for-  
 nace. **xvij. 3.**  
 Cor Regis in manu Dei **xxi. 1.**  
 Cor gaudēs xv. **13. xvij. 22. xxiiij. 15.**  
 Insuperans **xij. 23.**  
 Prudens **xxviii. 25.**  
 Scientiam quærit **xxvij. 21.**  
 Mundum **xx. 9. xxiiij. 11.**  
 Prauum detestandum xi. **20. xvij.**  
**20. Malum quærit xxvij. 21.**  
 Sibi consciū **xiv. 10.**  
 Cor sanum corporis sanitas **xiv. 30.**  
**xvi. 24.**  
 Cordis custodia **iv. 23. xvi. 17.**  
 Correptio salutaris xvij. **5. 6. xxviii.**  
**23. xxix. 15.**  
 Correptio prudentis xvij. **10. xix. 25.**  
 Correptionem repudiantis pœna  
 xxix. **1.**  
 in Crastinum ne differas xvij. **1.**  
 Crudeles in propinquos **xi. 17.**  
 Cubile in petra collocans **xxx. 26.**

## D

**D** Eceptor iustorum **xxviii. 10.**  
 Derisorum vitium ix **7. 8. xiv. 6.**  
 Derisor sibi nocens ix. **12. xix. 29.**  
**xxij. 10.**  
 Desiderium præstolans **xvij. 8.**  
 non Desperandū in aduersis **xxiv. 10.**  
 Detractoribus non vtendū **xxiv. 21.**  
 Detractor quomodo reprimēdus **xxv.**  
**23. xxvi. 20.**  
 Eius verba **xxvi. 22.**  
 Detractio vitanda **xxv. 8.**  
 Detractionis pœna **xxiv. 22.**  
 Dei periphrasis **xxx. 4.**  
 Dei benedictio **x. 22.**  
 Dei nomen turris **xxviii. 30.**  
 Eius

# INDEX

Eius providentia vi. 2. 1. xv. 3. xvi. 1. xxij. 12.	Non liberant à morte xi. 4.
Omnia speculatur xvi. 2. xx. 27.	Non nimis expetenda xxij. 4. 5.
DEVS mundum creans viij. 26. 27. 28. 29.	Diuitiis non fidendum xi. 28.
Iustos exaudit xv. 12.	Diuitiis bona fama præstantior xxij. 12.
Iustos tuctur ij. 7. 8. 2.	Diuitias & inopiam deprecatur Salomon xxx. 8.
Et pauperes xxij. 23.	Doctus, idem fortis xxiv. 5. 6.
Gressus dirigit iij. 5. 6. xvi. 9. xxj. 24.	Doctrina auro potior viij. 10. 1. 1. xij. 15.
Septem o. lit vi. 16. 17. 18.	in Doctrina abundantia xxiv. 4.
Superbos deprimit, attollit humiles xxix. 23.	Dolosus sermo xij. 20.
Homines destruit xvi. 7.	Homo xij. 13. xiv. 1. 5. 17. xxvi. 24. 25. 26. vide Fraudulentus & Fictus homo.
DEVS quomodo placandus xvi. 7.	Domus: vide Familia
Cordis inspector xxiv. 12.	Domos altas ædificare xvij. 16. 19.
Auctor auris & oculi xx. 20.	Donum: vide Munus
contra Deum non est consilium xxi. 30.	Durus erga pauperes non exaudietur xxi. 3.
Deus bella conficit xxi. 31.	Dura ceruicis castus xxvij. 14.
Diligentia & Gnavitas xij. 24. xxvij. 10. xxiv. 17. vide Pigritia xij. 4.	Dux imprudens xxvij. 16.
Diligentia abundabit xxi. 5.	E.
Diluculo surgit iustus xi. 27.	Ebrietas xi. 25. xij. 17.
Discendi cupiditas xxij. 23.	Arcanum detegit xxxi. 4.
Disciplina Dei iij. 11.	Fugienda xx. 1. xxij. 20. 21.
Disciplina non negligenda v. 12. xv. 12. xix. 20.	Ebrietatis pœna xxij. 29. 30.
Eius utilitas vi. 23. 24. x. 17. xij. 13. xix. 20. 27.	Eleemosynæ utilitas iij. 3. 9. 10. 27. 28. xi. 24. xix. 17. vide Misericordia
Disciplinam detractanti pœna i. 28. 29. 30. 32. xij. 18. xv. 5. 10.	Eleemosynam dar bona Materfamilias xxxi. 20.
Disimulare nonit prudens xxix. 11.	Eleemosynam dans fit ditior xxvij. 27.
Dives gloriosus xij. 9. xix. 1. xxvij. 11. fictus xij. 17.	Qui negat pauperi egebit xxi. 13. xxvij. 27.
Superbe loquitur xvij. 23. xxij. 7.	Emptorum vitium. xx. 14.
Diuitis & pauperis comparatio xxij. 2. xxvij. 6. xxix. 13.	Equis non constat solum bellum xxi. 31.
Diuitum amici multi xiv. 20. xix. 4.	Eruditio xvi. 20. 22. xvij. 27.
Diuitiæ xij. 8. xvij. 11.	Errantis pœna xxi. 16.
Nimis festinatae xij. 1. 1. xxvij. 20. 22.	Esurien-
Stulto nihil profunt xvij. 16.	

# RERVVM MEMORABIL.

Pauidus, idem beatus xxviii. 14.  
 Pauper contemnitur xiv. 20. xvij. 5.  
 xix. 4.  
 Etiam à fratribus xix. 17. in Dei  
 tutela est xxij. 23.  
 Pauper iniuria non violandus xxij. 16. 22.  
 Pauper mendaci præstantior xix. 22.  
 Pauper modeste; diues superbe lo-  
 quitur xvij. 23.  
 Pauper prudens xxviii. 11.  
 Pauper pauperē calumnians xxviii. 2.  
 Pauperis & diuitis comparatio xxij. 2. xxviii. 6. xxix. 13.  
 Paupertas x. 15. xij. 9.  
 Eius bona xx. 16. 17. xix. 1.  
 Paupertas non exprobranda xiv. 31. xxij. 22.  
 Paupertas à Domino ñj. 33.  
 Paupertatem & diuitias Salomon de-  
 precatur xxx. 8.  
 Peccatum lucerna impiorum xxi. 4.  
 Peccata cur confitenda xxviii. 13.  
 Peccantium vindicta xij. 21. xix. 6.  
 Pœna miseria est xiv. 34.  
 Peccatores vitandi xxij. 17. xxiv. 1. 2.  
 Personarum acceptio xxviii. 21.  
 Pestilens castigatus exempla dat reli-  
 quis xix. 25. xxi. 1.  
 Pestilentes in ciuitate viri xxix. 8.  
 Piger qualis x. 26. xij. 4. xv. 19. xix. 24. xxvi. 14. 15. 16.  
 Desiderio necatur xxi. 25. 26.  
 Se excusat xxij. 13. xxvi. 13.  
 Arare non vult xx. 4.  
 Mendicabit æstate xx. 4. xxi. 5.  
 Pigi ager qualis xxiv. 30.  
 Pigros sequitur paupertas vij. ii. xxiv. 34. & timor xviii. 8. & sopor xix. 15.  
 Pignitia detestanda vi. 6. 7. 9. 10.  
 xvij. 9.

Pignitæ merces x. 4. xij. 24.  
 Plagis stultus non emendatur xviii. 10.  
 Ponderum fraus Deo ingrata xx. 10. 23.  
 Populus infirmus xxx. 25.  
 Potentes coluntur à multis xix. 6.  
 Princeps non violandus xvij. 26.  
 Princeps leoni collatus xxviii. 15.  
 Ab adulatoribus deceptus xxix. 12.  
 Princeps impius contristat xxix. 2.  
 Eius facies xxix. 26.  
 Arcana xxv. 2.  
 Principum sermo qualis xvij. 17.  
 Procrastinatio fugienda xxvii. 1.  
 Prophetiæ defectus xxix. 18.  
 Propria laus sordet xxvii. 2.  
 Prouerbia seu Adagia.  
 Frustra iacitur rete ante oculos pe-  
 natorum i. 17.  
 Bos ad victimam vij. 23.  
 Aquæ furtiue meliores ix. 27.  
 Diuitum amici multi xiv. 20.  
 Prunas super caput congregare xxv. 22.  
 Canis ad vomitum rediens xxvi. 11.  
 Auribus canem tenere xxvi. 17.  
 Nimis emungens sanguinem elicit xxx. 33.  
 Providentia: sup. Dei providentia  
 Prudens dissimulare nouit xxix. 19.  
 Prudens, idem Sapiens xiv. 33.  
 Prudentia x. 23. auro potior xvi. 16.  
 vide Sapientia.  
 Pupilli ne lædantur xxiii. 10. 11.  
 R.  
 Rapiæ noxa xxi. 7.  
 Rex in throno xx. 8.  
 Non irritandus xx. 2.  
 Assentatores alens xxix. 12.  
 Rex impios detestetur xvi. 12. 13.  
 14. xx. 26.  
 Rex iustus xxix. 4.  
 Regis

# RERVM MEMORABIL.

Regis iusti merces	xxix. 1. 4.	&c. vij. 4. æterna est vij. 2. 3. 24.
Impudens	xxvii. 1. 6.	& deinceps. eius vox vij. 4. 5. 6. &c.
Rex impius contristat	xxix. 2.	Dignitas vij. 1. 2. 14. & deinceps
Bonus optandus	xxv. 5.	xxij. 1. 8.
Regis dignitas	xiv. 2. 8.	Vtilitas. ij. 1. 0. 1. 1. 1. 2. 3. 14.
Eiusdem ira vt Leo rugiens	xix. 1. 2.	1. 5. 1. 6. 1. 2. 5. 6. & deinceps
xx. 2. quomodo placanda	xvi. 14.	vii. 1. 8. 1. 9. 2. 0. 2. 1. 3. 5. ix. 9. 1. 0.
Regis lætus vultus	xix. 1. 2.	xiii. 1. 4. xiv. 2. 4. xvij. 4. xxij. 1. 8.
Os quale	xvi. 1. 0.	Eiusdem suauitas xxiv. 1. 3. 14.
Cor eius in manu Domini	xxi. 1.	Robur xxi. 2. 2.
Regum cor inscrutabile	xxv. 3.	Descriptio eiusdem xxij. 2. 0.
cum Rege epulanti quid seruandum	xxxij. 1. 2. 3.	Sapientie domus xxiv. 3.
Regi quis gratus	xiv. 3. 5.	Septem columnis fulta ix. 1.
Regibus vinum non dandum	xxxi. 4.	Sapientia stulta excelsa xxiv. 7.
Reprehensio iusta qualis	xxv. 12.	Sapientia gaudium adfert xxij. 5. 6.
Responsio prudens	xxiv. 2. 6.	Longauos reddit ix. 1. 1. auro me-
Mollis & dura	xv. 1.	lior xvi. 1. 6.
Responsio præceps stulti	xvii. 1. 3.	Sapientie amator xxix. 3.
à Ristulctus	xiv. 1. 3.	Sapientiam odientium poena vij. 1. 6.
Rixæ vitandæ	xx. 3.	Satiato nihil sapit xxvij. 7.
Rixas concitans	xvij. 1. 9.	Scientie dignitas xx. 1. 5.
vt luctus	xvii. 6. xxvi. 2. 1.	Scortum: vide Meretricis.
Rixæ se alterius miscens	xxvi. 1. 7.	Scrutator rerum cœlestium qualis
Rixa suscitatur odium	x. 1. 2. xvij. 1. 4.	xxv. 2. 7.
Rixa sapientis cum stulto	xxix. 9.	Seditioforum arma xxij. 5.
		Senij dignitas xvi. 3. 1.
		Canities xx. 2. 9.
		Sermo Dei qualis xxx. 5.
		Sermo fictus xxvi. 2. 3. 2. 4.
		Opportunus laudabilis xxv. 1. 1.
		Sermo index animi xvi. 2. 4. xxvij.
		1. 2. 2. 1.
		Serpentis in rupe repentis ignota via
		xxx. 1. 8.
		Seruus frugi xvij. 2.
		Delicæ enutritus xxix. 2. 1.
		Seruus regnans qualis xxx. 2. 2.
		Serui fidelis merces xxvij. 1. 8.
		Seruus ne principi dominetur xix. 2. 0.
		Seruum ne temere accusa xxx. 1. 0.
		Serui indociles xxix. 1. 9.
		Silentij vtilitas x. 1. 9. xvij. 2. 7. 2. 8.
		Simplicem qui oderunt xxix. 1. 0.
		Simpli-

S.

Sacramenta Ecclesiæ septem ix. 1.

Salomon suo exemplo ad sapien-

tiam inuitat iv. 3. 4. 2. 0. 2. 1. vij. 1.

2. 3. xxij. 1. 7. xxvii. 1. 1.

Salomon se ipse accusat xxx. 1. 2. 3.

Salomonis votum & præcatio xxx. 7.

Sancti non vorandi xx. 2. 5.

Sanguis filiarum duarum xxx. 1. 5.

SAPIENS xij. 1. 5. 1. 6. xiv. per totum

xv. 2. 1. 4. xvij. 7. xix. 3. xx. 3. 1.

Sapiens doctrinæ studiosus xvij. 1. 5.

Sapiens ac prudens xvij. 4. & fortis

xxiv. 5.

Sapientum labia erudiunt x. 2. 1.

Sapientia 1. 2. 5. 2. 0. 2. 1. 2. 2. 1. 2. 3.

# INDEX.

Simpliciter ambulans x. 9.24. xi. 3.  
 20. xx. 7. xxij. 3. xxviii. 28. ter-  
 ram possidebit xxviii. 10.  
 Sipientē porta vel hostem xxv. 21. 22.  
 Somnus multus fugiendus vi. 10. xx.  
13.  
 Sors tollit lites xviii. 18.  
 Sortes Dominus regit xvi. 33.  
 Spes xiiij. 12. xvi. 20.  
 Spe fallitur infido fidens xxv. 19.  
 Sponsio vitanda xxij. 26. 27.  
 Sponsio seruanda vi. 1. 2. xi. 5. xij.  
18. xx. 16. xxvij. 13.  
 Sponsio stulta xvij. 28.  
 Statera iniusta xx. 10. & 23.  
 Stellio in aulis Principum xxx. 28.  
 Studia puerorum xx. 11.  
 Stultus xij. 15. 16. xiv. per totum  
 xv. 2. 14. xvij. 7. xix. 3. xx. 3.  
 Stultus quis xxiv. 8. 9.  
 Prudentiā repudiat xvij. 2. xxij. 9.  
 Quomodo corrigendus xxix. 29.  
 Incorrigibilis qualis xxvij. 22.  
 Stultus natus xvij. 21.  
 Cibo satur xxx. 22.  
 Stultus tacens, sapiēs putatur xvij. 28.  
 Stultus ad honores cuectus xxx. 33.  
 Eius ira qualis xxvij. 3.  
 Stulto non occurrendum xvij. 12.  
 Respondendum, non responden-  
 dum xxvi. 4. 5. gloria stulto non  
 debetur xxvi. 1. 8.  
 Stulto impone silentium xxvi. 10.  
 Stultum non decent deliciæ xix. 10.  
 Stultorum sermo xxviii. 17.  
 Surdi ad doctrinam 1. 24. 25.  
 Superbus quis xxi. 24. Superbum de-  
 primit Deus xxx. 23.  
 Superbia xi. 2. eius finis iurgia xiiij. 10.  
 xv. 25.  
 Superbiam comitatur dolor, xvi. 18.  
19.  
 Sufurro; vide DetraCTOR,

## T.

Aciturnitas: vide Silentium.  
 Temperantia cibi xxiv. 13.  
 Terra aqua non sariatur xxx. 16.  
 Terræ minima quattuor xxx. 24.  
 Terram turbant quattuor xxx. 21.  
 Testis fidelis xiv. 5. 25.  
 Mendax xij. 19. xiv. 5. 25. xxi.  
18. eius pœna xix. 5. 9. 28.  
 Testis falsus xxiv. 28.  
 Cui similis xxv. 18.  
 Timor Domini xxiv. 21. xxix. 28.  
 Timor Domini sapientiæ principium  
 ix. 10. xi. 33. xiv. 26.  
 Fons vitæ xxiv. 27.  
 Odit malum viij. 13. xv. 27. xvi. 6.  
 Longæus facit x. 27. xix. 23.  
 xxij. 4.  
 Timens Deum laudanda Matrona  
 xxxi. 30.  
 Tranquillitas animi xv. 15.  
 Tristitia, cordis tabes xxv. 20.  
 Turbare rationes domus xi. 29.

## V.

Anitas: vide Mendacium  
 Velox pedibus xix. 2. verbis  
 xxix. 20.  
 In negotiis xxij. 29.  
 Verbum Dei xxx. 15.  
 Nihil illi addendum xxx. 6.  
 Verborum confectator xix. 8.  
 Verus sermo xij. 19.  
 Veritas Regis xx. 28.  
 Veritati studendum xxij. 23.  
 Via ambigua & leralis xiv. 12. xvi.  
25. xxi. 2.  
 Via iusti xv. 19. 24. mala declinat  
 xvi. 17.  
 Impij xv. 9. 19. xxi. 8.  
 Viæ ignotæ quattuor xxx. 18.  
 Vicinus fidelis xxvij. 10.  
 Victimæ impiorum xv. 8. xxi. 27.  
 Victus

# RERVM MEMORABIL. INDEX

Victus frugalis	xxvij. 27.	xxij. 13. 14.	
Viduae domus	xv. 25.	Ne occidas	<u>xix. 18.</u>
Vindicta non postulanda	xxiv. 22.	Virgæ fructus	xxij. 14. <u>xxix.</u>
Vinum luxuriosum	<u>xx. 1.</u>	Viri sanguinum	<u>xxix. 4.</u>
Vinum non dandum Regibus	xxxi. 6.	Voluptatem dolor sequitur	xiv. 13.
4. <u>mærentibus</u> dandum	xxxi. 6.	Vota non retractanda	xx. 25.
Vinum bibendo paupertatis obliuiscimur	<u>xxxi. 7.</u>	Vota iustorum	<u>xx. 8.</u>
Vini poti pericula	xxij. 31. <u>32. 33.</u>	Vfura ditatus	xxvij. 8.
34. 35.		Vulnus	xx. 30.
Virga prudentiam adfert	<u>xxvi. 3.</u>	Vxor propria diligenda	v. 2. 10. 11.
Virga erudi filium	xix. 18. xxij. 15.	15. 16. 17. 18. 19.	

## F I N I S.

### Errata operarum sic corrigge.

**P** Ag. 7. Versu 16. refistis. sed. 11. 4. lege Chida. 17. 19. Sapientiam. 26. vlt. delibuta: 41. 31. Merta chen. 45. 1. Tchomor & Tufchia. 46. 14. Charas. 56. vlt. Salomene. 57. 5. Kene 26. Salflecha. 28. Chabbibiah. 68. 2. Sellurus. 72. 8. mutuo. 100. 15. Nolite timere ] adde Maath. x. 28. 31. in. prime. 104. 24. coitionibus. 119. vlt. subiugauit. 123. 30. siue veneris. 125. 9. Splendidum. 128. vlt. diligit. 146. 6. ignauo. 154. 13. exauctorantur. 164. 12. genus virtutum. 167. 9. fons & origo fci. vlt. iniustitia aperta. 172. 7. imitari. 174. 5. veritatem. 176. 10. examinata. 181. 15. vituperatur. 183. 5. à fine, bonis. anima autem. 188. 12. percipiat. 190. 8. à fine, iustitiam. 1. à fine, blaterant. 192. 11. conuertantur auferantur. 204. 20. nonnumquam ita 216. 7. à fine, moriuntur: ita rudes. 231. 11. ne quid præproperè. 239. 18. Cor sapientis. 249. 23. sensatus. 254. 10. peritigerint ) ita peruersa & c. 255. 15. indicis. 259. 23. calamitates. 265. 18. aperiant. 269. 16. instar aquæ. 280. 5. à fine, fugat. 284. 18. implorant. 289. 24. in peccato. 306. 4. à fine, quo sibi vel aliis. 308. 17. sint intenti. 311. 2. à fine, contopius. 320. 6. iunioribus. 321. 6. appareat. 324. 10. à fine, censetur. 328. 6. à fine, Qui ergo ab eiusmodi. 328. 4. à fine, hac illucque. 376. 15. adfert. 392. 3. utrobique ad loca. 4. à fine, enucleata. 411. 9. à fine, fida, diligentique. 413. 26. timet hominem. 420. 2. à fine, impellere solet. 20. patrem. 448. 14. à pè toti

## SVMMA PRIVILEGII.

**A**LBERTI ET ISABELLÆ Archiducum Austriæ, Ducum Burgundia, Brabantia, &c. Privilegio Hieronymo Verduisio concesso, omnibus aliis typographis & bibliopolis interdictum, ne quis Commentaria ac Paraphrasin in Proverbia Salomonis Theodori Pelsani Societatis I E S V Theologi, intra sexennium typis excudat, aut alibi impressa venalia habeat. Qui secus faxit, confiscatione librorum & alia pœna mulsabitur vt latius patet in litteris datis Bruxellæ 29. Aprilis. 1605.

Signat.

Buschere.







29  
1-6-2

